



BIBLIOTHECA
VNI. JAGELL
CRACOVIENSIS

51556

I


Mag. St. Dr.

P

Biblioteka Jagiellońska



stdr0000383



51556

I

Gram 840

XIV. e. 4.

THE NEW YORK PUBLIC LIBRARY
ASTOR LENOX TILDEN FOUNDATION
155 N. 4TH ST. N. Y. C.

Acquired from the
Library of the
City of New York
Subscribed by the
City of New York


FRANKLIN
TRZEBICKI

1871

NEW YORK

1871

NEW YORK



LVCVBRATIONES ORATORIAE.

Regum, Principum, Antistitum, cæte-
rorumq; Illustrium Virorum Pane-
gyricis & Elogijs insignitæ.

Sub Auspicijs & principe patrocinio

Celsissimi ac Reuerendissimi Principis ac Dñi,

D. ANDREÆ TRZEBICKI

EPISCOPI CRACOVIENSIS, DVCIS SEVERIÆ,

In lucem dari cæptæ

A

P. ANDREA KANON, SOCIET. IESV,

Olim compluribus annis Rhetoricæ Professore.

Anno Pontificis Christi, M. DC. LXXVI.

In Officina FRANCISCI CEZARY, S. R. M. Typ.


A P P R O B A T I O.

L Vcubrationes Oratorias A. R. P. ANDREÆ
KANON è Soc. Iesu, ad eruditi sæculi parem
dignitatem, cæliq̃ue Sarmatici gloriam, cul-
tiore stylo & ingenio concinnatas, intentis accuratiùs
lustraui oculis, & altâ meditatione perpēdi. Opus copiosè
loquentis sapientiæ, & reconditarum literarum plenum;
Magnis Nominibus, quibus immortalitatem præstat, &
Principe Patrono, cuius auspicijs dedicatur, tandem ce-
lebratâ Authoris sui famâ sanè dignum. Igitur cùm suum
illi verum decus & pretium, publica pridem æstimatio,
Orbisq̃ue Censura, in singularibus sparsim impressis atq̃;
editis opusculis contulerit; iterum, vt in vno compactum
Volumine, lucem sibi cognatam aspiciat, Typisq̃ue no-
uis vulgetur, potestatē facio, Anno 1676. Die 30. Ianuar.

57556
1

M. ANDREAS KVCHARSKI,
*Sac. Th. D. & Professor, Canonicus
Eccles. Cathedr. Cracov. eiusdemq̃
Diocesis Librorum Censor.*





Facultas


PRÆPOSITI PROVINCIALIS SOCIET: IESV PER POLONIAM.

Cum Lucubrationes Oratorias, Regum, Principum, Antistitum, cæterorumque Illustrium Virorum, Panegyricis & Elogijs insignitas, Auctore P. Andrea Kanon, Societatis nostræ Sacerdote, aliquot eiusdem Societatis Patres recognouerint, & in lucem edi posse probauerint; potestate mihi factâ ab Adm: R. P. IOANNE PAVLO OLIVA, præfatæ Societatis: Generali Præposito, Facultatem concedo, vt Typis mandentur; si ijs ad quos pertinet, ita videbitur. Cuius rei gratiâ has Literas manu meâ firmatas, sigilloque munitas dedi Cracouiæ, 4. April: Año 1674.

Hyacinthus Koczowski.

Le&ori

Leetori peramico.

 *R*atoria Lucubrationis umbratilem apparatus, ut in solem & publicū proferre, quā amicorum hortatu, quā Maiorū suāsu (qui pro imperio mihi erat) inductus sum. His accessit studium quoquo modo merendi de Religiosa Ordinis nostri iuuentute Rhetoricis incumbentes; si, quā per diu profitebar artem, eius aliquod specimen exhiberem in opere Auctori suo superflite. Impulit praeterea cunctabundum, iactura paulo melioris opellae, & ex iactura metus, ne idem reliquis contingeret, si diutius volatiles inter chartas, quaquauer sum sparse, praeliq; expertes delitescerent. Deniq; mihi dictum arripui: * Effinge aliquid & excude, quod sit perpetuū tuum. Itaq; supinum aliās, torpensq; iam aetate ingenium torsti, extorsiq; id ā me semel, ad quod semper, multorum expectatione prouocabar. Etsi autem (quā docentium quoq; gloria est) cultiora his, eōq; digniora lectu, meiquondam in Rhetorica nostrate Auditores prodidēre, magno eruditorum oblectamento; tamē & origini, unde hi emanārunt riui, suam non de fore gratiam confido: nam pretium, nisi ab aliqua Lectoris aestimatione frustra sperem. Tullij sequacem agnoscent facile Tulliani, in hac ipsa Latini sinceritate sermonis. Illum primis iam inde ab annis, coli amariq; ā me coeptum, sedulā imitatione prosecutus, (ductu Quintiliani) tantum non iuravi in magni verba Magistri. Styli diuersitatem sicubi aduerteris, eam in aetatum discrimina velim conijcias. Florem verno tempori, maturitatem autumno

* Plin. Secund. L. I. Epist. 3.

debent

debent poma; intempestiue præcepta, acerbiores ferunt
succum. Idem Lectori quod viatori plerumq; usu venit: ut
modo plana, modo aspera & confragosa ei emetienda sint. Ro-
manorum disertissimus, in tanta dissimilitudine quam sui dis-
similis? Confer si lubet, Quintianam Roscianamq; Milonia-
næ defensionem, & comperies, tantum eas distare inuicem quan-
tum ver ab æstate, adolescentia ab virili æuo. Et ne à seculi
huius genio prorsus abhorreere viderer, collecto adstri-
ctoq; scribendi genere ita usus sum, ut tamen rerum verbo-
rumq; claritudinem, obscuro acumini & leuioribus prahabe-
rem argutis.


Quod verò dedicatorias ex more præfatiunculas, à singu-
lis orationibus & panegyricis non abstraxerim, sed suo inte-
gras in loco esse voluerim, datum id, & prærogatiua Illustriū
Virorum, ut potè quorum tunc honori velificatum est, nè à
palatijs eorundem sua vestibula auferrem. Datum insuper
commodo Tironum eloquentiæ, ad similia nitentium, ac di-
scientium, mox docenda scribendaq; à se, nisi velint in censoriū
illud incurrere. * Statim sapiunt, statim sciunt omnia, ne-
minem imitantur, & sibi ipsi exempla sunt. Admetam pri-
mi opusculi finitimum Oratori Poëtam admisi, qui solus
per limen vtrumq; Deorum, ius habet, non tam illius licen-
tiæ, quam placito maiorum mentium obsequutus. Caterum
religiosi ubiq; temperamenti memor, neminem ultra merita
indulgentiore pennâ extuli; tam remotus à comminiscendo,
quam à necessitate assentandi. Vale his initiate Lector, &
inualidi auctoris conatum, robusto fauore, ut capisti pro-
moue. Non utiq; nescius: Nullum sine venia placuisse inge-
nium. Seneca, + Iunior Plinius ad Auitum. Ad

Ad Insigne gentilitium suæ Celsitatis alluditur.



Thrax, Aquilæ grauis instat : OLOR cōtra expedit alas,
Hastatamque Sui roboris armat Opem ;
Et belli auspiciū, & neruum laturus in hostem,
Classica, non clangens ore, sed ære, sonat.

Celsif



CELSISSIMI ET REVERENDISSIMI
PRINCIPIS *ac* DOMINI,

D. ANDREÆ TRZEBICKI

ALLOCVTIO PANEGYRICA.



Am olim tritam Scriptoribus
premo semitam. Solenne il-
lis, Illustrium Virorum per a-
tria in animos eorundem in-
trare, vel auctoritatis vel beneuolentiæ
consectandæ causâ; quarum alterâ com-
muniri se, alterâ sustentari gaudent. Ea-
dem & mihi mens, ijsdem itineribus, per
impressa clientium vestigia tendenti ad
principem patrociniij ac tutelæ arcem.
Expugnari illa se sinet facile, immò vt
absint machinæ, pacatis certè studijs, eo-
rumque cultoribus vltro patefcet. Fa-
miliare enim est magnis mentibus, ac
Tibi

ALLOCVTIO

Tibi imprimis Literatissime Princeps,
fouere literas, fauere literatis. Pergat, vt
lubet, ad vmbatica fuorum Elyfia Dux
Troianus columbarum ductu; mihi
auspiciū & omen est gentilitius Olor
Tuus. Paci hæc & Musis amica ales, vt-
cunq̃ue infestas quieti volucres procul
habet, non arcebit aditu bonas artes,
fida Mæcenatis limina subeuntes. Suam
hîc illæ Patriam naçtæ, non solum cõ-
modè, sed indulgenter etiam & prælau-
tè habentur; plurimùm gauisæ, Huma-
nissimi Fautoris, alloquio proficere, in-
terq̃ue eruditæ voluptatis instrumenta
censeri: reddituræ pro hospitio immor-
talitatem, nisi eam aliunde, continuis in
Rempub. promeritis, Tuo nomini pa-
râsses, Assertor pacis publicæ, sub illud
ciuici motûs turbidum, in castris & sena-
culis congeminatus, frequenti confessu

con-

PANEGYRICA

consensuq. Hæc Tibi apud Regni Ordines æstimatio venerationi immista. Vt interim dissitarum gentium testimonia Tuis consona virtutibus, ne verbo attingam, neq; habeam necesse conuenire oracula Urbis & orbis Principū, quorum animis & iudicijs altiùs insedisti, quàm vt à me peruideri possit. quam Tu in eo potissimùm elaboras, vt egregiè factis famam extendas, à Tua ipsius amplificatam persona, quò extraneis terrarum præconijs quàm minimū debeatur. Irem per singula Tuorum operum, nisi me Pontificiæ moderationis Tuæ interdicto vetares. Inferrem me in Sacro-ciuilem curiam, proferrem Tua Vir Experientissime consilia Senatorio meditata prouisu, suadendi vim, coniectandi solertiam, futura tangentem, præsentibus intentam. Mouerem

ALLOCVTIO

deniq; rationum pondera suis trutinata momentis; quid, vel in præsens bono publico statuendum salubriter, vel in posterum prouidenter caueretur. Iustâ itaque partitione & seuerioribus disciplinis, altiora debes prudentiæ effata, debes & mansuetiori literaturæ, vt quæ peritè & sapienter, in comitio mentis intimæ tecum ipse concluseris, ea in publicum, non modò dilucidè ac separatè, sed & copiosè ornatèq; efferre posses, promptâ semper & in medio eloquentiâ. Testor æternos Manes Georgij Ossolinij, ea de Te Curialiû in partem curarum assumpto, solerter præfagientis, quæ postmodum, omni maior præfagitione felici reddidisti euentu; vt quæ Tuo Tu de Lubienio disertè luculenterq; prodidisti, eadē ego, nullâ Lubienij iniuriâ Tibi imputē. An enim quidquam

PANEGYRICA

quam paulò grauioris in commune negotij interuenisse compertum est, cui expediendo, Tua præsentì comitata consilio industria non adesset? *Non fœdera sancita, non pactiones vicinis firmatæ, non rescripta edita, non legati Regiis instructi mandatis, non de publicis rerum momentis ad Ordines relatum, nisi vel à Principe, vel iis, qui Regiæ Cancellariæ summa cum potestate præfuerint, Te prius appellato & consulto.* Nondum Patribus conscriptis adscriptus, & iam omnes togatæ sapientiæ numeros obisse, per ora Procerum ferebâre, secretioris mox Regiæ admouendus arcanis. Generis id nobilitati, & virtutibus Tuis acceptum fers, quòd illa Te nullius non capacem Honoris, istæ omnibus dignum dignitatibus fecissent. Fortunatam enim uerò tam vigili Præsìde Custodèque Diœceseos Tuæ Prouinciam eiusque Curio-

ALLOCVTIO

nes, quos Tuis legibus, Tuis moribus, ita fingis ita formas, ac si eis quandam probitatis necessitatem inieceris; vt non possint non esse optimi sub tantæ disciplina sanctimonix. *Nihil enim ad virtutem efficacius, virtute suadentis.*

Et ne solam periclitanti Patriæ consilij manum porrigeres, præiturus exemplo secuturis, iuisti pedestribus in hostem copijs, tuo ære sic instructis, vt non modò virorum delectu, sed, & annonæ comæatu, cum florentissimis quibusq; certare potuissent, eoque non pertimescere *seniorem quouis hoste famem*, quâ cæteri ante tubas & classica expugnantur persæpè. Appello superstitem MICHAELIS KORYBVTHI Regum Optimi memoriam, cuius desideria subindè prodita, eò gratiores quòd inexpectatâ largitione præuertisti, cum ne rogari quidem sustinens

PANEGYRICA.

niens erogasti, quantum ad leuandam
tunc fatiscentis fisci tenuitatem, op-
portunum fore prospicienter autuma-
res. Satis non erat robusto in patriam
amori Tuo præsidarias, peditum legio-
nes, inermi eneruiq; tunc Reipubl. sub-
misisse, nisi equestribus quoq; Tuorum
alis, in suppetias eiusdem aduolâsses.
Pulchra meritorum gradatione: à lectis-
simo peditatu (iterum iterumque nouis
rebus suppeditato) centurias numerosi
Equitatûs, inde ad Hastatæ cohortis va-
lidum agmen deuentum est; donec mi-
litiæ catafractæ robur, Pontificius belli
neruus daret. Et appositè illi Hastato-
rum delectui, militaris vocabuli Virum
Martinum Cienki impositum voluisti, vt
vel sic saltem Tuum in cordatissimo Ne-
pote sanguinem litares patriæ, cuius vti-
que salute antiquiùs haberes nihil. Au-

ALLOCVTIO

ges itaque regni auxilia modumque auxiliorum, & crescere publicam securitatem iubes dum promoues. Quod Pœno inter prospera belli vitium, hoc plerisque inter fugitiuæ sortis munera opumque affluentiam: ille nescit victoriâ uti, hi ærario, ridiculi monetariæ cultores Dæ, quibus cura potior, nummos conseruandi quàm ciues. *Sterile ærarium est, quod publicis domi militiæque vsibus obseratur. Auri argentiq; congeriem, vilissimis etiam obtingere palàm est. Fortunæ ea sunt auctaria, non auctoramenta virtutis.*

Fuit, quàm Heroïca Reipub. nauis, domestici turbinis vi, correpta delataque in Scylleum, Tuam potissimum imploraret opem. Nec frustra. Tam promptum Tibi erat accurrere quàm expeditum succurrere rebus fessis. Subducta à Te in siccum (diues malorum) regni
onera-

PANEGYRICA

oneraria illisa cautibus perfossaq; per il-
lam tempestatem ventis in dispar con-
spirantibus; verum ad Tuæ fidus purpu-
ræ, *terris redeunte sereno*, alia cœlo facies of-
fulsit. Debueramus hanc optatæ tran-
quillitatis malaciam, non iam Alcyoni,
sed veriùs Tuo Aliti, pænè inter clype-
os galeasq; struenti nidum pacis. Sic
prosperum nauigantibus & belligeran-
tibus omenerat, Tuû vidisse audisseq;
Cygnum! Dulce enim uerò ac lætum
celeusma! sed heu! infestis lituorum fo-
nis illicet obruendum. Et composue-
rat sese in tantæ reuerentiam auctorita-
tis, iratus alioqui Mars, armisq; circum
strepentibus, silentium manu indicens,
ad mitiora se traduci gauisus est; nisi ite-
rum exlex discordis Æoliæ seditio, de-
cumanis fluctibus prætoriam verberâs-
set Argo: forbendam, nî Tu gubernacu-

lo tunc

ALLOCVTIO

lo tunc adfistens, prehensò scitè clauo,
tumida Argonautarum vela aliò minā-
tia, aliò obliquāsses. Quod *Ambrosius*
Gratiano, *Bonifacius Theodosio*, *Arcadio Chryso-*
stomus, hoc Tu extra inuidiam, non extra
gloriam IOANNI CASIMIRO. Meritò
itaq; alter tunc Patriæ parens, militari
præconio per tentoria conclamatus es,
læto ad ea Principe, nihilq; non tuis tri-
buente consilijs: quorum fructu, si di-
utiùs vti eidē, fatis obstantibus licuisset,
profectò nubes illa civilis iræ spiraculo
conflata, nunquam in cædes & sangui-
nem ritu *Pharſalico* redundauisset, tristi ac
detestando ad minores exemplo.

Quid hîc autem ferali nuntio con-
uulneratas Tibi aures, & suffixum do-
lore pectus attrectem? ob factum iuris
hostici Camenecum? arcem illam orbis
Christiani munimētum inexpugnabi-
le per-

PANEGYRICA

le, perarduâ naturæ molitione admirandum! Quod, ne citiùs furori Saraceni-
co cederet, obstinatae Tuorum debeba-
tur fortitudini, irremissâ pilarum ennis-
sione, assultantibus Thraciæ emissariis
noctes diesq; obnitenti, ne, illis adhuc
stantibus caderet Troia illa, tot: retro se-
culis hostilitati inaccessa! Ergo dedi-
tam perditamquè urbem, secuta è vesti-
gio sacrorum clades: *aræ euersæ, pulsi delu-
bris administri, signa Cælitum deturbata, proculca-
ta: Deo Diuisq; dicatæ ædes, spurcissimis Mahu-
meti inquinatæ fanis! Demùm abditis Vestaliû pene-
tralibus infusa barbarorum colluies, nihil sanctum,
nil pudicum liquit, per adyta templorum (prò scelus)
stabulantibus latè equis! Hinc insomnes Ti-
bi mærore noctes conglobata fecêre in-
fortunia! Hinc singultientis animæ te-
stes lacrymæ, hinc gemitus & suspiria
per intimos cortinæ sinus eluctata! Ni-*

ALLOCVTIO

mirum læsi Numinis contumelia, omni telo violentior, altius infederat præcordiis, quàm vt extra-
 bi quantàlibet arte posset. Non nisi Romanæ
 medela purpuræ cordi faucio adhiben-
 da fuerat: Eminentissimi videlicet
 Cardinalis Francisci Barberini literæ,
 humanissimæ suauitatis delibutæ succo.
 Placet familiaria hæc reciprocae volun-
 tatis missilia fidelem auctoris in paginā
 transscripta, consequētis æui memoriæ
 commendari. *Illustrissime ac Reuerendissi-*
me Domine. Quòd Dominationis Vestræ Illu-
 strissimæ, post triginta annorum ac supra decursum
 memor sim, id vellem meæ nequaquam humanitati,
 sed suis ipsius attribueret meritis: hoc mihi tamen
 laudis indulgendo, quòd illa cognouerim, adamārim.
 De rebus autem Polonicis, nihil mirum est, me esse
 sollicitum: ea enim est istius regni conditio, vt vix,
 (si humana tantum respicimus) ipso, quod Deus a-
 uertat, subuerso, Christiana Respub. stare posset.
 Sed

PANEGYRICA

*Sed meliora auguremur, & quæ Polonorum debita
erga patriam pietas, & bellica nationis virtus,
periculis cunctis maior, felicia pollicentur. Ha-
bet Dominatio Vestra Illustrissima quid optem, quid
sperem, & quid etiam à Deo perpetuis precibus con-
tendam. sed hoc insuper velim credat, me talia sæ-
pissimè agitantē, nunquam animo cecidisse, præser-
tim cum sciam, quàm munita sit Polonia Sapientibus
viris, inter quos maximè emicuit & emicat Domi-
natio Vestra Illustrissima, cuius semper suspexi sum-
mam & religionem, cum generosissima claritate &
perpetua coniunctam: quarum argumenta clarissi-
ma, & imitatione digna dedit, tam in administrati-
one sui Episcopatus, quàm in procuranda Reipublicæ
& regni incolumitate. Interim ut me Dominatio
Vestra Illustrissima amare pergat, & suis præterea
mandatis volentem exerceat, iterum atq; iterū peto.
Hoc sanctioris Atticæ temperamento,
Barberinæ Apes amico vulneri officio-
sè medicantur.*

ALLOCUTIO

Nusquam tamen luculentius enituit,
extulitq; sese altius Tua indoles, quam
in campestri illo Sarmaticæ libertatis
theatro; quum erepto fatis Primatæ re-
gni, primus in oculos & ora Procerum
incurristi, pleno suffragantium assensu,
dignus qui curâ principe, grauissimo E-
lectionis Regiæ negotio adesses, & præ-
esses, par tanto futurus muneri oneriq;:
vt qui longo Curia magisterio, publi-
cis exercitam functionibus ætatem exe-
geris. Obruisset nonneminem hæc
Tuo incumbens capiti rerum moles,
nisi præualidis veteranæ experientia
humeris infedisset. Habe igitur, quod
Tibi peculiare ac proprium, res & fama
indidit POLONICI ATLANTIS præno-
men, vleo officii titulo, quod Reipub.
studiis curisq; in te vnicè inclinatis, v-
nus omnibus integrè strenuèq; suffecif-
ses.

PANCGYRICA.

ses. Vniusne ingenio hominis prehē-
di confieriq; potuisse rear, hæc tam va-
ria tam diffusa? Deliberantium cætibus
assidere, moderari suffragiis, adire & adi-
ri, visentibus occurfare. Adde momē-
ta legationū suis libranda ponderibus,
& quā perspicacis prudentiæ, quā prom-
ptæ comptæq; eloquentiæ sustinenda
adminiculis. Quanquam Tu non ita
rarò videras audierasquē Principum O-
ratores, vt non, eorum vota & opinio-
nem celeritate expeditionum facile su-
perares, calami & Suadæ acie procincta
semper. nequē alias profusiore opum
impēdio, quā vbi decus Poloni: nōmi-
nis, aut tuendum aut propagandū foret,
magnifico in publicum paratu.

Regnorum & Regum arbitra, æter-
na mens, eam patricijs Electoribus mē-
tem indidit, vt qualem ipsi destinarent

ALLOCVTIO

animis, votis conciperent, talem diuinitus indigitatum legerent IOANNEM III, inexpugnabilis abhinc Poloniæ Tutelare SCVTVM: quodq; Tibi ad famæ solennia celeberrimū Tuis ritè auspiciis Tuā Pro-Primatis voce renūtiatū, fausta lætaq; omnia cōclamātibus vniuersis. Vt nec mihi integrū fuisset, entheū cohibere impetū, quin cōpendio bellanti vinctiq; Principi acclamāssem :

Præliamomentis constare negauerit ille,
Qui Thracum ter dena, duas prostrata per horas
Millia, finitimi propter iuga celsa Chocimi
Et Dacicum rubuisse Tyram de cæde Gelonū
Hactenus ignorat. Pariat Cunctatio laurum
Torpenti Fabio, Romanum robur in arcto
Victricesq; Aquilas velut obsidione tenenti,
Haud dubios campi dominā spondente triumphos.

Tuta timens, rarò posuit vel serò trophæum.

Ex celeri præcerpta placet Tibi Laurea Princeps
Dedignate moras, Casuq; facessere iusso,
Bella geri virtute docens, animisq; manuq;
Non numero: numerum supplet vis prodiga vitæ,
Et tumulo speratus honos, & fama superstes.
Sed hæc alias maiore præconio.

Quid

PANEGYRICA.

Quid, quòd *Ædem Opis* extra veterum
commenta apud Te inueniant, non mo-
dò Religiosæ familiæ, sed omnes omni-
no calamitosorum cætus, repulsæ nescii,
in tanta Tuarum facilitate admissiõnũ!

Auditi quicunq; rogant; tametsi Tu vota ro-
gitãtiũ præcurrens, vltro occurras anti-
cipatis egentiũ querimonijs: quò dan-
tis hilaritatem committas cum celerita-
te largientis. Parum erat explicatæ
menti, exporrectæ dexteræ, in com-
mune liberalem esse, nisi tenues quoq;
priuatorum lares, exploratrice miseri-
cordiã percurfares, & nec oranti-
bus opem ferres. Norũnt quid di-
cam, deserti à fortuna, sed à Te commo-
dũ eidẽ restituti. Assertioni lucẽ non
affero, tenebris & silentio commissa à
Te, præmissaq; æternitati non euulgo.

*Arduum sanè artificii genus est, nòsse & posse celare
beneficium!*

Quin

ALLOCUTIO

Quin & minimam IESV Coloniam
Apostolica Principis Petri limina incolentem Cracouia, a Tua exclusam beneficentia noluisti; quum diuinæ præsidē Sapiientiæ Theologiam, eiusdemque alumnos, angustè hætenus incolentes, amplissimo dignatus es domicilio. Prodigii simile dixerim, vt omni celerius opinione, laxatis properè spatijs, magnificè operosa moles ad culmen deducta sit, & coronidū gratiarum: nisi quòd Tu & gratias a Clientibus haud repossas, quibus ad remunerādum nihil suppetit, præter grati memorisq̃ue animi voluntatem. Felix qui ad Tuæ arcæ fortunæ, Clauicularium cæli admiseris, lucro id appositurus, quidquid in solidam Petri fidem exposuisses. Si quid ex Te, illius gazophylacio accedet, non decedet Tuo. Quod his Petræ foraminibus

PANEGYRICA.

bus committitur tutum crede. Lacum
hic ille Piscator suæ immò nostræ feli-
citatís reperit Genezaretico ditio-
rem, in quo haud vnum expiscatus staterem,
non iam retia, sed mœnia ducit in altum!
Olim Taborino in monte terna trium-
uiris receptacula structurus, intempesti-
uæ molitionis curas, usque huc distulit,
trātulitque in Te; vt felici rerum con-
uersione, architectanti munificentiae
Tuæ, nobile facessens negotium, fabri-
lem dolabram, cæmentaria commuta-
ret trullâ. Fatis hoc & Lancicianæ præ-
sensionis oraculo debebatur, vt de Tuo
poneres *Domum Cephæ* eiusque domesti-
cis, æternaturam, quia perennioris Ca-
pitoliij firmissimo superstructam saxo.
Quotquot istarum inquilinos ædium
numeraueris, totidem viuos spirantesq;
doctarum mentium obeliscos Tuo Ho-

ALLOCVTIO

nori assurgentes, ac locuturos etiã Tua
decora, ne vocem à Memnone mutuē-
tur. Porro dati à Te acceptique ratio-
nes ad calculum non exigis, clientelaris
debiti censu ad Te sæpius redituro.

Quantum nunc Theologicæ facultati
splendoris à loci amplitudine accedat
necessè est? dum obscuris eluctata angu-
stijs, patientiore cœlo & sole fruitur, libe-
ralius admissum intrò diem, sibi suisque
competitoribus gratulata. En vt vultu
& cultu lætior, Deo diuinisque propius
inhæret, quò remotius à tumultuantium
strepitu abductam se gaudet, iucundo è
rebus humanis excessu, hoc in recessu
potitura. Et quidni voti compos tri-
pudiet? postquam suas hîc delicias intra
diuinioris Athenæi adyta reperiens, o-
mnia vsu commoda, visu amœna, situ
opportuna, & quâ conclauibus distincta,
quâ

PANEGYRICA.

quâ oratorijs separata, promptuarijs instructa, omnia denique cumulatae necessitatis modo finita miratur, indulgentissimi Principis genio, cum ingenijs artificum certante vincenteque.

Iam verò hæc atria, notis emblematum, & symbolicis reconditæ eruditionis insignienda argutijs, hæc porticus, hæc ambulacra arcuato longe tractu prolatanda, quid nisi celebritatem & frequentiam plausumq; disputatrici Theologiæ pollicentur? Quanto nunc & ipse gaudio circumfluis ô Præsul, Tuæ superstes, dicamne æternitati; quam in eximio opere exstare voluisti. Nihil in eam tēpori, nihil cæli iniurijs licebit. Perennabit inexpugnabile ætate saxum Romanâ assonante lyra.

Assurge moles numine prospero

Guinifus è Soc. Iesv.

Æquans Olympum, sed Domino minor;

ALLOCUTIO

Quantumlibet crescas, Patroni

Nunquam animum meritumq; vinctes.

Quod ad loci indigetem attinet, Tua is
ornamenta in suis numerat. Cæptis
à Te, iamq; vt plurimum profligatis fa-
uet fauebitq;, donec illustre opificium
summo fastigio, & Tua pariter coro-
nes vota. Ne dubita, *Filio Columbæ*, re-
dè cum Tuo cōuenire Cygno; qui Tua
verecundus

Munera sitaceat, vocalia saxa loquentur.

Quoties igitur sera ætas, Sigismundia-
næ maiestatem Basilicæ nôlle gestiet
spectareq;, toties illa memoriæ homi-
num sine Te non recurret. Regiæ &
Tuæ pietati vètigales effecti, *Sigismun-
do III.* prægrande delubrum, Tibi, con-
termina commissaque delubro claustra,
an castra DEI debemus. Castra in-
quam, Angelici Doctoris ductorisque
nutum

PANEGYRICA

nutum liberè secuta, & inaccessâ caligine tuentem sese Deum, Aquinatici pectoris eductura in Solem.

Argumentum lucubrationis, Tuæ Celsitudini acceptum fore non ambigo: Reges, Principes, Antistites, cæterosq; magnorum capitum vertices complectitur.

Habes hîc Vladislaum IV. nec non Joannem Casimirum, germani sanguinis augmentum par; quorum alterius præalto de Te iudicio, alterius beneficio insuper auctus, signatoriam regni gemmâ, Pontificiâ Cracij Flaminis exornâsti mitrâ; prono semper in Principem obsequio, fideq; etiâ aduersantis fortunæ ad lydium exploratâ. Testis basilica illa Casimiriani Sacelli moles, Te operi instante urgenteque ad summum de-

ALLOCVTIO

ducta, & illud Diuis Regum Manibus
inseffum vndique Mausoleum, quid a-
nimi Tibi in Principes regno functos
& vitâ. Ita dum supremo Regiæ vo-
luntatis obsecundas placito, simul pa-
rentali in Casimirum pietati indulges
Tuæ, simul æterno Sarmatiæ dolori arā
ponis. Permitte ô Præsul, vt illam po-
sthumæ Honoris memorem cælaturam,
marmoralibi à Te positum, hîc pagina
à Te pariter animata loquatur orbi :

D. O. M.

JOANNES CASIMIRVS Sigismun-
di III è Constantia Austriaca Filius Po-
loniæ Sueciæq; Rex,

Quantum in res humanas fortuna, quantum infor-

tunam

PANEGYRICA

tunam possit virtus, Vnus suo plurimum exemplo docuit. In ipso Regni aditu, prægrandem subiit immanium bellorum molem: hæc simul ac diademate coronatus, Cosacorum primò rebellium, ac Scytharum; tum Moschorum, Suecorum, ac Principis Trāsylvaniæ, ingentibus undiq; vno impetu bellis occupatus. Regno pænè amisso Rex ac victor, magnitudine animi & constantiâ inuictus, victis domitisq; hostibus, de ipsa inprimis fortuna triumphauit.

Deniq; quod proscriptâ Hæresi Arrianâ, quod Clementiâ insuperabili in hostes, aliisq; maximis, Principis Christiani promeritis pacisci voluit, stabile olim aditurus Regnum, terreno spontè cessit 1668. in Comitibus. Ac demùm Anno 1672. 17 Decembris, ætatis suæ 63, vitâ mortali decessit Niuerſi in Gallia. Vnde eius Cineres **ANDREAS TRZEBICKI**, urbis huius Episcopus, in hoc Regium Sacellum transferri curauit & condidit. Regi & Domino suo optime

meri-

ALLOCUTIO

merito, mæstissima Polonia posuit.

Sic a fatali postliminio, Te auctore
Te duce redux in patriam Parens pa-
triæ, restituitur Regno Princeps, Re-
gali busto ingens depositum, Mausoleo
à se condito habitator, Paternis Frater-
nisque Cineribus cinis additus, reddi-
tusque orbatae Ludouicæ Consors: Te
nimirum intercedente vetanteque, ne,
triste fatorum diuortium sentiret vel
in urna. Nec mirum, obstinatissimo
luctu parentâsse Te CASIMIRO, quē
constantissimo cultum à Te officio me-
minisses, oculis atq; animo circumla-
tum Tuo. Ita q; velut in domestico fu-
nere doles intimè, altiùs q; expendis do-
lendi causas; in tantum, vt exhaurien-
do dolori Tuo, nec primæ omnium Or-
dinum sufficiant lacrymæ nec secundæ!

Tuus

PANEGYRICA

Tuus tot nominibus Casimirus, Regi
primū Serenissimo IOANNI III.
Sarmatiæ bono, recēns Coronato Mar-
ti, debet splendidissimæ humationis
pompa, cui de sua etiam affudit Sere-
nitatē, humanissimo comitatu sui Præ-
cessoris Regalem profecutus Vmbra.
Debet iuxta & Tibi redintegratæ com-
plorationis ferale classicum, densata a-
gmina, cætus pullatos, incompta signa,
inuersa ad mærorem arma, plateas &
compita mæsto cantu & lituis personan-
tia. Debet tot centurias ritu lugubri o-
perantium ad aras, piisquē Manibus, be-
nè comprecantium Sacerdotum; totq;
præterea Infulatorum apices & crebra
lumina Senatūs vtriusque, ipsum quin
etiam iusta inter exequialia cereis & fu-
nalibus auctum diem! Omnino me-

ALLOCVTIO

morabilem orbi fecisti metaphoram;
dum illum extrarii tumuli, triennem
inquilinum, hospitali è Gallia, natalem
in Poloniam transtulisti; adeoque Ni-
uersum: Cracouiâ, Ligerim Vistulâ,
tumbam denique temporariâ, æterno
domi permutâsti conditorio: quòdque
coronamentum rei est, Supremis CA-
SIMIRI, Vocē impendisti Cygneam!
Non ætate, non valetudine tenuissimâ,
non hyberni austeritate algoris prohibi-
tus, quin Te sub aspectum dares, in quo
cæterorum erga Principes beneuolen-
tia metiri sese, & probare pietas possit,
in principe illo Metropoleos Regni de-
lubro, Diuûm trophæis, Regumque e-
xuuiis longè inclyto. Par enim debe-
batur auditorium purpurato Encomi-
astæ, vno in funere, geminis Regibus,

vedi-

PANEGYRICA.

vectigalem persolvente Suadam; illâ
ipsâ facundiamoris affluentia, spiritum
& vocem animante, nisi quòd *doloris elo-*
quentia sit, ægrè loqui.

Hic demùm voti compos acquieuis-
se aliquantulùm visus es, cùm augu-
stus ille exul, auito Suorum & suo illatus
est monumento, cui aliquis inscribat
Vates:

Hoc lageloniacæ propaginis Vltimus Heres,

Marmorei posuit grande laboris opus.

Tot Regum Cineres, tot Pignora cara Tuorum

Colligis augustâ Rex CASIMIRE domo!

Haud erit vna satis, tot Maiestatibus Ædes,

Pro quibus angustus, quâ patet Orbis erat.

Tradet igitur posteris, impressam à Te
omnium animis, Typisque expressam
CASIMIRI memoriam testis pagina,
Tui Nostrique Principis FVNEBRI
LAVDATIONE cõsignata. Ora vul-

ALLOCVTIO

tusque Heroũ, penicillo Timãthis, aut
cælo Polycleti, at victuræ mentis effigi-
es, stylo Tullij, aut pleetro Maronis exa-
rantur. Hoc Orientis domitor Ale-
xander, hoc Cæsar, hoc veterum Re-
gum nobilissimi sensere; *nec aliam speraue-
runt triumphis suis sortem, quàm, quæ ex erudi-
torum scriptione contigisset.*

Adsunt Nicolaus Prazmouius Ar-
chi-Præsul, Tui quondã studiosissimus,
vel eo humanitatis genere, quòd Te au-
spicatò inaugurante, maioribus aris ad-
motus, caput sublimi tiarâ, manum sa-
cro scipione impleuerit, postquam o-
mnes prætoriani laboris numeros ex-
plèssset. Adest (quem coronati in Fi-
lio honoris causâ nomino) Ieremias
Korybuth Wisniowiecius, Dux in Wi-
sniowiec & Lubnie, terrarum Russiæ

PANEGYRICA

Palatinus, vir gestorum gloriâ incomparabilis. Augent lucem infulata Si-
radiaæ Tuæ lumina, Mathias & Stani-
slaus Pstrokonii, Tuus in tanta paren-
tela sanguis. Porauiana hæc Rosarum
germina *Buzenii incrementa satûs*, conge-
nito Adalberti Mart. cruore interfusa,
pretium operæ & gratiam (quam Au-
ctor non conciliat) adspirabunt; ean-
dem & Tibi referent, quòd Te annu-
ente, prælo pressa, fragrantissimum or-
bi inhalent odorem. An ego & Ca-
simirum Czartoryscium, quâ Archi-
præfuleâ quâ Ducali insignem mitrâ,
Tibi & voluntatum & studiorum Ro-
mano nexu coniunctissimum à Te dis-
iungerem? contubernio familiarem, ho-
nore Collegam. Equidem mihi abun-
dè suffecerit ad votum, quòd Tuis po-

ALLOQVITIO PANEGYRICA.

tissimùm impendijs, ad compendia tantorum nominum his inscripta folijs, prælargè vti volueris. Vale Vir Sapientissime, norma Præfulum, Cleri decus, Patriæ fulcrum, egentium leuamen. Vale inquam, & Nestoream serò, quam mereris ætatem imple : quò diuturnâ Tui incolumitate, sua Reipubl. quàm diutissimè salus constet.

Celsitati Vestræ Illustrissimæ ac Reuerendissimæ

Deuinctissimus

Cultor & Seruus

Andreas Kanon è Soc: IESV.

ORA.

ORATIO

*In Solenni Studiorum instauratione, more institutoq;
Societatis LESV, dicta Sendomiria, in Aula publica.*

Anno 1647. Kalendis Septembri

Auspiciatò Patrocinantè

ILLVSTRISSIMO. ac REVERENDISSIMO DOMINO

D. CASIMIRO CZARTORISCO

Canonico primùm Cracouieñ. mox Posnanieñ: Vladislauieñ Epò. tùm Regni Primate Primoq; Principe.

Recognita Auctaq; Anno 1675.



In Gentilitium schema Ducum CZARTORISCIORVM.

Quò, rapido properas Eques effusissime cursu?

Quò cataphracta ruit dextra, mucrone minax?

O bene: Thracas habent elato Fata sub icu,

His, celer ut gladium porrigat, urget Equum.

A

ILLV.



ILLVSTRISIME ac REVERENDISIME PRINCEPS.

Humanitatis Tua Per excubias, ad generis & Sapien-
tia Principalis euado patrocinium. Nondum enim
sic me protexi calamo, ut non egerem, contratemporum
(si non hominum) iniurias, munimento. Gentilitij E-
quitis Tui ista est felicitas & Virtus, ut armatus, re-
rum vices vel proterat obuias, vel post se relinquat sequaces. At pede-
stri, quæ mea est, Oratione, celeritatem obliuionis non effugiam, et si
ijsdem itineribus contendero quibus ille. Expeditior ad palmam cur-
sus Cataphracto illi, quàm mihi ad metam Oratoris; acriorq; est gla-
diorum vis, quàm verborum. Nemo stricta dictionis vibrantem sic po-
luit aciem, ut suam ei nigra anima fuliginem non allinerent. Mihi
verò & illud periculo, quòd Secula inter se de laude Eruditionis com-
miserim; cum tamen Etatum quoq; odiosa non possit non esse com-
paratio: quantò magis si vnā alteri præferri contingat, Sed me hoc
metu absoluit, maiorum gentium innutrita ingenijs, Tua Princeps
Literatissime eruditio, quā hoc Orationis velut in campo, iudicem
eruditi certaminis accersui. Non accerserem autem? qui raro Prin-
cipum exemplo, Sacram Ciuilemq; eruditionem, Regio natalium San-
guini miscuisti. Quæ tam abstrusa vetustatis religio, aut Ægyptio-
rum subtilitas, in quam non animo penetraueris? Quod Ethicorum do-
gma prodijt, à Te diutiùs ignoratum? Ecquis auctor ab ingenij &
argumenti præstantia insignis percrebuit, à Te non cupide arreptus,
non studiosissimè euolutus? Hinc tanta Tibi cum Augustino, Chry-
sologo, ceterisq; familiaritas, tanta cum Theologis consuetudo, quan-
tam deinceps in circulis & exedris obstupuimus piè sapienterq; diffe-
rentē! eo animorum motu, qui felicitiùs ex vita & moribus Oratorum
duci-

3

ducitur. Prima hac bonorum Principum laus est: aut pro Deo agere, aut de Deo. An ullam est Cracouia delubrum, quod Tui luce nominis, quod samâ sanctioris facundia non impleueris? ulla Philosophantium controuersia? quibus acerrimus non intercesseris disputator? Nec erat quisquam illo litigantium in agmine, qui ad tam perspicacis intelligentiæ caligaret Solim, vel ipsius lucernam Cleanthis haud dubiè inumbraturum. Habemus philosophantes (supra quàm optaret Plato) Principes: ut non in pallio tantum squaleat, sed in paludamento etiam effulgeat Sapientia. Credentne posteri, ab exteris reducem, (vnde permulti hederam aut myrtum extulere) Te lauream paternæ domui intulisse? ne à victore gentium populo non laureatus redisses. Ducali Mitra Theologicam adiecisti, quarum illa Te Principem, hac doctum ostenderet: idèq; illarum alteri, magni Sanguinis, alteri magnæ Mentis deberes testimonium. Fruere his gloria insignibus à Te partis, còq; carioribus, quò remotius à fortuna arbitrio disiuncta, totum ex Tua habent industria, nihil ex casu. Leuis eorum apud te estimatio, quæ citra magnas ingenij impensas facillimè parantur, vel obueniunt suâ sponte. Idcirco, nec Scholasticam à Te Laurum ex facili decerptam voluisti: cum re & factis probares Italia: præaltam Polonorum indolem altissimis quoq; facultatibus parem esse; neq; exponendum quidquam, in Romana emporio Sapientiæ, tam carum, tam excellens, quod aureæ Libertatis homines non celerrimè licitentur. Sed præfari hic præse, erat animus, non diffusius Te affari. Alterius id negotium loci fuerit, ac temporis. Interim Te Æternitati deuoueo, quam Tibi Sacri Doctoris Annulo, Princeps Theologus iam pridem despondisti.



(S)(+)(S)

O R A T I O

Non ferendum Polono Equiti, Erudito Seculo rudem esse.



Sextilium feriarum ludis, literarium redeuntibus ad ludum, moris annui prolusione occurro Auditores, genere, & humanitate præcellētes. Et occurro quidem salutanti similior quàm hortanti. Neque enim hīc Sapientiæ aut Musarum desertoribus itur obuiam, qui se ad Mineræ tribunal, non duci, sed trahi, non pellici, sed impelli patiantur. Nusquam liberius artes liberæ, quàm apud gentem Liberam frequentantur, nec liberalius habentur extra Poloniam, quæ liberalibus innutrita ingenijs, cum nihil infra seruitutes animas ducat vilius, mortem seruituti præeligit. Omnes hīc Theopompos, neminem Ephorum inueniat Isocrates, qui se calcaribus in Ephoro, contra autem in Theopompo frenis uti solere dictitabat. De vestro lectissimi scientiarum Competitores, nobili ambitu, scio quid sentiam, quid statuam, nihil concludo. Actum agerem, si flagrantissimo flammam pectori, faces animo, alas alacritati, stimulos currentibus adderem, animatissimos animarem. Sistendi mihi propemodum, non vrgendi videmini. Quæ enim vndequaq; commeantium tam cupida concursatio? quæ maturantis æui præmatura indoles, & se iam sentiens mentis robur? qui ardor in oculis? quæ in vultu festiuitas? quod in ore tripudium? Conuolâstis velut ad Imperatoriæ sonum buccinæ, recēns auctorati, sat meriti, necdum emeriti ex integro Veterani. Augusti nominis mensis ille ostentauerat vos duntaxat, non donârat paternis laribus; repetundarum etiam accersiturus, ni ad Septembrium primordia Kalendarum opportunè redissetis. O stipendiarias pacatæ militiæ legiones, ad perexigui v-

sum

IN RENOVATIONE STUDIORVM,

sum temporis manumissas! O feriantis adolescentiæ breues, nimium inducias! Recefferatis ad æstiuæ hybernæ Campaniæ faustiora, vt acrius contra ignorantiam calamos stringeretis, quò, (Tragœdi ex mente:) post multa virtus opera, laxaretur tantisper, seq; ipsâ remissione intenderet. Deditis aliquid genio, ne quid postmodum negaretis ingenio. Redit videlicet si Papinio credim⁹, *Maiores post Otia Viri*⁹, ipsâq; cessatione incitator. Et erat Vestrum haud nemo, quæ mirificè iuuaret, cum Lælio aut Scipione rusticari: dum rusex vrbe tanquam ex vinculis euolauissent, atq; Conchyliæ ad Caietam & Lucrinum legere consuissent. * *Vt quemadmodum volucres ab operosa molitione fingendi struendique nidos, ubi aliquid effecerint, passim ac libere spantur*; ita curarum & palæstræ pertæsi cætus volitare prægestiunt; iamq; venari cum Domitiano, piscari cum Nerone, Pharû è cõchis struere cû Caligulâ, prædere inter arbores cum Traiano, & modò colles obequitare cum Carolo V. modò partiri areolas in horto, & inuitatu Diocletiani, culturæ arborum manus Palladio assuetas operi commodare. Namq; Tullio *Liber haud videtur, qui non aliquando nihil agit*. Quanquam ego facilè crediderim, Vos tempestiuæ hactenus Quietis sic litasse, vt suam quoque Labori victimam reservatam esse volueritis: tantum pilæ & curriculo indolisse, vt cum maximè vacassetis, tamen nec in otio otiosi fueritis. Vsq; adeò vobis vel extra urbem urbanitas, vel inter delicias hortenses Hortensius, vel inter aratorum rastra, Oratorum rostra subinde recurrabant. Quid igitur? Commendem humanioris literaturæ suauitatem? cui iam pridem citra fastidium insueuistis. Cohorter ad studium? pulcherrimâ sciendi cupidine arrectos. Quin potius, (quando omnia attentionem & silentiû pollicentur) ad vestræ auctoritatis Comiticia memet recipiam, disseramq;: *Haud ferendum Polono Equiti, Erudito Seculo Remesse*. Illud in primis ab hodierno Studiorum Edituo, Diuo Agidio, preceaus vnice, vt mihi pro Erudito Seculo, apud eru-

ORATIO HABITA,

ditas aures dicere incipienti, digna officio quod sustineo, digna expectatione Auditorum, ad finem vsq; eueniat peroratio.

Quantum mihi negotij vltro imposuerim, vos intelligitis, ego sentio Auditores. Principio enim, Eruditum esse hanc tempestate Seculum, tacite professus sum, quo quid praesentius ad inuidiam antiquitatis? Telum in me torquendum priscis porrexeris seculis, totam sibi eruditionis gloriam vendicantibus; vno hoc titulo, omnium aetatum linguis & acuminibus configendus, quod immissa velut falce, in alienae possessionis facultates inuolauerim. Attollet intermortuis e cineribus caput Gracia, & septena Sapientum ora laxabit, veteri potentior prauiudicio. Ille quondam dux & pater Sapientiae Socrates, quasi pro violatis Maiorum sepulchris, motas in me legiones centuriabit. Xenocrates Academiam, Aristoteles Peripateum, in alas & cornua explicabunt. Educet agmen geminum Antisthenes, hinc Cynicos, inde Stoicos, ipsa duratos patientiam, & acerrima tolerandi obstinatione inuidios. Tametsi illos ego minus verear, quod cum omnes affectionum fibras ex homine sustulerint, irasci & succensere non possint. Illam reformido aciem, in qua, Duce Demosthene, Lysiam, Isocratem, Aeschynem, Themistoclem, iurata Suadae & Marti pectora, pro eloquentis fama seculi eminens & cominus pugnare video, iamque detonare eloquio, micare sententijs, perorationibus fulminare, & multiplicis allegoriae eleganti discrimine, nunc deuolui more fluminis, nunc more fulminis obuia quaeque; celerrime afflare, findere, fundere, extirpare. Taceo non tacenda belli robora, arbitrosque; Lycurgos & Solones. Praetereo Pythagoram, Democritum, Anaxagoram, qui etsi maioribus eruditum non accepissent seculum, ipsi fecissent. Nam quis ad triariam illam vim non penitus cohorrescat? Platonem aio, non ore vastiorem, quam ingenio, Xenophontem, vulgo Musam Atticam nuncupatum, Zenonem casum & punctum ferientem. Adde his ingentem Theophrastum suae

con-

IN RENOVATIONE STUDIORUM. 7

concolorem nomenclationi, supra duo millia discipulorum numeratē. Quid illæ cohortes auxiliariæ, Erethricorum, Pyrrhoneorum, ? quid reliqua gregariorum præsidia, nonne pro erudita suorum temporum canicie arma conclamant ?

Vnum genus aduersariorū est imbellē, voluptuariū, luxu & ganeis emollitum, qui se Cyrænaicos appellant sapientes. Miseret me tui Aristippe, qui huic familiæ daturus nomen, admitteris in te voluptatis patrocinium; cūmq; cæteri de frugalitate & parsimoniâ, de appetitionibus tenendis, de Recti Honestique finibus decernerēt, tu plumâ Sardanapali mollior, remissiore supercilio, gestu languido, voce præfractâ, fluentibus buccis, posthabitâ feueritati suauitate disceptabas. Sanè Atticum mellitæ voluptatis condidisti seculum, hoc melior Epicuro, quod is de corpore, tu de animo disserueris oblectando. fortitus deteriorem præceptore sectam, velut hausto Circes poculo repente in pecudes degenerantem; excitis riuallium gregibus; qui ad omnes cum Tiberio Vitellioq; voluptates adhinniant. Atqui nihil tamen ei propositum esse oportuit, quàm ne quid nimis, ne quid cupidè, nequid licenter in Lyceo diceret doceretq;. Quo me autem oris habitu, illa gentium terrarumq; Dea, cui par est nihil, & nihil secundum, Roma vetus audiat? quàm auersis vsurpabit auribus, prisca ingenia seculi committentem pugnaciter ? De se narrari fabulam, se signari oculis, componiq; cum æmula armorum & gloriæ Graciâ arbitrabitur. rata vel inde aliquid suo nomini decessurum, quod dicendi ordine, Atheniensium noctuam, anseri Capitolino antetulerim. Quantò oculatiùs hîc eundum est Oratori, ne in Senatus populiq; Romani fasces & secures incurrat: ne, quæ olim arma pro templis & foro disposita, dicturum pro Milone Tullium terruere, eadem mihi metum incutiant, silentium indicant, iubeantque cedere linguam laureæ, togam armis. Nolim itaque Romano stylo Romam pungere, pro quâ Centumviri illi faciant, Fabricij, Catones, Lælij, Antonij, Scævolæ, Sul-

la, Sulpitij, Quintiliani, Cicerones, & vnus instar omnium Cæsar Iulius, qui cū inuidisset palmam Oratoribus & Historicis, illicò strinxit calamum, nectam belli Gallici, quā suæ immortalitatis conscripsit Commentarios; vt qui triumphis Patriam illustrasset, etiam heroicā eruditione de posterorum seculis mereretur. Minus quidem ego fumantem Nasonis nasum, bilem Persij, Satyram Iuuenalis, furorem Annæi, imperum Lucani, arma Statij, irritabile vatū genus, eorumq; iacula, diras, & iambos pertimescā, quā Corneliam Gracchorum Matrem, Senatoriæ feminam dignitatis, quæ professa Romæ Rhetoricam, vt è muliebri contentione valet plurimum, pro erudito Romanorum seculo declamabit impotentius, productura in medium filios, quos ad inuidiam virorū, patricia mulier publicè erudisset. Quamobrem non ex spolio togaram Imperij Maiestatem, non elicio è bustis & ruderibus literatos manes, neque ex sulcito ætates erudito in puluere sopitas; relinquo Græcis pallium, Togam Romanis, & inuolutum togā pallioq; seculum non euoluo; temperare tamen animo haud possum, quin tam verè quā liberè pronuntiem: Accepistis eruditum Poloni Seculum, vel certè solitò cultius reddidistis. Sed ne antè, passionis fidem à vobis exigam, quā in secreto cogitationum Oratori subscribatis; Agite quid habet, si se totam excutiat antiquitas, tam eximium, tam singulare, tam diuinum, quod limatissimæ æui huius anteponat Spartæ? Fuerit illis, vt erat, omnis copia literarum, fuerit recondita eruditio, experientia, legum tabulæ, felix bonarum artium cōmeatus, & illa modum prætergressa, opificia; quid causæ erit, quo minùs horum paria, ne dicam grandiora luculentissime sommonstrem?

Militiā credo Veterū, & illā belligerandi solertiā, Pyrrhō & Agamemnoni vsitatam obijcient. At ego illā ad hodierna militaris peritiæ rudimenta vix admileram. Plus vltra, plus & citra bellicæ metas gloriæ, Cæpestres Animæ promouistis

IN RENOVATIONE STUDIORVM.

mouistis, quando singulari Martis genere Numantinam virtutem in exemplū Poloniæ redhibuistis. Tua sunt quæ memoro, bono Patriæ Inaugurate, Vladislæ Rex Inuidissime, cui ex usu erat, consilio & arte hostem sternere, & quod optabat quispiam, sine sanguine triumphare. Enimuerò docuisti propalam: plūs esse in prouidā celeritate momenti, quàm in tergiuersatione Cunctatoris. Cedit arboreus ille cortex, pugnacis Premislai, gladio & ingenio Vladislai, qui cū exteris, idem hospes, idem arbiter, lustraret vrbes, arces & propugnacula, vallum, fossas, armamentaria ritu Belgico educta, circumspiceret, inuenit Regum Scientissimus, quod inuentis adderet de suo, totq; Heroum arbitria, suo vniūs permodestē corrigeret, incredibili Tribunorū plausu. Nec dubitauit Virtutis tantæ admirator Spinola, à Bredana expugnatione orbi cognitus, victorem exercitum oculis Magni Hospitis & pedibus admouere, fascesq; submittere triumphales, triumphalia mox acturo. Adeo vile est quicquid in summo patet; rimari in abdita bellorum, hoc demum Austriacum est, hoc Iagellonium, hoc Regium, hoc Polonum.

Habet armorum gloriæq; Comparem Vladislaus IV. IOANNEM III. Primum veriūs, quia pugnandi vincendiq; artibus nulli Secundum, immò actis retro ætatibus vix auditum! *Bella momentis constare scitum est:* momentis eadem confici profligariq; posse, illo primū Auctore Actoreq; didicit Husseinus, extemporali ac subitario ad Chocimum prælio, tantum non seculis terminando! Ac, tametsi nihil subinde moueat, tamen imaginarium hosti tormentum admouet, intuta suspectaq; omnia, metu interprete auguranti; nec tam à perexiguīs Nostrorū copijs, quàm à Martiali experimento, consilijsq; bellicis, eò tutioribus quò occultis, metuenti. Equidem Tua illa campestris meditatio Bellatorum Solertissime, irati Martis officina videri possit, in qua Othomanico ineuitabile fulmen capiti, dies noctesq; cuditur, librandum torquendumq;

à Te. Exinde solo Tui nominis terrore, spem potiundæ Urbis ademisti barbaris, Leoburgum Russiæ Metropolim oppugnaturis, ac (vt plerumq; pavidis consilia in incerto sunt) per diu deliberantibus, ne inconsultâ interirent morte. Scilicet, ni-
dû Leonis, fasciati lepores inuaderent? Te pro manibus & Cui-
bus excubante. Sua sibi Romulus Ancilia cælo lapsa in tutelâ
feruet, SOBIESC I A N O protecti securiq; C L Y P E O, Romani
Scutum Imperij, nec moramur iam nec miramur.

Vixisses in eam vsq; diem, maior post funera IACOBE SO-
BIESCI, à Palatinis in Castellana Craci subsellia, succollanti-
bus meritis, præcinente famâ eloquentiæ, Tullianam æquante,
illatus. Cui ad fastigium cumulatæ felicitatis, illud vnum ac-
cessisse poterat, vt fortunatus Regum Parens, Fatis applaudē-
tibus dicereris & esses: Prærogatiuâ, qualem voto saltem liba-
re par fuisset. Vixisses inquam, & Augustæ Sobolis, immistus
gaudio admirator, Heroica eiusdem Acta Senatoriâ styli ma-
iestate complexus, futuris transcripsisses. Quotus enim quisq;
si priscos obeamus animo belli Duces, Victoriâ Imperatoriâ
conclamata voce, ferro absoluit? tam festinato Marte, vt
idem prope fuerit, & cogitatione præcepisse lauream, & manu
præcerpsisse hosti! Tuo nimirum seruabantur ea decora, Tri-
umphali verè Filio, Polonicis tum imperitanti exercitibus,
nunc rerum Poloniae potienti.

Vellem adesset nunc suo maior nomine Alexander, adesset
Pompeius, vel è concussa tellure exercitus in Cæsarem edu-
cturus; inuenissent profectò arma, quæ ad hodierni cotem se-
culi generosiùs acuisent. Superesset vellem, & ille expu-
gnator Solymorum Titus, & vel Tunetanæ oppugnationi, vel
Rupellanæ expugnationi affuisset, tantum inde militaris ex-
perientiæ, tantum calliditatis & prudentiæ collecturus, quan-
tum ad informandam, Seculorum decadem satis foret! Muni-
erat sese non minùs rebellionis cõtumaciâ, quàm cælo & solo
Rupella, Auditores; non armata satis videbatur Hæresis, tu-
taq;

taq; ad perfidiam, si non rebellantibus quoque Oceani fluctibus, & maritimæ facis nauticâ colluue cingeretur. Quid hic ageret, immò quid non ageret Ludouicus XIII. vbi ipse Pœnorum Dux, Alpes nisu arduo ad gloriam patefaciens, plus nihilo profecisset. * Sed non habuit vitreum Ludouicus caput, quod vniûs illisu Rupellæ frangi posset. Ergo vim Numinis obtinuit; frenum pelago, habenas ventis, flammæ fluctibus, naturæ leges imposuit, ille domitor Vniuersi! Id nimirû est, intentatum nihil, nihil inaccessum relinquere, Elementisq; simul omnibus pugnare vt expugnes. Quorum si mediocria illis terrarum dominis contigisset, pridem in fastos relata, aut Liuiano in opere, aut in Sallustij annalibus emicarent. Obliquare malio Orationis cursû, nisi me ingētium architecta operum virtus Belgica distineret: cui ipse Mars noua quotidie machinarum nomina, remisso furiali impetu meditatur sedendo. O homines supra humani vim ingenij progressos! Quis iam Equum Palladis, fatalem Troiæ machinam, belliq; arietes vel extra fabulas miretur, præ infinitis Belgarum stratagematis? * qui non modò suprâ Poëtarum miracula magnis cum fluminibus, Achillæo more, manus conserunt, non modò immisso mari, terras nauigant cum Xerxe; Neptunum etiam fractis Oceani claustris, in certamen eliciunt spectatrice Europâ. An isti veterem præliandi morem, & obsoleta iræ Martialis instrumenta, fundas & arcus, currus falcatos, Onagros bello vtiles, elephantos humano sanguine efferatos curent? quibus proprio nixis robore non ferino, persuasum sit, ne occubere quidem nisi exquisito Martis genere perimantur. Scilicet isti ad Latinorum Secures & Aquilas cohorrescant? qui diurno periclitandi vsu, neq; Hispani Leonis occursum paueant, neq; rugitu terreantur. Quàm appositè eò loci subis memoriam Oratoris, terror Scythiæ Thraciæq;, Supreme quodâ Exercituum Ductor Stanislæe Koniecpolski. O quæ illa Musices inuenta! quod militiæ acroama? cum tu Abbassio ad pugnam eliciendo,

*. luglaris. B 2 *. Strada 1. Dec. L, 1. tubis

tubis choros militariter cieri præciperes : credo vt saltatoriũ versando orbem, rotã fortunæ edisceret, Te iubente. Profectò erudita illa Bellonæ magia fuerat, Lunam classico euocantis! Ecquis enim Spartanorum, tam lepidò concentu numerosæ prolusit victoriæ? prolusit Koniecpolius. Quis ad tibiam nostræ modos Othomanicum saltare docuit militem? docuit Koniecpolius. Funebri cãtilenã fanaticam rabiem excantare? excantauit! Humanã maius inuẽtione est: maioris tormẽti globos, globis minorib⁹ refarcire tã scitè tã accõmodè, vt explosi cadẽtesq; simul ac torporem latentis mali temerè cõmoueris, illicò in arripientem velut ex insidijs erumpant, fragore percellant, igniariã peste quaquauersum discerptã disiectãq; in tectã hominesq; grassentur! quasi parũ esset semel apertè perimere, nisi tectæ necis insolenti artificio sãuiretur. Vt minùs iam extimescat fama, pomũ Fenellæ, non acinis sed iaculis reuertũ, quod quisquis improuidè attigisset, multis cõfestim ictib⁹ figebatur. Et hæc tã ardua memoratu, tamq; obstupefcẽda operum machinamenta, seculum non sapiunt eruditum?

A re bellicã gradum facio ad Rempublicam, non illam senio & squalore obsitam, quæ parũ limati seculi, illotis quod aiunt, manibus tractabatur, sed istam florentem, sed excultam, sed limatam, verbo expeditam, politiozem Politiam. Age enim quàm solerter felices, & feliciter solertes, tuendæ orandæq; Patriæ rationes initæ? quàm prouidis omnia cautionibus præmunita? Ordinum suffragationibus comprobata, sapientissimis legibus temperata sancitaq;? vt securapacis bellicę Respublica, & congrua lætiori scenæ ornamenta præstò haberet, & difficillimis temporibus prompta non desideraret adiumenta. Quid multis? Hæc ipsa Comitiorum placita nuperrimè euulgata impressaq;ue, nonnè prænitẽtem nobis oculatissimæ ætatis repræsentant aciem, faciemq;? vbi nihil asperum, nihil hians, nihil agreste, aut redundans. Quid horum si non affine & cognatum, at simile in Maioribus & moribus æui veteris deprehendas?

Verũ

Verum adite si lubet Terrestrium adyta Legatorum, quicunque in eandem sortem Poloni Equites erudimini. Ut enim isthic docto omnia strepitu miscetur! ut pugnantia hinc & inde sensa! ut minutissimis omnia expenduntur punctationibus, ut maturè occurritur incommodis dum consulitur in futurum! O quæ illic voluntatum votorumque; reciproca congeminatione? quæ confidentium & dissidentium controuersia? hæc refellens, illa abrogans, hæc stabiliens, illis repugnans, tanto rationum prouentu, tam celeriter agitata mente, tam expedita in utramque; partem eloquentia, ut nusquam felicius vires agnoscat suas ciuilis facundia, quam in illo Ordinum delectu, illo Libertatis in domicilio, digladiantis ingenij in arena, concordis discordiæ in vestibulo: ubi colligata collectaque Collegarum placita, plura in salutem suæ Patriæ vota congerunt, quam tela in symbolum concordiae, fasciculus Anacharsis. An tu igitur literario destitutus praesidio, neque peracri comitatus iudicio, illud eruditæ nobilitatis in theatrum venias? aspectabili Rosciorum in scena compareas exhibendus? pro admiratione indignationem, pro plausu sannas, & conuitia relaturus? Tu, qui minus propitiâ Pallade literas colueris, limen illud Curiae ingredi? tu illud magnæ mentis Capitolium intrare? consultantibus interesse non verebere? cui vix Reipublicæ notum nomen, & solenne illud: *Idē Sentio*, iter videlicet protritum, quo in alienæ viciniam sententiæ abeatur. Tunc fortasse impune licuisset desipere, cum priscae Nobilitati sese autum intra fundum continenti, & sua territoria vix egressæ, ignota pratorij & Senaculi itinera, ignota Tribunalia, iudicandi vindicandi; ratio popularis, nulla partium studia, lites nullæ, prouocandi appellandi; iners, & languida, vnâ cum suis pragmaticis consuetudo, frigeret. At hodiernæ genium Curiae, ubi animo reputaueris, aut excedendum tibi esse è rudibus confitebere, aut eruditis Nobilium circulis & congressionibus abstinendum. Cuius porro calamitatis id foret? tuâ te culpâ in eas concludere

angustias, vt in tātā ingeniorū calliditate, *. (*quando blandiri & assentari, Seculum appellatur*) vel cedēdum tibi sit loquacitati rabularum, vel cadendum causā toties, quoties iure vel iniuriā laceffit, ac idoneo causā destitut⁹ tutore, te vlscisci nō valeas, & criminose opponenti, non inuenias quod reponas? quodq; indignissimum iudico, imputare possis nemini, præterquam imperitiæ tuæ fato, ne dicam rudi inertię, hoc est domestico proditori. Sinite me, Auditores, per atria Equestris Eloquentiæ in aulas Principum commigrare.

Olim sterrebant in palatijs desides animæ, cædes & sanguinem Ciuium somniantes, neq; vnquam prodeuntes in publicum nisi vt violatā terrore reuerentiā, notos ignotosq; percellerent, portentis propiores quā Principibus; dum non honestarum artium sed mercium, non literarum sed pecuniarū pretia attollentes, pretium facerent seruituti. Florent æui huius viri Principes, tantò admirabilius, quantò gloriosius est per ora sapientum volitare, quā amisso pedum vsu, populorum humeris deportari, nec tam corporibus tormentum ad-mouere, quā ingenijs; non denique populo & ciuitatibus ob atrocitatem vectigalium, sed ob rectefactorum excellentiam, Oratoribus & Poëtis graues esse: non inscien-ter arbitrati, frustra turres turribus, propugnaculis propugnacula aggerari, nisi magnifica Sapientiæ erigantur domicilia. Felicem Te hoc Regalis munificentie erecto Augustali Rex Iagello. En vt morem gesseris desiderio Platonis, accitā in Regni Metropolim celeberrimā Academiā; non nescius, parum prosperè illic regnari, vbi Regiæ Sapientiæ limites arctarētur. Simul ac diuæ memoriæ Vrbanus id nominis VIII Pontificium in Conclaue sanctiorem euocauit Parnassum, illo simul ex tempore, aulæ Principum visæ patere ingenijs, frequentari vatibus, excoli disciplinis, humanā diuināq; eruditione læuigari. Exhinc humili in tugurio habitantes Musæ, è rupibus & cauernis in solem protractæ, in apparatissima Regum ædificia & porticus de-

*. Strada 1. Dec.

migrā-

migrârunt, per tot custodiarum excubias & agmina stipatorum, passu libero transeuntes. Iamq̃, intimo Heroum exceptæ contubernio micant in purpurâ, in solio imperant, in diademate dominantur. Quotusquisq̃; Procerum est, qui partâ domi forisq̃; notitiâ, mores gentium, instituta nationum, ritus & leges Magistratuum non viderit, non hauserit, non didicerit, non expresserit? Tamen si non iudicare tantum de ingenijs rectè possint, sed etiam scribendo prouocare ingenia; æquè docti scribenda facere, ac scribere facienda: peritè vtrumq̃; & decore, vtrumq̃; è dignitatis & artificij præscripto. Creber illis in ore & manu Sallustius, frequens Cæsar, familiaris Lilius, maiorum gentium Scriptores: Nam Cornelium Tacitum, eiq̃; supparem Famianum Stradam, è sinu, è complexu, è memoriâ ægre dimittunt: Illos consilijs admovent, illos venerationibus exercêt, epulis adhibent, nec viarum comites, nec lecticæ socios abesse patiuntur; ad opprobriũ stolidi Neronis, qui aurigandi arte clarior quàm regnandi, mimas inter & pantomimos princeps histrio inuehebatur, non tenentibus risum Senecâ & Lucano, quorum scripta posteaquàm acerbius carpsisset, dein nihilo mitior in auctores desauijt, idem Cæsar, idem sector. Certè intimo aularum in recessu, multò facilius Mineruæ statuas, quàm Fortunæ simulacra inuenias; citiusq̃; in viuam ac spirantem Tullij effigiem incurras, quàm in fumosas auorum imagines, quarum pleriq̃; nihil retinent præter lineamenta & colores. Nihil interim de Bibliothecis tanto studio & impendio comparatis, quanto cæteri prædiuitis patrimonij amplissima nomina, iure hereditario consecretantur. Vobisne hîc, eruditi Principes, an Calitibus dicendæ habendæq̃, gratiæ, quòd in eam vos mentem impulerint, vt in paternum nomen ituros, magnæ spei liberos, inter libros velitis & malitis educari, æquè prælum ac prælium meditantes.

Ohe iam, ab eruditis Principum aulis & aulæis, ad triclinia eorundem descendamus identidem? Apage sanguinarium

narium Catilinæ conuiuium : tantundem illic sanguinis, quantum meri propinatum audijmus ! Non hîc more barbaro Lapitharum editur, bibitur, dimicatur, epulari symposio in lamentabilem tragœdiam, in iurgia desinente & cades. Non hîc Sibaritico luxu infames cœnæ terminantur fastidio, sed festiuis doctisq; salibus permiscuntur. Certet Cambyfes maioribus vt lubet super mēsa poculis; hîc ingenio, & facetijs, proq; stylo ferreo, aureis decertatur acuminibus : quorum contactu acuisset, alioqui acutissimus aulicorum, sua Martialis Epigrammata. Illa mihi verè Senatoria mensa est, in quam non Phasianorum iecinora, non pauonum cerebella, aut linguae psittacorum (vt quondam) inferuntur, sed Attica bellaria, sed argutiæ Poëtarum, sed Politici (vt vocant) Aphorismi, nobile ingenij condimentum. Mitto epulas, mensarumq; laucitias, quarum fructus, non iam inanis verborum profluentia, aut litigantis iurgia temulentiae interstrepunt, sed integræ promuntur sententiæ, nec iam v̄sitata humanitatis officia, sed artificia, sed Lipsiani condimenta opsonij, sed Laconum paramiæ, vina inter & calices propinātur. Mitto quotidiani sermonis leporē, venustatem, & responsa, extemporali nouitate gratiora. Taceo funebres illos in confertissimā circūstantium corona Panegyricos, procul à triuio disiunctos, qui etsi antea sæpenumerò in circulis Nobilium hallucinati essēt; tamen iam sese ad correctissimi ideam seculi emendatissimè castigârunt. Prætereo nuptialem perorandi morem scenæ ac tempori consentaneum, scholasticæ lucubrationi, & protritæ eruditionibus nihil debentem.

Ac vt paucis cōplectar vniuersa, quocunq; incidunt oculi, nouam seculi formam, nouum Sapientiæ habitum, tersum vibrantis æui speculum intuentur. Age enim, num quæ diuinior Theologia ab eâ quâ nunc imbuimur expetenda? præsertim, quod admirabiliorem longè, Admirabilis orbi Theologus reddidisset. Num sublimior Philosophia? instru-

etior Ethica? accuratior Historia, politior Politia, prudentior Oeconomica, copiosior Oratoria, castior suauiorq; Poësis? num quæ deniq; sub Sole curiosior Mathematica fingi possit? ad vsq; tot seculorum laborem, hoc est, ad *Quadraturam Circuli, Motûsq; perpetui miracula, pertinaci conatu pertinens!* O scripturientis callentisq; seculi inexhaustam fecunditatem! cui ægrè iam, continuo irrequieta circumactu Belgarum præla, ægrè Typi Italici, Gallici, ægrè librariorū officinæ sufficiunt!

Quod * Augusto illi sylvarum incolæ, Vallisolerano in recessu Turrianus, hoc suo immortalis nomine ATHANASIVS KIRCHER LEOPOLDO Imperatori, gauiso admodum, foueri à se, alterum sui temporis Archimedem, ea molientem in luce gentium, quæ Roma etiam admirari posset. Et hunc tu talem tantumq; machinatorem operum, thaumaturgæ eruditionis præstantiâ inclytum, vetustissimis Matheos commentatoribus, non facilè anteponas? Tam artificiosè, tam prodigialiter omnibus panè ludentem elementis, illudentemq; spectatoribus, vt nisi pleraq; vulgo incomperta, magneticæ virtutis versatili imposturâ patrari posse prænoscas, magicis te Ægyptiorum ostentis aut præstigijs interessè arbitreris.

Desiderâstis ingeniosè adstrictum collectumq; scriptio-
nis genus? illud in Pontificij Sacelli atratis Oratoribus, de acerbissima Seruatoris nece, verba facientibus, reperistis. Desiderâstis incognitum hætenus Elogiorum thesaurum? illum quoque Emmanuel Thesaurus, velut minuta æra, locupletioris ex eo seculi ærario opportunè adiecit. Assecutus æquis passibus Thesaurum Aloysius Iuglaris, Præceptorem Auditor, altiùs rimari institit, in abditas auri argentiq; venas, distributo per Socios labore, magnâ, orbe arbitro, Eruditi Seculi (ita me veritas amet) auctione.

Attollat sese Tragoedorum princeps, & Sophocleo gradatius incedat modulatè focco: at ne solitarius incedat, inter-

* *Carolo V.*

C

cessit

cessit STEPHONII Crispus tragico exitu lamentabilis, multoties in scenam datus, nunquam non *plausu fremituq; secundo* auditus acceptusq;.

Nec Solus olim prapes Hiratius, ibit bisformis per liquidum Æthera, Sublimi feriens Sidera vertice, in MATHIA SARBIEVIO natus æmulum, VRBANI VIII. Regum Vatumq; Maximi celebratus oraculo, donatus laureâ, iudicio perornatus: tantò beatiori sorte, quantò altiùs eminet Vrbanius Mæcenate, Lyricis Clientem Horatium Vatribus inferente. Sapit Belgium natia Musarum fedes, tantum Sarbievianæ attribuens Poësi, ut meritissimò censeret, eam peramantæ eruditionis magistram, florentissimis oræ illius Gymnasijs prælegendam. Vide enim ut alter hic Venusinus *florigeras imitatus apes*, per Claudiani viridaria sua uè olentes bibat succos, legat lilia, carpat rosas? Ut Statianas peragrando Sylvas, vellit cinnama, emedullat cedros, *cadit odorato sudantia balsama ligno*. En ut vernatia Romani Sapientis plantaria obambulans, electissimos truncat furculos, & felici translatos metaphorâ, feliciori insitione arbusculas lucupletat suas! Ut idem ignauam sui seculi insectatur vecordiam, canit classicum, scribit militem, armat principes, signa explicat, classem instruit: nec iam saxa & rupes, sed Europæ orbem ciendo mouet, ad recuperandas aliquando Prouincias captiuæ Orientis. Et adhuc is egregio Eriçij Puteani Elogio, *Romanus Ore, Natione Sarmata, cultissimi Vir ingeni*, cultiori ab se etiam seculo, mentem auream non indiderit calentiq; entheo spiritum non afflârît? Minus iam veteri Latio suos inuidemus Horatios, dum Sarbieuio, nostrate Musarum delicio gloriamur.

At quàm prælustrem, ineruditæ quondam ætati, accêdit facem, Antistitum Principumq; Regni Primus, IOANNES LIPIVS, in quo spirantem Lipsium, scribentemq; intercepti Vindicias CASIMIRI, agnouit Gallicana Curia, suspexitq; nouam Gallici Herculis vim, flexaminâ potestate, gentem humanita-

ti natam, ad leniora consilia attrahentis; eo exitu, quem & Status ratio, & Causæ æquitas, & confinis Maiestatum Cognatio polliceri visa fuerat. Sensit quin etiam illum ipsum Sigismundus III. Regum Pientissimus, lugubri calamo, lugubriore animo, Suprema sui Funeris prosequentem, partientemq; cum Amplissimo Collega STANISLAO LVBIENIO, lugendi officium, ut vocem hic, doctæ dictæq; à se Panegyri, ille elinguem dolore stylum, Communi amborum Principi, certante obsequij gloriâ commodarēt.

Audiuit arrectis circum vrbibus læta Austria, Insulatum Archi-Nestorem ANDREAM OLSZOWSKI Sacrorum Præsidentem Primatēq; Regni, Pronubo Sermone Imperatorij dulcē influentem auribus animisq; incertā sui etiamnum Viennā, Hominis ne ea vox fuisset, an allapsi cælitus Paranympsi, DEAM nobis AB AVSTRO euocantis. Argumentum & Summa Orantis, ELEONORA LEOPOLDI Augusta Soror, formā & dedicante formam Sanctimoniā insignis. Ita Conciliatrix illa Voluntatū Suada, maritando Principi curarum Sociam, prosperis dubijsq; præfens leuamen, paciscendo sanxit, gnara perbellē, Regum Consortia, Regnorum esse Adminicula. Auget præterea, perquam eruditi famam Seculi, fidemq; assertioni meæ adstruit, illud ex lugubri Vocale Classicum, quo IOANNIS CASIMIRI Serenissimam vel ab Occasu Vmbra prosecutus, recenti mæstitiā, Senatūs Populiq; Sarmatici Vestigales Lacrymas tristi iterum Ministerio exciuit.

Tibi verò, ô quàm expoliticum nitidè ad eruditi normam legemq; Seculi ingenium, maiores ad insulas, multiplicem adiecit Oleam, Pacis pactorumq; felicissime Arbiter IACOBUS ZADZIK. Eò Te Virum Diuino simillimum incredibilis pericia, *Iuris & Equi retinentissima*, iuxtaq; tractandarū quæ rerum, quæ mentium explorata prouexit industria, ut ipsimet ab hostibus, (ex affabili & innoxia popularitate,) *Faderum Sancitor, Metatorq; Finium*, expetitus ultro, Suetica Moschoutica,

ingenia, non cælo magis, quàm religione moribusq; diffita, admirabili facundiæ prudentiæq; ductu, omnem in partem flecteres regeresq;.

Adiecerit Vero calculum, quisquis eruditi gemmam Seculi nuncupauerit ANDREAM TRZEBICIVM, Primo proximum Principè Præsulemq;, nescio quid Virile ac robustum suo agnomine præferentè simul implentemque factis Istud profectò est, Diuinis ante Humanisq; instructissimo disciplinis, aequè familiarem sibi Tacitum & Aristotelem, atq; amicum Aristoteli Tullium reddidisse. Quis non horum assuetudine refici, contubernio perfici exambiat, ac deniq; ad statum staturamq; Sacro-Ciuilis Sapientiæ ex dignitate attolli.

Audax prorsus ac temerarius videri possim, si vtriusq; subfelliij Senatoria tot lumina, in obscuras lucubrationis meæ angustias cogi velim: ANDREAM loquor SZYDRSCIVM, nec non STEPHANVM WYZGA, illum Posnaniensè, hunc Varmiensè claros mitrà, clariores eloquio, Summis templorum exedris personante; quodq; vberius ad famæ incrementum, Augustissimis Regum Poloniae, seu auribus seu Manibus impenso, piè ad luctum, ornatè ad memoriam Virtutis multifariè dispensato. Contentiùs me tamen blandiùsq; allectat afficitq; *Vitatus tempora Præstes VARMIAE* tanto Pastore fruētis. Et par erat, vt coronata Dominantium Capita Laureatum vel ab ipsa nominis energiâ Ecclesiasten, interq; Mortales, *nil mortale sonantem*, suo numerarent in censu, altioribus detonantem rostris, fandigratiâ incomparabilem, rerum inuentione singularem, varietate multiplicem, Verborum splendore nitidum, Sententiarum granditate assurgentem ex interuallo, Moralis opulentiæ Argutū Analesten. Quantū est, rerū virorumq; æstimatori placuisse VLADISLAO, auresq; CASIMIRI implèsse!

Frustra, *Decora nube Modestia*, sese occultit obtegitq; Premissianæ Sidus Adoræ SARNOVIVS: Præclara Viri Pietas erudito coæua seculo, totam incurrens in palpebram latere me quipossit?

Teneo

Teneo Te, Sequacis Gloriae Nobile Fugitium, felicioribus digne Infulis, THOMA VIEYSCHE Teneo Te in quā, geminae Eruditionis tuismet vinculis irretitum.

Accedant, illustribus à compari eruditione Collegis, MADALINII, LANCKORONII, DĄBSCH, ceteriq; Pontificijs insigniti dotibus ac Tiaris.

Egonē Te, incuriosā ingrataq; dissimulatione transmiscrim STANISLAE SKARSZEVI Castellane Woynicensis? Improbum sanē, aut captum oculis esse oporteat, qui in Te omnibus absolutam lineis, peritioris imaginem Seculi non peruideat. In Te inquam, Regnatricis Aulae Curiaq; praeeptionibus, ad omnem ciuilioris vitae elegantiam abundē instituto. Congenitam Tibi Tuisq; peracuti vim ingenij ignoraue-
ritis, qui Te Tuosq; nec à limine salutauit: & vidisse audisseq; vos, capi esset. Planē in Domestico Tui generis Insigni, videre mihi videor, Patritiae Eruditionis aspectabilem * ACERVVM, an Hospitalissimae Urbanitatis obuium patensq; Tectum, Mansuetioribus verò Musis, vetere Patrocinij praescriptione, *Fidissimam Stationem*. Semper hīc laetae segetes, frugiferae eruditionis plenas maturescunt in messes. Hoc sub culmine, insignes à doctrina Viri, sua reperientes umbracula, nollent * Antonianam platanum, diffusis largē ramis discipulatores opacantem.

Iamq; mihi, velut ē longinqua nauigatione prospectanti portum, * OPALINIANA sese infert NAVIS, in quam omnis congesta eruditio, omnium admiratione tenet animos, in ambiguo nutantes: Nauimne illam rectius, an Bibliothecam Sacrae profanaeq; Eruditionis copiosā suppellectili instructissimam dixeris. Intantum ille Scientiarum appetentissimus Institutor, liberali Eruditorum commercio prouectus est, ut ultra Ciuem Patriae nisu arduo euadens, non modò NATVRALIS THEOLOGIAE Arcana, eruta proditaq; mūdo patefecerit; verū etiā Vindicatae, DEFENSÆq; à se POLONIAE negotiū tutelamq; susceperit par vtriq;.

C 3

At

* Skarszewiorum insigne * Cicero L. 2. de Orat. * Opalinorum Stemma.

At STANISLAI LVBOMIERSCII, Paternæ æmulam, & Curiali
subnixam Scipione Eruditionem, suoq; liquidiorem SRZENIA-
wâ, suffecerit interim velut in transcurso delibâsse. Plenio-
ribus alibi alueis, hic idem Cælo effluens influensq; Erida-
nus, ac *Scuta Virum galeasq; voluens*, pari Sanguinis Gloriæq;
perpetuitate, Allegorico tractu deducitur, LVBOMIERSCIANÆ
in laudes Prosapiæ, Suo nunquam & nusquam cum * FLV-
VIO desitura.

Ecquis nesciat SAMVELIS LESCZYNIÏ Castrorum Metato-
ris Musam Posthumam, Dacico-Cannenses *Lauros & Regia Serie*
canentem!

Porro quis MORSZTINIANÆ non assurgat Po-
esi, nil non argutum & sublimè sonanti, eòq; intactis Arabum
thesauris cariori. Vni illi in acceptis ferat, *Sacra Natio Vatum*,
ne KOCHANOVIOS, TWARDOVIOS, SIMONIDAS, Nostrorum
Primores Poëtarum abesse quiritemur.

Aurem hîc mihi vellicant, admonentq; officij, Tua, MA-
XIMILIANE FREDRO Terrarum Russiæ Castellane, MONITA
POLITICO-MORALIA, quibus percupidum Veri Lectorem af-
ficis instruisq;. Ad hæc, Poloniæ Regum Acta, fastis à Te ad-
dita, ac tanto perennatura Auctore: iuxtaq; ICONEM INGENIO-
RYM, Tuo ipsius genio conformatum, manu terimus, cogita-
tione reuoluimus, animo regustamus. Finem eruditi Se-
culi, nisi fecero, non inueniam. Te ego IOANNES SZYMO-
wsci, gazæ Regiæ Arbitrum Custodemq; mirer potiùs, quàm
auro gemmisq; coruscantes arculas: mirer festiuissimæ inge-
nuitatis Hilaria, seuerioribus attemperata Effatis: mirer eru-
ditos ex faceto sales, quâ liberæ quâ vincitæ facultatis; cuius,
Te comiter inuitante præeunteq; *Pars tantilla sui relegens ve-*
ligia Vatis: Hæc inquam quæ Tua sunt, indulgentioris Na-
turæ decora, impensius demirer, quàm spolia Fortunæ, qui-
bus peregrina raritas, arbitrarium appendit pretium, impo-
store fuco.

Aliud mihi, ex aliq; eruditissimi seculi argumentum succur-
rit. Neceffe tamē non habeo illustriorē eruditæ mētis imaginē

* *Vide suo loco.*

extra

IN RENOVATIONE STUDIORVM. 23

extra Te querere, ALEXANDER BELZECI Podoliensis prouinciæ Palatine, Cui, *Musas amantis gloria Belgij, insedit alto pectore Lipsius*, ille ille Ericij Puteani, Tuusq; compendio Eruditor.

Quotquot regno Poloniae, quotquot Magno Lithuaniae principatu, Togâ Sagoq; offulsere Heroës, * POTOCIANO debent calamo, Heroici Ortum Seculi in Centuriam distributi. Suum unicuiq; decus, æquabili meritorum partitione, dum rependitur, quidni æternitatem famæ, spe præsumant? eamq; in acceptis ferant Nobilissimo Scriptori, ingens Militari Togataq; gloriæ calcar admoventi in Centumuiris Polono-Lituanis, *Quorum insudatur Honori, Et pralo & calamis, Tantus quos temperat Auctor.*

Et quoniam à continentis iactatione, contrahenda iam iam Oratoris vela, Vestrae Auditores beneuolentiæ adspirantibus Fauonijs, exscensionem apparant & celeusma: Tuum iam erit, Sarmaticæ iuuentutis Polone flos, hæc meditari, hæc agere, in his esse, ne tam erudito seculo dissimilis videre. Retinete, per Vestrum Vos oro Sanguinem, terribissimæ expolitæ ætatis imaginem, cum Maiorum imaginibus retinete: eandem vestris aliquando Minoribus, fide integrâ maioribus exemplis ad imitandum transmissuri. Ego, si bene vestram noui indolem, antè vos in ferrum & ignem incurfuros contenderim, quàm vt patiamini, in tanta omnium ætatum, atque Ordinum eruditione, rudes esse. Vtq; cætera abessent, ipsâ omnino nascendi necessitate, in eam temporum conditionem incidistis, vt velitis nolitis, si modò ij estis qui debetis, cum sapiente seculo sapiatis. Et sapietis equidem, si ad vota Patriæ, spem Parentum, desideria Amicorum, famam posteritatis subinde respexeritis: impetraturi à vobis quidlibet, si Senatûs grauitatem, si Comitiorum amplitudinem, Legationum momenta, epistolarum argutias, extemporale in subitis Congressibus Eloquentiam, dignam Libero, necessariam

*. *Seculum Bellatorum & Togatorum. Authore Paulo à Potocki Castellano Kamenecc.*

ORAT: HABITA IN RENOV: STUDIOR:
 riam Equiti, perutilem omnibus memineritis: Si denique
 circumspicatis Nationum ingenijs, literarum cultu, morum,
 elegantia, sermonis venustate, profundè in animum demi-
 seritis:

Quantum dedeceat Erudito Seculo Rudem esse.



P A R E N T A L I A
 P A R E N T I P A T R I Æ
 V L A D I S L A O I V.
 P O L O N I A R V M & S V E C O R V M R E G I
 Semel Mortuo, semper Victuro,
Inter iusta Exequiarum persoluta,
 à Cracouiensi SOCIETATIS IESV Collegio Dolente
 In Basilica Principis Apostolorum P E T R I & P A V L I
 Anno Mortalis DEI MDC. XLIX. II. Kalend: Febr:

V.

R.



P.

Sg.

Vnum Principi insatiabiliter parandum:
 Prospera sui memoria.

Tacit. L. 4. Ann.

RE.

REGVM SERENISSIME CASIMIRE.



Primo Tuæ Serenitatis exortu, obuersi in Occidentem alterius, ita lætitiæ ac mæroris dissipemur munera, ut gemino intenti affectui, minus respondeamus utrique. Nimirum ut Gaudio, ita Dolori sua cogendi vis inest. Ne persolvere quidem, Fratri Tuo, Regi nostro Parentalia potuimus, quin Tuorum plausus Triumphalium sentiremus. Quenam illa fuere Thebanorum Principum germana odia, ut nec idem regnum superstites, nec idem rogi pati potuerit defunctos? Tantus Fratribus vel post funera sensus irarum! Rara hic, et supra Veterum miracula eminentior Fratrum Gratia; dum ita Magnitudini sue moderantur, ut neuter de alterius fortuna detrahatur; nec Solium Tumulo obstat, nec magno Sideri officiat ingens Umbra. Eandem Tu præsentem Vladislao auctoritatem, quam absente retinebas. Quin ex eo quoque amplior Tuo Nomini reuerentia intendebatur, quod Te ille suspiceret altius, impensius amaret. Iure igitur, et è reciproca pietatis genio, iterum renouata à Ciuibus Complorationi atratus interuenis. Omnis, beneficentiæ illius locus peruius, quidni publicos pateat in luctus? Tam Gloria Vladislai IV. quàm Dolori Sarmatico, unum non sufficit theatrum. Non hodie primum captas Poloniæ Exequias, prosequimur tot ad Aras. A quæ in Regum laudibus, ac Iustis, religiosi sumus. Et si se lugeri magnificè prohibuisset Vladislaus, vetitum niteremur in dolorem; ut in hoc solo officio nos minimè haberet obsequentes.

D

Cui

Cui Regale olim Trophæū struximus, ferale eidē marentes cōponimus Suggestum. Deploret Roma suas in Gordiano delicias, in Augusto moderationem, equitatem in Aurelio, parsimoniam in Carolo: Polonia excidium omnium in Vladislao bonorum. Heu breuem boni Principis vsuram! Quanquam si operū magnitudine, eius metiremur Ætatem, non annis, verū integris constare seculis crederetur. Tu Regum Pacatissime CASIMIRE, dum Augustis Cineribus Magni nuper Pacificatoris, Pacem precaris, nostram vt cœpisti, firma.

INDICTIO EXEQVIARVM

INVICTISSIMI VEL A MORTE

V L A D I S L A I IV.

Regno & vitâ feliciter functi ac defuncti.

ELOGIVM I.

Conuolate gregatim Aquilæ

Ad Magnæ Reipublicæ Magnum Corpus.

Morem gerite, quem hactenus gessistis,

Vel Officio, vel Oraculo.

Concurrите vndeque Orbatī Liberi,

PATRI PATRIÆ PARENTAMVS

V L A D I S L A O IV.

Heu quantū in hoc vocabulo Orbitatis!

Vno omnia funeramus in funere:

Vitam Patriæ, Gloriam Procerum, populorum Tutelam.

V L A D I S L A O!

Honori Ciuium, Terrori hostium, Regni Vindici.

VLA

V L A D I S L A O !

Pacificatori Patriæ, Legum animæ, Regum Idææ.

S P E C T A

Si potes præ lachrymis ô Sarmatia,

Quò ille decreuit Gigas terrarum!

Absolutissimam Boni Principis imaginem

Vel ex defuncti lineamenti transsume.

Quidquid admirandum in Cæsare suspexit,

Augustum in Augusto adoravit,

Amabile in Traiano dilexit Roma,

Id totum

In Compendio Regum & Cæsarum Vladislao IV.

Admirata est, coluit, adamavit Polonia.

Sed heu!

Ne hostium quidem querelæ obnoxium;

Querimur, solo & Solio ereptum.

Ei nuper annos precabamur de nostris,

At ille quam dederat, ne repeteret Salutem,

De Suâ nostram auxit.

Ætatem tempori, morti spoliū volens cessit,

Gloriam nemini.

Quid inter Animam & Animum interesset, nôrat:

Hinc iustâ partitione,

Illam Auctori suo, hunc Fratri Auctorato

Cum Sceptri suffragio transmisit.

Optimè Ciuibus providens, benè sibi,

Cum Filium non posset, Famam instituit Heredem.

Adeste Hospites

Regio Funeri superstites, & vestro.

Ad Mortis Comitia, velitis nolitis, veniendum.

Abeſſe hinc ne poſſint & Liberrimi,

STATVTVM EST.

Hebr. 9.

ELOGIVM II.

Pompæ Funebriſ apparatus in Basilica
SS. Petri & Pauli Apoſtolorum.

In vultu Polonia, non in pagina

Lege Exſequias & luge Spectator.

Priuata hinc exeſte Querimonia.

PVBLICI DOLORIS hac in Ara,

Æterno Ordinum litatur Mæori;

Cui remedium querimus vel à loco:

Flere amarè tam Petri eſt, quàm Noſtrum.

Faſcem hunc Myrrheum

Prælo exprimimus, oculis eliquamus.

Dolemus Dolorem noſtrum, non ducimus in pompa.

Priuatorum eſt verè dolere abſque arbitris;

Vniuerſalis Calamitas poſcit celebritatem & theatrum.

* *Facem tamen Auerſi nè tenete Subditi:*

Et ille Veſtrùm neminem auerſatus,

Dignum odio nihil geſit in vitâ,

Amore & ſtupore omnia.

* *Cremet montes thureos, Nero prodigus,*

Nec

* *Exeritu Veterum. * In funere Poppææ coniugis. Suet.*

P A R E N T A L I A

29

Nec, si balsamum oboleat, labem nominis abolebit.
 Fruges Arabum odoratas hic ne spargite:
 Messē decorum suo collegit Manipulo Vladislau,
 Quò non Sterilis occurreret Frumento Electorum.
 Imperatoris sui procul ne abesseſt à Curru, ✱
 Anteambulo præiuit Ascensuro.
 In ceteris Deum secutus triumphis,
 In hoc uno præceſſit Triumphantem.
 Discedite Hospites:
 Egit Actūs vltimi Scenam vltimam Vladislau IV.
 Ego si noui Genium CASIMIRI,
 Accendet vel à Face hāc funebri
 Rogum fatalem perduellibus.

Ita faxit

Princeps Principum & Rex Regum.

E L O G I V M III.

VLADISLAI Genus & Bona Corporis.

Date viam, Dini Calites,
 Vestro, quia Diuū Sanguini, Vladislao.
 Alibi Suecorum, Gothorum, Vandalorum,
 Hic Cælorum Hereditario.
 Vt absint testes tabulæ & Chirographa;
 Virtutis Priuilegium satis fuerit.
 ✱ Vnum è Pacificis Regnatoribus

D 3

Re-

✱ Pridie Ascen: Dom: obiit. ✱ Pacifici, vocantur Filij Dei.

Regem ne ambigite Vladislaum,
 Intra vos Patriam ei debetis & Maiores,
 Ex manu melius quàm ex facie agnoscendum;
 Quamquam & hæc supra hominem augustior,
 Augusto etiam vmbra fecit.
 Nisi quòd hic noster vile ducebat Imperium,
 Ad quod sola formæ præcellentia ius haberet.
 Itaque ex Traiani ingenio,
 Dum magni cognomen Pulchro præelegit,
 Gubernaculis accessit dignior ex utroque.
 Nimirum, non eiusdem Fortunæ donarium est,
 Oris & animi par Maiestas.

Disquirant Politici:

* An maior veniat reuerentia ex longinquo?
 Vladislao maxima, vel ex abdito.
 Matri, necdum genitus, Maiestatem auxit,
 Gratiam Gratiæ adiiciens referensq;
 Quo erat animo futurus in Patriam,
 Docuit sensu materni beneficij, nondum natus.
 Omnino iurâsses caruisse infantia Vladislaum.
 Iura naturæ anticipat,
 Supra Leges & Reges mox futurus.
 Expressit ad viuum Pater Proavos,
 Utrosque Filius, par utrisq;
 Non faciliè haberet maiorem se Sigismundus,

* Matri utero gestanti auxit venustatem. Vide Valsenberg.

Nisi

P A R E N T A L I A

31

Nisi ipsemet genuisset regnaturum post se:
Disce tu interim orba Lechia:
Bonos Principes commodari non donari Ciuibus.

E L O G I V M IV.

Die SS. Primi & Feliciani nascitur, Annâ
Austriacâ, Anno Natalis Christi, 1595. 9. Iunij.

Plaudite Gratiaë,

* *Vna Vestrarum parturit Decus nostrum.*

*Nascendi fortunam debet Gratiaë,
Ne fiat ex toto vestigialis Natura.*

Vlnis & osculis Procerum stringitur:

*Amor Patriæ, Pignus terrarum,
A Matris quoq; nomine Gratosum.*

Sinu certatim Senatorio confouetur

Paterni Manipuli Spes in Herba.

Votis & manibus gestatur cupide,

‡ *Sua baiulos Maiestatis Patricios
Nactus antè quàm natus.*

† *Concurritur ad Regalem hortum, orto Sole.*

Primo attamen & Feliciano præcurrit nemo.

Dicant iam Siderum Scrutatores:

Quid iuris habeat ad Primam Felicitatem

Quartus nomine, Primus gloriâ VLADISLAVS?

Procul Obliquum Retrogradi Sidus Cancrî;

Recta hic, quia Austriaca institutio.

* Anna Gratiam sonat. ‡ A Senatoribus sellâ curuli gestabatur in Ma-
tre grauida: † In hortis mane Regijs natus * Iunij signum.

Pote.

VLADISL: IV.

Potestatis & Gloria puer & Rex Vladislaus,

Nec regi se ab astris nec trahi sinet.

Congenita Regum Serenitas

Extraneo Siderum concursu, serenari haud postulat.

Satis illi fulgoris & luminum

Iagellonica & Austriaca Domus dedit.

Erraticam Planetarum leuitatem,

Fixæ indolis constantia expunget.

Timete monstra Thracia & Moschus:

Hercules nascitur Polonorum.

ELOGIVM V.

Vaticinia Spei publica deducta ex Ostentis & Horoscopo

VLADISLAI.

Matres procul este profanæ.

Pedem è limine Hecuba facem gignens;

Primigenia hîc Fortuna, vice fungitur obstetricis.

Paternam de Caligula querelam audimus;

Se populo Romano Phaëtonem educare.

Suet.

Non cadit temeritas in consilia Vladislai.

* Accendat Orto Galliarum Infanti Natura

Nouum sidus in Cygno;

Nostro, candidiore in Aquila,

Tam Solis quàm luminum patiente.

Omnino lucis Filius

* Venire in lucem noluit absque luce.

• XIII. Ludou. Iuglar.
arfit pars Regiæ Crac:

* Nocte natalem eius precedente

Or-

Ortûs sui prænuntios misit ignes,
 Quò se datum à Patre Luminum probaret.
 † Solenne iam & Lechicis Regibus præferri tædas.
 Ut tamen scires Pharus fuisse, non incendium,
 Palàm docuit Vulcani temperantia.
 At cocto lateri laminam substituens Sigismundus,
 Augustius Craci Regiæ tectum induxit;

Nouo documento:

Nunquam tantùm obesse Principes, quantùm profunt.

Habet æmulum, quisquis iactauit:

Romam accepi lateritiam, marmoream relinquo.

Datur Cernere, ad hanc ipsam flammam:

Quàm illustri satellitio & prodromis

Terras ingreditur Serenissimus:

Sic Oraculo uti fas:

IGNIS ANTE EVM PRÆCEDET. Psal. 96.

ELOGIVM VI.

Natalis Vladislai dies excepit proximè Comititia Regni,
 in quibus tunc de Societate belli in Turcas agitatum.

Annæ Austriacæ Prima Fecunditas Vladislaus

Metum sterilitatis ademit Oratoribus & Historicis.

Animos & calamos aptate Poëtæ: ingens nascitur Argumentum.

Exinde in bicipiti somniantes Parnasso

Mera orbi somnia non dabitis.

Fingendi necessitate vos absoluit,

Maior opinione & factis Vladislaus.

Prodigium dixeris non Infantiam!

Risu cognoscere Matrem, necdum poterat,

Quum in Curia consultant accersit Patri:

Quasi iam tum in societatem belli Turcici admittendus.

Sic Regni Comitibus panè antequam esset, interfuit!

Indignatum crederes mora mensum,

Quòd non citius humano generi opem ferret:

Lucinà tardante Bellonam.

Lugete Christiani Principes Vladislaum IV.

In meditatione belli Turcici, & Natum, & Mortuum.

ELOGIUM VII.

*Vladislaus puer admodum, Magnus Dux Moscho-
uia legitur, iurante eius nomine Stanislaò Zolkiewio.*

Iuret Nouennis Annibal in perniciem Romanorum;

Noster, à Quinquennio

Coniurat in salutem Moschouia.

Sed eà periuri in deterius abusi,

Poenas adulto postmodum Regi dedêre.

Qui fidem Principi debuissent.

Ohe! & iô! quinquies, Principi Vladislao,

Olympia ludenti prius, quàm nôset.

Quinquennales tunc Fortuna ludos instituit,

Sacros Honori Prætextato.

Heus Natura

In tam

In tam serio Vladislai lusu,
Risum teneat * Zoroastres.

E L O G I U M VIII.

Princeps Expeditionis Turcicæ, in Osmanum Bi-
zantij Imperatorem, Vladislaus.

Puer prodidit vagitu hostes Tiberius: Sucton.

Vladislaus propè perdidit vix dum natus.

Prima vagientis vox & Fama,

Portæ Otomanicæ illata metum intulit.

Hem nouum ad portas Annibalem!

Sudet Orpheus, Thraces congemant:

Illi grauis, his nascitur fatalis Vladislaus.

Fuerint alibi spontaneæ Thracum lachrymæ,

Huius Genethliaco iussæ debentur.

Fasciatum orbis Terrorem

Terruit, vel in fascijs, Terror alter.

Ætate, post & victoriâ, Osmano grandior,

Feroculam Tyranni iuuenis insolentiam,

Suo sub fasce posuit ad chocimum.

Ita infelix Osmanus,

Dum adhuc, per ætatis & iræ impotentiam,

Ensem & Fortunam rotare nescisset,

In suam suorumq; ceruices impegit.

E 2

Maio.

* Bactrianorum Rex primùm natus risit.

Maiores machina pilam à barbaris explosam,
 * Ad pedes tunc languentis, innocens deposuit Fortuna,
 Ne febricitanti colluderet Alexandro.

At ille Tormentarium Osmani missile,
 Maiore mox remisit tormento:

Nam deturbatum prius è statu mentis
 Postremo è campis Valachie pepulit palabundum.
 Anno Pactæ Salutis M. D. C. XXI.

Sexto Idus Octobris.

ELOGIUM IX.

Electus & Coronatus Calitum Hominumq;
 studia demeretur.

Affurgite Cæli Principes

Honori venientis Vladislai:

Prior ille assurrexit vestro.

Nunquam securius, quàm sub Forti,

Quietius, quàm sub Pacato Principe

Cælestes Animæ habitastis.

Fuerit alijs ars prima Regni: Possè invidiam pati,

VLADISLAO: Parasse amicos.

Bene utiq; persuaso,

Regnum ijsdem artibus tuendum esse,

Qui-

* Sobiescius in Historia Chocimena;

Quibus initio partum est.

Amore Ordinum illatus in solium,
Vnum timuit, ne à subditis timeretur.
Rarum firmandi dominatûs artificium,

Cæli studia & suffragia occupare.

Sola sic regnandi ambitio honesta est.

Agendum in Superos vel cuniculis, Mortales:

Sinunt illi, auro perfodi domum suam.

Quis crederet?

Cælites quoq; largitionibus capi posse!

Lautè & régaler habitû à Vladislao,

Patriam, extra cæli ambitum, habuère.

Idem Regum Hospitalissimus,

Etiam Deo Homini mensas posuit per Delubra.

Certius, his ex Hostijs, omen capitur in hostes.

E L O G I V M X.

Expeditio Moschouitica, contra Michaële Bory-

sowicz Ducem Moschouiæ, eiusq; Generalè

Exercituû Michaëlem Sehinum.

Ecquid Calitem Dei Armigerum

* *suis ubiq; armis præficit Mars Polonus?*

Suspicite Bellatoris providentiam!

E3

Motu

* S, Michaëlem.

* *Moturus in Moschouia Tyrannum Michaëlem,
Celi Militiam, suo cum Principe,
† stipendiariam sibi fecit: nisi faderatam malis.
Frustra biceps Moschouia, Binos obijcis Gigantes;
Gemino sufficiet Michaëli Vnus,
Cui à bellis etiamnum feriari non vacat.*

* *Præliatur iterum Michael cum Dracone:
Haud dubiè trahente ortum à Lucifero;
Nam & alieni appetens, inuasit non sua,
Et in Aquilone sedem fixit.*

*Michaël Fedrouicius, & Michaël Sehinus,
Serò questi, sensere post cladem,
Abfuisse suis nominibus*

*Aligeri Michaëlis & Ensem & Libram.
Malè distinctus Borysowicz Baltheo exauctoratur:*

* *Colo & fuso donatus, vel ideò,
Vt collo teniam, fati sui artifex pertexeret.*

Mali consilij peior minister,

A Duce praefocatus, spes nimias exspirauit.

ELOGIVM XI.

*Deditio Castrorum hostilium, ad pedes
Vladislai.*

*Ad
Ducem Moschouie & Michaëlem Sehinum. * Insigne Mo-
schouie Draco. * Ob rem sinistrè gestam in bello, Sehinus mulctatur
demi.*

Ad Classica Stiliconis Venti an venerint,
Viderit, nisi fide claudicet, Claudianus.

Contumacius Æoliæ ingenium est,
Quàm vt ad imperia hominum flecti possit.

Vladislai ea fuit prærogatiua,
(*Inseſſo ab Aquila Aquilone*)

Ventos frenare Boreales.

Extra fabulam, vidimus in Moschouia,
Vinêlis & carcere castigatum Boream. Virg. 1. Æneid.

Isthic Sehinus vento leuior,

Timere ac tumere desijt. ;

Castris exutus ad Smolenscum, vitâ domi.

Temeritate & irâ, Karakassio germanus;

Præterquàm quòd hic in Oriente occidisset.

Facturus aliquid fortiùs in acie Sehinus

Nisi ex equo Seiani pugnâſſet. *Proverb.*

Prozarouius & Lesleus

Duo turbines Michaëlis,

Excitados à se belli pulueres relambunt.

Placare Matrem omnium debuêre prostrati,

Quam pede improbo pulsarânt.

Non egemus iam Cæsaris Commentario,

In tam dilucidâ Vladislai Victoria:

Inimici eius terram lingunt.

Psal. 71.

ô be

VLADISL: IV.

O benè consona bonis fata!
Sub idem fermè tempus
VLADISLAUS VRBANO, VIII. Obedientiam,
Illi Sehinus iurauit.

Diuisa tunc cum Rege habuerat auspicia
Orbis Orator Ossolinus:
Ad Smolenscum ille, hic Romæ triumphauit.
Contestatus palam Latio:
Æquè promptum Sarmatis,
Agere fortiter, ac loqui disertè.

ELOGIUM XII.

Stratagema Vladislai, Tabellarium Virgulto
regentis, sub obsidionem Smolenscianam.

*Dodonaas in Epyro quercus quid quæritis?
Vocales ad Moschouiam transtulit arbores Vladislaus.*

* *Et hæ obseßis Ciuitatibus Oracula sunt,
Cum desperatam adspirant & prædicunt vitam.
Numen ad pugnam prouocasti Sehine,
Temeritatis pœnam lues arbore.
Integras contra te syluas animare potuit,*

Si

* Smolenscen: certiores facti de succursu proximo.

Si inclementius agere voluisset.

Veriorem Amphione habuisti Polonia

Non saxa modò trahentem sed & arbores.

* *Habet suos virtus numeros & concentum.*

Prò imperium potestatis !

Eodem panè tempore & Moschi ad Smolenscum,

Et Abassius in Podolia,

Illi ad tubas Vladislai,

Hic ad tibias Koniecpolij saltère :

Cumq; aëlus Tragicos pollicerentur

In Comicos versâ orbitâ deserunt.

† *Conferant Bellatores, Truncos & cortices Premislai*

Cum Regio Vladislai Virgulto.

Mirâ uterq; Metamorphosi :

Virum hic in arborem,

Ille arbores animauit in Viros!

Vel hoc vno stratagemate, nisi iam habuisset,

Regnum meruisset Vladislaus.

Audi Lector:

Siquid effectum aut seruatum voles,

VLADISLAVIANO *committe virgulto.*

F

ELO-

* Seneca. † Premislai stratagema in Morauos:

ELOGIVM XIII.

*Novum in Arbores Montesq; imperium Vladislai
ad Smolenscum.*

Manu mittamus tabellarias columbas,

Præstò sunt arbuſta arcanorum nuntia;

Animam illis & fidem Regius indit ſpiritus.

Videmus iterum homines inſtar arborum ambulantes!

Diſſimulare perſonam, iam & nemoribus conceſſum.

Contra ſtipites illos

Plantis & vimine pugnandum erat.

* Potiundæ illico Moſchouiæ, & hic Satyrus omen dabit.

Non feræ ſolùm & aues condoceſieri,

Sed & Sylvæ poſſunt ſub Magiſterio Vladislai!

Eius inſcribant alij Cælo nomen,

Nos illo ipſo cortice incidemus.

Quod ſi

Fruſtra obſtantes magnitudini ſuæ tollit montes,

Alter mihi fuerit Thaumaturgus!

* Ille baculo in arborem viſcente, contra Lycum,

Hic arbore utitur eiſdem nominis in Tyrannū.

O cæleſtem per omnia Victorem!

Qui

* Ut olim Alexandro obſidenti Tyrum, * Lycus fluviuſ &
Lycus Tyrannus.

✠ *Qui inglorio alaudarum occupato colle
Sux Aquilæ nidum fixit:*

*Alaudis Moschorum, ver cum voce adimens,
Ne quid posthac non in laudem Principis modulentur.*

ELOGIUM XIV.

Clementi Vladislao.

Nunquam Parce parciores visæ

Quam cum ne illi quidem parcerent,

Qui toties & hostibus pepercisset.

Vitam, quam adimere fontibus potuit, dedit.

Tanti est iram in potestate habuisse,

Vt & hosti si velis irasci haud possis.

Moschos perfidiam confesos absoluit,

Accedentes accideniesq; erexit;

Polona Dominus Aquila, Leonis in morem,

Senire dedignatus in prostratos.

Displicuit lenissimo victori laurea

Quam atrox sæuitia decerpisset.

Nemo idcirco meruit iustius ARCV M PACIS,

GRATIAS à mortalibus IMMORTALES:

REGALE à subditis TROPHÆVM.

Ad vigorem Clementia, ipsâ pedum agritudine vsus,

F 2

Vt

✠ Moschonia mons alaudarum dictus.

*Vt manibus in hostem strenuè,
 Pedibus in mortis sententiam agrè iret.
 Literas cum optimè calleret
 * Neronianæ crudelitatis literaturam ignoravit.
 Mitem ei contigisse mortem quis ambigat?
 Qui mortem commeritis, sensum mortis ademerat.
 Plura si desideras? hostilem appella conscientiam.
 Dabit vel Barbarus huic testimonium Virtuti:
 Et qui odisse poterat vincentis fortunam,
 Non carpet Clementiam ignoscentis.*

ELOGIUM XV.
 MVNIFICO VLADISLAO

*In Duos Hominesq; ac inprimis Deiparam Lau-
 retanam, & Claromontanam.*

Princeps Sarmaticæ Libertatis,
 In Regno, si quod vspiam libero,
 Ultrò sibi necessitatem indixerat:
 Ne quid poscentibus non daret.
 Hinc præesse & prodesse scienti
 Nullus absq; linea fluxit dies;
 Ne amissam cum Tito quereretur.
 ‡ Inter cætera quæ dedit Varsoviæ spectacula,

Illud

* Utinam nescissem literas. Neronis vox, Suet. ‡ In nuptijs cum
 Cæcilia Renata, sparsa in vulgus pecunia.

Illud utile & iucundum fuit: missilia auri sparsa.
 Cælum CrySTALLINUM moliri Archimedes possit,
 Imbres pluere aureos, nisi Ioui Lechico, non datur.

Quid, quòd à suæ Pietatis congiario

Nec Dei Matrem abesse passus est?

✠ Securus Protectionis, quam suis mænibus inclusisset.

Et hic Davidis æmulus cecinit coram Arca Dei.

scilicet vocem, præconio Mariæ denegaret?

Cui armatum ibidem brachium deuouisset.

✠ Aureâ Diui Vladislai statuâ Domum Auream muneratus,

Probavit Laureti incolis & aduenis:

Se auream quoq; habere, & mentem & manum.

E L O G I U M XVI.

Religiosorum Ordinū Benefico LARGITORI.

Vt ut sint Regibus tongæ manus.

Noster languorem pedum, usu manuum pensauit.

Quod vulgo instrumentum auaritiæ est,

Is vertit in beneficentiæ supellectilem.

Ingens Polonia facta accessio, illò accedente ad solium:

Superis Munificâ manu captis

Municipia in regno commentus est noua.

Planè ad omnia cautus Princeps,

Sceptri Adiutoribus carere ne posset

Adsci-

✠ In Claro Monte. ✠ In æde Lauretana.

Adsciuit imperio, vel belli socios, vel Tutores.
 Eatenus quoq; in rem publicam Utilissimus,
 Quòd Proceribus Oeconomias
 Cælitibus Colonias diuississet.

Paternæ ac suæ maiestatem Basilicæ aucturus:
 Nec magnificentius quidquam, nec se dignius reperit
 Patritio CAPITE Sarmatici Tutelaris

STANISLAI KOSTCÆ.

Fortunatum id Felicis Vladislai munus ut credas,
 Trium Oraculo Pontificum, ter Beatum noris.
 Dignum Regali Sacrario Honorarium:
 Par VLADISLAI beneuolentiæ vadimonium,

Nec mireris

Præ omnibus ei Opificijs arrisisse Torum;
 Ut pote liberalis ingenij Hieroglyphicum:
 Hinc, primum sibi Tornatiles ad beneficia manus fecit.

Deniq; sub vitæ vesperam,
 ATorno & à Throno vocatus ad Tribunal,
 Opificij & Beneficij fructum cepit
 Suæ & nostræ Faber fortunæ.

Discite ex nostro Principes
 Non arces duntaxat moliri sed & Aras.
 Grande vtrinque momentum ducitur
 Ad Orbis & Urbium munimenta.

ELO.

ELOGIUM XVII.
PACIFICO VLADISLAO.

Regem hunc

Ne quis putaret in otio otiosum,
Marti machinas & noua opera suggerens,
Scripturienti Seculo à se acta dictabat.
Semper victurus in memoria literarum,
Quibus vitam & spiritum afflando
✠ Pestilentem Licinij vocem difflauit.
Ipsa lati laboris exercitia
In vsum Regiæ conferebat quietis.
In Venationibus tam feras, quàm otia persecutus,
Domitiani, muscas domifigentis, ignauiam configebat.
Scilicet ille in Palatio sterteret,
Campestri in Polonia natus ad campum?
Hinc ignotâ Bellatoribus arte
Martis aream, in Encyclopædiam transtulit literariam.
Maturè soterterq; prospectans
Ne acutior esset gladiatorum acies quàm ingeniorum;
Angustos Regni limites arbitratus,
Vbi Regnum Sapientiæ, armorum imperio arctaretur.
Debent Literæ, hæc Regi Pacifico Alcyonia.
Amate mansuetiores Musæ, mansuetudinem Vladislai.
Etia-

✠ Literas pestem vocabat Reipub.

Eriamne Scholarum Humanitas non proficeret
 Sub Principe, quotquot fuere, Humanissimo?
 Non ante sibi Cæciliam Renatam desponsante,
 Quàm renascenti ex se Palladi manum daret.
 Habet iam, felicitatis suæ Consortem
 Augustus Octavianus Vladislaum IV.
 Dignum & hunc fatis visum
 Quo imperante, *In pace fieret locus Deo.*

ELOGIUM XVIII.

Rei Literariæ Fauentissimo Regi.

*Quando plaudere iam non licet
 Plangite Musæ lugubres;
 Solis Bellonæ lituis malè parentatur Vladislao.
 Eandem Literarum & Armorum Præsidentem
 Ne fabulas putaret Polonia, ille persuasit,
 Mentium ante, dein gentium Triumphator.
 Superioribus eo superior Ducibus,
 Quòd aequè vincere ac victoriâ uti nosset;
 Quorum alterum desiderauimus vel in Magnis,
 Et sanè prouidenter
 Præceptas ad Borysthenem & Tyram laureas,
 Hippocreneos vatium plantauit ad amnes:
 Securus famæ, quam Homericæ commisset tubæ.*

Hæte-

Hactenus Poloni Sapientiae gratiâ exulandum,
 Athenæum domi Vladislaus reſerat, occluſo Iani templo:
 Ratus, parum munitam ferro Poloniam,
 Niſi eam & calamis contra inſcitiam armaret.
 In Aula penetralibus molitus Academiam eſt,
 Quò ex ſe loqui & facere condiſcerent
 Ad utramq; geniti facultatem.
 Agnouit ſuas vires Regnatrìx Eloquentia,
 Poſtquam tantus ei approbator contigit.
 Scilicet tot Plinij, ad vitam non redirent?
 Vbi in unico Vladislao tot reſloruere Traiani.
 Ceciniſſet veriùs Coronato Macenati ille:
 Nunquam defore Maronis æmulos,
 Si adſint æmuli Vladislai.
 Tu quòd vel has legis Literas, Vladislao debes.

E L O G I V M X I X .

Mathiæ Caſimiri Sarbieuijè Societate IEſu, in A-
 cademia Vilnenſi Theologicam lauream ſuâ præ-
 ſentiâ & annulo adornat VLADISLAUS,
 1636. 3. Non: Iulij.

Præliarem Vladislai genium perſpici-
 tùm Velitationes militum Togatus nolle,
 Doctòrum ingenia inter ſe commiſit;

Classicis cessandi ferias, non Classibus indulgens.

Nata Cracouiæ ex Iagellone I. Pallas,

Renata est Vilnæ.

Ingens Apollini & Gratijs census:

Literati Principis Bona Gratia.

Tam Libertas à vultu Regio,

Quàm artes liberales colorem ducunt.

Illo imperante:

Nec docto esse licuit priuatum, nec rudi felicem.

Nunquam plenius Auditorium gratulata sibi Academia est,

Quàm cum illam tantus Hospes implèsser.

Vbi de Laurea transigitur,

Intercedere Vladislaum necesse est.

Perinde illi de Victorijs, atq; de ingenijs iudicare.

Bene est! Fautores alibi Reges,

Hic Promotores propè habetis, Inauctorandi.

Tunc, si quando aliàs, ceßerunt Arma Togatis.

Habeat ad suos pedes insignia Scholarum,

Ad quos nuper Hostici Exercitus accidere.

Erigi tamen deiecta, mox iussit,

Vt constaret, illo Principe literas non iacere.

Interim vide Vatum felicissime Sarbieui,

Cuius annulo Æternitati transcribaris.

Habes niueum calculum hac in gemmâ,

Fidem

‡ Fidem pectoris obsignante non ora.
 Arctum ne putes Vladislai annulum,
 Quia totius Europæ facile capacem.
 Insculpantur alibi Principes vni gemmæ,
 Nostro non sufficit Orbis annulus.
 Et adhuc non vinceret Vladislai Theologus,
 Rege, sibi & Sarmatiæ, eodem Præsidente?

ELOGIVM XX.

Excessum è rebus humanis æquanimiter præ-
 stolatur.

Odiosa numina Martem & Mortem
Non ita rarò viderat Rex magnanimus,
Vt Ensem & Falcem timeret aabuc:
Illum in potestate semper habuit, hanc in votis.
Odise qui posset Æternitatis ostiariam,
A qua pridem calo iramissos
Iagellones & Iagellonidas meminisset? S. Casimir,
Immortales nisi à morte fieri, non contingit.
Adeò nec Vitæ Necisq; arbitri,
Mortis arbitrio absoluuntur à pulueris tributo!
Hac ultima Rerum & Regum linea
Rectà in Summos collineat ac imos.
 Ducant volentem fata, nolentem trahant, Seneca,

G 2

Tra-

‡ Hephæstioni os annulo obsignat Alex.

*Trahendus non erat supremum ad Iudicem,
Regum Iustissimus Vladislaus.*

* *Illud cum Christianissimo commune sortitus;*

Quòd vterq;

Nullum soluerit libentiùs debitum, quàm supremum.

Quidni vitam creditori ultrò redderet,

Quam dedisset plurimis, nec rogatus.

Suis tamen moribus imputet suos raptus.

Illum Electio Optimum ostenderat, Tacit.

Talem Superi ut vidère, inuiderunt.

Optimum Respublica, quæ Dei est,

Ex Optimis & Dignissimis coalescit.

Eò magnitudinis processerat Regum Maximus,

Ut in Regno, alioqui peramplo,

Habitare sine angustijs agrè posset:

Hinc alium alibi dum quæsisset Orbem,

Perfeciorem extra terras inuenit Monarchiam.

Cælo promissus & præmissus ante Pacis Principem est.

Sicq; à Regno vocatus ad Regnum,

Et vel natus ad Vtrumq;, vel Electus,

Non fugit ex Solio in Patriam, sed discessit,

* *Deo è terris apparante discessum.*

ELO-

* Ludou. XIII. * In peruigilio Ascensionis obiit

E L O G I V M XXI.

Moritur in Lithuania Anno 1648. 20. Maij.

Pingite cæcam mortem, nimum oculati mortales:
 Patientes illa magnæ Serenitatis oculos
 A regum Majestatibus non defleat.
 Pacis ac belli victor Deus,
 Laureatum Principem suo asseruit comitatu:
 Ne Triumphali, abesset à curru, Triumphis innutritus,
 Supremum in Lithuania diem obit,
 Quam Coniugi fatalem timuit, sibi habuit.
 Ad cursum immortalitatis Lithuano vsus Equite,
 Metam tenuit Olympionices, prehendit palmam.
 Eheu insalubres Vladislao ferias Maij,
Inscriptos nomina Regum, demetentis flores.

E L O G I V M XXII.

Comploratio publica in Regalibus Exequijs.

*Præficus huic funeri frustra conducatur Polonia:
 Emptis lacrymis verus non expletur dolor.
 Malè respondet merori domestico, accersitus,
 Exercitata Regni infortunijs Prouincia,
 Eruditos flendi usu gerunt oculos;
 Ne quid conductitijs debeamus lamentis*

Parentalium in symbolam lacrymarum.

Simplex & una plorandi necessitas,

Compositos fucate non admittit planctus.

Cum Patre Patria, tantum non extulimus & Matrem;

Eò familiorem Regi ex animo

Quò viuo cadaueri propriorem.

Instauret sibi superstiti iusta Carolus:

Veras nimium lacrymas Polonorum,

Imaginaria non exhaurit comploratio.

Heu redeuntium in se factorum orbem!

Nec nasci potuit absq; ignibus, nec mori Vladislaus;

Illo proximè nascituro arsit Regia, extincto Regnum;

Agite Proceres

* *Vinctum Domini melle oblini prohibete;*

Apage morem Persicum à Polonico:

Durat hodieq; fama integer Vladislaus;

Cum Calo, & ingenijs olim paciscens,

Ne apud Superos & Historicos moreretur.

Intelligo iam

Scriptores accipere vitam à Principe, & dare posse.

ELOGIUM XXIII.

Dissertatio Moralis ad tumulum VLADISLAI,
cuius de obitu variè à varijs disceptatum.

Quid

* *Alexandri M. melle perunctum cadauer,*

Quid Tu hîc fufurras viator ?

Vias Domini fi obieris curiosiùs,

Errabis toto cælo & solo.

Inuestigabiles vestigare fas non est.

Vel Sarmaticæ *Viam Aquilæ* quis nouit ?

Si virtutis amicus es,

Ab vtroq; te reuoca extremo.

Nullum hoc perplexius biuiò, quod teris:

Porrò si pergis improbus, hâc vade, & audi:

Succensere fatis, nec meum, nec tuum est.

Sic hostibus indignare, vt Superos ne accuses:

Habent suos irata Sidera Orionas.

* Armatum è nube brachium videras, modò sentis.

Ignis & gladius, duo læsi Numinis phœnomena.

Casum Patriæ non euentibus metire, sed causis;

Quarum aliquam intra te fortasse reperies.

Minor futura erat Vladislai ruina,

Nisi ad omnes pertigisset, oppressisset multos.

Tam arctè illi inhælerat Patria

Vt idem sortis telum confoderit vtrumq;.

Vnum funus amborum, & vnus, plange:

Et si nondum corrupisti risu lachrymas,

Affunde his cineribus, & inscribe:

CVM POPVLO IACET HIC, & ipso

CVM REGE REGNVM!

Sic

Sic, Triumphalem hætenus ad Poëana sueti
 Vocem frangimus in nœnias,
 Lacrymas spargimus in vectigal.
 Omnium Parens Ordinum, omnes damnauit ad luctum.
 Orbe aliquantùm dubio: An mori potuerit,
 Qui plenis animæ, rerum gestis,
 Æra & marmora animauit?
 Caue Tu carpseris Regale Pomum,
 Ne & Tibi vetita, creet aliquid mali, malus.
 Manum qui abstinueras à throno, urnam ne tetigeris.

ELOGIUM XXIV.
 VLADISLAI Mors piè & Catholicè obita.

Ne comunibus excederet fatis VLADISLAVS,
Prodromus tot malorum præiuit Cometes,
A Borysthene ciuilibus belli emerfit fax,
In falcem Scythicam exarsura.
Audaces in scelus Rebellium animæ,
Solam Inuicti Regis hætenus morabantur dexteram,
Tanta reuerentiâ Fortitudinis infrenati:
At superesse diutiùs VLADISLAO non licuit:
Ex quo, amissâ in Coniuge dimidium Animæ,
Cor in prærepto Filio amississet.
Hic demùm, in Reipublicâ commoda clausit oculos.

Vbi

*Vbi alijs defierat esse in specula, sibi cæpit;
 Ut, quàm olim providè Salutem Civium,
 Tam anxie & ritè procuraret suam.
 Inter Regni & Mortis articulos quid intercederet,
 Ipsa inter utriusq; discrimina perdidicerat;
 Cùm, non Regem se magis, quàm Hominem meminisset.
 Vitam Principis, perpetuam esse censuram,
 Vel in supremis vitæ, sui Censor, testatus est.
 Immensum Gloria curriculum, se emensurum diffusus,
 Nisi, comite iisdem passibus Penitentia,
 Metas, citra noxæ obicem, tenuisset.
 Dein facturus de summa rei periculum,
 ‡ Contra Umbrarum Principem non profanis ignibus
 Pæno feliciter dimicavit in arcto. Annibale.
 Donec decretoria Martis & mortis acie,
 * Hoste, ipsis portæ in angustijs presso appressoq;
 Hasta & famæ incumbens non occumbens,
 Finem vincendi, non vivendi fecit.
 Operum quæ gessit, quæq; meditatus est,
 Alia in Europæ oculis posuit,
 Alia Rationario Aternitatis inferenda liquit.
 Tu quisquis hîc ades:*

NODVM IN SCIRPO REGIO

NE QVÆRE, ET ABI.

H

APO-

‡ Sacro cereo. * Angusta porta est quæ ducit ad vitam Matth. 7.

APOSTROPHE

AD SERENISSIMUM ET POTENTISSIMUM

IOANNEM CASIMIRVM

POLONIÆ SVECIÆQVE REGEM.



Imperatam animis & oculis lugendi necessi-
tatem, utcunq; executi in Exequijs, nondum
integrè peregrimus Funus nostrum. Et verò,
arcanum in præcordijs tormentum, diu co-
geremur sentire; nisi magnum dolorem, compar gau-
dium, Te loquor Serenissime REX CASIMIRE, Teq; CA-
ROLE, (non omninò absentem hinc) absorberet. Sed
cur continuam tanti Principis Gloriam, non perpetuâ
Panegyri, sed truncatis in Elogia sensibus, concidere
potius quàm referre videmur? Debemus inuentum id
Regum solertissimo VLADISLAO. Prima illi semper cura,
hostes distrahere, coniunctionem armorum impedire,
sensimq; in partibus atterere belli molem. Cepit se hinc
Castra, at prius stationes; domuit nationum copias, at
robore prius paulatim in montibus adempto. Ut nec
illum septem annorum apparatus, nec machinas occidē-
tialium euersurus videretur, si vnam in aciem, totum e-
xercitum eduxisset. Laconicâ panè, domi & militiæ vsus
celeritate, vicisse audiebat prius, quàm pugnâsse. Osma-
num solâ Maiestate ad desperationem compulit; ad de-
ditionem Moschum, solo propè aduentu; Amurathem ad

fædus

59

fædus, ipsâ famâ: vt & fortunam Cæsaris felicius habue-
rit, & consilium. At enim (*ô nulla longi temporis felicitas!*)
quibus olim artibus Moschos fregerat, iisdem circumuē-
tus à morbo est. Non ex facili ille, tantum confecisset
Heroëm, nisi per membra lentè aggressus fuisset languē-
tem. Hoc erat igitur in causa, Regum Serenissime, cur
hæc quatuor supra viginti, nō tam Elogia, quàm totidem
lugubris Horarij mortuales duceremus lineas, à Te So-
le altero, vbi aspexeris, illustrandas.



PRIMUM TRIBVTVM
REI LITERARIÆ
SERENISSIMO ac POTENTISSIMO
IOANNI CASIMIRO
POLONORVM SVECORVMQVE REGI

In primo Auspicatoq; ad Coronam aditu,
A Cracouiën: Societatis IESV Collegio
Religiosè Persolutum. Anno Regis Regum MDC. XLIX.

I.

C.

R.

P.

Sg.

H.



Maiestas Imperij, Salutis est tutela.

Curtius.

SE-

SERENISSIME ac POTENTISSIME REX



Naugurata Maiestatis Tuae fortunatum diem Rex Auspicatissime, Tuumne potius, an nostrum vocaremus, nondum conclusimus. Facit nimirum haec ipsa gaudij quam imperas magnitudo, ut occupati Regalis Gloriam contemplatione, minus ad singula privatae sortis commoda attendamus. Processum letitiae principalis, aliter quam ex Tuis successibus moderari nescimus, at nec volumus: parum solliciti, quid è bono publico potissimum eligatur, Te Electo & Vincto. Latè sparsa Rei Publicae & Literariae studia, in Te, velut in Compendio Votorum omnium, recognoscimus. An enim extra IOANNEM CASIMIRVM (hoc est Gratiae & Fortunae magna nomina) summam prosperitatis quæreremus? qui vnus cunctorum desideria Coronatus expleuisti; cum multò ante Regiarum virtutum numeros implēs. Tanta pectorum vastitati non quantalibet amplitudo sufficeret. Dissoluti Fortunae orbes, nisi CASSIMIRIANA, immò Caestium compacti manu, coalescere vix possent. Eò calamitatis ventur erat, ut orba ancepsq; Patria, vel calo deuocandum Principem, si liceret, putaret. Cum ecce humano maior consilio, ostensus decretusq; es Pater Patriae, vindex Sacrorum, Libertatis Assertor, denique nouus antiquae felicitatis Instaurator. Peruulgata hominum sermonibus retracto, non exoticus narrator. Dissimulare quipossim, quae in medio posita cernuntur? ASSVMPTVM Te diuinitus, non ora duntaxat, sed & aera in commune sparsalo-

sa loquuntur! Aptiora Delecto Coronatoꝝ, Fasci Tuo Symbola
nondum legimus. Deleat Roma Imperatorijs è nummis am-
bitiosa lemmata: hinc nata apud Superos, operosam Dei in Re-
ges providentiam commostrant. Quin illis ipsis clauibus re-
seratam tunc à Te Pacis Curiam non temerè creditum, quan-
do omen prosperum in candida accepimus Columba, Tuis præ-
uolante, quà Auspicijs, quà oleis. Vnam Augusti è columbis
dicerem, nisi quod illæ sceptro insedisent, hæc ad Tuum propè
solum adsederit. Exceptit confestim pacis nuntiam alitem,
fausta populi admirumuratio; donec se interea explicent spes
nostræ, eodem Te interprete quò Auctore. Nec me terret Te-
cti Regij flamma illa, quam agrè nobis persuadebamus, non
Triumphalem fuisse. Ostenta ignium (sit tota excutiat ant-
iquitas) nisi magnificum quidpiam non portendunt. Præ-
cessit pridie V L A D I S L A I natalem; Te in lucem Solij e-
ductum, secutus postridie ostendit ignis. Age tamen Princi-
pum Literatissime, iuratam Tuis Fascibus fidem Orbium dum
admittis, primum ciuilis Eloquentiæ Vectigal à Religiosa præ-
ptum Pallade, oculis & manu alterâ dignare.

Respirate Lechi: spirat pro Castore Pollux,
Fraternalq; vices reparat meliore metallo.
Fatalis procul Annus eat, procul arma Gradiui:
P A C E Coronatum CASIMIRVS inaugurat Annum.
Exsoluit Spes nostra fidem. Stitit ante ruinam
Imperij, prensare sacras quàm cæpit habenas.
Ille rebellantium cuneos, & mobile vulgus

P R I M V M T R I B V T V M

Compescet lictore metu. Dabit Omina Nomen,
Aut faciet virtute pari. Plerumq; sub istis
Nominibus Fortuna latet. Propè raptus ab aris

* P R I M V S, anhelantes animis Seruilibus iras
Extudit, & dominâ pro Libertate, mucrones
Plebeijs tinxit iugulis. Cognomina Magno,
Sub iuga quos misit, Russi pepêrere Tyranni.
T E R T I V S Auspicij, patrio Iagelonis & Ortu
Conspicius, respondit Aus, tenuemq; refellis
Grandibus inuidiam factis: ex asse relinquens
Pulchra Iagelonicis Exempla Nepotibus Auctor.
Et Lechicus CASIMIRE Tibi dum traditur Orbis
Non longè cecidit Iagelonis ab arbore Pomum.



Atis hætenus interruptam felicitatem continua-
re nobis veriùs, quàm ordiri videmur, CASIMI-
RE Coronatorum Serenissime; cùm Te Solio illa-
tum cernimus, Tibi antè, quàm populis imperan-
tem. Attulisti ad noua gubernacula veterem
VLADISLAI IV. Fortunam, Animum, Potestatem: ne plus
in Te Fraternali Sanguinis, quàm gloriæ, superstes adoraret Fa-
ma. Tria illa desiderare Orbis potuit, nisi tam felici compen-
dio, vnus omnia collegisses. Credimus iam, & nobis *Occidere
Soles & redire posse*; vbi à VLADISLAI occasu, Orientem CA-
SIMIRVM Cælo patrio succedere certatim gratulamur. Suc-
censere vix possumus, factorum inclementiæ, Fratrem Tibi,
Patrem Patriæ, hoc est Te vtriq; non ita præripientium, vt
non redderent. Viuis adhuc animosissime Principum VLA-
DISLAE, & viuis tantò minùs mortalitati obnoxius, quòd
in animo, & vultu nihil nisi Magnum, quia Te spirantis CA-
SIMI-

* Casimirus I,

CASIMIRI. Agnosco aureæ Libertatis tutelarem manum, ferro, nescias an scepero magis natam. Suspicio magni Victoris verticem Coronatū: cui citra succumbēdi periculū graue tot laureis, tot meritis incumbit diadema. Diu quidem parturiit Parens & altrix Regum, Regina Libertas, ut semel pareret Heroēm, cui non minū nāci talem, quā fieri, pulchrum esset. Spei tamen publicæ afflata præfagio, torqueri diutiū haud potuit, quin prægestiret gaudio: quod Tu potissimū interfuisses tunc votorum & animorum Comitij, pro quo illic superi facerent, hic Nationum perorarent Legati. Tantū ipsa Tui cogitatio, apud languentem Patriam, ne aggrederet, effecit! Singulare id Principis nostri priuilegiū, cui ad suffragia dignitatis, præter Diuos hominēq; etiam Natalium ordo, & anni calculum adieciere: ut pronum fuerit concedari, qualem quantumq; esse oporteret, quem intento velut digito, ætas maiorem ostendit, dignum Proceres legerunt, virtus renuntiavit Electum. Nunc primū intelligo, non in Diuinis tantū Nominibus Originem Prioris, sed & in Regum Electionibus, attendi, & plurimū valere ad momentum Honoris. Ambo Regij Sanguinis & gloriæ exasse heredes, magnis ad iuuandum Patriam itineribus contenderant Principes: at multum intererat, uter prius quasi è Cœlo opem laturus videretur. Experiri Te igitur (utramq; satis expertum) fortuna incipiat Auspicatissime CASIMIRE, ah cum Paludamento Augusti Præcessoris, regnandi quoq; artes acceperis. Bellorum ille Te & Victoriarum Socium olim adsciuerat; nunc Imperij Successorem, velut prehensā manu, in Regiam deducit: ne longiū orbitatis nostræ sentiamus incommoda. Est hæc videlicet bonorum Principum cōditio, ut capti semel beneficii, cursum, ne obitu quidem suo abrumperant; eò propiores diuinitati, quod extra merendi sortem positi, tamen de Ciuibus optimè mereri non desistant. Quasi terrenæ concretionis ergastulo soluti, in morem transi-

erint

erint Cælestis Machinæ, stare vtiq; nescientis, quin Vniuersi
 comodo ad beneficentiam rapiatur. Debes hanc posthu-
 mo Fratr̃s Honori operam, & Tuæ accessionem gloriæ, bono
 Sarmatiæ Inaugurate Rex, vtpacatis Regni prouincijs, reuo-
 cato Patriæ spiritu, Ciuibus vrbi & sibi redditis, vlturus Dei
 & Regni causam, efferascentem in Regno Libertatis Seruitu-
 tem sub iugum cogas. Placari aliter Pacifici VLADISLAI
 Manes, nisi cæsis toridem hostijs, quot pacis hostibus, non pos-
 sunt. Habes sub oculis, iræ vindicis nobile irritamentum, in-
 terfissam seruii ferro Pacis Togam, ne ad te integra perue-
 niret. Licebit CONSTANTIA nato, quod Rixæ olim Filio,
 tumultuanti Regno Pacem parere. Et verò cogitanti mihi, a-
 trox Miecislai, (hic si vspiam solo ordine, Secundi) Interre-
 gnum, occurrunt omnia ciuilibus bellis fessa, rebellandi ini-
 tia, palàm obnitentiũ Seruorũ conspiratio, sera deniq; Polono-
 rum pænitentia, tantũ non extra solem quaritantium Prin-
 cipẽ CASIMIRVM. Quasi maior oborta esset regni procella,
 quàm vt cuiusquã, extra Casimirũ, cõsilio sopiri obruiq; posset.
 Quieturũ non antè putabatur fæderatæ Seruitutis vulgus tur-
 bidũ; donec à sui regno, ad regnũ aliud, ab vmbra ad solium, à
 Toga ad Sagũ & Purpurã hostico bis tinctam sanguine, cõpel-
 leretur CASIMIRVS. Nimirum magnum exemplum nisi
 magna calamitas non inuenit. Ingens quidem Traiani secu-
 lo & nostro contumelia, ingens Reipublicæ vulnus inflic-
 tum est: Pater Patriæ fato ereptus, deleta Castra, obsessi, capti, in-
 clusi Duces; ereptum Nobilitati illud in Libertate felicissimũ,
 quod nullius arbitrio mancipientur. Aperta heu in campos
 Polonia, nunquam latius in in cladẽ patuit! Et illis gloriæ
 noualibus, non plus laurearum, quàm feralis cupressi, cine-
 rumq; debuimus; etiamnum dubij, an prouenire tanta æru-
 mnarum seges potuerit solo toties triumphali! Omnino
 Chmielicensis fortunæ plus quàm imaginem, simillimo exitu,
 feri adumbrauimus nepotes. Quæ fuit illa cæsi Exercitũs cru-
 enta inundatio! vt Boleslao alioqui Pudico ruborem adderet;
 quan-

quantumq; in animo pudoris, tantum sanguinis in vultu patriæ eliceret. Si tamen eò collineantium intererat factorum, Fortunatissime CASIMIRE, vt ad Te summa publicæ salutis deferretur: quidni gratulanti similior, fatiq; ignoscenti, erupam in vocem & plausum? Desciuere à Principis obsequio Prouinciæ rebellantis Russiæ, vt Tu animaduersor contingeres. Extulere caput seruilis insolentiæ tæderati Cætus, vt Tu ultor ferro intercederes, immò vt ferrum abesset, solo Tui Nominis terrore, prætumidos agrestium spiritus edomares; diffusesq; pestem illā plebeiæ contagionis, ne posthac grassaretur impunè. Nondum Te festiui gratulantium machinarum fragores Electum nuntiauerant; cum felici anteoccupatione, in mores & genium, fortunam quoq; Casimirianorum prouocare; nec prius Tuum parietibus aut vexillis Nomen, vt Vespasiani, sed animis & iudicijs Procerū legeretur inscriptum. Viderant hoc videlicet è proximo coniectores lyncei, quibus in summo posita aspernantibus, non modò in abdita, sed in futura quoq; rimari solenne est. Nec erat cur se errori obnoxios timerent, Cælo ad Imperij tui fasces præferente facem; immò Te Tibi (antequam ires pedibus) præeunte meritis ad Coronam. Facit magnæ calamitatis propinquitas, quâ ad prima illa Regum tempora acti retrò accessimus; vt nisi ex vtriusq; Principis Maioribus & prosapiâ, discrimen tenue animaduerneret, interesse me priscis CASIMIRI I. & nominibus & cladibus identidem arbitrarer. Non iam ex fide annalium, sed experientis Poloniæ sensu percipimus: *In rebus humanis Secula & personas interire, causas & euenta eadem recurrere.* Quod ipsum, quantos non ex dubio ominantium animos, ad inaugurationis Tuæ, hoc est publicæ felicitatis erexit auspicia; non meâ id voce, sed communi Ordinum assensione comprobatur. Ac sanè pertinebat ad sortem CASIMIRI, vt nec insignia Principatûs Tui deberes Fortunæ, nec tam immaturus olim Sceptro, quàm præsentî rerum scenæ seruatus videretur.

rere. Exercuisse te inter cunarum fascias ad Regnum & Tra-
 beam natura voluerat, cum peraugusto Iagellonidum sangui-
 ne censuisset; Parentem in Filio, jam inde agnouit Patria,
 cum ad conseruandam animum adiecisses. Felicem Te, si so-
 lum inaugurationis Tuæ tempus; gloriosum, si causas etiam
 perpendimus. Humanior procul dubio inter homines DEVS
 Homo, postquam in Te diuinitatis transfudisset ius, purpuram
 insuper de sua tinctam addidit, ne non nouam nouo Imperio
 afferres. Nullus deinceps à tempestatibus metus, quia ad ip-
 sum regni Tui Orientem Sol oriens irrubuit, quasi decretæ
 jam Serenitatis Tuæ rogationi, pio subscribendum sanguine,
 putaret. Ab eo Tu sole in solium secundo euadis omine, nā
 diuino! Æmulaturus celeritate gloriæ, solis cursum. Ille ad
 tollendam velut hyemis tyrannidem reuertitur, Tu ad amo-
 liendam Prouinciarum vastitatem, & sananda Reipublicæ vul-
 nera accurris. Itaq; simul Dei ab ipsius incunabulis, simul à
 Solis reditu solarem, simul tuum à festa Regalis ceremoniæ
 luce auspicamur annum, primum utiq; à fatali. Abolere de-
 mum fastos calamitatum incipimus sub ipsam Tuæ Maiesta-
 tis auroram. Augustior Tu nobis Octauio eoq; secundior,
 non profanas, quod ille, Iani ferias aut inuenis, aut facis; Tui
 Nominis reuerentiā, clausis Ianum postibus iubente feriari ut
 mirum videri non debeat, si & Princeps Mensium, ad primas
 Coronati Honoris aras, efflorescentis anni primitias deducit,
 ac dedicat. Accurrit, immò saucia adrepat Respublica, in-
 terque festiua tripudiantium acroamata, aurum & ferrum Tu-
 is vel deponit vel desponsat in manibus, eò vsq; ferreos ex
 more lugubrium gestatura annulos, donec ferrei orbem seculi
 in aureum diffingas: sed eo vtrinque temperamento, ut suum
 quoque non absit ferro pretium, sine quo ne Aurum quidem
 satis tutum. Intercessisti satis alternantibus Regnator Sere-
 nissime, diuque atratam Poloniam, primo oborti splendoris
 radio serenasti, ut incertum feceris: Plusne umbra-
 rum

rum orbatu acceperimus ab vnus occasu, an lucis ab alterius exortu? Maeste his gloriæ primordijs, Regum Optatissime, metu incolas, vrbes obsidione, soluisti; vt prius Patriâ curis, ingentibus coronaueris, quàm galeâ pressu caput, submiseris Coronæ. Ita & victorem triumphalibus, & Vindictam Ciuicis, & propugnatorem muralibus, Principem denique regali profitemur laureâ, de Tuo amplius Coronatû, quàm nostro. At quibus consilijs, boni Cæsares, duo Martis & Mortis numina, nostris intenta ceruicibus vel amolitus est vel infregit? Victoriâ prius mirer an modum victoriæ? vt non venerit, vt non viderit, cum Cæsare: voluisse, vicisse CASIMIRO fuerat, planè ex vsu VLADISLAI & suo. Vt absint præsidia & arces, absint vrbiû munimenta, solo Tui pectoris propugnaculo tuti sumus. Biceps meritò Ianuarius commune Deo & Tibi vocabulum Seruatoris indidit, vt diuiso felicius imperio, orbem ille terrarum, Tu Poloniam, seruares. Vitæ & mortis arbiter accessurus proximè ad Numinis potestatem, illius & exordia æmulatus es. Quippe ille cùm terris primùm affulisset, pacem attulit, Tu, cùm Regno. Enim verò vt agrorum vbertatem sterilitas, serenitatem turbines, ac procellæ commendant, ita luculentiùs Tui nominis gloria illis bellorû tumultibus inclarescit.

Hoc in dotem, mortalium accepit conditio, vt *Aduersa ex secûdis, ex aduersis secûda nascatur,*

* Vtrorumque sementem occultante Deo. Incrementa hæc immortalitatis Tibi fuere, non præcipitia virtutis. Atq; vt Herculi terrarum monstra, ita Tibi turbulentorum obices, in arduum gloriæ, magnis passibus connitenti, vel strauere viâ, vel monstrauere. Tuo hic Principi CASIMIRE Sarbieui accinuisses: *Non tota vitæ, tota tamen Tuae est, Immensa tellus Gloria Patria,* vel eo prærogatiuæ merito, quòd ciuilis odij faces in limine occupatas extinxerit, hostem successu & prædâ ferocem, tanquam objecto Caduceo pacauerit; dum se interim rediens

in præcordia virtus Poloniæ circumspiceret. Sic prosperâ festinatione illo felicior Cunctatore, hostē oppressit prius quam premeret. Abiisse in morem fulminum videri possis, quum solo vocis Imperatoriæ tonitru percussis hostibus iras & arma extorques, antequam id agere sentiaris. Ne non virtutis aut fortunæ Magnorum esset, ante classica pugnare, ante pugnam vincere, ante victoriam triumphare. Quantus barbaris à vultu metus? si adorant virtutem, quam de facie vix nouerunt: metuunt necdum experti, tantumque Te inermem adhuc suspiciunt, quantum armatos aliàs contempserunt. Hæc Tibi apud hostes veneratio, quid apud Ciues? inuenisti arduum in animorum penetralia iter, quod non nisi ex diuturno collectæ benignitati pertingere liceret. Regem te prius sensere Ciues, quam renuntiaret, arcanæ potestati Tuæ iam tunc subiecti, cum vnanimem omnium in Te consensionem, Te vno reclamante imperares. Patuit expedita ad honorem via, cui virtus & natura nihil esse inuium voluere. Successionis negotium illis ferè arduum, qui cum præesse tantum non prodesse norint, curas omnes à Republica transferunt ad priuatam. At Tu Regum prouidentissime, delatam gentis liberæ tutelam, sed eo nomine admisisti, vt votis gentium, Poloniæ desiderijs obsecundares: certus utique, hanc Tui electionem, eligentibus vtilem, Electo tantum pulchram esse. Miramur faciles aditus, admissionum frequentiam, responsa Clemenciæ, in summa potestate modum! Quid enim egisse Te ad Ædem Lauretanæ Fortunæ Tuæ putem aliud? quam vt intra Mariani adyta Sacrarij, Humanissimæ facilitatis iura perdisceres, Deo isthic congenitâ sibi Humanitatem profitente. Et adhuc Numinis magisterio, in tantum quâ Hominem, quâ Regem, non proficeres? à conclau diuinitatis, ad clauum Imperij gradum facturus? His Tu deinde institutis (ne quid Stagiritæ deberes) Magno instructior Alexandro, Tuorum desideria explēsti, Rex in paucis Sapientissime: id perpetuò Superis.

peris agentibus, ne tardiùs Tibi promissa exsoluerent, jamq; olim Mâiestati Tuâ sanctos, sanctosq; ad extremum referrent Fasces. Summa hæc nobis, Tibi rudimenta ad gloriam. Faceessant arioli, qui siderum consilia, & cælestis adeò scrutati decreta Senatûs, eleganti imposturâ spem magnò licitantes, fatua mortalibus fata pollicentur; dumq; astrorum dominio nihil non mancipant, humanæ jugum inducunt libertati. Cùm enim ad Serenissima Tui Ortûs Incunabula, tot Regiæ indolis concurrissent auspicia, ecquid nobis, quid Reipublicæ, quid Orbi terrarum, sepelitis diuinantium ambagibus polliceri potuimus, vel quid non potuimus? Suâ se producit magnitudine origines Magnorum. Quod Soli planetarum principi, hoc & nostro licet: primæ serenitatis internuntium radium, quò pertingere ipse necdû possit, præmittit. Nusquâ non ad metas, certa collineat natura. Quò magis ex magnifico ducêdis incûbit opificijs, eò plures fatigat operas, artes expedit, formam Operi de sua libens impertit. Inde tot, sub Herodum Natales parta prodigia, tot futuræ indolis argumenta, vt famæ priùs, quàm vitæ hereditatē ineanit, adeoq; sine præuio comete, nec ad sepulchrum deducantur. Prodit Lepidos^{us} inducta oculo membrana, quid eis cum sole commercij futurum sit. Loquitur magnæ spei Seleucum anchora, Luna. Arcades genitos ante Lunam, signata alios brachia, alios index animi vultus, corporis alios lineamenta commendârunt. Substituatur risum lacrymis intempestiuè ridiculus Rex ille; plus est: vniuersam Tibi, primis ingredienti terram passibus, nouo arrisisse Vere Sarmatiam. * Efflorescit in ipso Regalis infantia exordio Ver purpureum, quod dum taciti contemplamur, illico nos in auguria excitari sentimus. Præsaga cōprecanti Patriæ insedit mens: adesse Principem, qui prætextâ insignibus euolutus, solo tempore superioribus Casimiris, Magni cognomenta vel adimat, vel diminuat, ne propria illius seculi habeantur. Malè id ego prætermiserim, quod tam an-

* Natus verno tempore

I 3

xiè

xiè, genialis prosperitas præmisisset. Implèsti jam indè Poloniam magnitudine gloriæ, vnde cunas vix posses. Atq; vt cælestes Animi nullam didicere virtutem, geniti cum virtute: Tu Diuûm generi Congener, ea quæ minoribus traduntur animis, festinato naturæ ingenio præuertisti, cui non virtutem solum ex Parente, sed & fortunæ morem, ac instituta edificere præclarum fuit. Quid enim *Externi Monitoris egeret*, qui domestico ad virtutem rudimento inter purpuras adoleuit.

Mentis pudica candor, & indoles

Firmata Regum sub penetralibus,

Sarb.

Cultusq; Diuina Parentis

Fixa locans monumenta terris.

Vestram hîc appello fidem Augusti, Diuorum Parentum, Manes: Vos humanâ altiolem CASIMIRI ne tum quidem nisi Magni indolem, penitiùs inspexistis. Vos fascibus & liberi populi suffragatione dignissimum prodidistis, vt non iura solum dare, Regibus, verum & diuinare vobis ex munere liceret. Hæc illa sunt purpuratæ veritatis de Te effata, securo de minorum gentium iudicijs, qui SIGISMUNDO III. & CONSTANTIÆ probatus sis: vnicè gratulatis humano generi, alterum sibi Timoleontem diuinitùs cōmodari, cuius ceruicibus & salute, nutans quandoq; Imperium inniti, ruens propemodum sisti humero, atq; incumbere tutò possit. Quo interim facto Patriæ factum dicam, vt Regibus vltra Platonis desideria sapientibus, præsentiones quoque infelicium temporum, vaticinātib; respondeāt. Per damna & calamitates publicas (quod Tibi peracerbum) tamen eundum ô Princeps ad Reipublicæ representandam salutem. Fuerit *Magna Felicitas, felicitate dignum videri*, maior calamitosus etiam temporibus, felicem non videri, & esse. Mutuetur à Sole nomen Cyrus, Scipio à fulmine, Tamerlanus dici malit flagellum. exambiat Adrianus prænomen Docti, Nerua Boni, Traianus Optimi, Commodus Herculis, Flauius arroget Bellatoris. Inuolent in Deorum, fami-

familias, hominum superbissimi; vno illo execrandæ ambitionis fructu, quod ultra belluas efferati, esse homines desisissent. Tibi vel à nomine, Principum Gratosissimo, primum obtigit beneficium nasci CONSTANTIA; proximum: Gratia titulos occupare in prænominis IOANNIS; quò iam tum, ius genethliacum caperes ad priuilegia Gratiarum. Spirare vixdum cæperas, cum ad summos capitum apices adspirasti; experturus, an posses ad staturam assurgere, quâ MAIOR INTER NATOS NON SVRREXIT. Alieni Heres Nominis, iuxta & virtutis, tametsi *Onerosum esset bono succedere*, Optimis & Maximis, nascendi ordine successisti. Dabis quam soles clementer veniam Rex Indulgentissime, ad prima Tuarum Olympia cunarum anhelæ Orationi. Quis enim vel citatissimo dictionis cursu, pernicietatem Tuæ indolis assequatur? Proximam Tu meridianæ lucem, in primo auroræ crepusculo, togam in prætexta, senium in infantiam decurristi! Erudiebâre in spem generis & Patriæ eodem Arbitro & Parente. Capax æquè ac retinens Honesti animus, maioribus ad ardua quæque stimulis vrgebatur. Meminisses eâ Te lege natum, vt Regiæ sortis decora, velut iniectâ manu, immortalitati porrigeres. Quæ tum erat expectatio? quæ altricis Regiæ spes? dum præmaturâ morum canicie annos præuerteres; nec fortunæ Tuorum nec generis esse ratus: emicâtes ad sūma Spiritus, ludicro puerilis arenæ exercitio addiceret. Nōras Te Regiæ stirpis Volucrem, ad dispensanda Iouis & Regis fulmina prognatam. Eapropter militaribus insuere disciplinis, interesse hastiludijs, cohortes sub signa ducere, dare classicum, configere, non solenne Tibi, sed quotidianū panē fuisse cōpertū est. Habet Martialis pueritiæ æmulum Austriacus in Te altero videlicet IOANNE. Donec imaginario Marte posthac in serium desinente, ardor ille bellicus Moschouiticis Hybernis restinguendus esset. Quid tunc optaueras, immò quid non egeras, vt secuta aliquando Patria, Tui capitis periculo tegi posset. Hinc, ominantium læta quæq; voces: paten-

Patentiorum virtuti Tuæ campum quare, Tua Te Polonia non capit. Confocietur Ferdinandi Imperatorij Aquilis Ales Regius. Spectet aula Cæsaris, inesse & huic oculos, magnæ lucis capaces, nec ad totius Hispaniæ Serenitatem remittendos. Frequens & illicum Sole contubernium, inter congenitos tot luminum fulgores educato. Refugiant Maiestates publicas, qui suis concolores tenebris, tecto ac parietibus inclusi, excludere mundi oculum, quò liberius in Solem peccarent. Quid ego extemporale in subitis ingenium? in responsis argutias, in arduis animum, Clementiam in offensis, ardorem literarium, commoueam? cauentis in Purpura, ne quis metæ Palladis propior emineret. Ita sparsâ ubique maiestate, præses omnibus instabat exstabatque studijs; ut singularis in singulis, Oratoribus non modò res, sed & aures arbitras adferre potuisset. Age interim, qui in reliqua ætate Procerum plausus? cum illi quidem obsequijs Tuam propitiarent gratiam, Tu beneficijs ut eorum vinceret officia, contendisti; ut qui cæteris in rebus moderatissimus audires, hinc Tuæ modum indulgentiæ non teneres. Nec propterea, quòd *Oculus animam eminentem Suiq; largam* priuilegio accepisses, immodicè profusas Macedonici largitiones ad censum Tuæ Beneficentiæ admisisti, quia corruppendis non obligandis animis aptiores. Insincerus fauor est, qui donis emitur. Nihil verò tam liberale tamq; regium est, hoc est Tuo consentaneum ingenio, quàm opem ferre supplicibus, depressos erigere, bene meritos fauoribus dignari, comitate pelli-cere, ad omnem denique, seu ornandæ seu tuendæ Reipublicæ fortunam præstò esse. His Tu artibus Rempublicam, his egregios quosque innocentibus præstigijs deuinxisti, his VLADISLAVO suppâr, grande ad Imperia commerueras olim suffragium, si duos Regnum Principes patiposset.

Verum ô quæ ista moderatio, quod in Fratrem pietatis certamen! Cuius enim id erat exempli, suffraganti-
um si-

um sibi Ordinum calculos propè è sinu Honoris repellere, inclinata multorum in se studia, aliò rapere, vota ad alium trāsferre, circulis intercedere? Poteras Tu quidem Fratris gratiâ, egisse aliquid gloriosius, nihil disertius, quàm cum illam basilicè loquentem Suadam, Fraternæ in rem gloriæ contulisses. Vnquamnè Tibi Principum Eloquentissime, Libertas ipsa alacrius animis atque auribus assurrexerat læta vnicè, Te Vladislai partibus adstipulatū, sinè subito comitijs fecisse, cui tā pròptum erat, facundiam pro eligendis Regibus, quàm ferrum in hostes vibrare expeditum. Ita magnanimitatis Tuæ fuit, sceptri honore abstinere, cedere Vladislao, reuerentiæ, rerum potiri aliquando, pietatis. Neq; enim persuasissemus Tibi imperium, nisi seruandum fuisset, vt periclitari prius Rempubicam necesse fuerit, antequam Tuæ vi modestiæ vinceretur, cui expugnandæ sola patriæ suffecit incolumitas: huic succubuiisti, ne caderet.

Ecquid autem tot grauissimis legationibus, bono patriæ, & legionibus de Tuo conscriptis voluisse? quid præsentē in bellis fortitudine, munificentia in publicum spectasse Te crediderim? quàm vt laborum in Societatem Te assumpto, parte curarum solutus per Te videri posset VLADISLAUS; Vt cui inter seuera Bellonæ Connubia flāmasq; Martiales, fido aderas comitatu, eidem ad Augustas testasq; CÆCILIA RENATÆ Nuptias, germanā Maiestate Paranympus præires. Atq; vt incitata semel virtus, obstinatiùs in obstantia quæq; irruit, & auida periculi, non tam computat decora, quàm ne possint facilè numerari, contendit, nihil Te hætenus, laborantis patriæ causâ egisse arbitratus es, si Tua illi, non te insuper impendisses: Primus aggredi castra hostium, oppugnare propugnacula, suggestus tormentarios inuadere, demoliri, Tuâ loricatus virtute ambitiosè experieras. Quasi verò periculum, non maiore depulisses periculo, ac in vna Schini statione, non Spes patriæ, nō vitam Ciuium oppugnasses. Prætulisti gentilitio in Falce,

non tam iræ vindicis instrumenta, quàm Cornucopiæ, quo & seruâsti Ciues, & hostes perdidisti; cum tantum eis de viribus adimeres, quantum Regiâ planè annonâ addidisti Tuis. Igitur accurris bonis auibus, & quam à Tuo solùm trahebant spiritû, vitam cumulatissimâ impertiris manu. Et hos ego Lugdunensibus non opponam æmulos? Arietem ijs, quouis tormento grauiorem, suprema admouerat cibariorum penuria, propè debellatura, nisi in eos incidisset, qui ab aduersis, & vitium & famæ nutrimenta peterent: in tantum, ipsiusmet hostis clementiam dedignati, vt eam suis de manibus, crudeli fortassis, at magnanimo responso exploserint. *Alimenta sibi non defutura, donec lauum brachium restaret; hoc efuros, dextrâ ad libertatem tuendam reseruata.* Quid? an non idem Smolenscensiu ceruicibus, ineuitabili necessitate, atrocis inediae imminabat telum? infregere illud tamen, infraçto animi robore, auri idem etiam, nisi famam Tuo capite, famem commeatu explêssent. Sêsit iam tû Regiæ ictû dexteræ Moschus peruicax, cum duos pariter clade suâ persentisceret victores, ne vinci iterum ab alterutro cogeretur. Quàm egregium Tibi cum Æmilio, hostes non homines perdere? eo nî fallor consilio, vt in tanta vel barbari cruoris parsimoniâ, eiusdem belli & pacis arbiter, eundem cum VLADISLAO subires ARCV M PACIS. Cæterùm Tuæ maiestatis fulgore perculsus Draco Moschuæ, rabie Tuos ad pedes eiuratâ, æternæ caliginis refugiat in antrum. Nos fidem concepti olim ominis, successibus è Tuis Tributariâ pensione, lætas inter acclamationes exsoluimus.

10 ter Tamplius. Vicit ante classica Vladislaus,

At non sine Compare CASIMIRO.

Concinite vos Larario Aruspices,

Certiora tenemus omina ex nomine CASIMIRI.

Fatale hoc semper schismati Nomen.

Mo-

Mouit in monstra Hercules, at cum Theseo,

Habitus Gloria Collegam in Fratre.

Incomitata Heroum virtus raro contingit:

E concursu Maiestatis gemina

Tanta debuit intendi armorum lux,

Quanta ad prestringendam hostis aciem satis esset.

Quid euincerent duæ Aquilonis Noctua,

Contra duo Lumina & Fulmina Iagellonidvm?

Impatiens magna lucis Vespertilio

Versat in puluere, auersam faciem Sheimus.

Solem in Aquilone Orientem, proni adorant Gigantes.

Sub loue frigido, Iouis munia verè obijt Casimirus,

* Ope, quasi calitus latâ obsessis: Pane & Igni.

CASIMIRIANVM est ferre suppetias laborantibus,

Vitam proferre morituris, Iagellonium.

Beneficentiæ Theatra, Diui partiuntur Iagellonida:

✠ Militibus alter per Diuinam fluuium iter,

Alter per Borysthenem præmonstrauit;

Vadum ille, hic vadem Salutis.

At heu! Prostrata tunc Principis valetudo,

Robur eiusdem militiæ consternarat;

Sed luctatus cum aegritudine demùm vicit.

Iô Triumphe Sarmatico Alcida,

Æquè hostes triumphanti, ac morbos.

Pace domi, forisq; constitutâ, palàm facturus, Regio in pectore Marciales spiritus otio non torpere, Germaniam, Galliâ,

taliā fam ātui nominis implēsti, antequam Sarmatiæ gubernaculaprehendisses. Priuato esse non licuit, ne celata virtus, sterile bonum esset: quæ prodita, admiratores haberet, accēderetq; studia æmulantium. Tralucēt ex abdito melius magnæ mentes. Nec gemmis conchylia, nec soli nebulae officiunt. Et lana squaloribus imbuitur, antequam fulgore purpuræ induatur. Casimirianum est: non sacris tantummodo in orijs, sed supremis etiam Reipubl. in negotijs, magnanimitatem profiteri, manumq; porrigere naufraganti. Cum idem propē fuisset decessus ē vita Vladislao, qui hostibus ad regnū accessus. Feciales rebellium hastæ, non prius iactæ in confinium, quā infixæ multorum pectoribus, bellum ante, quā edicerent, profligârunt. Solitudine alibi, alibi oppleta insepultis ciuium sepulchris fora vidimus! Russiam deniq; vniuersam, suis in cineribus & vrbium fauilla pænitentem. Ac, vt iitius ruderibus altiùs ingemiscimus, ita prosperum immanitatis hosticæ exsecramur parricidium. Probaturi fortasse, vel in hoste virtutem, nisi nos Cælo ultore, nostrâq; socordiâ oppressissent. Non enim illis capta oppida, sed aperta, non vi adita, sed prodita, deditaq; non arces extractæ machinis, sed machinamentis reserata. Seruiet tamen, velit nolit seruale vulgus: mordebit frenum vesana bellua, ponetq; animos, ex cors illa fecis agrariæ temulentia. Ita illi quæ bobus nuper ademerunt iuga, liberis dum imponunt iugulis, intelligent, redeundum sibi, à bello- rum itatiuis ad stiuam, à clypeis ad nalleum, à mucronibus ad ligones. Parco interim lugubribus, ne Triumphalia funestem. Quin Laconico pede, longam illorum in-
 ianiam, vt fugiam satiùs quā confectet, contra-
 ctas velut in pugno, tatorum pugnas, Tuæ
 sub oculos Maiestatis educo.

Inter-

Interregnum

Anni 1648.

Sole, in Sarmatia, occidente,
 Grassatos quid miremur latrones?
 Rarò tenebræ, Scelerum non patronæ.
 Minus attamen patuisset prædæ Polonia,
 Si tenebrionibus Thracica non fauisset Luna.
 Exortus ab occasu Hesperus, feras e latebris exciuit.
 Samfone mortuo, vulpes insultant Urbibus assultantq.
 Aufe heu! Barbam vellere Russiæ Leoni.
 * Benè olebat antrum illud, vulpi illi,
 Sed melius spoliatus Cuius.
 Ex arce Leoburgica acti in præceps,
 Zamoscij aggeribus, Borysthenij illiduntur fluctus.
 Atrox iniquioris Bellonæ hastiludium,
 ‡ Ad Hastas Martis HARI se infregit.
 Debuit vesper igneus subsequi solem nostrum,
 Cui flammeus præcesserat Phosphorus Orituro.
 Orioni perquam similem diceres:
 Qui nec oritur, nec occidit, quin cieat tempestatem.
 Non solo Regum Rege expirante,
 Rerum Uniuersitas concussa est:
 Affine quiddam sunt, Dei & Regis obitus,
 Quia & finitima Potestas.

Ite-

- * Leopoli à Chmielnicio oppugnata lytrum. ‡ Zamosciorum insignae, tres Haltæ.

Iterum ad VLADISLAI IV. decessum,
 Ciuico terra tremuit belli motu:
 Aperta Principum Mausolea sunt;
 Pudoris primum, dein Templorum vela scissa.
 Sopito Hercule, Harpyiæ contaminant mensas Dei!
 Agricola à Furijs obsessi, urbes obsident:
 Fana sacrilegi profanant Fanatici:
 Litant cruentis hostijs Flamines Catilina.
 Scilicet sobriè agerent in templo, sanguinarij belluones?
 An & Marti Lechico, par calamitas incubuit?
 Andabatarum alibi, alibi Parthorum more pugnatum est!
 Ad Thermopylas Pilauenses expilata Aquila,
 Senium isthic, cum exuuijs posuit, non et animos.
 Non soli iam Ephestioni,
 Sed et VLADISLAI, orbium excidio parentatur.
 Ita nunquam magna sidera deficiunt,
 Quin officiant Subiectis.
 Cur Calum Sarmatiae non ruerit, causam accipe:
 COLLAPSO FATIS ATLANTI
 Successit equali robore par ALCIDES.
 Age & Miris Casibus exercite CASIMIRE:
 Agram si reliquit Patriam VLADISLAUS,
 Sensim conualescet Te Vincto.
 Redintegrandæ Sanitatis argumentum est:
 Telum è visceribus Patrie extraxisse.

CLASSICVM

SEPVLCRALE

COMPLORATIONIS PVBLICÆ,

Ob immaturum ex Humanis decessum,

Semper Victoris, nunquam victi

IEREMIÆ MICHAELIS KORYBVTI

Ducis in Wisniowiec & Łubnie

WISNIO WIECKI,

Palatini Terrarum Russiæ. Premislién: Kaniouieñ: Przasniceñ:
 &c. Gubernatoris. A grata ac memori patria, inter lugubres
 vertentis Anni Exequias, ad 13. Kalend. Sept: recurrentes,

RENOVATVM.

Anno pacati à Christo Orbis. MDC. LIII.

I.M.

D.

P.



K.

W.

R.

Acerba semper, importunaq; visa est, eorum mors, qui
 aliquid immortale, aut fecerunt, aut parant. *Plin: Secund.*



SERENISSIMO ac REVERENDISSIMO
PRINCIPI ET DOMINO,

CAROLO FERDINANDO,
POLONIÆ SVECIAEQVE PRINCIPI,
Vratislaviensi & Plocensi Episcopo: Oppoliæ, Ratibo-
rij Duci, &c.

DOMINO ET PATRONO SVO CLEMENTISSIMO
Auctor Felicitatem.



*T*ertius iam, PRINCEPS SERENISSIME, decurrit
annus, ex quo victorem spiritum cælo intulit,
maior laudibus, & omni superior invidiâ W-
SNIOWIECIVS; alterâ sui parte, (o quæ ista
fatorum mora) necdum illatâ monumento! Quasi minimè cõ-
ueniens sit, ire sub terras Herodém, qui continuo victoriarum
tractu, laudem extendens, supra omnem Bellatorum fortunâ
sefe altiùs extulisset. Nec sine æternæ mentis comitio factum
reor, ut idem Mons, qui Salutiferae Cruci sacer est in Polonia,
pijs demortui Cineribus, temporarium præberet hospitium, vn-
de velut edicioe è suggestu, depositæ mortalitatis exuvie spe-
ctarentur. Quod vnum illi, à morte detrabi potuit spoliū,
illud inter Trophæa Vincentis Regnantisq; à ligno Domini, re-
poni voluit is, qui in eodem Imperatoris sui signo vincere soli-

tus Crucis hostes, Cælo & Patriæ militabat. Itâ, quâ civilis
 belli tumultibus, quâ grassantis quaquaversum pestilentia ter-
 roribus præpeditum, ac insepultum hodieq, funus trahitur Wi-
 sniowiecij; quò productior sit in alterius I E R E M I Æ obitu
 lamentatio: nisi quòd ille rarâ piè morientium modestiâ, post-
 quam lugeri se magnificè vetuit, splendida humationis pompâ
 nec amat, nec requirit. Absq, sonori luctûs Clàsico, nouissi-
 mam fatalis tubæ exspectat vocem. Vt iam propè receptui co-
 gar canere, qui modò Clàsicum occinui Sepulchrale. A fune-
 bri ignium apparatu lucem non accipiet spectatissimus de suo.
 præsertim quòd præter communem, quam in omnium desiderijs
 vitam continuat, principaliter apud Serenissimum Regè No-
 strum, Fratrem Tuum, in animo & iudicijs, apud Te in amo-
 ribus & pretio etiamnum uiuit, spiratq, in superstitute Filio,
 Tuis Princeps Indulgentissime fauoribus, in spem Patriæ alen-
 do fouendoq,. Hoc Tu Wisniowiecium accepto pignore, ater-
 num Tibi obligas, eiusq, dolentissimam Consortem; eò altius
 Tua sentientem beneficia, quò præsentius orbitatis geminæ in
 Te vnico reperit lenimentum. Addidisti congenita pietati
 Tuae, comitem beneficentiam, dum nouo adoptionis titulo, Ma-
 iestati Tuae, magni nominis Alumnum adsciuiisti; ut de Tuo
 Tibi & Reipublicæ cresceret, bellicosum Parentem factis pari-
 bus redditurus ad vitam. Felix orbitas, tantis vel Tutori-
 bus vel Patronis! Gratulare itaq, naturæ & moribus Tuis
 Princeps Optime, Tibiq, potius quàm Traiano dictum imputa:
 Nullû Principe dignius impendij genus esse; quàm quod
 in Heroûm Filios erogatur.

L

WI-

WISNIOWIECKI PRINCIPIS Claritas,
Ex peruetusta Ducalis Familiae Nobilitate.

HIEREMIAS WISNIOWIECKI

A Iagellone & Korybuto Fratribus,
 Illo Poloniae Coronato, hoc Bohemiae electo Rege,
 Augusti utrinque Sanguinis proles verè Heroica:
 Eminentem tantorum Natalium Claritudinem,

Bohemicâ, Austriacâ, Hispanicâ,
 Maiestatum cognatione olim auctam,
 A se magnus, factis illustribus extendit.

Per Alexandram Korybuti & Iagelonis Sororem,
 Nec non, Ernesti Archiducis Austriae Consortem,
FRIDERICI III. Romanorum Imperatoris Matrem;

Quâ Regio, quâ Imperatorio generi immixtus,
 A neutro degenerem se, quòad vixit probauit.
 Quorum illud, ab eximia felicitatis priuilegio,
 Hoc à virtutum institutis obtinuerat.

Prima excellentis Naturæ dos illa fuit:

Reges, Cæsares, Dynastas, Duces, Principes,
 In fundamentum Prosapiae accepisse;

Altera, captam ab alijs gloriam perduxisse ad summum.

Retulit Maioribus gratiam sui ortûs

Quisquis in originem suorum suâ magnitudine influxit.
 Prouiderat sibi gestorum nobilitate Wisniowiecius,

Ne solo antiquitatis pretio sua laus constaret:
 Ratus miseram esse, vel felicium conditionem,
 Vbi nihil moribus, omnia sanguini tribuuntur.

Imagi-

Imagines & caræ Auorum.

Ignauia cæteris, aut arrogantia nutrimenta,

Illi fortitudinis auitæ incitamentum fuere.

Inde (*ut sunt ætuoſæ Heroïum mentes*)

Demetrii, Alexandri, Constantini, Michaëlis,

Magna Wiſniowieciorum nomina, rebus geſtis æquauit.

Posteaquam

A Baſilio Korybutide, baſilicum planè genus,

A Sigismundo Rege Bohemiæ

Conſanguineum pugnandi ardorem traxiſſet;

Militari ingenio GEDIMINVM,

Præliorum varietate OLGERDVM,

Stratagematum ſucceſſibus VITOLDVM,

Pacis bellique artibus KORYBVTVM,

Ad imaginem fideliter, ad exemplum magnificè,

In ſe reddidit & expreſſit Nepos.

Uſque adeò

Succinctus emulatione animus, aliena decora, ſua facit.

I nunc: & *Herodum filios, noxas voca.*

At enim

Rimari altiùs in prima fontium capita non lubet,

Cui longè antiquius viſum ſit,

Acta, quàm geneſes Principum enarrare.

Præaltas Conſanguinitatum Arbores,

Illi ambitioſiùs exporrigant ad faſtum,

Quibus omnis in ſtirpe gloria conſeſcit.

Quaſi multum interſit:

Rectâ an obliquâ Proauorum lineâ,
 Ad seram Posterorum obliuionem descendatur.
 Korybutianæ propaginis præcellsa Arbor,
 Proceritate, Regum solia attingens,
 Amplitudine, Principes familias complexa,
 Vetustate, secula prætergrediens;
 Succrescit in palmas, flectitur in arcus,
 Solidatur in Trophæa,
 Victorissimo Korybutorum Wisniowiecio.

— Pendent hîc illius arma,
 Et clypei galeaque, & Martia signa Virorum,
 Clauæ Imperatoriæ, Ducales mitræ, Castrorum fasces,
 Tot nominibus emerita, tot laboribus parata insignia!
 Quorum pleraque, sui perparcus æstimator
 Mereri maluit, quàm habere.

IEREMIAE WISNIOWIECI. *indoles præcellsa: studiorum auspicia: Peregrinatio ad externos: Auctoramentum militare: Expeditiones bellicæ: victoria memorabiles: Pacis opera.*



Estabat benè institui, cui nasci feliciter contigisset. Nec agris sterilibus, nec bonæ indoli imperandum esse, ipsa Wisniowiecij comprobauit educatio. Sub accurata illustrium Tutorum disciplina, ad frugem recti moris excultus, ipso ætatis vere exhibuit, quod vix alij in autumno: Sterilis ingenij argumentum esse ducens, solâ per diu spem alere in herba

herba. Præcox IEREMIAE pueritia, primò in calamos, dein in mucrones erupit. *Primum bellatoris armamentarium esse literas*, monuit ‡ Alphonsus Rex, expressit Wisniowiecius; inde succum & robur iuuentæ tracturus, vnde expers literarum Lycinius Imp: pestem suxit & virus. Nec absq; numine, è gentilitio paternæ ditionis propugnaculo, Leoburgicâ in urbem, classico Palladis euocatus, studiorum eandem, & armorum sedem habuit. Hic laboris literarij sumpta puero prætextâ est, vbi postmodum Palatini Honoris laticlavium accepit. Hoc demum est: *Suam suo de censu exornare Spartam*. Sienianiano Societatis IESV in Collegio, æterna auito schismati odia professus, æternum Romanæ Fidei Sacramentum dixit, insigne pignus Matri Credentium restituens in seipso. Iamq; tum, ad humanioris literaturæ præscripta flexi facilis, in tantum contentione discendi processerat, vt timendum Marti fuerit, ne, qui ad bella natus esset, factus ad pacis opera, præriperetur à Minerua. Igitur primam apud exteros ætatem acturus, peregrinandi cōsuetudinem, plerisq; pulchram tātū, sibi utilem insuper esse voluit, è rationibus Reipubl: cui, quò pluribus prodesse titulis liceret, capacem magnarum rerum adolescentiam, ad vitæ officia, ad civilem sapientiam, ad leges prudentiæ, Ethicis, Politicis, Historicis impensè erudiit; recepturus domi cum fenore, quidquid foris in opere locasset.

In Vrbe urbium principe commoratus Princeps, poenitēda caterorum decēnia, suo castigauit, triennio. Hic aspectabilem Vaticanæ Religionis ma-

iestatem, hinc natiuam Latini puritatem sermonis. illam summo adorabat in Capite, hanc suo regustabat in fonte, eximius vtriusq; cultor. Generi Fortunæq; suæ congruum arbitratus, peregrini oris & moris elegantiam, è compendio nationum summam collegisse. Itaq; illo orbis in theatro auidissimè spectatus probatusq;, actâ ex decoro Principis personâ, dehinc Martis Belgici gymnasijs intimè perlustratis, Musarum Oracula, pari studio adiit audiitq;: *Mera esse discantium intemperia existimans, ferri tantum acuere aciem, non & mentis.*

Hinc Sagiæ togæ medius, de armis coram se differentibus eatenus auscultauit, dum belli decora, pacis artibus non præferrent; quum ipsemet Vitæ & Martis magisteria, lectis deducens ex annalibus, casus bellicos, præliorum euenta, fortunæ aleam, inter oblectamenta eruditæ voluptatis reponeret. Quam in rem, priscae monumentis militiæ sedulò euolutis, vel ipsa magnorum Ducum infortunia atq; errores, ad felicioris exēpli cautiones retulit, alienâ quoq; temeritate aut inscitâ usus prosperè, ad suæ experientiæ incrementa. Idem artes Imperatorias, è veterū commentarijs, in fastos memoria transcribens, vnus omnium bellatorum articulos, tam scitè, tam integrè perdidicit, vt in eo ad belli gubernacula iam admoto, neq; opportunam Fabij cunctationem, nec pugnacem Scipionis impetum, neq; expeditam Pompeij promptitudinem, Patria vnquam desiderasset. Tanti constitit Ieremiæ Wisniowiecio, florentes annos, peregrè excoluisse, quanti erat, *otij vitia, negotijs virtutum discussisse.* Redu-

Reducem ab Exteris, aula SIGISMVNDI III. & VLADISLAI IV. inter Ephebos Regij cubiculi, ad Summa perfecit, etiam hîc rarâ obsequij dexteritate singularem! Et quidni fortium oculis Principum admotus, vsu tot Serenitatum, citò adolefceret ad sagum? à quibus vndeuicesimo ætatis suæ anno, militari præfecturâ auctus, Tirocinia armorû Tribun^o posuit, prolusitq; secuturis mox victorijs ac trophæis. * Vidisses nouum ad aras Annibalem, Deo Exercituum, Religioni, Patriæ, Ciuibus, vitam, gladium, fortunas, deuouentem! Diu feriari, nec per suam indolem, nec per fata Patriæ licebat Wisniówiecio. Idē ferme, illi bellorum primus, qui Vladislao IV. imperij annus fuit. Hereditatem virtutis Heroicæ, citò adiit, quia gloriæ præmaturus.

A Moschouitica Expeditione, cursum militiæ exorsus, eundem inoffenso deinceps pede, ad vsq; terminales vitæ columnas promouit, famâ tanti nominis ad posteros iturâ. Sub forti æquē, ac felici Rege, virtutis & Fortunæ experimentum facturus, vtriusq; potestatem, atq; omen accepit ex nomine Vladislai. Nimirum intererat Wisniówiecijs, quibus ad immortalitatem Ducibus vteretur. Sub Coronato recens Principe, miles inauictoratus, ad Regalis Manipuli stipandam maiestatem, & ipse militares de suo manipulos, Martialem eduxit in arenam; cumq; adhuc in ætatis ac spei oriente staret, ad Septentrionem, non magnesiâ, sed suâ tractus virtute ferrum vertit, quò index armorum necessitas rapiebat.

ebat. Efferatus ille Draco Moschouïæ, Polonum à tergo, ne inuolueret caudâ exercitum, immisis celeriter aquilis, oculatissimus prouidit Dux, in omnem reigerendâ occasionem perintentus. Sanè præsentissimum disturbandâ gigantomachiæ telum in Wisniowiecio repertum tunc, suorum obiectu laterum prohibente, ne procederet Moscho dolus. Scilicet arma & vires, illi coniungerent gigantes, limitaneo intercepti milite fulminantis KORYBTIDÆ? cùm is, in viscera hereditarij hostis properè illatus, profligatis ad Putiwlū tot millibus Borealium Tyrannorum, excisis perduellium ciuitatibus aut exultis, docuisset periuros: *Ab ignea Korybutorum indole, elementum aliud ne sperarent. Accensum sibi ab OLGERDO fomitem durare adhuc; erupturum confestim. (si conspirassent) in ultrices flammæ.* Quid, quod belli & victoriæ socio, Lucâ Zoskiewio, securitati Patriæ, sui periculo consulturus, quindecim millibus conscriptis armatisq; ære suo, tot tantisq; impendijs, ad perdendos Reipublicæ hostes iuit? O annum restitutæ salutis (MDCXXXV) Polonis memorabilem, gloriolum Wisniowiecio. Moschouïæ fatalem!

Eâdem tempestate (vt plerumq; victoriæ non incedunt solitariae) Komarycenses tractus, terrore sui nominis præmisso, prædarum abactu, clade vrbiū, ferro, igni vastauit. Admonitis malo suo fædifragis: *Ignē gladijs ne foderet, serā in cinere urbium acturi penitentiam.* Nec immeritò, capta oppida, arces dirutæ, incensâ latè omnia, deductum illi ab incendijs addidère cognomen.

Ohe?

Ohe? quàm magnificum & illustre Wisniowiecio, *In-
censoris* titulum in hostico meruisse: nisi malit Mauor-
tis, magna momento vertentis. Felicem Te, cui idē
laudator, idem arbiter virtutis contigerit Vladislaus, ve-
rè id, è mentis Regiæ oraculo effatus: Ieremiæ Wisnio-
wiecij generosis ausibus, agi gratias oportere, quòd tan-
tum operæ & pretij, ad Moschouiticum contulisset tri-
umphum. Rarum profectò fortitudinis & Modestiae,
inter Triumphalia certamen!

Castigatâ Shehini perfidiâ, fastum Abasij depressu-
rus, lunæ Othomanicæ, Lunam Korybuti opposuit, hoc
illâ meliorem, quòd præmunitam Crucibus, in hostes
Crucis. Ergo in perfrigida cæli plaga duratus ad algo-
res, de ardore bellico inter niues Arcticas nihil remisit!
dum nouas quotannis laborum prouincias ex ambiens, à
Moschouiticis offensionibus ad Turcicas prouocatus, v-
trobiq; experientissimi numeros veterani expleret. Tūc,
si aliàs, Podolia Victoris victisq; laudis & ignominiae
capax, at dispar theatrum fuit: in quo, hinc Abasius de
se Koniecpolio, illinc Wisniowiecius exercituum oculis,
Martiales actus dedit. At quantus corroboratâ iam æta-
te, apud Starekum, contra vim & arma Coniuratorum,
periclitâti de summa rei STANISLAO POTOCIO,
suppetiarū inexpectato accursu, aciem cum salute resti-
tuit? Sibi Ducibusq; reddit^o illo die exercitus, immisū ve-
lut cælitus Auxiliarē per castra Wisniowiecium concla-
mauit, attentiores ubiq; ad noua in Rempubl: merita,
quàm ad laudes.

Fatis hoc IEREMIÆ Principis datum diceret, vt nū-
 tantem alibi, vtriusq; Ducis fortunam, reponeret in gra-
 du; alibi exitium ab exercitu, aut obsidium amoliretur.
 Fuit, cūm acrius aliquantō, quā cautius in hostem pro-
 uectus, periculi contemptum, præliaris equi iacturā redi-
 meret. Traiectus pilā ferreā hic Bucephalus, nostratem
 admonuit Alexandrum, ne se cōmitteret fortis pilæ. At
 ille, ac si se obnoxium fortuitis non agnosceret, nouis in
 dies excursionibus, Marti & Morti occursans, damnis ci-
 uium, Paci publicæ, calamitati agrestium succurrebat.
 Seu obliquis, seu transuersis itineribus vrgeret hostem,
 rectā semper victricem contendebat ad palmam. Ita
 Wisniowiecio, ad sublimem Zamocix affinitatem pro-
 sapix aspiranti, per constrata barbarorum iuxta ac re-
 bellium capita, Turcica, Tartarica, Russica, Moscho-
 uita euadere placuit, ductu virtutis paranymphe. Pro-
 missa in Consortem Aneæ sua Lauinia, non per vnicum
 Turni tumulum, ad thalamū triumphalem venit. Et par
 erat, magnum Thomæ Zamoysci Generum, prius cum
 hostibus bello transigere de gloria, quā de faciendo
 connubij fædere cum amicis; nec ante, vitæ ac tori soci-
 am sponsionibus pacisci, quā nominis & famæ peren-
 nitatem, nuptiali annulo consignasset.

Olim magnificè æternitatem ingressuro Victori, vna
 tot Triumphorum curribus Via, quā sufficeret? Quot
 bellicis excursionibus in hostes iuit, totidem callibus ad Ho-
 noris Capitolium subuectus est. Kijouiensibus quon-
 dam

dam redeunti à comitijs, ingens gloriæ viaticum necopinanti oblatum est; quippe Omer-Agam Krimensium Tartarorum Ducem, lectis hinc inde promptioribus ad pugnam, insecutus, prædâ omni exutum, parte exercitûs multauit; documento posteris: Ea solitum consilere circularis Wisniowiecium, quæ mox decernens contra hostes, *agendi tempora consultando non perderet*. Ex-temporaneo tunc Victori vestem candidam, ipsa præliaris diei lux cõtexuerat ad pompam, quâ *TRANSFIGURANTI* sese Domino miles concolor, & ipse Solis instar offulsit captiuis, lætum vel inter compedes pæana succlamantibus: Ieremiam Wisniowiecium, Christianæ libertatis vindicem, parentem, assertorem, venisse, pugnassee, vicisse: nullâ Cæsaris iniuriâ, omni merito suæ laudis. Is mihi verè fuerit trophæorum auctor, qui immisas in Vkrainam Scythicas falces, gladiatorum oppositu sic obtriuit, vt sperata pro lauro, truncos meterent suorum artus, pro manipulis, dena cæsorum millia computarent. Nemo posthac steriles vocauerit campos illos, ex quibus tanta meritorum seges prouenerit Wisniowiecio. Captus ea in pugna, Campiductoris Filius Bayram-Kazy, paterni dedecoris catenatum obsidem in triumpho egit. Sed, (quæ fuerat lenissimi victoris clementia) Patrem in Wisniowiecio expertus est, vel inter vincula. Data ætati venia, ne iugum captiuitatis sentiret; victus tamen argenteæ seruitutis compede est, ne fors ad libertatem auream adspiraret; cuius magna ei

portio videri potuit oblata, cum ad Poloni Principis obsequia mancipatus esset: Sed barbaræ stirpis infelix plāta, mitiore soli & solij cultu offensa, è regię primò, mox è vitæ limine eiecta est. Sub exordia consequentis anni, eosdem Omer-AGIANOS, (aperto Iani templo) secūdis ad Ochmatouum prælijs ex improviso adorsus, tam inobseruabili impetu perculit dispulitq; , vt pugnasse alibi, hîc fulminasse crederetur! Habent sui nominis Tertium, ambo belli fulmina Scipiones, commune hoc cælestibus adeptum telis, quòd per caliginem densioris nebulæ erumpentia, prius hostem feriant quàm id agere sentiantur, suo & Liuij experimento: *Plurimum semper in celeritate momenti esse.* Illum tunc Stanislaus Koniecpolius exercituum supremus Dux, arctissimè complexus, alterum sui capitis Tutelarem pronuntiauit; hereditariū id genti Korybutiæ decus adstruens: *Eam æquè admirationi barbaris, ac terrori esse.* Macæ hoc imperatorij sensus præconio, fortium modestissime Wiśniowieci, tubæ Homeri non eges, Regum Ducumq; laudibus perornatus!

Fortitudinis fuerunt illa, hæc solertiæ felicitis, quâ seruilis ingenij machinamenta & artes, simul aduertere, simul euertere promptum habuit, hosti alioquin præcallido, spe securitatis ademptâ. Etenim meditatatas rebellatium conspirationes, ad Hostwam, & Pułtawam, ne erumperent in vulgus, oppressit in Primoribus; cauens vnice præstruensq; , ne scelus plebeium virtutis nomine inclaresce-

resceret. Hinc sæpius flammam ciuilis incendij, sua per oppida grassantem, ipsomet turbulentorum sanguine, celerrimè restinxit. Kumeykana, Lubnensis, cæteræq; seruorum strages, alteras Vkraynæ Cannas, alterum dedere Trasimenum. Quum vrbes contagione sceleris afflatas irrumpens, cætus omnes, gregalesq; conuentus ab stirpe recideret: prima factionum capita, alia plectendo, alia aliò, per speciem necessitatis disparando. Nichilò mitior, concionales sacrificulos, malo Russiæ disertos, voce & luce priuauit, vtriusq; reos, iustæ aliquantùm indulgens vel iracundiæ, vel dolori. Demùm fatis erepto Patre Patriæ Vladislao IV. acerbitatem calamitosi si vnquam aliàs interregni, suæ felicitatis, temperamento mitiorem fecit. Captis namq; ad Korsunum Ducibus, cæso, fugatoq; Exercitu, tribus duntaxat suorum millibus molem belli sustinens, spatio septem mensium coercuit hostilitatis torrentem, ne eluie sanguinis, in Poloniam licentiùs exundaret. Homine maior censendus est, quisquis ferocem successu, numero præfidentem, dolis callidum, virtute compescuit, metu contraxit, consilio subegit hostem. Et ne singula conlecter, ingentem orbi datura historiam, è ciuilium Iliade malorum, plura euoluere non vacat. Vtinam & Pilauianas, dicamne, Thermopylas, hoc est, infamem Sarmaticæ fortitudini scopulum, impunè præteruehi licuisset! Vbi factorum & loci iniquitate, haud exterrita Wisniowiecij magnanimitas, immoto perstitit supercilio: cumq; suo ex more o-

omnia præisset in discrimina, primam pugnando acriter, aperuerat secuturis arenam. At frustra. nam & agentem fortia, & suadentem salubria haud secuti, serò tandem agnouimus : *Non plura medicorum dissidio funera, quàm corruptas belligerantium discordiâ victorias numerari.* Hîc ad extremum, studia per contraria, decus Poloni roboris discerptum est ! Tum verò alios ex alijs coniurantium tumultus, aut veriùs, alias atq; alias Lernæ hydras, verior Poloniæ Hercules, vel contudit vel sopiuit : Krywonosium, Pulianum, monstra nominum hominumq; priùs bellico apparatu, & insignibus ademptis, vitâ insuper spoliatos, palo ad terrorem suffixit, *dignos tropheo isto, illos stipites.*

Quid multa ? Hostium arcana, interdum claue aureâ reserauit, interdum vi militaris tormenti extorsit ; cùm ipse interim, suspecta omnia intutaq; reputans, subinde dissimulatis ex occulto consilijs, translata ex tēpore castrorum sede, arma aliò ostenderet, aliò inferret, apto ludificandis perduellibus commēto. Longo utique militiæ vsu edoctus ; ** Belli consilia, tam diu tuta, quàm diu occulta.*

Obsidioni Zbaraziensi interest Et quid ibidem fortiter egerit ruleritq;.

State hîc admirabundi Heroës, vbi pro auita Maiorum Troia contra sui temporis Dolopes & Achiuos, alter Sarmatiæ stetit, perstititq; Hector. Hoc illo fe-
 * Strada

lo felicior fortiorq; quòd astu varium Vlyfsem, armis validum Diomedem, desperatâ expugnatione in stuporem vertit. Neq; enim forte aut calu euenisse reor, vt eadem propè dies, & Tartarorum Imperatorem Chmielnicij cohortibus, & Principem Wisniowiecium Polonico sociauerit exercitui: Fatis hoc feriò agētibus, vt terrori Scythico, terror opponeretur Scytharū; ne debellandis infidæ Russiæ Rufinis & Eutropijs, sui deforent Stilicones. Multis haud erat laborandum STANISLAO LANCKORONIO, armorum tunc imperia obtinenti, vt Wisniowiecium, ad communis periculi gloriæq; confortionem inuitaret volentē. Quid enim homini ad Reipubl: commoda intentissimo, agrè persuaderetur, cui & mortiam erat persuasum? Priuati dulcedinem otij, publicus ei malorum sensus ademerat. Igitur armis quàm annonæ com meatu instructior, ad prima Collegarum desideria accurrit, non spectator tantum modò alienæ perseuerantiæ, sed & auctor. Etsi autem principio, repugnantisimior, iustum obtenderet metum, ne (vt suspiciacia ferunt ingenia) aut bellicis imminere ipse præfeturis, aut æmulâ aliena in manu lauream velle infringere putaretur; flexit nihilominus publica necessitatis Oratio, facillimam viri mentem, vt posthabitis opinantium iudicijs, manum & ferrum, periclitanti de summa salutis patriæ consecraturus, paruum Militiæ corpus ingenti spiritu animaret. Lætus alacerq; tanto Commilitone exercitus, congeminato per stationes plausu, centuri-

atis

atis in occursum legionibus, non sine campestrium fragore tormentorum (sonoro beneuolentiae argumento) magnum hospitem succollantibus panè humeris excepit! tam fortibus extunc in acie exemplis agentem, ut fœderatae duarum gentium potentiae, modò collatis pectoribus, modò elatis circum castra aggeribus, obsisteret ad prodigium! hoste quàm odisset virtutem stupefcente!

Coortâ primum suo in latere pugna atroci, campo & Victoriâ potitus, instantes præmonuit tyrannos: *Virtutem Polonorum, nulli non violentiae parem fore. Arcâ deniq; obsidione circumfessus, obsidentes docuit: Heroum corpora attineri utcumq; posse, non animos.* Videre mihi etiamnum videor, terribiles barbarorum vultus, & infusâ agrestium colluie inundari omnia, occupari viarum tractus, legiones increbrescere, collatari turmas, densari veteranorum agmen, & illa virorum additamēta, cadibus, ac sylvarum aptiora latrocinij volitare, procurrere ante signa, ad arma conclamare, simul maioribus machinis Regia verberari castra: Scythis interim ne quid non agerent, barbarico ululatu, ex proximo manipulatim incursantibus, tantâq; vi, excussa neruo tela glomerantibus, ut inuolantium supernè sagittarû procella, solem eriperet Polono militi, sub vmbra melius pugnaturus. Ieiuna per diu & inpransa crudelitas, obsumpto inter oppugnandum die, furiali impetu nusquam remisso, tam perditè satagendo connitebatur, ut pterosq; Nostrorum vallo mouerit, formidine ad eos celeriter

riter perſuadente, quibus præſentiſſimum fugæ conſiliū,
 arx Zbaraziēſis offerebat, pedē illico è ſtatione, manum
 è Martis tabula ſubducturis, niſi eunte obuiam Wiſnio-
 wiecij exemplo & monitu ſiſterentur. Ita ille, cū
 pugnandi ardore ad exemplum, tum propugnandi con-
 ſtantiā ad miraculum ſuffecit, vtrobiq; ex vtroq; Prin-
 ceptis. Neq; enim vnquam, aut animo aut loco motus, i-
 pſum deditiōis nomen, ceu infame caſtris proſcripſit,
 Suadā & manu acuens caſtrenſem Magiſtratum: Repu-
 tarent ſecum ipſi etiam atque etiam, quid agerent? hoſtem o-
 mnes rimantem aditus, improuidā diſceſſione, in viſcera Rei-
 publicæ ne immitterent, iſſdem propè paſſibus, quantum i-
 pſi receſſiſſent, tantundem è veſtigio acceſſurum. * Nam U
 viliffimo cuique creſcit audacia, ſi ſe timeri ſentiat. Memi-
 niſſent, pari nuper trepidatione, dilapſa direptaq; caſtra, ſeci
 agrariæ (orem auditu peracerbam!) impune patuiſſe. Vnum
 illud timerent potiùs, ne timere videantur. Omitterent hæc
 ad ſpeciem honeſta, quia ad ſuos, transfugia. Quin ocyus, ho-
 ſtem, ſuperatis iam foſſis proteruè inſultantem, impreſſione
 aliqua cōmonerent Polonæ fortitudinis, ne ſic etiā captiuæ. Bo-
 nis & grandibus incaptis, pares exitus reddendos eſſe. Equi-
 dem ſe non prius fame diſcrimen aditurum, quàm vitæ. Dura-
 rent concluſi, concludentibus futuri ſuperiores. Multitudinis
 vim omnem in primo impetu eſſe: languere, ubi proceſſum eſt
 obnitendo. Libertati pretiū ferro facerent: aut viam glo-
 riæ, aut honeſte mortis aditum reperturi. Eluendam hīc
 Piſaniæ ſortis maculam, vel ſuaore vel ſanguine. Cogi-
 tarent

* Strada.

N

tarent

*tarent ad hæc: hic fortuna, hic salutis publica momenta verti.
In summa, eligerent: Aut se Patria non defuturos, aut sibi
Patriam non superfuturam. Et verò accincta operi elo-
quentia Principis, vnicè valuit, apud aures, ad sua vel de-
cora, vel dedecora non surdas. Namque ineunda ar-
cis ablegato consilio, effusa omnis indignatio in hostē,
præferuidâ repressione emotum sepimentis, atque eie-
ctum. Nimirum: Dat ira vires, qua tumido dolet*

Ab hoste vinci,

*patuitque victoribus atque victis: Nullum esse telum ad
vincendum potentius, necessitate vincendi.*

Benè habet, respiravimus ex metu. Post irritos assul-
tantium conatus & cuniculos, post tot exitia cadentis ce-
dentisq̃ue vulgi, aggressores, sæpè vallo & propugna-
culis detrusos, postremò spe & voto potiundi deiecit, u-
nus instar omnium WISNIOVIECIVS. Sensit pro-
bro suo ciuilis belli antesignanus: *Seruorum iras, consiliis
dominorum pares esse haud posse.* Ne autem & Spartanæ
severitatis ac tolerantiæ, vigilantissimo in Principe desi-
derares exēpla, stricto semper gladio excubantem nox &
dies vidit! Somni ac refectionum indiscriminata illi
tempora, cibus plerumque subitarius, quies tumultibus
interrupta. Laboris, inedia, vigiliarum assuetudine, su-
pra morem bellantium duravit; probavitque: *Inuictum
animum curis nec obrui, nec lassari.*

Quod si præteriti doloris jucūda est recordatio, quātò
jucundiorẽ Wisnioviecio fuisse oportuit, quam ei (de-
tonatib9 ex aduerso sclopis) pedestri vulnere Mars im-
pressit.

pressit. Ac ne solâ Cunctatoris morâ vinceret, propiore in dies vallo hostium arctari se haud passus, prosperis eruptionibus (quoties libuit) obsidentes pressit; ac si manu alterâ fortunam, alterâ teneret hostem, festinatâ oppressione impressionem anteuertens. Et miremur? acrius crebriusque oppugnatam Wisniovecij stationem, plura furialis iræ tela, suas collegisse intra fossas? tot globorum cumulos, tot sagittarum fascies, illos Russiæ, hos Scythiæ remittendos, cum resti, desperantibus opportuna. His ille ausibus his & artibus, incomparabilis obsidij angustias, angustiores quovis gloriæ Circo reddidit in Augusto; perstiturus (si ita res posce ret) in autumnum, & ultra. O mensem illum non uno lætum gaudio! ô diem dierum nominatissimâ! quâ inexpugnabilis, vel ipsâ hostium confessione, renuntiatus est propugnator Wisniovecius! Princeps omnino, primusque omnium, quotquot ex merito Obsidionalem accepere. Olim non unâ donandus Ciuiçâ, pro tot, vel captis Urbibus, vel servatis.

Admiranda WISNIOWIECII Humanitas, & largitiones de suo, in stipendia Militum. Eiusdem campestris Exercitatio, & splendida legationes ad Comitia Regni.

* **F** Verit hæc Natura Sideribus, vt parua & exilia, validiorum exortu obscurentur, Majorum luminum insignis

* Plin.

N 2

signe

signe KORIBUTHI Luna, minores haud-quaquam
 extinxit ignes, Tribunis, Centurionibus, militi, eò cari-
 or, quò propior. Magnus, sed sine ulli9 diminutione ma-
 gnus, in omnia familiaritatis officia descēdit, secur9 ubi-
 que Excellentia Principalis. Adeò illi nec facilitas au-
 toritatem, nec severitas diminuit amorem! Modestis-
 simus cultu & sensu, prosperitate rerum ad iactantiā
 non abusus, vt suæ auctor, ita alienæ admirator
 virtutis, cū nullius laurum aut hederā, suis inumbrās-
 set laureis, ne gregarij quidem egregium facinus illau-
 datum indonatumque dimisit: Tiro Romanorum Im-
 peratori impositā inde erubescendi necessitate, vnde no-
 ster hic, fide præstandi, largior quàm promissis, nec offi-
 cia pro rebus reddidit, nec spe Militem aluit pro annona.
 Quin æmulos etiam suis laudibus obstrepentes, ad com-
 munionē eiusdem gloriæ vltro citroq; admisit, eò dignior
 propiorq; factis, quò à fastu remotior, & omni superior
 inuidentia. Quantum est? (quod laudatissimo mayo-
 rum ex more solenne habuit) bellicorum operum præ-
 fectos, peregrè conquisitos, inuitasse præmijs, fouisse
 gratiā, ornasse magistratu? Quid hinc memorem? so-
 lutā obsidione Zbaraziēsi: Milites Reipub: implacabiliter
 stipendia exigentes, ne quid per seditionē agitent fero-
 ciūs, auctoritate, gratiā, donarijs ad mitiora traductos
 consilia? tantò maiore tranctandi animos artificio, quā-
 tō difficilius est, iratos flectere, exarmare armatos. In
 tantum exaggeratā, quod mireris, munificentiā; vt de nos
 prope-

propemodum milliones, illum suo erogasse è peculio, ad probatissimæ fidei calculos compertum sit. Crede & ama posteritas, inæstimabilem in Ciue optimo Patriæ caritatem! Tantum ei publicæ rei pretium, ut præ illo Oeconomica priuatum æs vilesceret. Tunc se demum fore felicem arbitratus, si, ut quondam diues meritis Africanus, *nihil in domum suam, præter magni nominis memoriam importaret*: Copiarum facultatibus, ad leges prudentiæ distributis, domi ad magnificentiam, in publico ad pompam, Militiæ ad vsum, in Templis ad nitorem. Nemo tamen perpetua ejus in genus humanum promerita, ad numeros exigit temporarios. Vescigales ille æternitati cum fecisset annos, nullum beneficii sterilem transmisit diem: quasi æternis Cælestium decretis cautum esset: ne quod Wisnioviecio laude vacuum irer tempus. Nec insulas Baleares, nec gymnicas palastras, Castris Wisnioviecij præoptauerim. Militari innutritus genio, eoque ad militiam cuncta referens, solitudines ipsas & deserta, armorum frequentiam insedit. Perrekopenfes campi, Martium ei campum, trans-Borysthenii tractus, circos ac theatra nobilis auocamenti præbuere. Suas hinc delicias & recessus, suam, sed sobrius Annibal Campaniam repererat. Amissam à se queri solitus diem, quâ inter velitandum, cursu, equitatione, hastiludio, sceloporum disputatione, telorum jactu, se suosque non lassaret. Sic mutationem laboris, inter laxamenta curarum reponens, campestribus exercitijs, idem domi lu-

erabatur gratuito, quod foris in ludo, Martis Belgici, vix
emittitur à plerisque. Eam ob rem luxus & otii, tam i-
gnota illi vocabula, quàm sudoris & parsimonie usitata.
Plerumq; inter arbores & virgulta prandenti, mensam
clypeus, scyphum galea supplevit. Ardoris algorisq; pa-
tientia par Poenorum Duci, somnum non molli plumâ
aut silentio, sed lassitudine accersebat. Disciplinæ ca-
strensis perdiligens exactor, propiores culpæ, modò con-
uitio, modò supplicio mulctavit, poenâ alibi, alibi poeni-
tentia contentus. Vna hyberna malè discinctum sol-
uerunt Annibalem, at Nostrum, arctioris nodo balthei
semel adstrictum, nec voluptuaria vnquam fregere æ-
stiva: providentem anxie, ne aut miles otio lasciui-
ret, aut quiritantium injuriæ tentorijs oberrarent. Neque
nescius, atrociorē esse quovis hoste famem, suos auro
& ferro stipendiarios in vtrumque protexit. Quamob-
rem, virtute numerū supplente, non alio Duce plus con-
fidere, non alio plus audere sucti, in omne fatorum te-
lorumq; genus intrepidè proruebant.

Primam Wisnioviecio adolescentiam vix egresso &
iam mores hostium cogniti, regionum situs inspecti,
locorum opportunitates exploratæ, vadâ fluminū com-
perta lustrataque. At quàm lepidè, irruptiones Tarta-
ricas, *Mentis Martia* cotem dictitans, inuolantium exami-
na Scytharum non magis expauit, quàm strenuus vena-
tor, damarum aut ceruorum greges. Quòcunque se in-
tulisset (quò autem non intulit?) haud dubiâ trahebat vi-
ctori-

etoriam, cuius toties, vel ex ipsa suorum alacritate, spem
& omen cepit.

Notas legendi Militis, liber alijs aut ratio, huic optimus armorum magister dictavit vsus. Eapropter, manus militantium non multa nomina conscribens, viros fortitudinis triariae, suis adnumerabat, ducebatq; sub signis: positurus in lucro permagni nominis, quod ipsius etiam legio (ut Xerxes olim) immortalis diceretur, & esset; prompta obsequio, instans operi, audax in periculis, in praeliis inuicta. Nouum mihi negotium facessit, immò imperat suo iure, Eurysteus Wisniowieci labor. Sequor impigrè Oczakovia ab vrbe ad Ozouiam, à Tanaï ad Danubium, non pedibus magis quàm laudibus, tot spatia emensum, Asiam & Europam, famam suam admirationis coniungentem. Age quisquis es, aut hospes, aut viator: Magnanimae virtutis praesidentiam plus ultra, plus & citra progressam, vel è contempta Tartariae vicinia metire:

Apertâ propè Oczakouiam Cisternâ:

Infixis in ✱ Moscheae coronide sagittis:

Aggere è congestu lapidum excitato:

Limitem furori Scythico,

Trophaeum immortaliti suae,

Tumulum spretae Barbariae,

Exstare voluit.

Magnus bello, nec pace minor Wisniowiecius, Marte per inducias tantisper consopito, ad publica Regni

✱ Fanum Scythicum.

Comi-

Comitia persapè Legatus, multarum vnus Prouinciârû Oratorem egit. Quo ciuilis eloquentiæ in campo, quâ Equestres, quâ Ducales Maiorum prærogatiuas iure vindicans, Aiacem in acie, in Curia Nestorem probauit sese; quanquam utriusque capax muneris, pugnare maluerit strenuè, quàm loqui disertè: vt qui pænè à puero innutritus castris, & viuere Laconicè, & dicere cōsuèffet. Libertatis causas, bellica cōsilia, postulata Prouinciarum sic promouit, vt sēper acriùs dixerit pro aris, quàm pro focis. Sed aliò me vocat, latè in omnes exporrecta humanitas comitasque Wisniovieci. Admonitus Politicorum dogmatis: *præcipuum viri Principis munus esse: parandi amicos, disparandi hostes*; Externorum amicitias Principum vltro sibi oblatas, cum honorificis legationibus accepit reddiditque. Hinc à Slangiereio Tartarorum Imperatore, magno ambitu ad sociale contubernium prouocatus, inde à magnis Moschouia Ducibus Michaele & Alexio, horrore æquè ac honori habitus cultusque, à Theuderdaro Othomanicæ portæ supremo Thesaurario, præclarè gestorum gratulatione auditâ remissâque. Mitto utrumq; Moldauia Dynastâ, quibus cum illi, amoris & beneuolentiæ missilibus certatū est, quum interim apud Rakocium Transyluania Principem (ex acie notior quàm ex facie) in iudiciis, in admiratione, & amoribus perpetuo effloresceret. eandem, his colentibus, illis inuidentibus, neutris irritantibus virtutem, quam esse maluissent suam.

Quis

Quis enim, nisi paci & otio inimicus, non sibi amicum præligeret WISNIO WIE CIVM, nec prouocantem bella hostica, nec timentem? Sic notis pariter ac ignotis percarus, omnes omnium vnus occupârat affectus!

At, ô nimium breue bonorum Ver!

*Quidquid in illo amauimus, aut suspeximus,
Quidquid optauimus, aut timuimus absenti,
Id totum in posthumi doloris acerbitate resorbemus.*

*Eius Religio in Deum, Pietas in Dei Parentem,
Munificentia in Cælites, Expeditio
Berefteciana.*

Romanae Fidei Candidatus primùm, post Patronus, cùm antea nomen ei dedisset, vocem insuper & manum dicauit; vbiq̃ue armatâ auctoritate intercedens, ne Schismati plus liceret. Peramplas Honori Cælestium ædes, quâ posuisset plurimas, plures animo destinabat; perducturus ad culmen, magnorum cæpta operum, nisi molitionem pietatis, machinatrix rebellio disturbâisset. Mirè industrius, in vtramq̃ue partem, Diuini Honoris propagator, & Sui. Amplificatis in suo Ducatu Cænobijs, erectis per castella propugnaculis, constitutis è Voto Basilicis, adornatis magnificè sacellis, positione tot templorum, famæ perpetuitatem fundauit. Delubra non aliud esse persuasus, quàm æternitatis Vestibula,

stibula, rerumque humanarum fulcra. Aras item & altaria, vulgò suos Arcus & Pyramides vocitans, vbi vera solidaque esset gloria, admonuit Heroas. Ortam Schismatica à manu Sacrorum stragem, nemo illo accepit indignum, nemo spectauit dolentiùs, nemo seueriùs vindicauit. Illo cognitore ultoreque, causæ Cælitum promotæ, violatis imaginibus honor redditus, Diuum statuas suis sedibus repositæ, læso Numini maiestas, templis immunitas restituta. Et verò, ter Optimam ter & Maximam Dei Parentem, haud secus, ac Matrem Exercituum veneratus, sacris eidem feriis vt plurimum conflicturus, hanc potissimum ex *Acie Castrorum*, omen & causam Victoriæ præsumebat. Securus hanc salutis suæ Antesignanâ, cuius nomen in militarem tesseram Venerabundus vsurparet. Tu nefastam caue dixeris diem illam, quâ MARIANO Honori cæsis tot hostium Victimis litatum est.

Primo WISNIOWIECIÆ felicitatis in censu numerauero, Expeditiones bellicas, nullis vnquam euentibus impeditas. Metæ & palmæ iam proximus, nouissimâ ad Berestekum dimicatione, è supremis accisæ fortunæ reliquijs, octo selecti roboris centurias in commune collegit, plura secum (vt semper hactenus) auxilia tracturus, nisi hostilis ei violentia, belli neruum incidisset. Hâc demùm acie, capacem exerendæ virtutis campum nactus, pugnæ copiâ, ante alios efflicti exoratâ, summam periculi; obstinato pectore irrupit perrupitque, vt qui
primus

primus hostem ex occulto aduētantem renuntiāffet, eundem per officia bellica saluaret primus. Honeſta in primis fortium Virorum ambitio eſt, primam periclitandi pro Patria popoſciſſe arenam. Non aliàs ad pugnandum animoſiùs, ad vincendum feliciùs, Martiales iras in Schiſmatico-barbaros effudit, Regis præſentiâ Ducis virtutem acüente. Vis & ardor, duo confligentium inſtrumenta, quid poſſint, tribus acerrimis prælijs, palam fecit, ter Victor! Sub illud belligerantium ferale turbidum, **WISNIO WIECIO** flammæ inter & globos ferociùs rem gerente, Tartarorum Principes gradatim minor ex metu, primò in deſperationem, mox in fugam eſt actus. Præpotuit potentiſſimo alioqui Tyranno, *malè augur timor*. Polliceri vltrà nequiuerat amicam ſibi ſortem, quam cælitùs temperatam, in manibus tanti æmuli videret inglorius, & inuideret. Deſertus ab animo, animam maluit auertere, quàm ſtolidâ ſpe præſumptam à ſe Lauream opperiri. Inter manubias & ſpoilia, relicta à tumultuante profugo rheda imperatoria, triumphalem victoribus in currum ceſſiſſe poterat, niſi fractis à fortuna rotis, in plauſtrum dedecoris recidiſſet. Tanta **WISNIO WIECIO** in diſtans etiam agendi vis, vt vel abſens terga vertentem Slangiereium, imaginariâ ſui nominis territaret umbrâ. Infelicis belli, hæc author, illac fautor euadens, controuerſum orbi fecêre: vtrum ſceleratiùs in caſtris fuerint, an fugerint feſtina-

tius? Ambo mutatis ad cursum equis auolâsse feruntur, in seipsis experti : *fugacissimo cuiq; pernicissimo opus esse.* Parthorum more eos pugnâsse existimares, si conternati ex fuga, pedem referre potuissent : Illud armorum ex commercio lucrati , quod ad veterem perfidiam , novos ignominia titulos adiecissent. Palmarius vel ipsâ hostium confessione Concertator Wisniowiecius , in cæteris expeditionibus opinionem de se hominum, hâc & hostem & se vicit! In ædium penetratilibus cæteri sua decora, hic in sacrario Regij pectoris defixit. Trophæû illi & primum , & maximum, *iudicia Principis meruisse.* Bellica in domo genitus ad triumphos, eandem propè vitæ & armorum lucem hausit; cùm non ante istorum finem, quàm illius fecisset. Tantùm interest, præliarem fortiri animam, vt in sinu Martis, mortem oppetas Heroibus expetendam.

KORYBUTHI PRINCIPIS
reliquæ dotes animi, & Decessus eiusdem toti
Patriæ luctuosus.

A Principe fortuna, Ducalem Prosapiâ Regali confinè adeptus, cam admirabili moderatione, antiquæ non præhabuit virtuti: cuius nutu ductuq; , seueritatis bellicæ ad leges perattentus, inuiolabili edicto, nocentiolem omni contagio luxuriam castris emouit. Veterum experi-

SEPVLCR ALE.

110

perimentis præmonitus: *Bacchum & Venerem, infesta esse Numina bellatoribus.* Inde rigidâ vterat innocentia, iura maritalis continentia, tam sanctè coluit, quàm integrè custodiuit; verè Principe animo, quia vitijis inaccessio. Affectata quondam Scipioni castitas, nostro ingenta, etiam in summa armorum ac ætatis licentia, laudi fuit! Multi multa de alijs Trophæa statuere, sui & hostium domitor **WISNIOVIECIVS**, multò gloriosius posuit ex vtrisque. Haud dubius: illam omnibus antestare laureis, quam victor animus præcepit ex se ipso.

In vœtigalibus, more maiorum imponendis, non alius moderatior, in condonâdis, non alius indulgentior: ita Patris, ita Domini miscebat officia, ne alterutri deesset, aut obesset. Quin sui etiam Principatûs frequentissimas ciuitates, metu alias, alias fide tenuit, ne desciscerët inuitamentis perduellium. Etsi mallet videri: inuenisse bonos potius, quàm fecisse. Vtque nec Optimi extra ietum: nunc hominum, nunc fatorum malignitate pulsatus, nunquam non sui potens, maiorq; inuidiâ, extra sensum iniuriæ eminebat, serenâ oris vultûsque tranquillitate, ubique circumlatâ. An ille simulationis Tiberianæ ad scopulum offensaret? qui per abrupta Punicæ calliditatis non incessit: procul abesse iussis, qui improbâ Virtutum imitatione, Virtutibus illudunt.

Absentes hactenus absentem prosecuti animis Wisnouiëcium, adesto oculis, eiusdem spectatores: vt in vr-

besà se defensas, amore Ciuium, non humeris illatus, monstratusque Hospes, quà optantium Vota, quà plaudentium ora ad se pertrahit, nouâ Lechici Herculis violentiâ / vt eius videndi noscendique studio, effusa omnis ætas, laborantibus incumbat tectis; quò vel sic saltem, incolumem contueri liceat, cuius capite, integritas ac tutela omnium constitisset. Ipsa equidem patria tragicis ex diuturno actibus, fessos oculos, hoc salutis publicæ spectaculo multoties oblectauit, certa securaque: sibi se suisque liberis precari hos annos, quos Wilniouiecio precaretur. Nolim penetrare altius in arcana Virtutum, quæ sui obtegens modestia, mortalium conscientiæ inuidit. Hæc tu interim subiecta oculis carptim lege, quæ nec spernet posteritas, nec carpet.

Deo Iudici mentem integram,

Matri Virgini perseverantem observantiam,

Religioni præsentem tutelam,

Reipublicæ inconcussam fidem,

Liberale Sacris Ordinibus patrocinium,

Ecclesiis opulentam dotem,

Viuens præstitit, moriens æternauit, testando.

Eò usque Christianâ demissione progressus, vt postremis vitæ tabulis, omnium memor, sui immemor, omni funeris pompâ sibi interdictum voluerit! Ad extremum illatam ad se, Viarici nomine sacram Hostiam, supplex de
genu

genu veneratus, maiorem ex abdito occulti Numinis reuerentiam intendit! Exinde ad extremæ luctationis certamen vltimum perunctus, libens & constans, commune admisit fatum. Heu! improspera fortunato Victori statua! In Arce Pauosocix febrili oppugnatus tormēto, *tandē septimo lethalis obsidij die, ad vltimā necessitatis deditionem compulsus, Deo ac Æternitati Heroum auidæ in pradam cecidit.* Prô fatalem, tam caro capiti Augusti falcem! Nec mora, dato lugendi classico, ab vniuerso Exercitu, Patris nomine comploratus, effusâ virtutum commiseratione, dolorem exciuit Patriæ, suas erepto in Hectore spes & vota plangenti.

Si militaris rei scientiam exquiras, peritissimus,

Si fortunam ubiq; obsequentem, felicissimus,

Manu, Consilio, Auctoritate,

Miles, Tribunus, Imperator.

Bellorum quibus interfuit, præfuitque varietate,

Victoriarum quas obtinuit multitudine,

Animi quâ erat in periculis eminentiâ,

Magnis armorum Ducibus, meritò asserendus.

V I A T O R.

Spolio Parui Cineris,

Ingentem animum ne metire.

Statu-

*Staturâ non exceſſerat Alexandrum,
Fortitudine æquarat.*

Maior eâ parte, magni nominis Macedonico,
Quòd, cùm ætatem victoriis diſtingueret, vt ille,
Triumphos, amicorum cadibus non turpâſſet:
Congruentius benignitati ſuæ ducens,
Creare Clytos & Parmeniones, non mactare.

Horum contemplatione Te à luctu reuoca Præ-
alti ſanguinis Heroïna, GRYZELDI CON-
STANTIA à Zamoscie WISNIO WIECIA, tri-
ſte Fatorum diuortium, maritalis gloriæ confortio ſu-
ſtenta & ſolare. Orbitati Tuæ par remediũ ab hac maris
animi (qui tuus eſt) excellentia require. Mauortia ZA-
MOSCIORVM è ſtirpe, ita orta es, vt altera Ama-
zonum Camilla, altera Romanorum Clælia credi poſſis.
Concurrentibus certatim infortunijs, collectas in Te He-
roidum virtutes oppone, *Breuibus momentis ſumma
verti poſſe*, non hâc primũ didiciſti è clade.
Ad Gentilitias cognati SHARI HASTAS, quantum
hoc domeſtici mæroris telum adde. Habes tenesque,
viam in ſuperſtite Filio, imaginem victuri Coniu-
gis, ſeu amoris, ſeu doloris pignus. Age cultu
& animo lugubrior Artemiſiâ, virum non ignauo
queſtu proſequeris, quia in proſecutione Victoriæ, à
ſe partæ, extinctum. Dum enim fumantes adhuc belli fa-
ces

SEPULCHRALE

114

ces, reliquo hostium cruore extinguere contendit, continuo & ipsi curarum æstu consumptus extinguitur, aliam alibi orsurus Famæ telam.

Lugete Regni Ordines,

Publicis vtilitatum studijs immortuum Achillem!

Nec aliter WISNIOWIECIVM decuit,

Quàm in Regiæ Commissionis munere obeundo

O B I I S S E,

Decimo septimo Kalendas Septembris,

Anno salutis restitute MDC. LI.

Ætatis bono publico exacte XXXIX.

In medio victoriarum & Fortunæ cursu,

Operosâ vitæ militiâ perfunctus,

Emeritis gloriæ tot stipendijs,

Soluit Baltheum,

Posuit gladium,

perpetuò

TRIVMPHALEM.

*Non ergo perpetua Principi fama, sed bona concupiscenda est:
Ea verò, non tam statuis & imaginibus, quàm meritis, &
virtutibus prorogatur. Secund. Panegy.*


P

INSCRI-

INSCRIPTIO SEPVLCHRALIS
In Funere Illustrissimi & Excellentissimi Principis
D. GEORGII OSSOLINSKI COMITIS
 De: Tęczyn, S. R. I. Principis, Supremi in Regno Polo-
 niæ Cancellarij, Lublinensis, Lubaczouiensis, Bo-
 huslaviensis, Brodnicensis, &c. &c.
 GVBERNATORIS.

Inter lugubres Apparatus, Oculis & Animis Legentium &
Lugentium, propofita à Sandomiriensi Soc. Iesu Collegio
 Anno Vniuersalis Iubilei, M. DC. L.

G.
 S. R.
 R.



O.
 I. P.
 C.

Mortis decus, publica mæstitia, *Titus Liuius.*
 Res in exitu æstimantur, & cùm abeunt ex oculis tunc vi-
 dentur. *Fam. Strada Dec. I.*

AD ILLVSTRISSIMVM DOMINVM
D. ADAMVM GEORGIVM de OSSOLIN,
OSSOLINSKI, Gubernatorem Lublinensem.

Quoniam *Communis Patria comploratio, Tui, atq; aded & no-*
stri doloris argumentum est, **ILLVSTRISIME**
DOMINE

DOMINE, Fatalis illa mortalium necessitas, cum & Regni annulum Supremo Cancellario, nec non & Gentilitiam Securim Tuo Patruo excussisset, omnium animos uno impetu concussit. Illustris quâ genere, quâ virtute ASCIA exoculatum monstrum illud adeo non præstrinxit, ut infamem etiam tot cladibus falcem, nobili ferro cominus opponere ausa, Tanto demum Principi, mortuale crexerit suggestum, simulq; metam præfixerit, ad quam omnium dolores collimarent. Nobis equidem debita in Heroem hunc imperavit obseruantia, ut ad communem luctum, lugubri obsequio è vicinia accederemus. Ita nimirum, vel post fata, efficacem Maximi nuper Oratoris Suadam experti sumus, ut, cuius elogium orbis est, calamos quoq; nostros, in sui venerationem animaret. Os certè illud, & SOL Patriæ OSSOLINIUS iure suo exigebat; noster ut illi Tullius parentaret, à quo Civilis Eloquentiæ formam transumpserat; ab hoc verò, lucem splendoremq; mutuaretur, vel post fata. Ac utinam latioris argumenti liberalitas, tenuitati nostræ consulisset. Nunc verò idem eloquentiæ leges, qui Sarmatiam confudit dolor: ita tamen, ut tumultuario operi, facilem apud Te aditum, persuaderet. Muti Characteres PATRVVM TVVM loquuntur, cuius Nomen & cum parte Honoris, ad Te hereditario planè iure transierunt. Leges eum oculis, quem animo induisti; Magnusq; Maximi Patrui Nepos, ita in præclarè facta immigrabis, ut imiteris. Nos Sepulchralē hanc

Inscriptionem non tam pro elo, quam Virtutibus Tanti Viri expressam, Tuo Nomini & dolori deuouemus.

I.

ÆTERNO DOLORI

Sacrum fixumque

Sta & præsta Marmor.

GEORGIUS OSSOLINSKI,

DVX IN OSSOLIN, S. R. I. PRINCEPS,

Antiquæ Nobilitatis nouos Titulos

Domi promeruit, foris accepit.

A Pontificia altero, altero ab Imperatoria Maiestate

Vtroque à Virtute auctus.

Felix in quo ornâdo Summi terrarum Principes decertarent.

VRBANVS VIII. FERDINANDVS III.

Duo Sacrorum Armorumque Numina,

Geminos illi afflauere Honores.

Peregrinos caue dixeris:

Hereditariâ dignitatum in domo

Vel aduentitij Honores nomen mutant & cultum.

Nulla gloriæ possessio extranea est Virtuti.

A prolapiæ vetustate eum frustra laudaueris.

Cui generis antiquitate antiquior est sua Virtus.

Solum nascendi ordinem si excipias, maior suis Maiorib⁹,

Gloriâ, opibus, eloquentiâ, rebus gestis.

Extra-

SEPULCHRALIS.

118

Extraordinarius ad Principes Europæ Legatus,

Extra fines Regni persæpè,

Nunquam vltra decori limites processit.

Amor & delicia Regnorum,

Quò faciem non potuit, famam per ora hominum inuexit

Angliâ, Italiâ, Germaniâ, Gallijs peragratiss,

Amplitudinem Poloni nominis circumlatam extendit.

Magnificentiâ supra alios, non supra fortunam progress,

Pacatos triumphantis Romæ innouauit splendores.

In Urbem Orbis Principem plausu ciuium illatus,

Deuinctos humanitate animos in triumpho duxit.

Gentilitiæ illius ASCIÆ, fasces Romulus,

Numa oleam, Consul submisit Secures.

In Principe gentium auditorio

Polonum Cyneam audiri par erat.

Eximius planè à persona sua Orator,

Quò plura in se Tullii decora colligeret.

Orationis maiestatem oris dignitate amplificauit;

Ad elegantiam eruditi moris natus factusque,

Aduersa Orbi nostro præiudicia

E iudicijs nationum expunxit.

Studiorum primordia Pultouiano auspiciatus in Collegio,

Currentem vltro indolem, laudum calcaribus impulit.

Illud præcauens: ne, præpostero nomine & Numine

Nymphas inuocaret pro Musis.

Probatâ primùm SIGISMVNDI III. indole,

Inter intimos Aulæ Regiæ positus,
 Ad inania officiorum aucupia delapsos
 E fastigio altæ mentis (citra fastum) despexit.
 Nihil per iram aut cupidinem solitus aggredi,
 Auctoritati pretium, dictis fidem emeruit.
 Cùm omnia Aulici mysteria vnus probè calleret,
 Inimicas Virtutibus libenter ignorauit artes.

II.

*Alia eius Acta, sub VLADISLAVO IV. & IOAN.
 NE CASIMIRO.*

Secutus ad castra VLADISLAVM Principem.
 Sub experientissimis militiæ magistris,
 Armorum & gloriæ tyrocinium posuit in Moschouia;
 Vbi immixtus oppugnantium ardori & machinis,
 Ictum lapidis aduerso pectore excepit;
 Cœlo testatus aperto :
Polonis æquè ac Spartanis pro muro pectus esse.
 Ad metas extremi discriminis adductus,
 Incertos Martis exitus,
 Certo propemodum exitio approbavit.
 Expeditionem bellicam, Legatio Anglica,
 Hanc Florentina, Veneta, Imperialis consecuta,
 Romana, omnes iure gloriæ antequit.
 Ad regni Ordines honorariâ missione functus,
 Mentis Procerum flexaminâ subegit eloquentiâ.

Tunc

SEPVLCHRALIS.

120

Tunc potissimum Princeps Sacri Imperij,
Cum in animos Imperium,
In Honores Principatum exercuit;
Quorum illud copiose loquenti Sapientiæ,
Hunc meritorum Excellentia debuit.
Memorabili in Ducalem Prussiam excursionem,
Regiomonti, Regiæ mentis interpres fidissimus,
Eius arbitria pro imperiis, iussa pro oraculis habuit.
Ita ille Regum prælargus æstimator,
Maiestatis nomen (magni nominis Legatus)
Cum penitus pernôsser, tractauit generosiùs.
Si experientiæ ratio poscitur, veratissimus,
Si peritia iuris Patrij, scientissimus,
Si negotia Dominantium, paratissimus.

Eapropter

Nihil non eius meritis tribuendum rati Principes,
Sua in eo beneficia, haud quaquam expauere.
Nisi quòd & ipse, è modestiæ præceptis,
Nec vanè ostentabat Principi obsequium,
Nec occasiones præterijt obsequendi.
In Ratisbonensibus Comitij, Legatorum Princeps,
Imperij Septem-Viris *VIR CONSILII* visus,
A FERDINANDO III. Romanorum Imperatore,
Sac. Rom. Imp. Principibus asseritur,
Nec importunus accersendis nominibus,

Nec

Nec impar oblati.
 Sandomiriensi mox Palatinatu ad se perlato
 Quem absens non quæreret,
 Quæsitus peregrè est ab Honore.
 Mens & Os Principijs vt esset,
 Suo CANCELLARII ex munere accepit.
 Extemporalis vt plurimum Orator,
 Meditatas aliorum disceptationes vel æquauit, vel vicit.
 In turbidis Comitiorum fluctibus,
 Malaciam sæpè attulit sui vnico interuentu!
 Diserta causarum iurgia vel ideò rescindens:
Quòd nihil præter tempus rixæ lucrentur.
 Spem & Metum, duo Consultantium detrimenta,
 Procul habuit à Consilio Bonæ Mentis.
 Ad vsum rerum quàm ad speciem attentior,
 Tuta ambiguus, vtilia arduis anteposuit.
 Difficillimas Reipub. controuersias facillimè expediens
 Prouidit, ne suo careret Nestore Agamemnon.
 Gratiarum Priuilegijs annulum ita solitus apprimere,
 Vt Nobilem Libertatis gemmam non premeret.
 Pupillorum quiritationibus ex facili acclinis,
 Nemini, dicendæ causæ potestatem ademit.
 In cognitionum copia, fastidio inaccessus:
 Integritatem iudicij, nullâ corruptione passus diminuit;
 Medius partium, amicâ medijs consistebat virtute.
Veritati amicior quàm reo supplici,

Armatam Securi suâ Iustitiam intentabat.
 Credo, ne Liuianæ pateret Censuræ
Apud quos gratia vim equi habet,
Hominum non causarum toti sunt.
 Illo arbitro Belli ac Fœderum sancita Iura,
 Compositæ seditiones, firmata pax,
 Leges conditæ, Regum connubia procurata,
 Arcanorum omnium conscius & transactor,
 Illud fidei, hoc industriæ suæ obtinuerat priuilegio:
 Pacis, quàm belli artibus clariorem quòd videas,
 Alto Regni otio imputa,
 Remedia Sapientiæ præ armorum studijs eligenti.
 Æque acies in campo instruere,
 Ac Sententias ordinare in Curia, Virorum est.
 Præterquam, quòd Sallustij effato,
Admirabilius ingenij quàm virium censu gloriam quasisse.
 Magnus vel ipsâ hostium confessione Cancellarius,
 Ad Zborouiam, bellicæ tempestati solerter occursans
 Periclitantem, duos inter scopulos, nauem Patriæ
 Remis Consiliorum promouit
 Ad promontorium Bonæ Spei.
 Tunc si alias Prudentiæ palmâ potitus,
 Infractâ barbarorum in manu laureâ
 Hostilis Victoriæ conclamatur Victor,
 Translato in rem, è sensu veterum testimonio:
Posse inermi Consilio, armatam vim euerti, aut auerti;

CHMIELNICIO virtutem admirante, quam odisset.
 Si laborum contentioni non succumbere, Heroum est;
 Herois magnitudinem, is vel attigit vel excessit.
 In bello, idem actor Consilij, qui & auctor
 Quanti Salutem publicam duceret,
 Dato in obsidem Genero, palàm fecit.
 Paucorù est: Securitatem Reipub. suorù periculo pacisci.
Magnorum comitem inuidiam,
Plerumq; temperatam morum comitate,
 Interdum, ipso Venerabilis contemptu transmisit.

III.

Eius Pietas tum in Parentes, tum in Cœlites:
Et Mors piè obita.

Parentibus deuinctissimus vel post fata,
 Quò eos amoris suo superstites monstraret,
 Excitatis dolenter Exequiarum parentalibus,
 Matre ad augustius monumentum translatâ,
Imitandam pietatis metaphoram Posteris fecit.
 Mox in simili Virtutis allegoria persistens,
 Maternis à cineribus, ad Sacra PII Martyris Lipsanæ
 Apparatissimè deducenda progressus est:
 Quem, ditionis paternæ Sacrario illatum,
Sua Suorumq; Clientela præfecit.

Nec

Nec propterea, quòd Beatorum, Exuuias collegisset

Minùs in miseros hospitalis exstitit:

Quippe in solatia calamitatis alienæ,

Opportunum sua in Vrbe molitus Prytanæum est;

In quod, vikatim conquisitos egenorum cætus,

Nouam Cælo inducturus coloniam, introduxit.

Eosdem, illatis à se epulis laurè habitos,

Veste auroque donatos, reliquit inquilinos.

Vt qui iam diuinæ libationi mensas

CLEMENTOVIANA posuisset in Basilica

Idem ærumnosæ mortalitati triclinia apponeret.

Non aliâ tam luculenti hospitij mercede:

Quàm in ipsum rerum fontem, fuisse munificum!

Magnæ MATRIS amores in morem sibi vt abirent,

Longâ salutandi precandique assuetudine peruicit.

Eius sacram famem, pridianâ in se alens inediâ,

Appensis è Votorum conscientia donarijs,

Veram Sarmatiæ propitiabat Fortunam;

Solum esse tutum honestumque dictitans

Ad ARAM PVBLICI PERFVGII receptum.

Illustribus alioqui prodigijs CLARVM MONTEM,

Clariorem auro argentoque suo reddidit:

Vbi & suæ fidei adhibens testes tabulas,

MARIANÆ Beneficiæ Titulo subscripsit.

Virtutem ex Patre, verumq; laborem eductus,

Dum operosa artificum fatigat ingenia,

Templū, peregrino structum opere, locauit ditauitq;
 Prælo alibi & stylo, sui vultus imagine,
 Hic marmoribus, & pectoribus insculptā,
 Auitæ Religionis reliquit Ideam.
 Postmodum, facturus operæ literariæ pretium,
 Inuentutis, bono publico formandæ percupidus,
 Simul desideria in animum, simul manū in opus immisit;
 Dum BIDGOSTIANI fundamenta Collegij
 (Architectante ASCIA) à Domo DEI exorsus,
 Illustre magnorum operum rudimentum instituit,
Suæ & Nostræ iam Fortunæ Auctor:
 Illic positus, vnde elargiri multa posset,
 (Nouo largitionis inuento) sacras Mendicantiū familias
 Ad insignia sui muneris, nec rogantes, admisit:
 Quando Sigilli maioris curam ad se duntaxat,
 Fructum ad illos pertinere voluit.
 Sic & Honores in alimentum Gloriæ,
 Et fortunas in leuamentum egestatis vertit.
 Raro continuatæ felicitatis exemplo:
 Regnatricis domus occupata semel iudicia,
 (Pars potentia ac fauoris exitu)
Ad ætatis prope flexum, inflexo perduxit vigore.
 Fuerit alijs difficillimum, Mortem in Vita ordinare;
 Noster hic, Constitutā prius affectuum Republicā,
 Curas omnes, ad vnā animæ transtulit Oeconomiam.
 Ipsa

Ipsâ gloriæ satietate, aulæ frequentiam fastidians,
Eam subinde asceticâ Carmeli solitudine temperavit;

Vt qui semper Patriæ & ciuibus,

Interdum sibi vacaret in recessu.

Calculum cum regno & coelo suetus ponere,
Dati, acceptique rationes, æternis expendit.

Per hebdomadæ Sanctioris lugubre triduum,

Intra diuini lateris prærupta abdebat sese:

Non ante emersurus è latebra Christianæ mæstitiæ,
Quàm triumphantis à Ligno Dei, exaudisset Pæanem.
In hoc, VLADISLAO IV. Confatalis videri poterat,
Quòd Posteritati suæ, se solo sufficienter prouisurus,

Pro Filio, Famam reliquisset Posthumam.

Princeps Rom. Imp. cum Regni Princ. SIGISMUNDO

Pari factorum dierumque coniunctione,

* 9. Augusti,

* Demissus in Augusto est.

In procinctu Romani itineris,

Pia inter desideria **SANCTIORIS ANNI**

Pænè in PORTA AVREA intercipitur.

Vix ac Vitæ finem facturus Viator.

In sinu Patriæ, ægrè spirantis, expirauit.

Anno Viuentis DEI Hominis, MDCL. V. Idus August.

Ne tu Liuor improbe

Manes & Vmbram Viri Principis insectare.

Expensum in Publicæ rei commoda spiritum

137 INSCRIPTIO SEPVLCHRALIS.

Collige potius, & disce:

SEPVLCHRA PRINCIPVM SCHOLAM ESSE.

APOSTROPHE AD ILLVSTRISSIMVM
NEPOTEM.

LEges in hac veluti tabula dolorem nostrum, quem tamen sic in chartam effundimus, ut maior sese cohibeat intra pectus. Ita nempe communis hęc lugendi necessitas vniuersos peruasit, ut absq; sui decremento singulorum animos impleuerit. Præalti ruina fastigij etiam Sandomirianas concussit Musas: Tullium præsertim, qui parentalem OSSOLINIO suo, iure debebat Eloquentiam, in quo uno, qualem ipse votis tantum destinauerat Oratorem, recognouit expressum. Quod si: Tunc veris lacrymis defletur clades publica, vbi cum domestico funere, iuncta est, Vide Illustrissime Domine an non Tuopotissimum dolori SEPVLCHRALEM hanc INSCRIPTIONEM inscribere debuerimus? Eius quippe Magnis Cineribus iusta persoluius, apud quem Tu in nomen & affectus Filij immigraueras. Suarum ille Te Heredem Virtutum bono publico reliquit: quas cum in lugubri hac pagina legeris, earum recordatione, magnos ad summa quæq; spiritus accipies, simul & dolorem temperabis.

ROSA

R O S A

INTER SPINAS DIVI BENEDICTI
EFFLORESCENS,

ILLVSTRISSIMI ET REVERENDISSIMI DOMINI,
D. STANISLAI PSTROKONSKI,

Episcopi Chelmensis, Administratoris
Abbatiae Tynecensis, &c.

Anno à florido Partu Virginis, M. DC. XLVIII.

S.

E.



P.

C.

ALBA ROSA IN CAMPO RVBEO.

Quòd ROSA PSTROKONII, purâ niue purior albet:
Concolor est Domini moribus iste color.

Quòd rubet hostili campus de cæde: ROSETA
PSTROKONIDVM, Marti noueris esse sacra.

ILLVSTRISSIMB & REVERENDISSIME DOMINE.

DE Rosis coram Rosino perparcè locutus, flori-
dum Tuo nomini argumentum inscripsi. Quidē-
nim amplius reponerem Pontificia comprecatio-
nē Tuā, quam mihi nuper, sub exordia anni, impertitus mis-
isti.

sti. Non sterilem, quia excepta animo, non tam in verba, quàm in vota & omina excreuit. Inter Missilia Xeniorum, an mitti potuit Celsitudini Tuæ quidquam carius Rosâ Aureâ? plenius Plenâ? purius Candidâ? securius inermi? ornatius Coronatâ? Adde quòd ad Ianuarij Kalendas, eam tinxerim IESV purpurâ, quòd, salutare alioqui, medicarer Infantis Dei cruore. Propè inter Natales VERBI cunas enascitur flos florum, ut cum feni stipula, in manum sese Diuinam insinuet. Sunt, qui Tua primum illud mirentur in Rosa, quòd cum natiuis careat acuminibus, tamen acuat Oratorum calamos. Nec propterea licentiore ausu in Tua inuolauì Rosaria, quòd horrido spinarum vallo improtecta, oculis pateant manibusq;. Leguntur tutius quàm carpuntur aut metuntur hæ Rosæ, quarum folijs inscripsi vel Tua vel Tuorum facta. Liberalius præ alijs MATHIÆ PSTROKONIO Regni Cancellario in hæsi, in quo feliciter Tuæ indolis imaginem recognoui. Sacras Ciuilibus Rosis permiscui, ne sic quidem amissuras pretium & ordinem dignitatis. Opus haud erat secernentis delectu, ubi omnes & singula etsi discolori elegantia, tamen ornandæ Patriæ conuenirent. Ote, Sarmatia hospitalem ex eo potissimum, quòd PORAVIANÆ Rosæ manum porrexeris amicam: rata futurum è re Imperij, si Regalia Heròum insignia, tuo florescerent in Regno. Agnouisti expositum ab altero videlicet Assyage, in media calamitate Cyrum. Et verò non agnosceres, alti sanguinis propaginem è flore? candorem ex vultu, vere-

rem Regum fortunam ex insignibus? Nullum illo maius à Bohemis pignus accepimus, fouere nescientibus Rosam, foris excolendam melius quàm domi. Vinam & ego gratiarum hoc munus non exasperem tractatione subhorridâ. Sentiuntur Rosæ gratius quàm calamo premuntur. Tua verò Præsul Illustrissime, vernat pulchrius in memoria Reipub. quàm in hortulis Tusculani. Itaq; illius candorem sic attrectauimus, ne incusso pudore laderemus verecundiam. Nesciunt mansuetiores Musæ quenuquam pungere, quod ipsum inermi & candida Buzeniorum didicere à Rosa. Si quid tamen è florum Principe, styli audaciâ detritum est, consultâ Indorum Sapientiâ, Rosas afferam offeramq; Rosæ Heredem placaturus.

ORIGO STMMEATIS EIVSq; AVCTORES.

R O S A M P S T R O K O N I O R V M

A stirpe si inspexeris, Romana est.

Romæ nasci prima illi gloria, sed non sola,
Patriam Italiæ, coloniam Bohemiæ, Poloniæ sedem debet.

Florum Domina,

Communi cum terrarum dominis potita dominatu est.
Sed exactis Româ Regibus, locus Regina quæ esset?

Nomen Regium nec in flore ferri potuit

Thuscis finibus cum Rosino cessit vltro:

Detestata magis, quàm verita falcem Tarquinij,

Perinde papauerum colla ac Ciuium demerentis.

R

Pere-

Peregrinantem ex Latio

Bohemus accepit hospitem, ut euceret;

Rosembergius adsciuit ut affinem,

Poraius ut gentilitiam coluit,

Lechus ut indigenam adoptauit,

Honorariam reddidit

Boleslaus Chabri.

Gratulatus regno Rosas

Et delectare & prodesse natas.

Accessit ad Coronam, coronata de suo.

Spinis vacua est, quia & curis;

Quarum omnes ad rem publicam transtulit à priuatâ.

Vel idcirco horrentibus non armata aculeis,

Quod securius sit, munimento non egere.

Ita liuor prosperis inimicus,

ROSINI in Rosa, nil præter vepres, arrosit.

Hoc vno fortasse infelix ROSEMBERGIVS,

Quod spectârit Rosæ excidium in Fratribus Adalberti.

Sed fatale est PORAVIORVM Rosæ,

Et si sanguine perpluat, candorem non amittere;

Quod hætenus erubesceret, nihil habuit,

Nec illi patria, nec illa patriæ probro fuit.

Nihil olere ut bene oleas,

Hominum laus est non Rosarum:

† Quæ sine odore sunt in coronam non addantur.

Et hæc formosi floris elegantia

In contentionem gloriæ prouocat Salomonem.

Flos ROSEMBERGII, solis malè olet Sectarijs:

Quòd, Romana inuolantes in Rosaria,

Ad Augiæ stabulum pepulerit scarabæos.



Osas humano sanguine propagatas, non omnino iam fuerit fabulosum, *Illustrissime & Reuerendissime Antistes*, ex quo BVZENIAM PSTROKONI Rosam cernimus, vel natam Diuorum sanguine, vel renatam. Etsi enim natali solo ut felicius proueniret, trium concursu fluminum allueretur, multò tamen generosiùs effloruit imbuta sanguine Adalberti. Venustatis & gratiarum compendium, tam cari capitis impendio constituisse oportuerat. Nemo idcirco iustiùs Rosas loquitur, quàm qui Tuas; nemo tractat securiùs quàm Tuas. Nam nec taceri æquum est, vocalissimo educatas cruore; neque timeri, consumptis ætate aculeis, iam inermes. Quod si ingrata de Rosis Oratio esse nequit; si suam nullis in manibus amittunt suaueolentiam, quid adhuc dubitare odoratissimi floris candorè sinceritate imitari. Adeò non in oculos tantùm, sed in animos quoque blandum exercet imperium ROSI-NORVM Rosa! ut liqueret Orbi: eam aliquando in Hærico Romanorum Imperatore imperasse, regnauisse in Orthone Magno, tenuisse in Vrsino principe principatum. Est videlicet aliquid: ortum ducere ab Optimis & Ma-

ximis. Nisi quòd peculiare sit **PSTROKONIORVM** Rosæ, maiestati amœnitatem, purpuræ præhabere candorem. Natiua hæc elegantia, nullum in se adscititijs coloribus locum fecit. fucum & cerussam non admisit, ne non suis & suorum laboribus coronata, pulchritudinis affectaret regnum. Quid autem extraneæ opis egeret lenocinio? nata ornare cæteros non ornari. Misera florû conditio est, vbi, quod in æstimationem veniat, præter folia & colorem, vix reperias. Ita quidlibet ab animo referunt ad illecebram oculorum, quasi idcirco magnifica viriditatis pompam instruant, vt temporariâ ostentatione ambitiosius cum tempore deflorescant, excussa foliorum luxurie inutiles & ingrati. Nihil in Tuum, *Illustissime Domine*, florem licuit fatorum licentiæ. Tamen plenè exegit annos, vt annales impleuerit: tam integrè, vt nihil de illius integritate secula delibauerint. Delibarent autem carperentue? sacram in Martyribus, inauguratam in Gaudentio, in Heroibus vernantem, in Regibus adoratam. Fecerint Romani celeberrima Rosarum genera: Tibi nec placere poterat Campana, quia præcox; nec Milesia, quippè sera; neque Græcula, quia nascenti semper similis, nisi manu coacta non dehiscit: Tuæ similior est, quæ nouissimè desinit Prenestina. Nam Alabanica, Trachinia, vel si quæ minorum gentium rosæ emicant, in **PSTROKONIANÆ** comparisonem se non addent; quòd cùm naturæ cursui præcurrant insolent.

solenter, & cyssimè sed non optimè adolescunt. Cucurbitarum ea est ambitio, leuissimè inflari vt celerrimè detumescant. At Rosis Buzenij paulatim succrescentibus, & suâ ipsarum indole coronatis, quantum gloriæ temperamentum obtrigit! Non illæ præuertunt tempora, ne iniuriâ temporum euertantur. Præcellunt ortu lilijs, quia & conditionis eminentiâ. Rectè, dum vernare incipiunt Lilia, hæ autumnant; vt quam priùs nascendo vitam hauriunt, eandem citiùs humano generi impertiant. Debemus hanc PORAVIO gratiam, quòd germanas ALBERTI Rosas Poloniæ intulerit; alteram hinc sibi patriam condituras. Hinc diffusi per tot stirpes rami; hinc noui surgentesque fætus; hinc assertæ consertæque familiæ, hinc adoptiui latè surculi, in Roseas famæ & generis prouenère colonias. Ortæ stirpes è stirpibus, honoribus aucti honores, interque illustria natalium confinia, fascēs cognatis fascibus cohasere. Iam patritias, iam equestres, iam Senatorias, paci & bello vtilēs conueniunt rosas; in toga candidas, in sago rubentes, nec in purpura delicatas. Fas non erat ADALBERTI sanguinem fuisse infecundum in Rosis: quarum illæ armis, istæ aris impositæ, galeas & infulas impleuere, vt raro confortionis foedere, mites inter & seueras animas mediæ, hinc Palladi suam dicarent operam, hinc Bellonæ: quæ dissita officijs numina, solis boni publici vtilitatibus faderantur. Vidimus olim vidimus, è pacatis Musarum

classibus, ad classica digressas Rosenbergij & Rosini Rosas. Pulchra sanè lenitatis cum seueritate dimicatio, de immortalitatis priuilegio. Quàm aptè hîc, insinuas te fidelem in memoriam, ROSEORVM vernantissime PORAVI, si tamen insinuatione opus habeas, apud animos tot seculis occupatos, apud aures ad tua decora arrectissimas? Tu, qui iure bellico, famæ negotium ubiq; egeris, ubiq; viceris, nusquam triumphaueris; patiare hæc saltem tuis opponi, quæ tu idem in totius Polonia oculis posuisti; eo fidei candore, qui Tuam addeceret Rosam, eâ integritate, quæ Diuorum sanguini conueniret. Præstitisti enim uerò primus, ne magnoperè miraremur, Rosas florere inter arma, durare inter niues, proficere uestione, cùm Tu consanguineâ Tuorum è clade nihilo conterritus, inuictam conscio Imperatori sic probasti fortitudinem, vt in te Ducis prudentiam, robur militis, aulici ingenium suspiceret foueretque. Sufficiat splendide fortibus prospexisse castra, breuemque militiam quasi transisse; PORAVIO ad numerosam generis gloriam, perpauca meritorum stipendia quæ sufficerent? in tantum bellicis inuitro alimentis, vt præ illis omnem aliam voluptatem fastidiuerit, frugalitatem posuerit in delicijs, famem inter opsonia reputauerit: quod intelligeret imbellium esse, lautitias curare sub lorica, belli orbitam orbe saltatorio confundere, rilu iras, Præanem symphoniacis, classica emollire cantu. Vocem Iulij Cæsaris

faris accepimus: *Milites suos etiam unguentatos pugnare posse.* Tumidè id quidem & ex victoriæ genio insolenter: meritò auersâ aure audiendus PORAVIO, nihil vquam agente, aut probante, quod à seueris belli vsibus & disciplinæ veteris præscripto discederet. Malebat absens absenti patriæ salutem è castris mittere, quàm festinatò emeritus manumitti. Ergo his moribus, hâc virium firmitate, hâc in periculis perleuerantiâ, posteros in sui commendationem non exciret? hoc insuper nomine fortunatus, quòd sibi ad numerandas pro Republica cicatrices, cum Otthone Boleslaus, idem laudator contigerit, idem testis. Nec aliud egisse tunc existimem Bohemorum inclementiam, quum cæsis quinq; fratribus ADALBERTI, ferro & igni in reliquias PORAVIANÆ grassaretur familiæ; quàm vt ipsis è cineribus rosas proliceret, à ferro & recisione pleniores. Age, (quando semel fiducia nostra, gentis Rosæ irrupit Viridarum) paucas hinc delibemus rosas; parùm anxij, vt quæque in manus veniat, quouè, ordine decerpatur. Par est honoris omnibus, & vna sanguinis claritudo. Occurrerint primi Buzenii qui & Pstrokonij; inde Kurozwęcij; Michalowskij, Izbienij, Gruszcini; excurram illic Venerationis in officia. Occurrerit memoriæ atque oculis Kurozwęciæ plantationis ANDREAS ROSA? legam protinus Virili inscriptam nomine, vel è Græcorum testimonio. Colligam victricem in VINCENTIO KADŁUB-
KONE

KONE Rosam, eò sublimiorem, quò profundius descendentem in se, securius ad maturitatem Virtutis intra septa Cisterciensis hortuli accessuram : Cracouiam Andreouîâ, egestate maiestatem, frequentiam solitudine commutantem Neq; sic tamen solitariam; quia literas admisit in cubiculum, quæ è naufragio enatant, sequuntur exulem, in media captiuitate non captiuæ. Rectè *Centifoliam* Vincentij Rosam dixerit, quisquis prima illius historiæ folia saltem attigit. Suspiciam in sublime elatas Regni principes & Primates Rosas, primo in subsellio Castellanas, in Regni ærario aureas, in exercitu Generales, in castris & arcibus Capitaneas, in territorijs & tentorijs conscriptas, in acie militares. Maçte hoc sanguine, hâc & victoriâ, quam re & nomine præstitisti **NICOLAE PORAVI**, qui dum vetusto Regum Haliciensium propugnaculo impositus præsidere, probaturus cælo campestrem Rosæ indolem, è manibus, patentissimum Daciæ prodijsti in campum, morte immortalitæ licitaturus, eoque nec in ipsa hostium æstimatione moriturus, nec in fastis. Cecidit vnà tecum Petrus Odrovazius; seu quòd consociari decora pulchrum sibi, seu quòd à tantæ fortitudinis contubernio abstrahi, morte ipsâ acerbius duxisset. Quantus es **NICOLAE MICHALOW SCI** Vir ab vtrâque fortuna Illustrissime! Luculentius magnitudini Tuæ testimonium, ne expectes præ illo, quod à Marte primùm, *ex acie optimum quicquid* pigne-

pignerante, deinde à VLADISLAO IAGELLONE, non sine suffragijs Ordinum retulisti: qui te, velut alterum bello Mithridatico Pompeium, incredibili consensione electum voluere, vt Theutonicæ expeditioni Dux præesses & auctor; cum antehac floridi roboris ætatem Roseam bellis Moschouiticis, Tartaricis, Bulgaricis attriuiſſes, vt omni sæculo agnoscere potuerint suam Romani prærogatiuam, in Romano vtrique ROSINO, eiusq; Minoribus, agere natis fortia & ardua quæque pati. Non ego te PSTRONIANÆ Principem familiæ à tui incremento sanguinis abstraxerim, IOANNES PSTROKONI. Vnum quippè est idemq; virtutis officium. Est quod continuæ Tuorum prosperitati, est quod prosapiæ gratulêre, cui veterem fortunam cum priscae nobilitatis insignibus transmisiſti: nouum à loci genio sortitus cognomen, vt in auitæ hereditatis diuisione, fieres non tam paterni nominis, quàm virtutum heres. Accedere hoc solum, ad auream gentilitiæ Rosæ sortem potuit, vt decoro belli puluere adpersam, non iam triplici fluminum interuentu, sed cruoris tinctam purpurâ nepotibus traderes, vel gloriæ irritamentum, vel amoris. Crediderim ingemuisse tuo casu (quo Calimiri fortunam fulcijſti) Mathiam Regem Pannoniæ, positaque hostilitate inuidisse veriùs Tui fortitudini, quàm eidem ignouisse; certum (nî fallor) gentis Pstrokonix Rosam Auream, Hungariæ, hoc est POMO AVREO, benè per omnia

S

responsu-

responsuram fuisse, si diutiùs, Vitæ & famæ spatia proferre potuisset. Nec Patriæ saltem, sua Cælestibus ingerenti vota, permissum est, pro te diutiùs timuisse, ut eò te dolentiùs lugeret amissum, quò alacriùs missum in prælia meminisset: Quanquam etiamnum tuus, bellatorum Cordatissime, in Pstrokonijs calet sanguis, olim è cruenta Vratislaviæ arena expressus. Actum igitur tecum præclare, cum patria perbeatè, ne totus in fatorum arbitria & potestatem abires. Nam *æternam tuæ mentis formam*, & capacem tot operum indolem, in liberis, patrem spirantibus reliquisti: his ex diuturno collectam operosè, famæ & generis amplitudinem propagantibus, illis novonisu gloriam vrgentibus, per itinera Heroibus tantùm nota. Quotusquisque illorum, non se, aut iuris patritij cognitione, in omnes fatorum vices communiuit? non aut pulcherrimis belli pacisque muneribus perfunctus est? planè ut nemo illorum extiterit, qui non ex honoribus è scena honoratus discesserit. Recenseat iam Proavus posthumi ortus Rosas, in tot adoptivæ cognationis Rosaria excrecentes. Coronet agmen Roseum, propaginis Roseæ ter præstans, ter & felix Rosa ALBERTVS MEČINSKI, nec iure sanguinis, nec specie virtutis ADALBERTO discolor: qui tametsi victore spiritu constitisset in portu, tamen etiamnum, sparsi in mare barbaricum cineres naufragantur. Accepimus ad spectaculū illustre, domesticum ad imitationem, Polonum ad gloriam,

riam, exemplum accepimus! Excessit vir acerrimus,
cæli ipsius quantitatem, animo non Dei magis capace,
quàm dolorum! Sarmaticæ pullus Aquilæ, vel Iaponici
solis iudicio generosus, in fortunæ primùm suæ titu-
los inuolauit, ne ante de barbariâ quàm de sanguine
triumpharet suo. Quorsum enim trans æquora hostem
quæreret, intestino domi Annibale necdum fuso? Heu!
crudele obsequium Iaponiæ, rigando præfocantis Ro-
sam! sed eò gratiùs rubescentem, quò eam largiùs vic-
lentâ alluione imbuat suus cruor.

ALBERTO MECINSKI, Societ. IESV.

De Gente Rosarum.

FRAGRANTISSIMUM naturæ delictum Rosa,

Omnibus exercitata Elementis,

Vt per omnia ad coronam proficeret.

Ignem in Bohemia, tellurem in Dacia,

Aquis, aëre, Nangazachi.

Quid baccharis lymphata Iaponum truculentia?

Virtutem aquæ haustibus non reddes temulentam;

Vota ingeris MECINIO non supplicia,

Rosæ alimenta admouens in tormentis.

Alitur, dum alluitur stirps Rosarum.

Frustra obruendæ charitati adhibita aquarum vis.

Dudum & ille, hoc baptismo habuit baptisari:

Per tot insulas venalem caelo animam circumtulit,

Mortis Lustrator pretiosa,

Quam caro admodum licitatus est in Iaponia,

Vbi nec frigidam gratis biberit,

Quia purpureæ animæ pretio comparatam.

Ita

Et Noster hic, libatis diu mortibus Mitridates profecit.

Non solum Tonitruui, sed & Aquila Filij

Bibunt Calicem ærumnarum.

Emersit Iaponici maris mergus, in Floridam Bonæ Spei,

DOCVITQVE:

Per frigidam, ad vitæ refrigeria enatandum esse.

Atrox vndarum diluvium vsq; ad animam exundantium!

Sed ramus oliuæ, nisi exhausto diluvio, non affertur.

HEV:

Iaponiæ humanitatem inhumanam!

Inter Sacra amoris febricitanti MECINIO

Lymphas obtulit, ut animam auferret.

Nouo aquarum tormento, nouum exercuit Tantalum,

Vnde ardoris impatientia, aquam sitiret inter aquas.

Omnis illi spirandi copia intercepta est,

Quò collectum in se ex diuturno spiritum

Ponderatori Spirituum redhiberet DEO

Tot dierum spatio torquetur, laureâ pariturus ex arduo.

Vitam inter & mortem positus, ab vtrâque carpitur;

Fitque lenta crudelitas, violentior violentâ.

Mori-

*Moritur quotidie, ut supplicij super sit.
 Nimirum non facile exhalant Rosæ animam.
 Per ignem & aquam transiens, Vir dolorum,
 Vtroque Rosas (ut durarent) Elemento acuit.
 Sic nauigaturo ad Superos Alberto Męcinio,
 † Adalbertus remum Prussicum,
 Iaponia flumen dedit.*

† *Ex ead. linea Rosarum.*

Quid me verò attinet de Rosis Rosinorum, regnatrice in domo consitis, dissitisque per tot plantaria, differere? quid innumeras numerare? aut pulcherrimè explicata Rosæ folia euoluere, quorum *sine nomine nullum*, decidit in terras, quia vel suo inscriptum sanguine, vel hostili. Nihil in Patricijs PORAVII Rosis non insigne, nihil in folijs non regale, nihil in stirpe non Romanum inuenias, nihil in vsu non salubre. An vllum hinc defluxit *Buzeniana Rosa* folium, quod in salutem Reipublicæ non influxerit? Proprijs id imputaret dispendijs, quod bono publico non impenderet. Olim iam assueta in lucro censere gratias, beneficentiam ponere in acceptis. Hoc quidem est, alienæ prouidendo felicitati, suam augere. Veritatis illa vox fuit, non Sallustij: *Regna & pro nuncias, eò usq; prosperum tenuisse cursum, dum apud eas consilia valuerunt.* Velut si planius monuisset: consilij sanitate, salutem Reipublicæ contineri. Quem in locum posteaquam deductus sum, ita menti & stylo moderabor

Præful Illustrissime, vt tamen in defensione meæ fidei, sæpè mihi sint & acta immortalis Patruī Tui, & auctoritas appellanda. Non enim ita ex mortalium collegio exijt, vt è pectoribus quoque Polonorum exierit. Vbi de eius agitur laudibus, Themistocli non subscribimus, artem obliuionis præ memoria eligenti. Male huic litatur silentium, qui maturâ anticipatione, omnium linguas nationum ne taceretur, occupauit; cùm antea eorundem animos ad sui venerationem inclinâsset. Ipsa me profectò Curia accersitum de incuriâ mulctaret, si in tam accuratum iuris & legum vindicem iniurius, voci publicæ, Oratoris præconium non adijcerem. Næ, ille omnium plausus Ordinum conciliet habeatq; vnus, qui ingenitam sibi Suadam, communem omnibus fecisset. Vertat aliò stylum vates: *Stemmata quid prosint*, hîc ne quærat. Non est profectò otiosa floridi generis nobilitas, quæ sita multo sanguine, reperta multo. Patent oculis, patent animis Psitronianæ Rosæ comoda, aras focosq; circumplexa. Arborem diceres Indicam, tam multiplici rerum copiâ affluentem, *Vt una ex sese innumeris apta vñbus, nauim instruat. Det illa truncum in latera, ramos commodet in remos, comam in vela, in rudentes, in malum assamenta, clauos præbeat, fundat oleum, ignibus & hominibus ministret alimenta!* De patritio Rosinorum insigni quid primum enuntiem, quid postremum? in quo par emolumentum cum ornamento certamen, ex æquo prima^s ambit

ambit, in secundis aut tertijs non consistit. Vna demum
 BVZENII ROSA est, quæ non vnus efficientiæ vi
 prædita: Ornat Cælites, funditur in succos, liquefcit in
 remèdia, excrefcit in Trophæa, affurgit in colossos. O sanè
 benignioris fiderè cæli rorè! ô Principè plantarum Rosâ
 nec sterilè hætenus, nec effætâ! Quoties Te MATHIA
 PSTROKONI Regni Supremum Cancellarium, salu-
 berrima quæque suadentem (quando autem non suasi-
 sti?) Patrum Senatus audit; toties, iam non inani pro-
 uerbio *Rosas locutum* intellexit. Quod si consilij oppor-
 tunitas, mali aurei in lance aurea, venit nomine; quantò
 id aptius æquiusque tuæ imputauerim Rosæ *ex vero Au-
 reæ*, quam tot vigilijs & sudoribus eliquatam, ægrè spi-
 ranti Patriæ porrexisti persæpè: congruum pietati Tuæ
 existimans; communem omnium parentem communi-
 bus obnoxiam ærumnis firmare, labantē, interq; domesti-
 ca defectionis intimæ deliquia languentē refouere non
 aliundè quæsisit malo remedijs quàm à Rosa. Lugeba-
 tur adhuc suo coronatus nomine ac virtutibus, Polonia
 Mars, Stephanus Batthoræus; cùm atratam à morte
 Principis patriam grauior nebula inuoluisset. Fuère è
 prima Nobilitate, qui conuulsū Reipublicæ corpus, fla-
 grantibus palam odijs discerperent, potentiâ & opibus
 in contentionem adductis: Vter Principum clauo di-
 gnior, accederet gubernaculis? motosque componeret
 aliquando fluctus? vt iam tū constare potuerit quæ-
 situm

situm ad Regna Sigismundum, suos cælo debuisse fa-
 sces. Per tot ei discrimina & obices, Polonæ in Capi-
 tolum gloriæ euadendum erat. Cuius id fuisset animi,
 iratis armatisque intercedere? tumultuantibus immi-
 sceri, iamque strictos propemodum gladios vaginæ red-
 dere? Cuius porro auctoritatis? potentiorum audaciæ
 ac impunitati ire obuiam, empta partium studia, & moli-
 tiones disturbare? Prudentiæ? aditum in animos quæ-
 re, scenæ ac tempori solerter aptari? modò rebellan-
 tes, ad deditionem cogere, aliò spectantes, aliò rapere,
 personam penè aliam inducere! O humanâ maiorem-
 virtutis confidentiam! ô mentem! ô Virum! Persuaden-
 dum erat plerisque, res tot tantasque, exitu dispa-
 res, opinione maiores, vnus dexteritate confieri potuisse. I,
 uisti contra, vnus omnium gerens regensque animos
 quò nec ille flexanimus Pyrrhi Cyneas duci vellet. E-
 uertissent hæc alium inimica virtutibus tempora, te a-
 crius firmârunt. Quòd è plausu Romani Sapientis didi-
 dicisses: *Non firmam esse arborem, in quam uehementior*
non incubuerit procella. Hoc demùm est: in animam au-
 dientium, quin & proteruè obnitentium inducere sese,
 ut eos, *Et deducere quòquo uelis, possis, Et reducere un-*
de uelis. Fulmen hâc Rosâ citius, quàm lauri obiectu
 auertisset Tiberius. Quantum est, strictis ensibus impu-
 nè occurrisse? Hos ad *Pacis*, illos ad *Ædem Concordiæ*
 suadendo prouocâsse? Nonne hâc meritorum conscien-
 tia

riâ erectus, illum cognomento *Optimum* æ quâsses? non
 tam firmâ corporis proceritate, aut *festinata senectutis*
insignibus; quàm illâ morum canicie, illâ Urbanissimi
 Principis comitate exstantem. Iamque pacatis Regni
 Ordinibus, fido Curiae ministerio perfunctus, Civili tur-
 bine paulatim subsidente, cùm necesse non haberes, am-
 plissimi Honoris prouinciâ decersisti: eâdem quâ ac-
 ceperas fide, maioribus comitijs, Reipubl. sub aspectu,
 in sinum Principis reposito sigillo, Tua deinceps, & ipse
 iam futurus sub Rosa. Patuitque tunc **MATHIAM**
PTSTROKONIVM, summo Cancellarij munere, contra
 vim Regibus & legibus infestam, eò usque usum esse, dū
 tranquillior regno facies rediisset. Vt qui iam Henri-
 cum ac Orthonem tuis in maioribus censuisses, etiam Ca-
 roli abdicantis imitamento aliquid exprimeres, magnâ
 terrarum parte, se ultro spoliantis. An, vt impetratâ
 ab honoribus manu-missione, Senatoriam componeres
 ætatem? cùmque Te dignos, in editissimo gloriæ thea-
 tro, oculis Principum dedisses actus, in supremo accu-
 ratius elaborares, alibi Regibus hîc **DEO** spectatore.
 Quid ego posthuma lucubrationis Tuæ volumina putem
 aliud? quàm æterna Rosæ folia, semper recentia, eoque
 semper grata, *nec lauro cessura virenti*. Premuntur ho-
 dieque manibus, & libantur oculis, Tua illa diuinæ men-
 tis placita, quæ vel ipsos mundi monitores Philosophos
 erudissent. Vndè autem id mihi audaciæ, ea tenuiter

molienti, quæ limatissima STANISLAI LUBIENII
Suada, Senato. io pridem calamo æternitati transcripsit:

Cum tulit aures

Ad astra mores, atq; auaro,

Egregij monitus Pstrokonl.

Sarb.


Inuidit Orco.

Vitam ego hæc tam feliciter referam, quam tu in fastos
publicæ memoriæ retulisti. Quantum suo Philippus
Granuellano, tantum MATHIÆ PSTROKONIO
dedit, Tertius id nominis Sigismundus. Nisi quod illi,
et si annis compluribus, incorruptâ fide, arcem obtinuerit
principalis aulae, tamen continuis deuota odiis victima,
haberet aliquos, quorum animos nec morte satiâset,
At Noster hic *Laudibus inuidiâq; maior*, hoc insuper ad-
mirabili agendi dicendique prærogatiuâ assecutus, ut
cum gratiæ causâ nihil ageret, omnia tamen pergrata
fuissent, quæ fecisset. Talem te hætenus Tuo inter Ma-
iores Maximum, tenuissimè adumbraui Pontifex Huma-
nissime; quando me perparcum, immò nullum esse, in
tuis laudibus voluisti. Lætor Pontificiæ moderationis
Tuæ interdicto, me adstringi. Interim delatam ad Te, sa-
cræ familiæ tutelam, prima inter Honoris Vadimonia
admitte, maiora Superis, & meritis pollicentibus. *Anti-
quo illi dierum*, nihil antiquius visum, quam ut Te, anti-
quissimo omnium Ordini præficeret, qui Clientibus, dux
& pater anteires. Et sanè intererat, Religiosæ felicitatis,

tis, vt Religiosæ mentes nonnisi Religiosissimum forti-
 rentur: minusque iam solitudinem sentirent suam, post-
 quam Tu eam frequenti virtutum comitatu celebriorem
 fecisti. Maluit Buzenia Pstrokoniorum Rosa feliciori
 electione, sacra BENEDICTI aras excolere, quàm
 Fortunæ, quæ translatitio vt est ingenio, quemadmodum
 Regionib⁹, ita nec certis Religionib⁹ continetur. Arâ ubi-
 que suam vel inuenit vel struit. Inflectat suo cultui lauros
 bellicas Dea insolens, postes hederis, altaria Verbenis
 prætexat: etiam detracto Regibus diademate illudat;
 dummodò sibi verita ROSARVM insignia non attingat.
 Maioribus illa Numinibus in coronam seruantur.
 Numen ei quoddam MARIA est, cui ornandæ toto pie-
 tatis apparatu ita sese impenderant, vt quanta quanta ef-
 fect in seruum cesserint MARIANVM, ne quis deinceps
 Ierichuntinis locus foret, Nulla profecto Diuinæ
 Parenti Rosaria dedere plus Rosarum. Primum gentis
 ROSE Æ decus illud ADALBERTVS, vt fabulam Ado-
 nidis refutaret, sua MARIÆ amores colorauit in Rosa,
 quorum vim, Sarmatico etiam instillauit Marti: ne acie
 conflicturus, Laconum ritu, *Sacra faceret amor alieno.*
 Nam de Mathia Pstrokonio, publicâ peruulgatum famâ:
 Eum inter Angelicæ Salutationis encomia spirare desisse,
 Si tamen expirasse dicendus sit, cuius Tu cadentem ca-
 lentemque Spiritum excepisti Nepos. Vtere heredita-
 riâ hâc, vel Tuâ, vel Tuorum virtute: Vt, quorum facta

ROSA

felici contentione initeris, imitandus & ipse, eorum nominibus Tuum addas. Quo autem bono accidit, ut in ROSINÆ amœnitatis Viridario labyrinthum ingrediar? Nam & sæpè in orbem orationis me refero, totiesque exploratam accessu recessuque Rosam, iterum iterumque exploro. A tã nobili tenerioris naturæ ostento, nemo se facile auelli sinat. Auellor tamen, hisque Charitum delicijs me aufero inuitum. Non quòd *finitimum suauitatis fastidium* subuerear, sed ne amœnioribus ingenijs floridum adeò argumentum inuidere videar. Fuerit aliàs fatale, Rosas vernare in autumnò, hîc Prosperitatis omen esto. Quòd mundi oculus vniuerso, hoc Sendomirianæ Atticæ, Rosa repentè euoluta. Pontificiæ potestatis Tuæ Priuilegio id accessit, ut quantumuis alieno tempore, PSTROKONII florescente Rosâ, iteratò veris tempora ordiamur; immò alteram Sendomiriæ nacti Rhodum, non iam in fundamentis Rosam, ut Rhodienses, sed in coronide habeamus.



ARRHA

A R R H A

DOTALIS GLORIÆ,

Quâ Illustrissimus ac Reuerendissimus Princeps,
D. A N D R É A S T R Z E B I C K I,
 Episcopus Cracouiensis, Dux Seueriæ, in primo ac felici suæ Cathedræ aditu, Amplissimam suæ Metropoleos Dioecesim ditauit, ornauitque.

Elogio ad Posterorū commendata, Anno Instauratæ Salutis,
 M. DC. L. VIII. 3. Non. Nouemb.

AD EVNDEM

ILLVSTRISSIMVM AC REVERENDISSIMVM
 P R I N C I P E M.

Minimè vereor, Princeps & Præsul Illustrissime, ne aut styli humilitate officiam virtutibus Tuis, humanum semel præteruectis fastigium; aut non ex merito dignitatis Tuæ loqui videar. Non utiq; ignarus, Illustria virorum acta, neq; à scriptoris magnitudine grandiora fieri, nequè detereri à tenuitate Laudatoris. Illud potius elaborandum nobis, ne tam populariter Tuis laudibus insudemus, ut idem de alio dici scribiq; possit. Singularis hic atq; eximius videri vis, ubi de Gloriæ Dotalis incremento trāsfigendum est. Toto virtutis ac fortunæ apparatu Dioeceseos Tuæ rem acturus aucturusque, maiorum in Te gentium sacras animi collegisti dotes: Prædota pietatem, sanctimo-

niam Kadlubkonis, Tylicij prudentiā, Zadziecij Suadam, Lubienij facundiam, in multiplicem eius usum, aut si malit, in nobilem gemma sponsalitia calaturam. Fruatur Pontificio tot bonorum proventu, Sionis amula & Soror, Tuis munda excubiis, virtutum stipanda satellitio. Latā securitate, his tuō brachiis, inniti possit, quibus nuper civilium curarū incubuit regni pondus. Altius hic descendere in gentilitas Tuorum origines non vacabat, festinantibus ad ea, in quorum ipse gloriam laboraueris, Tuorum ipse decorum & causi & origo. Vix non otiosum est, primos magnorum fluminum recurrere ad fontes. Hauriant exturbido obsoleta antiquitatis, quorum Nobilitas obscuro seculorum infundo est. Tuae virtutis claritudo, meritorum eminentia, generis prosapia, in aperto posita, lucem alieno non accipiet à calamo, sat illustris de sua, Suorumq̃. At cur pressa angustia scripticenis ad normam, Tua in Elogio arctamus praconia? nimirum quòd & Tu rebus intentior, quàm verbis, prolixam sermonis pompam procul habeas. Admitte, (quando & serenioris caeli temperiem in Tua parte celebritatis aduocasti) comprecantium votis & affectibus circumfesse Princeps, non nouā iam inaugurati Honoris Tui felicitate initiandas, Collegij Sendomiriensis Musas, tot vexatas infortunij, tot exiliis iactatas, eminūs tamen & cominūs Tuae acclines Celsitudini: paratissimas etiam, agere in distans, Tuae Amplitudinis vel ad mentem vel ad nutum. Vita ante, interdici nobis feramus, quàm officio debita in Pontificem

DOTALIS.

152

ce n Indulgentissimum pietatis : hâc agimur ad stimulos ob-
servantia, immò trahimur, instar stipulae, arcanâ Tui An-
nuli potestate. Liceat per Te Pontificum facillime, accur-
rentem è vicino Spartam nostram, vel inter umbras Hono-
ris Tui comites censerî.

I.

VIRTYTIBVS TRZEBICIANIS.

*Data à Summis terrarum Principibus illustria te-
stimonia, ad dotalem Sux Diœceseos glo-
riam pertinere.*

Hactenus, Orbitatis tuæ insignia gestaueris.
FILIA PRINCIPIS ô CRACOVIA:
Erepto nuper desolata seu Sponso seu Pastore,
Accessu alterius, iacturam reparas vtriusque.
Qualem animo fingebas, formabasque, habes:
VIRVM SVI NOMINIS, TVI OMNIS

Tua Tibi calitùs attraxêre suspiria:

A N D R E A M TRZEBICKI

Robustam vel ab ipsa nomenclatione Virtutem!

Natione Polonam

Andreas virilem
Gracè sonat.

Institutione Romanam,

Stirpe Nobilem : Factis præstantem :

Oracula si desideras ?

Cali

GLORIA

Cæli & Regis Suffragio bis felix:
 Imperatorio FERDINANDI III encomio,
 Pontificijs ALEXANDRI VII Literis auctoratam.
 Augusto tantorum in ore Testium
Omne virtuti pretium, fidesq; constabit.
 Quantum est ad Famæ immensitatem,
 Latij & Imperij præconia meruisse!
 Auctionem Notæ is Gloriæ si imperas habes:

RELIGIONEM

Suis Maioribus coarctam,
 Suis moribus collactaneam,
 Vultu & cultu Vaticanæ germanam,

IUSTITIAM:

Terrore succinctam, non armatam supercilio.
 In causarum Cognitionibus lynceam,
 Sed largitionibus inaccessam,
 Ita miseros admittentem, vt felices dimittat:

Metu, spe, cupiditate superiorem,

Quia nec alienæ egentem fortunæ, nec tenacem suæ.

FORTITVDINEM

Aduersorum tolerantiam duratam,
 Secundorum prosperitate incorruptam,
 In turbido Serenam, Seueram in loco:
 Mitem Ouib; infestam Mercenarijs, metuendam lupis;

TEMPERANTIAM:

Ignor-

Ignotum plerisque aut inuisum bonum,
 Familiarem sibi cum fecisset priuatus,
 Eam nec aulae publico submouit,
 Vitae arbitram, viae comitem, mensae conuiuiam.
Certus: moderari ceteris nec nosse, nec posse eos,
Qui suo temperare genio nequeant, nesciantue,
 Nouo frugalitatis edicto:

Etiam magnificos mensarum apparatus,
 Posse honestis parsimoniae legibus circumscribi.

I D E M

Indomabili mortalium malo, linguae,
 Frenum liberae necessitatis iniecturus ad mensam,
 Salubre, ex silentio remedium praescripsit.
 Optimum iudicans opsonatorem, Diuinorum famem.
 Bellaria Attica, Asiaticis praehabenda:;
Nobile palati irritamentum,
E sacra condimento paginae acuendum esse.
Frigere epulas, nisi edulio mentium concalescant.
 Rarae Hospitalitatis inuentum est:
Absq; Latinis & Graecis Patribus non cenare.

PRVDENTIAM:

Virtutum vel Antistitam vel prodromam,
 Consiliorum prouentu feracem,
 Euentorum varietate multiplicem,
 Mataram annis, annalibus erudiuit.

GLORIA

Z E L V M:

Diuinorum studio calentem, callentemque scientias;
Immunitatis Ecclesiasticæ vindicijs irremisse intentum:

DEI Honorem, Honoribus alentem suis,
Vidit Polonia, Orbis Arbitr ALEXANDER probauit;
Diuinis Regijsque placitis, & sua adiiciens,
Iussam scandere superius Virtutē, oraculo promouit sue.

Gauisus intimè,

Ad altiora eum, gubernacula Sacrorum transse:ri
Qui se vltra Humana omnia extulisset.

Vigilantiam:

Legum patriæ, & sigilli custodiâ exploratam,
A Regis aula, ad Dei causam transferens,
Mitioribus dominici gregis addixit excubijs.
Experrecti vigoris acer & vigil animus
Stationem duntaxat, non curas mutauit insomnes.

Exinde iam

Secura suæ indormiat quieti Cracouia,
Hinc ferro Ducis: hinc telo Pastoris communita,

M V N I F I C E N T I A M

Ita profusam in Homines, vt auara non esset in Deum.

Prodigam caue dixeris,
Dare beneficia, non proijcere ex usu habet.
Multis profuit ad gratiæ commendationem
Ex destinato Liberales fuisse.

Exclusa

Exclusa hinc: *Subita largitionis comes, penitentia;*

Vbi æmulam Dei manum,

Regit consilium, voluntas agit.

Facultatis est, vt dare possis,

Vt velis, beneuolentiæ.

II.

Ecclesiasticæ imprimis Disciplinæ aduigilat.

Veteris in Clero Disciplinæ perdiligens Exactor

Quidquid monuit docuitue,

Maioribus comprobauit Exemplis.

Submouere aris illos, illos admouere solitus

Primum id postremumque egit:

Ne quid à suis læso Numine ageretur,

Oculata Diuinitatis pupillam se meminissent.

Arcendos iure Altaribus,

Qui mentem integram Altaribus non inferrent.

In Sædatoribus Nazarei,

Florem Virtutis potius

Quàm comam nutrir cupiens,

Pectinem & Speculum Cincinnatoremisit Osthoni.

Bella Domini ardore gerenda non nitore.

Indecorum esse:

De singulis in iudicium capillis venire:

ABSALONIVM:

Cæsariem, venali pondere sub hastam dare.
 Versicolore nec in habitu fucum tolerans,
 Indiscriminatam Sponsæ & Sponsi elegantiam,
 Ad Sexûs ac Decori leges finelque discreuit.

Illo Pontificium capeffente
 Abstersus Goticæ Hostilitatis fascinus,

Restituta Sacris Libertas,

Odeis Psalmodia,

Curionibus Vigilantia.

III.

*De Vniuersa Philosophia disputat, præsentè Nun-
 tio Apostolico, HONORATO VICE COMI-
 TE, in Regali Collegio Craconiensi Socie-
 tatis Iesu.*

* Non cuilibet sanè contingat adire Corinthum.
 ANDRÆ TRZEBICKI, sciendi cupiditate succincto
 Procliuis ad Sapientiæ limina expeditio.

Generosis conatibus, difficultatum obices,

Audendi irritamenta sunt.

Nullius non apperens disciplina, nullius non capax
 Omnibus in se cum fecisset locum,

Vniuer-

Vniuersitas quædam videri poterat,
 Vel docentibus, vel discantibus documentis:
 Magnis ad summa passibus emicanti,
 Nullam Scientiæ arcem inuiam,
 Nullam porticum satis clausam.
 Humanioris literaturæ mansuetudinem,
 Seuerioris Mineræ succo tincturus,
 Amicus Tullio, caput colere Aristotelem;
 Cuius Auditorem tantò se libentiùs professus est,
 Quantò flagrantiore veri studio caluisset:
 Ita isti adhærens, vt illum non repudiaret;
 Eo beneficij nomine vtrique obstrictus,
 Quòd vterque Hominem perficeret limaretque.
 Aristoteli debuit, vt sapienter diceret,
 Vt copiosè & ornatè Ciceroni;
 Cùm tamen Logicorum extra leges ac normas,
 Nec dixisset, nec vixisset vnquam.
 Scyllas & Charybdes Dialecticæ solerter euitans,
 Floridam Naturæ insulam præteuectus
 Sapientiæ metam attingit,
Secundo per aduersa cursu.
 Dulce & decorum
 Per tot discrimina ac tumultus,
 Ad Regiam emeritæ Palladis contendisse.
 Sub Palmario Peripathetici agminis Duce

GLORIA

Stipendiarius tuendæ Veritatis Miles,
Bellinereum ab ingenio deprompsit suo.

FELIX

Cui certanti vincentique spectator gratulatorque
VRBANI VIII. à Latere Legatus obuenuisset:

Illo seu Prænuntio, seu Auspice

Ad Romanam prolusurus Theologiam,
Eius potiundæ, certissimum accepit omen,

Quota ad gloriæ accessionem appendix,

Philosophici triumphi comitem

In VICE COMITE HONORATO fuisse adeptum?

Per augusta SIGISMUNDIANI Athenæi atria,

Ad Palatium Reginae Sapientiae euasurus,

Regiū Societatis IESV Collegiū Cracouiense prælegit,

Hic Athenas, hic Mineruam nactus.

De summa Philosophiæ decretorio acturus Marte,

Publicæ concertationi diem dixit:

Securus Laureæ, quam suis ante sudoribus alluisset.

Oppugnatis propugnatisque vniuersè Assertionibus,

Quantus veri Assertor futurus fuisset, exhibuit.

Acclamate Fasces Honorum capeffenti,

Quotquot olim Philosophantis ingenio applausistis.

IV.

*Exteras Nationes peragrat. Romæ operam Theo-
logiæ quadrienni nauat, sub magni nominis*

*Doctore, Joanne de Lugo è Soc. Iesu, Car-
dinali S. R. E.*

Vellem præstò mihi adessent

Paterni Maternique honesti decoctores,
Domi inutiles, foris inglorij, militiæ turbulenti;

Primam in ijs & mediam Ætatem

Inter abrupta licentia perditam, frustra quæras,

Ultimam dedecori suo imposituris manum

Vi depontanam vitiorum senectam in præceptis agant.

ANDREAS TRZEBICKI

Inter Optimos educatus ad optima

Primum floridæ Ætatis Ver

Festinatæ probitatis maturauit autumnò.

Fuisset alibi prodigio, morum hac vindemia præcox,

Nisi felicioris ingenij nobilem in plantam

Soli & Solis Latini benignitas incidisset.

Ferax & patiens bonorum omnium Nouale,

Romanæ sarculo debebatur cultura.

Flecti fingique facilis animus

Disciplinas aptus ad omnes, propensus ad singulas.

Subli-

Sublimitatem ingenij, celebritate Urbis commendauit;
 Vbi de suis pariter Majoribus mereri visus,
 Quòdeorum imaginibustanto in lumine collocatis,
 Nobilem Auorum gloriam geminâsset in sua.
 Romano GREGORIANÆ Munificentiae in Collegio
 (Homine maior in Diuina consurgens)
 Par capacitati suæ Gymnasium,
 Parem loco & facultati Magistrum fortitus est,
 IOANNEM de LVGO Societatis IESV,
 Purpurati Senatûs eruditum decus:

I N Q V O

Rediuium Angelici Doctoris ingenium,
Peracutam Augustini subtilitatem,
Reconditum Aristotelis acumen,
 ROMA suspexit, recognouit Orbis.
 Multùm interest quibus ad Sapientiam Ducibus vrâre;
Felix Platone, Aristoteles, Aristotele, Alexander.
 Ingens Eminentissimi Doctoris gloria
 Discipulus ex Laureato, Infulatus,
 Hoc insuper titulo Præceptoris contiguus,
 Quòd Vaticanæ ille Curiae, hic Polonæ Senator,
Finitimo splendore accedant, accendantq; se se.
 Miratus tamen vterque se vsque ad purpuram profecisse,
 Suorum erubuit meritorum aspectu.

VRBA-

DOTALIS

162

VRBANI VIII. Imperio alter
Alter IOANNIS CASIMIRI suffragio;
Cardinalitias ille, hic Presuleas euocatus ad curas.

In Vrbe Orbis compendio
Omnium ingenia collegit in suo,
Tam prosperâ bonarum artium complexione,
Vt ambiguum fecerit:

Doctiorne ab Vrbe, an Sanctior rediisset?

Quam saluis integrisque suis omnibus,
Integrum gentibus lustrandis, impendisset lustrum.

V.

*Summorum Pontificum honorificis de se iudiciis
& beneficiis exornatur.*

ANDREAS TRZEBICKI

Primæ felicitatis telam Romano exorsurus à capite,
VRBANO VIII. P. O. M.

Ab excellentia magnæ indolis probè cognitus,
Eiusdem probari iudicio, beneficio ornari emeruit.

Bona Progenies diu latere non potuit.

In petitione sacri muneris

Vel idcirco suis antelatus Competitoribus est,

Quòd se illorum nemini prætulisset.

Inde maxime idoneus gratiæ

X

Vnde

Vnde minimè importunus.

Efficacissimum suadendi instrumentum est

Tacita perorantis verecundia eloquentia.

Palmas metit, cum manum non moueat,

Est aliquid; in Vrbe Urbium iudice

ORBIS ARBITRO PLACVISSE VRBANO!

Primâ hâc Apostolicæ dignationis indulgentiâ,

Ploensis Cathedræ renuntiatus Romæ Scholasticus,

Scholastica tunc Auditor Theologiæ præmium tulit.

Initiatæ felicitatis erat:

In amplissimi Sacerdotij primo aditu

Altioris prærogatiuæ accepisse pignus.

SVB INNOCENTIO X.

Maiores Honorum Aris promissus, arrham tulit.

ALEXANDRO VII.

In Premissiensis Pontificij sedem

Suâ Alite auspiciò illatus est.

Prima hic infulata dignitatis instituta ei Encrnia,

Vbi & suas pariter dedicarât virtutes.

A Premislana Cracouiensem translatus ad Cathedram,

Minores infulas, maioribus extendit curis.

VI.

Roma nonnullis S. R. E. Cardinalibus percarus,

habitusque perhonorifice.

ANDREAS TRZEBICKI

A Generis & Urbis claritudine illustris,

Romæ latere quia non poterat,

In lucem Vaticanæ Purpuræ familiaris incurrit.

FRANCISCO BARBERINO:

GVIDONI BENTIVOLO

S. R. E. CARDINALIBVS percarus,

Reciproco vtriusque amori,

Cultu venerationis respondit.

Lætus certusque,

In his duobus, geminum suæ laudis cardinem verti.

Natæ factæque

Ad omnem leporis Urbanitatem Barberinæ Apes.

Morum, in nobili aduena suauitatem odoratæ

Vsu intimæ consuetudinis, eidem inhæserè:

Lectissimo Sarmaticæ Nobilitatis in flore,

Genuinum Poloni Candoris regustantes succum.

Infixo iam tum altioris memoriæ aculeo,

In acumine & sensu literarum.

Pari Humanitatis artificio

Occupatam BENTIVOLI beneuolentiam

In animorum testes tabulas retulit,

Missilibus Amicitiae Sygraphis consignatam.

Famâ trans Alpes iturâ:

Septentrionis ingenia & calamos

In officia Urbanitatis non frigere.

VII.

*Illustrum Virorum acta nonnulla & scripta Ro-
mæ imprimi curauit.*

ANDREAS TRZEBICKI

Optimi cuiusque æmulator & cultor,

Alienis facundum se in laudibus,

Elinguem in suis fecit.

Domesticæ auctario gloriæ adiecturus,

Quidquid nomini Polono accessisset.

Hinc: Illustrum suæ Patriæ Virorum scriptis

Lucem publicam, in luce gentium quæsiuit,

Vitam Auctori alteram,

Romano impressurus prælo.

STANISLAVM LVBIENSKI

Quem eleganter verbis expresserat, expressit & factis.

Vindicat ab obliuione, Antistites PLOCIÆ,

Quantum LVBIENIO ob impensam operam,

Tantum Lubienius Trzebicio debeat necesse est.

Consultum integerrimi Scriptoris modestiæ,

Tuo ne careret Elogio Defunctus

Per quem, ut defuncti viuerent Præcessores, steterit.

Rectè ô Præsul

Suo præclarum calamo LVBIENIVM,

Insigniorem reddidisti Tuo;
 Inde Stylum vibrare aggressus,
 Vbi viuere & scribere LVBIENIVS desijisset
 Multum profuit ad famæ immortalitatem,
 Pares rebus gestis inuenisse præcones:
Lysippi an Mironis manu sculparis, refert plurimum.
 Nullâ styli humilitate iacere,
 Nullâ attolli sublimitate desiderat,
 Quisquis Tui OLORIS, elatus est pennâ.
 Sic vno eodemque laboris viatico,
 Hinc Senatorijs Viri Virtutibus,
 Hinc Fastis Plociæ Cathedralibus commodasti.
 Meriturus & ipse gratam posteritatis memoriâ,
 Qui sic in alienæ lucra gloriæ laboraueris.

VIII.

Extra ordinarius ad Comitia Imperii Ratisbonen-
sia Legatus ad Ferdinandum III. Imperato-
rem Romanorum.

Regis & Regni sustinendis maiestatibus
 Nec Hercules satis vnus.
 Illo, nec speciosius aliud, nec operosius
 Principum Oratoribus incumbit pondus.
 Theatrum hoc, nisi sis Roscius, ne inscenderis.
 Mouere se extra decori numeros, hinc non datur.
 Plena discriminis atque alex est

GLORIA

Omnis pro maiestate disceptatio.
 Oram Regalis paludamenti præcidit
 Quisquis infra Principem perorauit.

ANDRÆ TRZEBICIO

Imperiale Comitium

Triumphalis Eloquentiæ campus fuit.

Perinde illi Principum aures

Ac Orbem, sui famâ implēsse.

Sapientissimo ELECTORVM in confesso,

Sapienter electēque dicere,

At illius est, aut nullius.

Regnatrici Curia, ex antiquo, continuus

Adhuc civilis peritiæ, non calleret stylus?

TRZEBICIANVM EST

Causas agere Maiestatum

Citra præiudicium Maiestatis.

Imperaturo FERDINANDI III. Filio,

Cum dedisset suffragium, vicissim accepit,

CONSUMMATISSIMI SENATORIS Titulo

Electoralis à Senatu auctus.

Sic præuia GEORGII OSSOLINII

Dum vestigia foris premit, sua imprimit;

Præmisso ad Posterorū effato:

ANDREAM TRZEBICKI

Extra Patriæ fines positum,

Intra

Intra Patriæ decora stare posse.

IX

*Præparamenta sub illustrium Virorum disciplina,
ad maiores Reipublicæ curas.*

ANDREAS TRZEBICKI.

Quò in plura Reipublicæ commoda fundi posset,
Ingenitam sibi Nobilitatis indolem

Vel in cofem virtutis, vel in calcar vertit,

Quanquam vltro in ardua procurrens

Agi se Ephori stimulis haud sinebat.

Ab Vrbe reducem feriari Patria cùm non sineret,

Tribunalitiæ potestatis excepere subsellia.

Bono humani Diuiniq̃ue iuris,

Putatus lectusq̃ Index,

Assessoria Curuli

Assistricem adhibuit Æquitatem.

Inde, inoffensum (quod mirere) pedem efferens

Primi Principis Principe in Curia,

Curialibus Regni curis prolusit:

Cùm antea

Ad ciuilem sapientiam permagno-Instituto

STANISLAO LVBIENIO fuisset vsus.

Benè habuit Virum Patriæ deditissimum,

Formari apud se ciuem Patriæ utilissimum.

Sua

GLORIA

Sua oraculo respondit fides,
 Nobili Alumno, vota Eruditoris præcurrente.
 Ad metas Togatæ Prudentiæ constitit
 Adolescentiæ confinia vix egressus.

Maioris Cancellariæ Moderator,
 Absolutissimum Senatorem egit, cum adhuc non ageret.
Eò carior quò similior OSSOLINIO,

Sua in Cliente decora
 Ex aperto amanti,
 Ex abdito altius reuerenti,
 Posthumis erudiendis;

ANDREAM TRZEBICKI,
IN PRINCIPLE PRIMATIS AVLA,
 Fidei & Obsequij tenuisse Primas-

IX.

*Difficillimis bellorum temporibus, Procancellarius
 Regni, admirabili prudentiâ administrat munus.*

Præferant alij ambitiosâ ad iactantiam,

Re inania nominum ostentacula:

ANDREAS TRZEBICKI,

Vim sui nominis, intra se agnitus,

Quò VIRVM se experiretur fortuna,

Cum irata luctatus est.

Naufragante in suorum sanguine Patriâ,

Arrep-

Arreptam Religionis anchoram
 Constanter tenuit inter fluctus.
Acies militem, tempestas Nauarchum,
Aduersa Virum produnt.
Vniuersale ut est bonum Virtus,
 Vnus tūc omnium suffecit fatis.
 Aulae in lubrico lapsantibus plerisque
 Sibi innixus immotusque stetit.
Malarum artium tam nescius, quā incapax,
 Personatae virtutis histrioniam,
 Neque oculis dignatus neque auribus,
 Ipso vitae candore
 Vel refutauit, vel irrisit.
Cerea in bonum facilitas,
 Cum omnes Honesti formas reciperet,
 Nullam non ætatem, suis distinxit ceris:
 Bullam: puerili innocentia,
 Prætextam: contextu virtutum,
 Togam Virilem,
 Regum obsequiis, Patriæ vñibus attritam
 Emerito commutauit laticlauiō.
 Calliditatem Politicæ, morum integritate oppugnans,
 Sanctioris in aula Ethicæ
 Et Auctor videri potuit & norma.
Ex miti Seuerus.

Vitijs irasci non hominibus certum habuit.
 Sacro-Ciuilis Curia in theatro,
 Eam sumere aut ponere promptus personam,
Quam sibi scena temporum
Aut mores populi indidissent.
 Nullius aurum appetijt,
 Cum omnium animos possideret.
 Inde purpurato quàm simillimus Borromæo,
 Vnde gemere neminem permisisset.

XI.

OHE TV ETIAM

Triumphantis Ecclesiæ germana Bellatrix:
 Euolutam bono Diocesescos Tuæ diem:
 Attrata calamitatis ne inuolue aulæis.
 Mortualis pyraë feralia suggesta:
In publica letitia, theatra compone.
 Arcus molesque magnificas ne attollito:
Altiores Pyramidum fastigijs Obeliscos
Sibi posuit, Sui suorumq; Victor ANDREAS.
Securus de rerum à se gestarum memoria
Cui fidelem adiecit custodiam, Bonas artes.
 Tandem excusso Sueticæ feruitutis iugo
 Adiugalia iterum te accinge Sacra.
 His te Dotibus ditatam dotatamque circumspice:
 Ad summam felicitatis Tuæ restat,
Nôris ut te felicem.

Sub

Sub antiquæ virtutis Cultore

Fæcunda Sacræ frugis tempora opperire :

Bona spei portio est: præiacta tot bonorum sementis,

At cum sortis ferreæ Annulum haud indueris,

SPONSORE ÆTERNITATIS ANNULO

CATHEDRALEM SVBARRHATA AD ARAM.

Primo hoc DOTALIS GLORIÆ censu frueri

Et vide:

Non Sponsas tantum calo descendere

Sed & Sponsos.

Apocal. 21.



SOLENNIS IN PONTIFICEM

INAVGVATIO.

Illustrissimi & Reuerendissimi Domini,

D. NICOLAI PRAZMOWSKI,

Episcopi Luceorien. Cancellarij Regni.

Auspiciatò transacta CONSECRATORE

Illustrissimo ac Reuerendissimo Domino,

D. ANDREA TRZEBICKI,

Episcopo Cracouiensi, Duce Seueriæ.

Anno VNCTI in Salutem humanam PONTIFICIS.


M. DC. LX. IV. V. Idus Nouembris.

Tunc verissimè iudicatur : Meruit quis honorem
 necne: cùm adeptus est. *Traiani Panegyristes.*
Insignia Præmiorum, à BOLES LAO indita, à KRI-
WOVSTIO aucta, Anno 1103.

N.

E.

C.



P.

L.

R.

Iure Boleslaus Mauortia contulit Arma
 O Præsul, Proavis continuata Tuis.

Ad Martem Genitis, conferre quid aptius Audax
 Posset? quàm solidæ laudis, Equestre Decus?
 Aurea militiæ sunt hæc documenta: quòd olim
 Non auro, at ferro Miles habebat opus.

Liuius Histor. lib. 9. Decad. 1.

ILLVSTRISSE PRINCEPS ET REVE-
 RENDISSEME NEO-PONTIFEX.



Ngens & Illustre Honoris Tui Templum,
 cui nuper summam architecta virtus adiecit
 manum, vide ad quos & quântos attinet, vel
 Religionis iure, vel nomine Maiestatis: De-
 bet primum velut lapidis iactum Augusto
 Suffra-

IN AVGV RATIO

174

Suffragio Beneficentissimi Principis. Debet delineari Operis ideam, Arbitræ Regnorum Templorumq; Romæ: Impensas longo tempore: Structuræ Materiem, Tibi: Formam Illustrissimo iuxta ac Amicissimo Consecratori Tuo ANDRÆ TRZEBICKI Titulum (quod ego omnibus antepono felicitatibus) acceptum tribuit Saluatori, viua Bonarum mentium Tempia propensius augustiusq; inhabitanti, quàm lapidum moles, operose sumptuoseq; eductas. Ergo ille, dedicata Suo Numini & Nomini Constantinianâ Basilicâ Laterani, in hanc Encænantis Gloriæ Ædem intulit sese, ne hodiernæ non adesset præessetq; latitæ, cuius ipse & Auctor & Causa sit. Vnde enim Sacra magistratuum insignia? Sublimes Insula? Honorum præcellentia, pacata Vestri Ordinis ornamenta conflata sunt? Vnde intextæ Auro Mitræ? Taniâq; Pontificum collo ac pectori implicantur? In Vos Illustrissimi, ac Reuerendissimi Præsules, humanis maiora longè decora, ex Huius dedecore doloreq; manarunt! Neq; enim tam humanarum Virtutum succo, quàm Huius colore sanguinis, tincta Summorum vestimenta Antistitem purpurascunt. Potuitne igitur aliquid, vel ad votum cumulatiùs, vel ad honestandum Honorem Tuum ambitiosius euenire, Tantæ Maiestatis allapsu? Numirum ille Te, Sui utiq; pupillam Oculi non lustraret? Tuo se non inferret delubro? non oris cultusq; natium splendorem intenderet? Lucem Aris, nitorem altaribus non adderet, idem Ara, idem victima, qui Sacerdos? Vt iam Honorarij Templi faciem,

Coronis ex more aureis perornari nolim; nolim sueta parietibus affigi luminaria, in tanto vel domestici, vel accessorij luminis apparatu. Quæ Te itaq; meritorum felix necessitas altioribus dicandum aris admouit, hæc eadem & Religiosis Mentibus diem dixit; ut si non Satellitium Honori Tuo aliunde frequentissimo, saltem umbram facturæ adfisterent. Nam & Illustres absq; Umbris Imagines non fuere. Lati adsumus ad Tua sacra, modico tunc, (quæ Nostræ portio fortuna est) sed purâ mente litantes, libantesq; Auspicatissima unctionis de oleo, in Nostræ quoq; oram pallij defluente. Adsumus inquam, pridem iam Initiati Observantia in Te Nostræ Cultores. Habes deuinâs votis & affectibus, quos, pro ea, quâ polles Ligandi Potestate obligasti, ritu & nexu æternum duraturo. Primas, Primoribus hoc Officij in munere partes cedimus. Languent umbratiles priuatorum voces, ubi domi natæ illustresq; Infulis dignitates, Tua Lucem Inaugurationis amplificant, ab ea quam eximie sustinent personâ. Ver & Ætatem (Spei illud, hoc Rei emblema) transfusi sumus, non desiderijs tantum, verum & floribus atq; aristis referti, obuiam Honori Tuo ferebamur; cum ecce Tu lepidam Apollini nostro ignorantiam obijciens, voces & omnia gratulantium, ad maturitatis vindemiam, Nouembres distulisti ad focos, focis Patria Arisq; moram prorogati Temporis extorquentibus. Atq; utinam ad Votorum summam Tibi contingeret. Vnum instar Omnium habuisse Patrem Patriæ, Tui Initia Pontificij serenaturum,

quan-

INAVGVATIO

176

quantum diei hodierno ex illa Serenitate Maiestatis accessisset, vel ad plausum, vel ad Pompam! Interim absenti, non non omnino absens, Regijs interest Auspicijs; ut quem nuper in Hostici confinis, agrè à Suo latere ac humescens oculis dimisisset, eidem Regalis benevolentiae flamine vel indistans adspirasset. Descriptionis argumentum, extra Te, Romanasq; Caremonias ne quærerem, iisdem me scribendi legibus, quibus Tu Te initiandi Ritibus, circumscripsi, Auctoris pudore cum obsequendi studio, certante; ne auderem laudare, quem laudare satis non possem. Sed prepotuit Tua Humanitas, ut iusti silentij perfractis legibus, cum Praestite Eloquentiae Tullio, alteri nempe Curia Tullio, vocem darem. Panegyricae Gratulationi, laudes Principis intexui, quod Te id probaturum coniectarer. An separarem interstitio paginae, nec locorum spatijs, nec regionum distantia, à Tua fidelitate disunctum? Assume (quod reliquum est) initiandam Tuis auspicijs operam Orationis, quem olim praecelsae indolis Tuae (Karnkoriani memoriam Athanei appello) admiratorem, nunc gratulatorem institutis in Cliente.

PROLVSIO AD INAVGVRATIONEM.

Tandem submite Honori Infulato
Pridem consecratum Reipublicae curis Caput,
Ex Hominibus, bono Hominum Assumpto Pontifex.
Ipsa

Ipsa Te Sacrorum Princeps Religio
 In altioris adyta Sacrarum manu ducit.
 Nemo Sacra aut civili dignitate dignior
 Quam, cui dignitates ex dignitate gerere solenne fit.
 Nisi quod Tu gloria vitabundus,
 Trahi Te ad tua decora quam duci malis,
 Totus alienae transactor felicitatis, nullus Tuæ,
 Instituendis Regni Ordinum fortunis occupato,
 Priuata incumbere Sorti non vacabat;
 Benè utique persuaso:
Spretam in semente gloriam, redire uberius in culmo.
 Multum ab humana deflexit consuetudine,
 Quisquis ambitiosæ appetentiæ, parsimoniam indixit!
 Diuinitatis ingenium est:
 Suâ se inuoluere magnitudine.
 Astrorum quoque Principi,
 Inde maiorem videri contigit,
 Vade minorem se, obiectu nubium commentus est.
 Eò Tu insuper admirabilior,
 Quod longissimâ etiam iniquitate temporum
 Ad Tuæ præscriptionem modestiæ vsus fueris:
 Importunum esse reputans,
 Dedicandi Honoris obire Encæniam,
Bellorum tempestate Aras & focos inundante.
 Sic
 Præh-

IN AVGV RATIO

190

Præfinita Inaugurandis (iure maiorum) interstitia,
(Fatorum iniuriâ) & Tuo seruanda Pontificio fuêre.

Sub armato irati Martis interdicto

Festum celebritati diem dicere, nefastum erat.

At, vel nunc demùm

Maiores prehendere aras, grâdioribus hostijs cumulandas.

Habes apparatissimæ Inaugurationi præstò omnia :

Incomitatus prodire in publicum haud poteris;

Acolytarum Te circumstat ordo virtutum:

Omnes lectæ censæque sunt

Cœlo indice, Româ iudice.

De pretio earundem, vt ne dubites,

Ad Lydium Orbis & Urbis exploratas crede;

De seculorum iudicio vndequaque securas

Ex quo Dei & Regis calculo comprobatas.

II.

Sacro inungitur Chrismate,

Descendite, Luctatoriam fortes animæ in arenam,

Lacertosus Polonæ Curiaæ Atlas vngitur in Athletam.

Efformato in Crucem Oleo intingitur,

Ne fluxum ad delicias, aut molle suspiceris vnguentum.

Pigmentariam, vt lubet, adite officinam

Luxu enernes elumbesque Sibaritæ.

Gymnici isthæc exercitij Palæstra est;

Z

Vola

Volatica fucorum examina procul arceat.

Ex alieno natis viuere, fatale muscis oleum est.

Sed & vos

Procul este profani, Sacrorum derisores;

Bonus Christi Optimi Odor, malè olentibus, penitus oles.

Fremat nimiùm emunctæ naris Iscarioth:

Frangi nollet alabastrum Vnguenti,

In vsum Verticis Nazarei.

Tota illi auaritiæ ratio:

Potuisse venundari & venire multo.

Malè quæstuosa cupiditas, perditum iri putat,

Quidquid vngendo Diuinitatis capiti impenditur.

Perge Neo-Præfulis Inclyte Consecrator,

In perungendo tam vtili Patriæ Capite,

Oleum & Operam non perdes.

GRATVLATIO PANEGYRICA.

Dedicatâ Honori Tuo Basilicâ Illustrissime &
Reuerendissime Antistes, restat, vt & Vocem
in vota consecres dedicesque alteri gentis no-
stræ Traiano; vt, quæ in proximo est ordinatissima Co-
mitiorum celebritas, benè ac feliciter eueniat: *Vtq;*
omnia quæ facit, quæq; faciet, prosperè cedant, Illi, Reipub:
& Nobis; vel si breuius sit optandum: vt uni illi, in quo &
Respub. & Nos sumus. Constet acclamationi Nostræ
veritas, quam nulla adornauerit assentatio, nulla extor-
serit

ferit necessitas: REX IN ÆTERNVM VIVE. Decet enim Inauguratum recens Pontificem (ne quid non ritè fiat) à faustis comprecationibus auspicari. Ecquid autè, vel ad mentem Reipubl. conuenientiùs, vel ad vota ciuium optabiliùs precari fas, quàm longam Indulgentissimo Principi ætatem, bellis & victorijs, regnandi tempora distinguenti. An enim vllum ex eius annis reperias, non aut bellicis expeditionibus memorabilem? aut continuis famæ commentarijs non insignem? Irrequieta Regum indoles, irremissis boni publici circumagitur momentis. Ita perpetuus quidam illis ad beneficentiam motus inest: vt in coeli naturam, siderumque ingenium transisse videantur. Senatoriam Drusi querelam audijmus: *Sibi nec puero ullas vnquam ferias obtigisse, nedum Viro*; quum prætextam pueritiæ, anticipatâ virilis togæ firmitate, onerâset potiùs quàm ornâset. Præcox restituendi imperij desiderium, festinata hæc illi ætatum discrimina induxit confuditque. Quantò id veriùs pro Te queri Patria potuisset Regum Actuosissime, cui idem propè, regnorum ptimus qui bellorum annus, quietis & otij interualla, strepentibus circumquaque armis abruptit. Aliena meditati anxie trophæa Themistocli, somnos aliquando excussere. Quid si eadem, non trophæa sed prælia, non Triumphi sed bella Miltiadis per quietem occurrissent? Tibi Principum Vigilantissimo non imaginaria somnianti sed gerenti bella, tuenda or-
nanda;

mandæque Reipubl. imperauit excubias, solus liber co-
 gique impatiens amor Patriæ, Tuo secure conuiescētis
 in sinu. Ut mihi identidem ad augusta Regiæ Inaugura-
 tionis Tuz primordia cogitatione recurrenti, non tam
 ex ritu porrectus, quàm fato traditus credi possit Gla-
 dius, nec in eam usque diem, suæ redditus vaginæ; præ-
 monente iam tum Fortunâ: nec Te hostibus defuturum,
 nec Tibi hostes, in istam districti ensis aciem, temerè, at
 non impune incursum. Quò me autem transuersum
 rapit impetus, auersumque à Pontifice ad Principem, à
 Basilica ad Regiam, ab Aris ad Solium? nisi quòd & hic
 Aram Clementiæ supplex habeat, cæteri cortinam &
 oraculum, Vicariâ Numinis potestate infessum reperiât.
 Et quanquam indecorum haud foret, Tuis laudibus Tui
 Principis præconia miscere, quo cum & curas miscueris,
 eius inquam Principis, cui cum nihil ad augendum Solij
 fastigium super sit, securus ubique magnitudinis suæ, in-
 umbrari non potest. Auctoritatem nemini adimit, addit
 etiam de sua. Suorum decora sua ducit. Seit enim or-
 nari se dum ornat. Gaudet admoueri grandioribus aris
 PRÆSVLES quos ipsemet legisset: initiari Sacrorum
 præfides, eoque propagari patrociniæ religionis, *vera*
uig. Regnorum firmamenta. Habent hoc quidem libe-
 rale atque eximium Principes, quòd *nihil cogantur*; No-
 ster atrament, suo imperasse gemit videri possit, no quid
 fouendis Ciuibus negaret, sibi ea se indulgere persuasus,
 quæ

INAVGVRA TIO.

132

quæ Suorum commodis indulgisset. Detestatus infame
seculis & nomen & effatum quinti ab Augusto Impera-
toris: *Hoc agamus, ne quis quidquam habeat.* Erubuisse
sub tanto purpuræ magisterio, potiusque versâ mentē &
voce contendisset: Hoc agendum bono Principi: ne
quis egeat aut Famæ, aut Fortunæ. Sed me refero in
gradum, modò Initiatæ Dignitatis.

Vna hæc ad Tuæ incrementum gloriæ fieri poterat
accessio Illustrissime Neo-Præsul vt honor honore cres-
ceret, seque ipso cumulatior proueniret. Superadditum
Sacerdotio Pontificium, aucta est potestas potestate.
Euolue Apostolici nominis congeminas Literas: pro-
me Oracula, exhibe Priuilegia, DEO secundæ Aucto-
ritatis. En vt omnia Tuis contemperata virtutibus, o-
mnia Tuis moribus consona, tenori vitæ respondent.
Iamque ille, si non hominum, at fatorum torrens, Tuæ
nuper, nec quicquam obstrepens aduersansque cymba,
(quod seriùs destinatæ mentis promontorium teneres)
cedit ad extremum, & velis obsecundat, exaggeratæ fe-
licitatis Tuæ ceu absorptus in portu. Hoc celsissima e-
nauiganti modestiæ Tuæ, hoc perseverantia præmium
debeatur. Redit ad Te quasi postliminio prima Va-
ticana prærogativa indulgentiæ, redeunt primæ ab Vr-
be Gratia, quantumvis cum Xenocrate, Gratijs non li-
râsses. Adest idem ius, idem splendor insignium, qui
ante, idem Romanæ auctoramentum Curia quod ante,

idem stylus qui ante; nam & virtuti Tuæ eadem facies, idem color, quo in omni fortunæ positione, nunquam non Tuus, Tibique innixus videre. Tanta, supremo Sacrorum Antistiti Alexandro VII. integritatis Tuæ fiducia, tanta moderationis inerat æstimatio, vt non ambigeret, Te saluâ diligentia tuæ ratione fuisse facturum, quod ineluctabili temporum calamitate, ne confieri decore potuerit, dispunctum est. Rectè ô Præsul providenterq; prærapida aliorum festinationi, temporariam prætulisti cunctationem. Consecutus insigni hoc Potestatis tuæ temperamento, vt dignitates à Te non supercilio territæ, sed vltro manumissa admitti à Te rursus exambian, Tuis rursus tractari manibus, Tuâ iterum splendescere in aula, ex nutu & arbitrio pendere, præstiant. Quare ego illum ipsum obicem moramq; tuis consilijs, nostris gaudijs interpositam exitisse reor, quia diuturnâ annorum, votorumque pugna, Tuæ arx verecundiæ oppugnanda vincendaque erat. Id molientibus (vt opinor) Superis, vt solito maior & augustior, etiam non quæsitis occursares honoribus. Quid enim? emerito Honori scenam instrueres? etiamnum Patriâ, suis se inuolvente ærumnis? caput insulæ submitteres? Regio diademate necdum satis firmato. Manum Pontificio scipione impleres? regni sceptro, inter hostilia popularis iræ nutante adhuc. Annulum ratæ fidei testem indueres; Rege & Regno, arctioris fortunæ ferreum annulum gestante. Tunc denique ad beatas animæ ferias aspirares, cum

cū Te alius circumstaret labor, alia Te aliò auocarent
negotia, quibus Reipubl. salus, pax, securitas, legum
tutela, ceu Atlante; sed extra fabulas niterentur. Vidit
hoc pro ea, quā Orbem temperat, prouidentia Casimi-
rus, quum Te vnicum præsensque auxilium rebus fessis
adsumpsit. Et verò, Te tanto non imparem muneri, sa-
tis ad vota expectantium, abundè ad gloriam decusque
Polonorum suffecisse vnum, ille ignorauerit, cui igno-
ra apud Dantiscum, Oliuensis Cænobij ascetico in reces-
su, frequens illa paciscentium corona, illud inquam illu-
stre comitium, tot principum Oratoribus atque arbitris
adornatum. Frigere scena illa, toto latè Balthico pro-
tensa, quipotuerit? tot actoribus referta, tot spectato-
ribus circumfessa? Vidissem Te vtinam ex proximo au-
dissemque in ciuico illo eruditæ transactionis amphithea-
tro, dum Senatoriæ affirmationi vocem manumque com-
modares. Ecquæ illa agendi grauitas? quæ dicendi, sæ-
pè extemporalis copia, quæ celeritas agitæ mentis, in
subita sese porrigens? qui sermo in sententias non coa-
ctus, sed totâ se libertate deuoluens! prorsus admirandæ
capacitatis fuerit, hæc tam ardua variaque incredibili
comprehensione in animum demittere; partium postu-
latis intercedere, immodica poscentibus modum po-
nere, cedere in loco, vt altius assurgatur, infectumque
mox reddere; quidquid fieri non opportuerit; adhi-
bitâ custode rerum memoriâ, quæ in seuerio illo dimi-
cantium conflictu rationum, arbitrariam venere in lan-

cem. Debemus Principi Prouidentissimo pacis tempora, quibus fruimur, ille consulit; debemus iuxta sapientissimo Senatus Consulto, Tibique ante alios, praesentem quietis malaciam, Tuis conflatam consilijs animisque.

At non intra hos publicæ utilitatis fines. Tua stetit industria, Vir in omnem demerendæ Patriæ occasionem intentissime. Alteram Te prouocant in arenam armatæ iratæque, malè foederati exercitus legiones. Quanto iucundius tibi, quantoque expeditius, in pacato illo (ut dicebam) Oliuentium Asceterio oleas pacis legere, pacis instrumentum condere, inque publicas foederum sanctiones referre, nuper pactam ratamque animorum, armorumque societatem, quam in domestica militaris odij tela incurrrere, nisi te fata Patriæ in eum quoque scopulum impulissent. Quæ tum illa fuit rerum facies, quam visu fæda, quam animo execrabilis, Diminuta Principis veneratio! circumscripta Maiestas, posthabita Senatus auctoritas, oppressæ Nobilitatis prærogatiuæ, ciuata Ducum obedientia; quodque his multò acerbius spreta Religio, vexata Sacerdoria, occupatæ Ecclesiarum fortuna, direptæ facultates, res familiaris pessum data, fugati agrestes, coloniarum dissipatæ! Taceo insecsa Regalia, exhaustas Oeconomias, adempta portoria, iniquissima præensione usurpatæ auctoritatis. Ita illis nihil sanctum, aut immune, nihil intactum, nihil vetitum! Exter

illa obsequij detrectatio, non metu legum, non Regis reuerentiâ, non pudore suo componebatur: prælicenter quidlibet agere, præ se omnes coaspernari, se circumspicere, nihil non sibi deberi, suo sibi arbitrato soluere, ex usu iam habebat. Religiosam enimverò sectam hominum, commentitio ridiculæ pietatis *Vinculo colligatam*, certè non absimilem illius quam sagaci tangens vaticinio, Poëtarum acutissimus ultore confixit plectro:

Imminet armorum rabies: ferriq; potestas

Confundet ius omne manu. sceleriq; nefando

Nomen erit virtus.

Nam *Et* anguibus natura pulchrum tegmen indidit, quo sua dissimulent venena. Quid deinde? ô rem posteris detestandam! Sanctum illud ac ciuile bonum Amicitia, propèmodum sublata, interceptis per viarum insidias literarum arcanis. Reserata priuatotum syngraphæ, patefacta quæ minimè deberent, erepta absentes alloquendi facultas. Id quidem erat: humanitatem è medio hominum tollere, nec barbaris violatam. In libera si quæ vsipiam Republ. de securitate scribendarum periclitati, excideramus libertate amicissimos quosque eminùs addeundi, commercio animorum. Et hi tamen ipsi, tunc se maximè tutores, vindicesque libertatis, specioso ad iactantiam titulo profitebantur, cùm vel maximè libertatem vi & armis, officiosè præfocarent. Ac, ne ultra omnem audaciæ lineam euagati sæuissent extra leges, le-

Etis propere per turmas & Ordines, manu linguâque promptioribus, placuit bellicos creari Magistratus, qui Præsidentibus assiderent, qui lites & causas componerent, cogerentq; circulos, adessent iudicijs aut præesset, ius dicerent, de salute de capite priuatorum censerent, supplicio addicerent, fontes æquè in fontesque plecterent, nullâ defensionis, nullâ appellandi Maiestatem, nullâ intercedendi copiâ, percuntibus constitutâ! Cateri quibus plus fidei in Principem, stupore attoniti metuq; (constantissimos etiam percellente,) mutant illam ac sedentariam assentiendi necessitatem, quo cum dolore animi, quo cum totius horrore corporis perpassi sunt! Sic in eo, sibi inuicem coniurantium an pelerantium tumultu, his probantibus quæ sanxissent, illis inconditè reclamantibus, *Ferri violenta potestas, confudit ius omne manu!* Scilicet in tanto nationum discrimine, nexuque Foederatorum, ijsupplicem Patriam, manusque tendentem curarent & quibus ut translatitium ingenium & statio incerti Martis, ita nusquam & ubique patria, auro argentoque inter stipendia venalis. Quid hîc ageres, immò quid ex munere Tuo non auderes, auersurus vel euersurus exitiales regno turbas. Telum è visceribus Patriæ, lentâ mollique tractatione extrahendum, Tuæ opis artificium implorabat, in primis: mentem & manum adhiberes, hoc est: notâ fueratque fandi dextertate, iratos ut flecteres, exammares armatos: *Viderent etiam*

etiam atq; etiam, quid molirentur, quò renderent? meminissent, improuide defectionis comitem fieri pœnitentiam. Redirent in gratiam cum Republ. cuius non alium fore statum fortunamq; intelligerent, nisi quem ipsi fecissent. Cordi esse Parenti Patrie, quid proximo, quid superiore anno egerint, tulerintq; quantum sanguinis Martiali in campo Salutis omnium Ordinum propinarint. Probè nōsse Regem Bellicosissimum, quæ palmaris victoriæ trophæa, SZEREMETANA ad Czudnouum è clade statuerint, per exiguâ sed numerum supplente virtutis manu: caso deletaq; superbissim hostis exercitu, fortitudine in fastos æternitatis abiturâ. Interim darent operam: ne, qui in Sago pulcherrimè effloruissent, fedissimè obsolescant in Toga; Illas, multo crudioris impendio emptas laureas Ciuiicasq; suis sibi in manibus infringi patiantur. Turpe esse: gladios tor palmarum messorum, & adhuc hostili cade stillantes, otio hebescere, torpere situ; studio armorum à manibus ad oculos, à labore ad voluptatem indignissimè traducto. Magnificum contra, atq; illustre: patrio more, patriâ virtute accinctos, sine emulo, sine exemplo, secum certare, secum contendere, secum vincere. Quod si exempla Fortium poscerentur, illa præsto esse: in fortissimo Lithuanici Ducatus cataphracto Equite, ad metas laudis bellicæ, per depressa Moschorum capita euolante. Irent igitur, aut præirent, secuturis commilitonibus, collatis in vnum militiæ corpus & animis & vexillis. Irent inquâ praliarum animæ, & isthæc agendi tempora, belligerandi op-

portunitatem, certissimamq̃ victoriam elabi, ne sinerent, seq̃ rebus seruarent futuris. Illic belli neruum, illic spolia, & manubias, illic gazam recondita supellectilis, & quæ illius ora eximia, terris aut syluis continentur reperturi, aut erepturi hostibus, non paenitendâ laudum opumq̃ auctione. Caterum sua illos in integro manere stipendia, iure æquissimo exsoluenda Militi, lucis & vitæ usuram, denis (ut aiunt) in diem assibus æstimanti. Iusta iuste peterent, neminem non eadem voliturum. Darent modò aliquid egenti exhaustoq̃ arario, darent Equestri Ordini, darent Ciuibus, darent sibi. Paciscerentur breues admodum inducias, dum reddita sibi Respublica collecto in membra spiritu, dati acceptiq̃ secum ineat rationes. His Tu, oranti similior quàm hortanti, vel Pæno homini iram ac telum eripere potuisses, nisi in malè auritam obstinata vecordia maleuolentiam incidisses; inde meritis indignationem, vnde gratiam debuisses. Frustra petitis à decoro artibus, eos oppugnaueris, quibus vile quidlibet, quidquid inutile. Suadentem appositè sapientiâ in præcordia admitterent & qui humanioris literaturæ gustum corruperint, fastidio arrogantia. Cessit Ciuilis eloquentia, militari licentia, cessit comitas conuittio, maledicentia taciturnitas, Tuo in rem accinente populari.

Ad prima quisquis vulnera non gemit, Sarb.
Solo peregit bella silentio.

Te

Te enim admirer magis, an istorum oderim petulantiam, sacris æquè ac profanis infestam? sales insulsos, inficetas facetias, quibus, plerumque Regij primores ministerij, inolitâ linguæ intemperantiâ, proteruè carpere, in morem abiisset, Te interea, rebus intento, facileq; verborum contumelias inverecundis auctoribus condonante; neque ignaro: *Priuata Odia publicis utilitatibus remittenda.* Equidem cum plurima operum sese efferant, pro quibus immortales Parenti Publico, agi gratias necesse sit; tum vel maximè, quòd solutâ lapsâque castrorum disciplinâ, in statu pristinae severitatis constitutâ, hanc bellicæ impunitatis licentiam longâ parendi dedignatione corroboratam, tristi at salubri in posterum exemplo coercuerit; Sibi que & Ducibus militem reddiderit obsequentem. Tuæ adhibito Eloquentiæ clausico, eminentissimâ, ut est, magnanimitate contestatus: *Nolle se eos militantium in censu numerare, quibus prona in seditionem audacia, nouandis quâlibet ex causa rebus in promptu sit. Arma exuerent, qui iam ante exuissent fidem. Castris adlutum exessent pestilentes animæ, ne contagione latius grassante, ad ceteros virius perreptet. Sat benignè leniterq; agi secum existimarent, quòd indeprecabile supplicium commeritis, impunè liceat abire. Alia alibi stipendia quærent, quibus plus animi in Ciuem quàm in hostem. Mouendos è statione Martis, Martem linguâ, non manu professos. Domi tantum hospitibus*

ribus timendos, foris terroxi hostibus haudquaquam futuros.
 Renuntiarent ilico Regis Militiæ, qui sua peruicaces ma-
 litia per diu nolissent. Non se deinceps permissurum, ut
 precaria Ducis anima inter infestos ferociter milites tra-
 batur. Rationi consentaneum videri: mouendos bellico ma-
 gistratu, qui Reipubl. Magistratibus extorta facultate,
 (ne quid salubriter in commune statuerent) intolerabili fas-
 tu, comminationibus, ac tantum non ferro obstitissent.
 Maurorum tumultibus accederent, nati omnia per tumult-
 um, atque insanos vociferantium clamores agitare. Ha-
 bitos à se habendosq; loco hostium, quod hostilia in regni
 accolæ exercuerint: multò promptiores, computata viri-
 tim agrestium capita, quàm hostium censere. Haud du-
 biò scientiores iam rei frumentaria, quàm tormentaria;
 quàm plorisque illorum notiora essent colonorum horrea
 quàm tentoria. Eapropter migrarent aliò, seq; dederent
 Oeconomica, cui spatium biennij impendissent, irreparabi-
 li dispendio prouinciarum, eis & ultra Borysthenem, mi-
 serè desciscientium ad hostes, nostrà infelicitate felices. Pec-
 candi necessitatem ne obtenderent, liberà ad partes Regi-
 æ secessione, inuitati per exempla meliorum, illud vnicè
 dolenterq; sibi imputantium: quòd serius quàm benignitas
 lenissimi Principis postulasset, ad ingenium obedientia re-
 diissent. Affinitate communicati criminis, quoniam tueri se
 non possint, efferrent secum suas labe, nullo satis sanguine elu-
 endas. Excederent castris, priuatim degeneres, in pu-
 blicum

blicum exitiosi, nec spei quicquam, nisi per discordiam
 pollicentes. Sibi verò: Non aliud Militiæ leuamentum
 videri, quàm si certis in reliquum Jlegibus ineatur. In
 reliquo par esse: militari notatos ignominia, in alias peregri-
 nari terras, qui armorum decus, defectionis dedecore infam-
 massent. Saperent posthac exauctorati, ac suam cuiq; Or-
 dini auctoritatem intactam illasamq; haberent. Simul di-
 scerent militare ad leges Honesti, præsente dehonestamenti
 opprobrio multati. Scirent postremo: Regibus latè domi-
 nantibus, nec desituras bello, praeliantium manus, nec defu-
 tura præmia bellatoribus. Quamobrem discederent, quo-
 quò vellent, audireneq; Pharsalicam Lucani tubam, federa-
 tæ Casariani militis proscriptioni assonantem:

Vadite, meq; meis ad bella relinquitte fatis.

Inuenient hæc arma manus, vobisq; repulsis L. 5. 7. 323.

Tæc reddet Fortuna viros, quot tela vacabunt.

Eum itaque in morem Martialis animi Princeps, fide
 & obsequio melioribus in gradu relictis aut repositis, pro
 piores culpæ, irremocabili imperio (quod vindicandæ
 maiestatis interesset) amandauit. Quando non tacendo
 Taciti iudicio, ne morbos quidem veteres & diu auctos,
 nisi per dura & aspera coercueris. Tuis Præsul Accura-
 tissime vt plurimum conatibus & vigilijs, Tuis cohorta-
 tionibus & alloquijs, redisti sua Reipub. forma, Patribus
 Conscriptis veneratio, Religioni immunitas, Pontifi-
 cibus Honor, Templis cultus. Redeunte omnibus ter-
 rore

rore & voto imperata faciendi. Corruit tandem illa cæ-
strensis contumaciæ arx, nouis obstinatè defensa Gigan-
tibus (Iouem si possent detracturis in terras) Tuis ag-
gressionibus & cuniculis expugnata, suis ruderibus in-
sepulta; quibus aliquis inscribat Viator.

Discite Iustitiam domiti & non temnere Reges.

Magnum quidem illud seculo nostro dedecus, magnū
pectori vulnus impressum est! Respubl. pænè capta in-
clusa; ne se in vsus Ciuium commouere posset, adem-
ptâ sentiendi, quæ vellet, & quæ sentiret dicendi li-
bertate! ablata simul Mitissimo Principi seruandorum
hominum potestas! ereptumq; illud in principatu bea-
tissimum, quod à nemine cogeretur. Si tamen hæc so-
la erat ratio, quæ Te, Regum Animosissime ad ciuilem
mali curationem admoueret, propè est vt exclamem,
tanti fuisse! *Corrupta est disciplina castrorum, vt Tu corre-
ptor emendatorq; contingeres, induc-tum pessimum Exem-
plum, vt optimum opponeretur.* Vnde autem optimum
nisi ab Optimo peteretur? Quantum est extinctam refo-
uisse militiam? resouit. Ex sanguinem & exanimem, ani-
mâsse? animauit. Mores alios, alios sensus, naturam pro-
pè aliam stipendiarijs induxisse? induxit! antiquis in-
stituti legibus adstrinxisse? adstrinxit! Et adhuc initiati
à se exerciûts, renatam se Auctore fortitudinem, perar-
duâ in Russiam expeditione non educeret? Viarum in-
commodis, locorumque asperitatibus, quibus hominum

quoq;

quoq; (teste Curtio) *durantur ingenia*, non acueret? Non bellatrici Aquilæ pullos congeneres, orientem exploraret ad Solem? non hodie primùm se magistro didicit: *Inter belli discrimina, armorum virorumq; faciendum esse discrimen.*

Quonam autem Tuo, an Poloniae fato fieri dicam. Emerite Antistes? vt necdum hîc etiam tempestiua dedicandæ virtuti Tuæ eueniant statua? perinde ac si vocem publicæ necessitatis accepisses: *Pacis negotia, speciosius per otium transigenda.* Quamobrem seposito tantisper sacrarij apparatu, rei viatoriae instruenda supellex. In hostico, Principi Principisque sequacibus hyemandum. Abesse Te, à Tui comitatu Principis, nec Tua finit pietas fidesque, nec ratio permittit ministerij, curarum æquè comitem ac viarum. Cedat tantisper Neomenia (vt vocât) tuba, Martialibus classicorû sonis. Lustrandus latè Oriens, armorumq; illustrandus fulgore: adeundæ Orientis Prouinciæ, nec magis pedibus, quàm laudibus peragrandæ. Exturbandum præsidij, effugandum castellishostem, vindicandas ciuium ditiones, arrogantissimi aggressoris ferociâ oppressas. Quin ipsos etiam præsidarios, nostris circumquaq; vrbibus, atq; arcibus hostiliter impositos, iræ nobilis ultore instrumento confestim exturbandos. I, sequere Cordatissime Antistes, Magnanimum Bellatorem, magnis passibus, vel ultra ferreas Chabri columnas euadentem. *Fuerit antehac solenne*

solenne, *Terminos erigere, & stantibus prouincias discernere columnis. Profecto fallitur: quisquis Terminos immensa Gloria, metitur spatio, quod transiit.* Iuit alacer latulq; virtute militum, eò arma inferens, quò nemo Principum, nemo Regum Poloniæ accessisset. Manu ille quàm nomine audacior Boleslaus Audax, expugnatà quondam Chioniâ, profligato Wischewoldi exercitu, non vltra Borysthenem audendo progressus, perexiguis victoriam finibus circumscripsit; citeriori populatione famam colligens & laureas, immani mox sæuitiâ & parricidio polluentes. Prima & Magna Casimiris Nomina, vt non adimo, ita vim remque vocabuli istius, nullâ antecedentium iniuriâ transfero ad hodiernum Iagellonici sanguinis & nominis Casimirum. Inaccessa, & vel Audacissimis inausa, Tuis ausibus, Tuis accessibus & successibus seruabantur. Tunc si aliàs Regum gloriosissime, Fabricij & Scipiones, & Camilli, Tuis ad vitam reuocati exemplis, Tuo in exercitu conspecti sunt. Tamennè adhuc militares copix, sub tanto patientiæ exemplo non durarent? non vltro citroque Tua certatim ad signa & aquilas conuolarent? non piaculi loco ducerent (illi etiam qui principio restitâssent) pedem referre? antecedentem non sequi, non pericula iungere, non puluerem bellicum sudoremque miscere? Et si autem *pleraq; in exercitu absentium quoq; Regum tam auspicijs & consilijs, quàm telis & manibus gerantur;* adesse Tu tamen malueras Tuo agmini

gmini: ne iam Tuorum fides & industria, per internuntios & interpretes, sed ab ipso Te, nec iam auribus, sed oculis probaretur. Quo quid felicius Tuo contingeret militi vel ad præmium, vel ad decus? Quocirca, ruere in discrimina, obijci periculis, vallum inscendere, addere se assultantibus, ambire Ciuitas, mortes oppetere decoras, sanguinem, vitam, spiritum denique, Patriæ impendere, inter ludicra militarium laxamenta curarum habuere. Itaque quod in suo ille Imperatore suspexit. *Perinde summis atq; infimis carus, sic principem commilitonemq; miscueras, ut studium omnium laboremq;, & tanquam Exactor intenderes, & tanquam particeps Sociusq; releuares.* Et quoniam vna simplexq; bene merentium, & fortiter morientium conditio est, feres æquo animo ut cætera isthic tulisti PRÆSVL Tolerantissime, fortium virorum decora Tuis addi, Tuaque inter encomia memorari acta Militum, quorum spectator ipse admiratorque exstiteras, in illa Martis area: illis stantibus, aliis rem agentibus, his cadentibus cælo teste. Te interim (nam & hoc in Tuis laudibus ponitur) supremam expirantibus ferente opem, instante morientibus, atq; expeditum animæ iter precante. Nam quod attinet Principem, felicitati hoc Tuæ apponis, exornari illius nomine paginam Tuo nomini dicatam, admittere ad præconia, quem prius in animum profundâ veneratione admisisses.

Principium Russico-Moschouitica Expeditionis miren, an finem? Magnum est perfrigidâ anni parte, rigescente brumâ, sæuentibus vndequaque ventis, militari sub recto perseverâsse! plûs tamen est, non timuisse, ne perseverare non posses; eò loci, vbi feræ gentes, non telis magis quàm suo cœlo, suo sidere, suis moribus armantur, perferente omnia, superanteque Tuâ Tuorûq; alacritate. *Nec fuerant duri Tanto sub Rege labores algoresque*, vt vel tunc omnibus oppugnati elementis discerent: *Non esse molle virtutis rudimentum*, exercitu Regio, nihil non Regiæ Fortitudini tribuente, seque ad tam sublimis tolerantia, humano augustius exēplar fingente formanteq;. Fuit, dum priscis Imperatoribus prospexisse duntaxat castra, Martemq; per officia quasi salutasse contencis, (cùm hostem vix eminùs adspexissent) popularis adulatio immensæ fortitudini gloriaq; daret. Nostro bellorum bellatorumque experientissimo, à primis iam inde pueritiæ confinijs, omne genus armorum callenti tractantiq;, non paucorum mensium, sed annorum in se redeuntium orbibus commensa belli gloria militavit. Inde vnicè admirando, quòd etsi Triumphali Patre genitus, Fratri Victoriosissimo successisset, tamen bella nec pronocat ex facili, nec timeret. Eam ipsam expeditionum difficillimam eòque incomparabilem, haud aliter adornaturus, nisi quòd sic è publicis Patriæ rationibus expediret, Reipubl. interesset:

Robur

Robur & florem veterani exercitus, in vastissimos camporum tractus importari fas erat, quò lacerum discerptumque regni corpus, quàm citissimè coalesceret. Accedit, quòd numerosa illa multorum capitum bellua, multis egeret manibus obtruncantium. *Parum namq̃ tuta est maiestas, sine armis*, in tanta vel Rustici Martis præfidentia. Vniùs oræ, non vniùs iræ populi, modò armis, modò solâ armorum ostentatione ad obsequium & deditionem reuocandi fuère. Præmittendum vlticis potentiaæ terrorem, sed fiduciaæ excubijs circumseptum; inferendam fascibus pacis oleam: secures & virgas, fasce Iagellonica Manfuetudinis prætexendas, *Securitate mutuâ securitate paciscendam: armis enim irritantur arma*. Metus & Pauor odiosa ijs numina qui se peccasse meminerunt. Ponet nihilominùs quod extulit superbè caput, Rustico-barbari furoris Hydra, non minùs in suas neces, quàm in laudes Regias hodieque secunda! Minùs iam timetur, Moschouitici Draconis assumpta additaque monstro facies, cùm illa ipsa vtriusque populi confociata perfidia, quouis portento immanior, timeri desierit nostro militi, ex longa periclitandi assuetudine metum omnem periculorum exuenti. Nec iam ex vano creditur: Virtuti hoc Regiæ à primis bellorum tentamentis, prouisum diuinitus irritamentum, vt illic spei publicæ iactam anchoram fundaret, vbi primùm tyrannica peregrino-domestica tempestatis violentia, concussam

cussam Fortunæ nostræ prætoriam agitasset. Nescio
 tamen, an aliàs luculentiùs, Natum se **CONSTANTIA**
 patefecerit? quàm cùm in medio ciuilis procellæ tur-
 bido, fluctuante iam, ac tantùm non absorptâ Reipubl.
 naui, clauum semel prehensum constanter tenuisset; Te
 interim principe Regni Ministro, vela in omnem ne-
 cessitatis vsum scienter obliquante: excubantibus per-
 petuò in Senatoriam vigiliam oculis, ne nostræ felici-
 tatis oneraria, latentis discordiæ in scopulos deferretur.
 Sed recentioribus insistendum. Spectabat enim ad glo-
 riâ Laudatissimi Principis, frenatus traiectusq; Borysthe-
 nes, ingentia tergo bella transmittens, non accolarum
 magis pervicaciâ, quàm suâ ipsius magnitudine formi-
 dabilis. Quid verò deinceps metuerent sequaces copiæ,
 hoc securitatis vnicum fidus ex proximo intuentes? An
 impedimentis rei bellicæ timerent? quibus tam planû
 expeditumq; ad fortunam iter patefceret? Quantum
 à Nostro dissimiles, qui *non Albani lacûs otium, Baia-
 niq; torporem & silentium ferre; non pulsum saltem fra-
 goremq; remorum perpeti poterant, quin ad singulos ictus,
 turpi formidine pallentes exhorrescerent.* Taceo supera-
 ras consilio paludes, transmissos amnes, emensa viarum
 aspera & confragosa. Non ingredior inextricabiles Her-
 cyniæ sylvæ labyrinthos, cæcalq; horrentium dumeto-
 rum ambages, & hostem nota inter abdita lucorum oc-
 cultantem sese, ne in solem & aciem prodire cogere-
 tur

tar. Feras diceret, non milites, ita suis inclusi tenebantur latibulis, non obscuro metu confessi; Polonorum se viribus & viris pares esse haud posse. Profunda sylvarum infederant, egregij sylvarum cultores custodesque; veriti credo stipites illi, ne quibus obtegebantur arbores, in trophæa currusque triumphales, victoribus cederent; Sylvæ ipsæ in lauros & palmarum nemora repentè verterentur. Nihil ignavo stupori illi cū stratagemate Premissai nostratis, truncos arborum, militari commento obarmatos, Morauorum exercitibus ad terrorem opponentis. Sic in hostico quæsitus diu hostis, pugnacipus Polonorum copijs, sui copiam non fecit. Hoc ipso minor, quod præliaribus animis campestrem belli gloriam inuidisset. Nihil iam in Tua gesta, fortunæ ac tempori licebit, ex quo illam factis ingentibus, hoc est benè merendi perpetuitate subegisti. Id planè est posteritatis, immò æternitatis negotium agere, Famamque sibi, Heroico adoptionis iure, heredem scribere, ad consequentis æui memoriam fastosque transmittendam. Horum aliquid si egissent otiosi Romanæ purpuræ gestatores, quasi prolatis imperii limitibus, quos non sibi arcus & statuas, quas non Triumphii moles, & fastigiis templorum altiores titulos arrogarent. vrgerentque, & quasi meruissent, putidè lætarentur; in perniciem civium ire paratiores quàm in hostem. Illi inquam, bellatores in theatro, in acie spectantibus

spectatores.

Parum erat Nostro, PATRIS PATRIÆ nomen
(quod ceteri ab arrogantia, ipse à moribus & natura accepit) nouis in dies argumentis, memoriæ nostræ infixisse, nisi eundem hunc ciuicæ caritatis popularem titulum, & rem vlturus, oppressoribus patriæ, vel extrapatriam ostentaret. An vllæ igitur, pro tam laboriosa & exercitata statione Parenti Integerrimo referri gratiæ pares possint? Intelligimus iam, quàm æterno annaliû honore dicari oporteat Conservatorem sui Orbis, non tempori alienissimo, non ætati, non saluti parcentem suæ, laborem verò bellicum, (credetne posteritas) inferiorum auocamenta operum reputantem!

Et poteras Tu quidem Regum luvitissime, fecisse isthic felicius aliquid, nihil sapientiùs cautiùsque, quàm quòd (Superis comitantibus) desiderio reuocantis Patriæ rediturus à scena Martis, viuam spirantemque Fortitudinis Tuæ imaginem Tuo Militi reliquisti, vt sub oculis præstò esset mentis Regiæ idea, ad quam assiduò se componerent, inde lineamenta transumerent, inde spiritum vigoremque in se traherent, quò vt minimum Tuæ absentiaæ rædia persentiscerent. Deinde quòd fidissimo iuxta fortissimoque * STILICONI Tuò, immensa gloriæ maria enauiganti (vehentique alterius Fortunam Theodosij) vicariam armorum potestatem tradendam decreuisti, eâ prosperitate, eo euen-

* Stephan Czarniecki.

tu

tu prouentuque, quem à vetere & acri Magistro expectari par erat; ita sortem rotasque exercituum temperante, vt Regis placita anteuertat, vota Reipub. factis æquet, commilitonum ingenia victorijs acuat, *Bella momentis constantia*, suo moderetur arbitrio, ne quid à se decretorijs factorum tabulis debeatur. Faxit pacis bellorumque Imperator Deus, vt, quam suo sibi nomine ominatur Coronam, eandem in suorum operum coronidem, felici molitione aliquando transferat; igniarium seruilis iræ fomitem, tot annis iam fumantem durantemque in bella, rebelli perduellium sanguine restincturus. In reliquo, redeundum & Tibi PRÆSVL Nominatissime, viarum indefesso, laborumque impigro; neque tantum cœli solique illius, sed & hostis iniuriâ iacturamque perpesso; redeundum inquam ad cor Patriæ, cui animum & calamus, iam diu deuouisses, domi forisque operosum. Sacris Venceslai Principis vestigijs insistentes fortè per hyemem aulicos, geluque torpentes repentè incaluisse, fama est vel ipsis templorum pauimentis cruore inscripta. Quin te pariter Iagelloniæ Maiestatis comitem vigilemque, in austerâ quoque Orientis plaga hybernantem, algere haud oportuit, tam contiguum continuumque Tuo Principi, suæ amore Patriæ vel inter algores conflagranti. Illaturo denique (quæ hostem debellaturis, votorum summa & caput erat) illaturo inquam suam barbaris hyemem; nisi solitò ci-

tius mutatis anni vicibus, remisso frigore, repescenti-
 bus lacunis, fatifcente glacie, Solueretur hyems Moschi-
 ca, patrocinata suorū trepidationi & latebræ exercituū, vt
 nec elici ē syluis voluerint galeati lepores, nec syluæ po-
 tuerint obsideri. Eò hæc attinent à me paulò altius re-
 petita, non quòd singula confectè, singulis vix æquan-
 da voluminibus, sed vt liquidò constet, quàm illustre,
 quàm magnificum Tibi, implicatissimis Reipubl. nego-
 tijs intento distentoque, sacra tui Ordinis insignia ine-
 uoluta huc vsque tenuisse. quia *fruendum honorem ante
 salutem Patriæ non ponebas*. Adeò Tibi erat vel merces
 non habere mercedem, vel honor honoribus caruisse;
 dum adhuc pressa ex ciuico-hostilibus armis Russia, scis-
 sili palliastro squaleret, manumque & ferrum Principis
 imploraret. Sufficiebat tunc Tibi, arcana virtutis pur-
 pura, quæ ita honoribus augetur, vt ipsa honoribus
 altior, honoribus lucem addat. Placet iam rimari al-
 tius procrastinati in causas Pontificii. Etenim: *Cessit
 Toga Armis, Ara focus, cessere Pontificis ornamenta, Reip.
 incrementis*; ne non ante impleres Insulas, quàm omnes
 fidi Aulici numeros explēsses; priusque Summum Re-
 gni egisses Ministrum, quàm Pontificem, pulchro gra-
 dationis interiectu. Eximium id prorsus: ad ipsam quo-
 que vittarum possessionem, singulare strictioris meriti ius
 exigere à Te ipso, ne ex improviso subitus venias ad Tia-
 ram. Benè habet: dilata hætenus Inaugurationi Tuæ,
 ipsa

ipsa prorogati temporis impendia fecere pretium, ut non ex vetere effato, sed Tuomet experimento compertum sit: *Magna constare intervallis*; adeoque suam & Honoribus inesse ætatem, quâ lentè maturescant, ad feracem meritorum autumnum. Non magis enim inter belli negotia, & triumphi diem, quàm laborem inter ac præmia, spatium intercedere necesse est. Priuatorum atq; egenium est: *Citò ac perperâ mereri, ut citò ac temerè potiantur.* Generosis mentibus, postquam in suam suorumque Spartam impensè laborârunt, *stipendium penes rectè facti conscientiam.* Honores nec à limine salutârunt, qui in occupandis honoribus, celeritatis gratiam aucupantur. Inconsultum est: *Perexiguo viatico immensam dignitatis præuinciam emetiri velle.* Felicem ego Te hoc nomine compellauerim Præsul moderatissime, cui ita nasci, ita educari contigerit, ut prælauta honorum in domo genitus, nec fortunæ egeas de Tuo fortunatus, nec ad limina honoris peregrinari opus habeas: cùm intra domesticos penates, Honoris Ædem reperiās, longo ætatum senio venerabilem & sacram. Nec propterea tamen, situ annorum obsoletam, quòd Gentilitio vetustatis iure colitur semper, semel à Maioribus dedicata Tuis. *Anni & secula non officiūt virtuti.* Tota illi ex antiquitate gloria, *Lucorū quoq; senia, olim cultui ac venerationi fuere.* Veteres illi Romanorum (attestâre Claudio Marcello) quòd negarent fas esse, *Virtutem atq; Honorem* uno Templo,

ijsdem aris focisq̃ue venerari, indiscretis saltem parietibus colligârunt; vt esset custos ad honoris cellam virtus, neq̃ue honoribus negaret aditum, quos ipsa faceret adu-
 untes. Genuinum PRAZMOVIANI generis virtutisq̃; schema, è domestico prisca moris apparatu depromptum, nec tam coloribus, quàm animi dotibus adumbratum. Non perinde enim Timâthis penicillo exprimitur, quod moribus exaratur: aut effingitur simulachris quod spirat in actibus, vel mutis committitur paginis, quod linguis omnium celebratur. Vbi enim illustrius aut perennius Virtuti cum Honore commercium? Vbi meritorum dignitatumq̃ue consociatio luculentior? quàm in hoc perantiquæ nobilitatis, probitatisq̃ue domicilio? Hinc Senatorij magistratus: hinc militaria Heroum Insignia, Castellani splendor, clauæ, vexilla, terrarum Præfecturæ, Tribunalitia subsellia, togatæ armatæq̃ue Palladis honoraria. Hi primis Ecclesiarum admoti aris, illi idonei Castris, isti arcibus & propugnaculis impositi: illi prouinciarum Oratoribus adlecti; factis & fastis, Maiorum decora contutati, Minoribus tradidêre. Errare ad Maiestatem augustale non dabatur, quibus peruia Curia & Senaculi limina adytaq̃ue obtinentibus, ad Regiam & Solium iter, Soleæ fecissent gentilitiæ, Regalis beneuolentiæ Martiale pignus. Cogitanti mihi, qualem quantumq̃ue esse oporteret, primum intimioris consilij Administrum, cui non modò nutus, ac iussa Principis, verum

verum sensa etiā, cogitataq; propemodum, solerter præ-
 nōsse, ne dicam imperata exequi concessum sit. Tu ante
 alios memoriæ occurristi, quem à paterna disciplina, pri-
 mo annorum tirocinio excultum, illustrior meliorque
 aulæ genius, altioris prærogatiuæ aptabat; donec currē-
 tibus immò indolem præcurrentibus annis, quod tacito
 pollicebare, præstares in opere Curiali. Quantā igitur
 humani diuiniq; iuris intelligentiā eruditum? quantā
 patrij codicis legumq; ciuiliū peritiā instructum?
 quā multiplici subitāq; affluentem eloquentiā? in-
 genio præstantem, prudentiā præcautum, æui animiq;
 præualidum esse conueniat? Cuius humeris inclinata
 recumbat domus publici Consilij, Oraculum Reipubl.
 Legum conclaue, lar inclytæ Libertatis, officina Gratia-
 rum. Tua hæc sunt Vir Consultissime, Senatoriæ mentis
 adminicula, vel si mauis fulcimenta, quibus maiestas do-
 minantium tutò incumbens, libera solutaq; sibi tan-
 tum vacet, postquam Te assumpsit, qui erga omne ho-
 minum genus uice suā, *nam nec Atlas sine Hercule*, fun-
 gereris. Fungaris enim sufficisq; Vnus omnibus, in
 tanto negotiorum accessu recessuq; ut labore refici ac
 reparari videāre! Ut enim expetitis Procerum honorib;
 deseruis! Ut provinciārum desiderijs, ut singularum e-
 tiam Ciuitatum (quod cum Optimo Romanorum Prin-
 cipe, commune Tibi feceris) votis & precibus oc-
 curras! tam alacer, tamq; erectus; *nulla ut in audiendo*
difficul.

*difficultas, nulla in respondendo mora aut fastidium intercedat. Statim adeunt, statimq; dimittuntur. Videmus vt Curialibus exsolutus curis, principales è vestigio resumis! Vt reconcilies æmulas Ciuitates, vt iniquitatibus intercedis magistratum, pænis legum ad paucissimos, metu ad omnes pertingente. Vt denique causas Religionis, Quiritium postulata, supplicantium codicillos, inter Tuarum otia remissionum euoluis! Ne & beneficio tuo gratiam ex difficili quæras, diesque tibi omnis, sūma cum vtilitate Reip. summa cum laude tua condatur. Rectè coelestium æmulam orbium nuncupaueris aulam Studiosissimi Antistitis, & illa actuosæ mentis penetralia. Ita isthic, suis omnia temporibus ac momentis continenter librantur! nisi quòd Antipodes procul habeat, qui ex Catonis animaduersione: *nec Orientem unquam viderint Solem, nec Occidentem.* Tanta illic diuidui laboris obeundi consensio, in discordi argumento! Credas apum examina certatim in commune melliti operis laborantia, Te arbitro, Te exactore: in tantum iam ipsas quietis contrahente horas, vt frugalitatis & parsimoniz commendationem legesque, ad *Publicanum illum mortalitatis somnum* extensas esse volueris, morè gesturus Romano sapienti: Circumscribendam esse noctem, & aliquid decerpendum, quod ex illa in diem transferatur. *Virutem non contingere somniantibus: discendam esse. Cuius hoc pretium est, nequaquam pretio capi posse.* Eridem hæc*

Tu

Tu ô Præsul, non tã ex togati sapientis monitu, quàm
 è patriciæ eruditionis instituto hausisti; anxie à Te ipso
 exigens, quod illi fuere, qui Te solo nascendi ordine an-
 teissent. *Recurrit enim ad similem Suorum imaginem præ-
 stantissima quæq; indoles, moribus non vultu referendam;*
*Et ad maiorum gloria imitationem, veluti quidam ad solem
 flores, arcano rapiuntur ingenio.* Premishodieque impres-
 sa ad exemplum Excellentissimi Parentis Tui vestigia.
 In quo, nescias vtrum maior fuerit ciuilis fortunæ di-
 gnitas an religio? Honoris præcellentia an virtutis? O
 quæ illa morum grauitas comitati non officiens! quæ
 fandi elegantia, differendi acumen, cæteraque Senatorij
 cultûs decora, illibatæ semper fidei calculo consignata.
 Quod enim comitium? qui Procerum conuentus, in exi-
 tium vel exiliû Hæreseos coactus, cui auita PRAZMO-
 VIORVM pietas, non adfuerit? non voce, non suffragio,
 non manu præiuerit? arcendæ non assenserit, proscri-
 bendæ non subscripserit? Quàm honorificum Tibi Tu-
 isque, etiamnum in reconditis uetustissimæ memoriæ di-
 plomatis, circumferri Vestra Nomina, sectæ Dissiden-
 tium degeneri inimica. Illud *contumaciæ rudimentum,*
 quâ Terrestribus Notariorum sigillis pressum oppres-
 sumq; , quâ castrensis Curiaë calamis punctum expun-
 ctumq; abscessit: relictâ facti gloriâ (quæ Vestra est)
 penes authores, in publica Terrarum, & Castri monu-
 menta, suo merito relatos. Nota loquor, peruulgataq;
 nobl-

nobilissimo Ducatui Mazouia, eatenus quoque felici, quod Suorum cultura noualium aduigilet: nè quâ *Infelix lolium A-Catholica Nouitatis* pullulet, primâ extinguendum in herba. Olim, tam infesta Virtutibus fuere tempora, vt *Optimi quique otio aut situ abstrusi, non nisi delationibus & periculis, in lucem ac diem proferrentur.* At nostræ felicitatis Temperator Princeps, ministerijs Reip. suisque, meliorum è consue legiti prouehitque, & ostentat, quasi specimen & Exemplar: quæ sibi secta vitæ, quod hominum genus placeat; vt potè, cui beneficijs potiùs quàm remedijs Liberæ gentis ingenia, certum sit experiri. Patuit hinc vobis ingens honoris gloriæque campus, fortes animæ, germanâ charitate virtuteque coniuncti, **SAMVELEM & ALBERTVM** alloquor venerorque, illum Regni Curialem, hunc Volhyniæ Vexilliferos: non ferret tantum aut præferre ad pompam Regibus prouincijsque signa Martia, sed eadem inferre hostibus, & conferre manus manibus, satisque & mortibus occurrere paratissimos. Etsi autem: *Nemo non quotidie* (quiritante Stoico) *consilium mutet aut votum,* vos attamen in omni actu vobis suppare, vobis constantes, nec iam studio militares, sed more, immò origine, usuque natalium eò perducti efflorescitis.

Ferunt Megarensium populos ad sepulchra maiorum, comitia instituire, oraculo monitos: *Vt si res prosperè geri desiderarent, referrent ad Plures;* quasi multò plures

res viventibus defuncti censerentur. Palàm est: adori-
nari à Te Illustre Honoris comitium PRÆSVL Or-
natissime, in quo deliberatur: Non iam, quid Tu Rei-
publ. sed quid vicissim Tibi debeatur à Republ., cum
qua identidem ponis calculum ad numeros meritòrū.
Ut, serò decreta delataq; Virtutibus Tuis premia vi-
deri possint, qui tam citò salutì Patriæ providere & sci-
res, & posses. Citarem itaque ad Pontificiæ Potestatis
Tuæ comitia Maiores Tuos, nullis non Reipubl. fun-
ctos honoribus, nisi adessent superstites, quà iure san-
guinis, quà officio propinquitatis. Adsunt Tuis illu-
stria Parentelis territoria. Adest non vacuo PRA-
ZMOVIANÆ Virtutis nomine GABRIEL Terrarum
Varaviae Notarius. Tuæ suæque felicitati subscribens,
die hâc dierum auspiciatissima, in chirographo pectorum
connotatâ. Occurrit præcurritq; IOANNES PRA-
ZMOWSKI, Terrori Gratiæq; immixtus, illum ferro
acuens, hanc nomenclatione adstruens; aucturus Fra-
terni amoris excubias. Suadâ & gladio, pro Lege & Re-
ge decertaturus.

Adest geminatâ Virtutibus nobilitate, Fraternali sui
Pontificis amorì, honorìq; respondens FRANCISCVS
PRAZMOWSKI Cathedralibus Graciaris ritè appositus
præpositusq; vnicè gratulatus: mereri Te apud Maiores
Tuos non modicum; tum ex prosapia decoribus per
Te auctis: tum quòd gentis Tuæ uestigium posueris
in fasti-

in fastigio gloriæ non illis inaccessio. Benè prouidenter-
que, germanum (breui Comparem,) immensi qui
Tuus est laboris in partem adlegisti, agendarum regē-
darumq; rerum prorsus nobile adiumentum; non tam
necessitudini indulgens, quàm hereditariæ, quâ præpol-
let, prudentiæ præfusus innixusque. Cui maiora de se
quotidie pollicenti, et iam præstanti, (vt quondam Ti-
bi) industriæ summus honor, iudicium Principis, suf-
fragium Principis meruisse; vt votorum compos, Prin-
cipi debeat gratiam, sibi causam.

Supereſt iam, ſacranda Illuſtriſſimo ac Reuerendiſ-
ſimo CONSECRATORI Tuo pagina, ſuam, ampli-
cando nomini Tuo, operam ſtudiūque, obuiâ huma-
nitate offerenti. Quàm lætū illi, amicâ Religio-
nis manu, dicatū deductūq; Te, eo locari in faſti-
gio, Vnde, tantū ſupra cæteros aſcenſu emereres, quā-
tū infra Te, acclini modēſtiā deſcendiſſes. Et quid-
ni, inter ſacra lætaq; Encæniorum tripudia, loco cede-
ret? qui nuper Tibi (altiùs aſcenſurus) Pro-Cancel-
larij munere deceſſiſſet? Annulū, fidei indicem ar-
rhamq; ad aras non traderet? qui eidem Tibi Sigillarem
Regni gemmā (alio dotandus Annulo) tradidiſſet.

Nec abſq; numine factū reor, vt antiquiſſima An-
tiſtitum Cracouiēſium Arx, *Kieleceſi* admota *Baſilica*,
Tux Inaugurationis famā clarior, magno Hōſpite im-
pleretur. Pertinebat enim ad primā Pontificatū Tui
auſpiciā

auspicia, illud Præsulei splendoris augustale, quod è Re-
 gni Cancellario, Cracouianæ Metropoleos Antistes
 Iacobus Zadzik, illâ ipsâ æternitati architectante ma-
 nu erexit, quâ tot alibi, vel templa Superis, vel ingentia
 in vsus ciuiles ædificia, nec non Orphanotrophia, hoc
 est calamitatis alienæ domicilia, suæ verò pietatis ac mu-
 nificentia monumenta excitâset. Alterum diceres BO-
 GORIAM, quem,

Magnificæ moles, & saxa loquuntur & aræ.

Nimirum, & amplæ illæ, tamque insigni felices imprimis
 Conditore ædes, ad inquilinam tot Præsulum maiesta-
 tem, tanto insuper hospitantis gloriæ Tuæ accessu illu-
 strari gestiebant: & Tibi pulchrum erat, in auctoratum
 recens verticem, intra illius inferre penetralia, in cuius
 iam olim eximias virtutes, par, ad maiores Regni ceras
 curasque successor, cum munere immigraueras. Quid
 igitur Amicissimo Dedicatori Tuo precer aliud? nisi
ut semper obliget, semperque obligetur qui Te sibi Colle-
 gam, nobis Pontificem, inter Fasciarum Tæniarumque vin-
 cula obligauit ad Aras.

Extremum est, quod itegerrimæ Fidei Tuæ incumbit
 Præcellentissime Antistes: Fouere Iudicium Principis,
 quod de Te habet: eundemque locum laboris & curæ,
 quem reuerentiæ dignitatisque retinere. Fauet ille suis
 in Te Beneficijs, additurus etiam perpetuitatem muneri,
 nisi eam aliundè flagitandam nôset.

SOLENNIS INAUGURAT:

Quamobrem, circumfusus undique, nunc Senatus,
nunc Equestris coronæ flore, collata in Suam Vnius Sa-
larem vota omnium Vnus audiat habeatque: Vt, si
Rempublicam ex mente, & utilitate omnium Ordinem
moderatur; si eius incolumitatem, si gubernacula in
tutelam Coelestium, recepta esse, vel fato hostium com-
perimus, ut finem facerent spirandi, quotquot in eius
Patriæque interitum conspirassent: si denique Se ipso
quotidie Admirabilior Meliorque appareret, ut diu felici-
terque contingat:

Illi Patriam, Illum Patriæ superesse.



ANNULI NUPTIALES,

Generis & Virtutum cælaturâ insigniti in sculptis vtri-
usque SPONSI Dotibus

Illustrissimi & Excellentissimi Domini,

D. SAMVELIS CAROLI

Ducis in Korzec KORECKI Gubernatoris Ropczye.


Nec non Illustrissima Domine,

D. SOPHIÆ DE BNIN

KONIECPOLSKA Castellana Cracouien.

*Inter usitata Magnatum Donaria & solennes gratulantium
plausus oblatis à Musis Collegij Send. Soc. 1651.*

IN STEMMATA GENTILITIVM.



Ex alijs alios Eques inclyte quæris agones?
 Non satis est tellus cursibus vna tuis.
 Ne Leschi vereare stylos; per Lilia tutum,
 Et Soleâ, & Gladio, Gryphs Tibi fecit iter.

DVX ILLVSTRISIME.

Congruos Nuptiali Pompæ, & Tue accommodatos
 Amplitudini Annulos, in Sacrarium Ducalis
 Hymenæi contulimus postremi offerentium, à solius
 pretio materie placituros. Nam artem illis, festinata operis
 præripuit aut diminuit necessitas. Inter motus bellicos, in-
 choati veriùs quàm perfecti, rix bene coalescere potuerunt.
 Ab Illustrissima SPONSORVM manu, caterù accipient
 nitorem

nitorem & formam. Insigniant alij suos Planetis annulos, rotulas horologij affabrè moliantur. Procul ego habeo à Vestris Annulis erratica Planetarum sidera, ex quibus solus Mars hic inscriptus. Recta hic & fixa omnia, à gloriæ circulo non abeunt; nec tam orbes aut rotae, quàm suæ fabri fortuna insculpti cernuntur. Nam, pro stellata illa Regina BONÆ gemma, collata utriusq; Domus natalium claritas & virtutes præfulgent. Erunt qui tam hilari argumento inuitati, expedient ad Coniugalia festa Musas, sed comptas, sed ornatas, & quales deceat tam lautis interesse Mensis; asfringent ipalmas, inspergent viam floribꝯ, ut quidquid fortunatissima Tantorum Coniugum vestigia calcauerint, (vel alieno tempore) Rosa fiat. Promentur exquisita Illustrium Donatiua, non sine honorificis præfationibus & applausu. Nos quorum à Tua beneficentia profectum munus, laudare est non donare, facem tantum addimus, ad quam sudata aliorum Panegyres, læta Epithalamia legi possint. Non durabunt fortasse quæ scribimus; attamen quasi duratura tributario gratitudinis affectu damꝰ. De humanissima facilitatis Tuæ admissione securi. Sanè in illo Magni Nominis Alexandro, non tam magnitudinem aut opes, non potentiam aut Victorias, non trophæa, & subactas ferro gentes, quàm lenissimā humanitate gloriosissimè triumphatas mentes impensius miramur. Genuinus hic videlicet Tuæ indolis character est, hoc emblemata, hic color. Hinc relucens illa in aspectu amabilis dignitas, ille ad gratiam compositus decor speciei, &

supra

supra hominem prona comitas, propensaq; in militares praecipue animas ad prodigium usq; voluntas, sparsis in commune beneficijs cumulata. Tolerabilius idcirco est, experientiam Tui militibus (quos ornas & armas) quam usum negari. Planè ut apud Te miles armamentarium, sacra familia stipendia, solatium pupillus, calamitosus opem, Calites deniq; sua inueniant ornamenta. Quippè redux ab Exteris, ita peregrinitatem auersatus es, ut eam nec in cultu vestiu ferre poteris, elargir' aduentitia illius ora serica in Diuorū apparamenta, ut quorum tutelā foris protegere, eorū Aras domi tegeres. Hi nos, inquam, vniuersalis beneuolentia Tua interpretes in spem erigunt fore, ut Nuptiales hosce Annulos, à diuissimo Nobilitatis Tua arario non excludas, Aurum auro non addimus, quæ IOANNIS SK ARBICII fortuna erat: non nostra, cuius Te munificum auctorem veneramur, non unam Tuo ex munere tadam ritè Nuptiali Tripudio praeferentes, ac identidem, votis Patriæ accinentes, praeunte Claudiano:

Continuent Superi, pleno Votiua fauore
Gaudia, successusq; nouis successibus addant.

ANNVLVS GENTILITIVS

Auiti Paterniq; Splendoris

ILLVSTRISMI SAMVELIS KORECKI

Ignorat rerum pretia aut confundit, quisquis Nobilitatem generis, fortuna pedes nuncupat ILLVSTRIS-
ME

ME Domine. Virtutis instrumentum est Nobilitas, nisi dotalem naturæ annulum dici malis, quo Equestris Gloria, nata aut quæsitâ sanguine, priuilegia consignat in maiorum ceteris. Nasci splendide Heroibus non fortuitum est sed fatale. Nec risus Zoroastri, nec Seleuco sua anchora tam est congenita, ut natalium claritas magnis mentibus. Concolores auro animæ Principum, fulgurant vel in cunis. Ex rudi etiam & informi conceptaculo, tamen scintillat adamas, & resplendet aurum. Præalta montium, & lucotum capita, prius & liberalius illustrat planetarum princeps. Exposita ab Astryage Cyri infantia, ex ipsis ferarum lustris illustrior processit. Facit magna ex Magnis Tua indoles. DVX Præcellentissime, ne nobis in abdita per antiquæ Nobilitatis Tuæ descendere altius necesse sit. Vibrans hic Tuus Tuorūq; Annulus, annis nihilo obsolescit, sed in luce totius Poloniæ ac Lithuanie positus, immò pollici insertus Tuo, assiduâ tractatione se ipso splendidior apparet ex vſu. Hinc ille collectus ex diuturno fulgor, dum sese intendit per noua Illustrissimæ affinitatis incrementa, ut hostium præstringit oculos ac euerberat aciem, ita Ciuium obtutus, blandè violentus pellicit pertrahitque. Fuerit Pyrrho annulus, in quo admirabili artificio, suis quæque cum insignibus Musæ & Apollo tenens citharam, non arte expressæ effigies, verum arcanâ quâdam naturæ vi impressæ cernebantur. Vnâ gemmâ ille Musarum

larum choros, prælidemque Heliconis Phoebum complexus est; vno Tu Annulo Principalis Prosapiæ Tuæ, ingentes Tuorum animas, (quod operosa Archimedis nequiuisset industria) conclusisti! Numen mihi quoddam est, non imbelles aut musicum (quale Pyrrho) sed bellicum & campestre, Tui generis Princeps OLGERDVS: non plectro aut lyrae, sed hastæ, sed acinaci, & Martialibus classicorum sonis à puero affluet. Quid hinc recenseam illa virorum, nec enim Musarum nomina, Iagellonem, Korybutum, Naribundum, Languinum, Lubartum, cæterosque germanæ deuinctissimos caritate Fratres, in hoc vnice anxieque intentos, ne plus paterni ad se sanguinis quam OLGERDIANÆ gloriæ deriuarent. Et verò deriuarunt in tantum, vt laureis per tot discrimina quæsitæ ac decerptis, orbem Lithuanix inubrauerint, & perfrigidum alioqui Septentrionem, calentibus animorum armorumque studijs temperârint. Atqui nemo istorum non rubis addictior quam tibijs Atheniensium, militarem Pæana, eruditæ cantibus, molli harmoniæ, Martis buccinas, modulato carmini, tumultus bellicos, Daphnidi Bellonam antehabuit? vbi gladiorum non fidiū percussione res geritur, frustra acendis militibus, Tyrtæi vatis numerosa adhibetur oratio: præsertim quod & virtus Martia suos habeat concetus, quibus consopitos generosæ mentis igniculos vel excitet vel adspiret. Ac tametsi magnorum fluminum plerumque

rumque ignorentur ortus, tamen ad summa peraugustæ
 originis Tuæ capita, (per trecentos & ultra annorum
 flexus & fluxus) relabenti mihi, illud suffecerit, si vel o-
 biter libare fontes liceat, ipso antiquitatis præiudicio ve-
 nerabiles & sacros, GEDIMINVM loquor & OL-
 GERDVM, duo fulmina Lithuanorum, duos vicinarū
 gentium Terrores, Liuonicis, Prussicis, Theutonicis,
 Moschouiticis, Tartaricis, quæ expeditionibus, quæ vi-
 ctorijs memorabiles. Quorum ille Vilnâ conditâ, Urbis
 auctor & parens, hic eâdem legibus constitutâ, subactis
 circum ptouincijs aut pacatis, paterno operi vltimam ve-
 luti manum adiecit, haud faciliè habiturus rerum à se ge-
 starum æmulos, nisi ex se, pro se victuros reliquisset. Sic
 ille raro feliciū exemplo, quasi alteram Elysi arborem
 in multiplices discerptam ac diffusam ramos, ad vsque
 florentissima suæ stirpis, (quam vnice repræsentas &
 alis) tempora felicissimè propagauit. Age patris & Tuâ
 virtute IAGELLONVM Fortunatissime, qui vt nascen-
 di, ita regnandi ordine maior Fratribus, à Ducali mitra
 ad Regium Diadema, ab hasta ad sceptrum, à claua ad
 clauum Imperij, suffragante virtutibus electione voca-
 tus es: tunc cum suppar tanto nomini CASIMIRVS M.
 vltimâ rerum lineâ, PIASTI lineam intercidisset, luctu
 omnium Ordinum comploratus. In Te vnum videlicet
 ac primum, *Casimirianæ magnitudinis*, & regionum mo-
 les operum incubuit, delati fasces imperij, aucta digni-
 tas ma-

tas maiestate est. Quanto olim tripudiaret gaudio, magnæ satur gloriæ OLGERDV3, si in Te suas coronari virtutes & promerita e vicino spectâset. Quum Te Principe, te & auspice Lithuani Ducatûs plena animæ membra, vnum Reipublicæ coalescerent in corpus, vnâ Principis mente & iisdem legibus temperandum. Credideri sacro illo è fonte, quo primùm in Tui Tuorumque salutem Cracouiæ tinctus es, tot publicæ felicitatis auctaria in vtrosque terrarum populos redundauisse. Eò hæc attinent paulò altius repetita, Illustrissime Vir, vt in confesso sit: quàm exiguo à Regibus confinio dirimaris, Tu qui OLGERDIANI à primordio generis, per IAGEL-LONICI serenitatem Sanguinis, vtrique congener, luculentum, à Maioribus, à Te illustrissimum deducis genus. Hæc insuper natalium prærogatiuâ singularis, vt militari in domo genitæ, ita exciperere, *vt profecto prius tu-
barum cantum, quàm nutricum nenas audieris, habuerisq;
pro crepundiis tympanorum sonum, & quam primùm hau-
sisti oculis lucem, armorum fuerit.* Mihi certè in Vestrum Equitem accuratiùs intuenti, illa subinde oboritur cogitatio, magisne in vitâ editi, an inuecti KORECIANI Principes videantur? vsque adeò in Equestres bellorum cursus, in equo nasci Proceres necesse est. E longinquo hætenus inter micantia Proauorum lumina Tuo contem-
platus in annulo DVX Illustrissime, propiùs iam admo-
ueor imaginibus, non marmore aut ære effictis, sed quæ

vt materiam & artem sibi debeant, à Te, formâ mentis æternâ animantur. Vt enim totam incurrit in palpebram cælo & solo Wolhyniæ aspectabilis Auus Tuus, ita Pro- uinciam Palatini honoris obire solitus, vt mitram inter ac purpuram positus, dum multorum vnus tractat mu- nia, Senatoris alibi, alibi Ducis numeros expleret. Re- ctè igitur, & ex merito ducendi per Wolhyniam ac mo- derandi exercitûs, more institutoque Palatinorum, de- lata ad BOHVSSIVM potestas est, cui Pacis æquè ac belli artibus erudito, & melioris militiæ instituta foris cognita, & domi legum iurisque patrij peritia in prom- ptu esset: vt consilij auctoritate in Curia, ferro in acie, illic consultissimus hic fortissimus, Catonem aliàs, aliàs referret Scipionem, manu pariter expeditus ac linguâ.

Quis Te verò IOANNES CAROLE Terrarum Wolhyniæ Castellanus, toto exstantem vertice non ce- lerrimè internoscat? Vno auitæ Nobilitatis Annulo Tua Vir Amplissime non capitur magnitudo. Miras tot o- perum celaturas, tot hostium spolia & manubias, castro- rum fascès, mitras Principum, Tribunalitias curules, Vexilla Equestris, nec ille ipse, qui vno omnes annulo Principes complexus est, Scriba Claudij insculpserit. Quis enim vel multa paucis tam prosperè includat, vt illam animi supra humanam eminentis magnitudinem ex- primat, quâ Sudermanici furoris carceres, & catenas (nam & in hanc eum Scyllam fortuna maris Balthici im- pulerat)

pulerat) nullo Patriæ aut suo merito perpeffus est. Nihil tam erat claufum ad exitus, tam feptum ad custodias, tam inaccessum ad alloquia, Sueticis limen insidentibus, ac verba, nutus, propemodùm & cogitata CAROLI obseruantibus ! At enim captiuo corpore mens libera aditringi vinculis nequibat. Quàm deinde iucundum Tibi, per aduersa ad vsum secundorum venisse ! postquam piratica illa inhumanitas ad Sux Columnam constantiæ infracta est. Tuo tune non Stoici è sensu didicisti : *Mare fortuitarum capacissimum; adeòq; molle virtutis non esse tiuocinium; quos experitur indurat.* Habet has vices mortalium conditio, vt fatis alternantibus versatilem scenam instruat varietque momento. Otenebras illius carceris, sole ipso clariores ! vbi primùm animo obortâ luce, & Schismaticæ caliginis deprehensâ à Te depulsâque nocte, & Theutonicæ vltionis edomitâ vinctâ, Suecorum pariter Græcorumque contumaciam, obstinatâ in arduis tolerantia peruicisti. Itaque ne tum quidem posito depressoquo supercilio, victus vincientibus altior, inter minarum fremitus, & conuicia (dicam nè Myoparonum) summis ridebas in malis ! vnicum Tibi calamitatis remedium innocentia, quâ Te inuolvens, tela interim fortunæ quàm minimum sentires, Etenim :

*Celare quinoiis sinistros,
Ille potest bene ferre casus.*

O illum duplici gaudio lætum diem! qui Te simul Patriæ desideratissimæ, simul Orthodoxæ restituit Ecclesiæ, votis vtrinque consonantibus. Atque ut solitaria plerumque non incedunt infortunia, prolusum opinor isthic à Te Fraternali fortissimi SAMVELIS captiuitatis adeoque Sueticas compedes, Othomanicarum fuisse omen. Equidè spectâsses in CAROLO alterû belli Turcici fulmen ô Polonia! nisi quinquennalis ille carcer (ô factum Sudermaniæ poenitendum) & vincula, penè erepto pedum usu, attritâ valetudine, vires non animum ademissent. Ergo ille retardatos, alienæ improbitatis iniuriâ Martis ardores, dum effusâ Beneficentiæ alacritate studiosius compensat, primum omnium auitâ sui Ducatûs in vrbe templum, Romanæ receptaculum atque Arâ Religionis molitus est; Bellum Ciuile fanis discordibus feciali aggressione indicens. Solo ætatis Honorisq; subfello, magno minor Parente, cæterùm fortitudine, ingenio, solertiâ gerendarum rerum, haud quaquam inferior, geminum virtutis in vtrâq; fortuna, extare voluit exemplar. Felix quod IOANNEM CAROLVM CHODKIEVICVM, Auunculum planè Hectorem, eiusq; insignia, materno cum Sanguine ad se traxisset: expressurus ad vnguëm pugnaces Gryphos consanguinei bellatoris: dein laudatissimo cum Fratre Lauream, ne solus vinceret, diuisurus haud ex vano, si Viro in omnem fortis aleam erectissimo, fracti ægritudine corpusculi habi-
bitudo

bitudo respondisset. Accipies Tu tamen eundem immortalitatis in currum SAMVEL inuidissime socialem germani fortitudinem, nec sine CAROLO magni sanguinis Compare, in Capitolium gloriæ vehêris. Verùm ego in tam continuo laudum Annulo, toties in gradum reiectus exitum non reperiam, nisi me inextricabili hærentem ambage, fauentior Ariadna, exorsæ felicitatis filo aureo expediat, suas inde festinantem in laudes.



ANNVLVS SPONSALITIVS,

Dotalium Virtutum & Sanguinis

Illustrissima Domina

SOPHIÆ à BNIN KONIECPOLSKA,

De Gente OPALINIA.



Entilitij fulgoris Tui annulari vtcunq̃ue euolutum orbe, Clarissimæ affinitatis *antiquo iterū me vis includere circo* MÆCENAS ILLVSTRIS-
SIME. Nempè aliud mihi ex alio negotium, iucunda felicitatis Tuæ cogitatio imperat, quod tanto priori obsequij cultu exequor, quantò certiùs Polono Orbi constat: à Te, Lectissimam vitæ lociam *in decus & gloriam esse adsumptam*. Facile desideria æquantem Tuā, quòd iam olim inuidendā viris conditione (magni
Dux

Dux fœmina facti) genus & fortunam suam animo adæ-
quauetit. Et quoniam pace belloque parata decora (Il-
lustrissimæ Consortis Tuæ dotalia ornamenta) in aureo
Nobilitatis Tuæ Annulo, nec omnia nec integra sculpi
possunt, excludi nullo modo; eapropter in tam frequen-
ti claritudinum congressu, commune mihi cum pingēdi
artificibus capiendum esse consilium animaduerto. In-
gentem illi hominum multitudinem perexiguâ comple-
xuri tabellâ, primos duntaxat agminis, integros effin-
gunt, alios pectore exstantes, summo alios vertice emi-
nentes, alios denique in turbam conijciunt. Eadem &
mihi consilij ratio, vt partem tantummodò de infinita
confinis gloriæ possessione, ad oram Annuli stylo exarem,
partem ad posteros commendatione transmittam, mul-
ta ad solam rectè factorum conscientiam, pleraque in
memoris Patriæ sinu recondam, æternitati insculpenda
nec tam laborabo quid illustribus omnium debeatur
meritis, quàm quid præsens multorum modestia pati pos-
sit. Quantumlibet intelligam, hîc omnibus implenda
vela ventis, hîc immitendos rudentes, hîc toto esse in-
genio nauigandum, vbi laureata Argo, vnâ cum suis
Proceribus ad insulam gloriæ vrgenda est, si vrgeri opus
habeat, quæ remis consiliorum commodius quàm Scri-
ptorum calamis promouetur. Præsertim quòd OPA-
LINIÆ Nauis, coronati suis laboribus Heroës, non
Colchici spolijs sed Lechici Imperij nutantem fortunam

(Senato:

preſſis manibus tenentis , & cùm alijs , tũm Pomera-
nicis præliis & Victorijs celeberrimi ; ſacris alij , alij
ciuilibus Legatorum munijs inſigniti , ſolo cæleſtium
orbium circuitu capi poſſe videantur. Ego ita ſta-
tuo : ſi quis ciuiliũ gnarus artium , aut politicioris
prudentiæ , longo uſu edoctus , tacitè ſecum repu-
tet, quale quantumque optari coniugium oporteat , vn-
dè certior publicæ felicitatis gloriæque accèſſio ſperan-
da ſit, eiufmodi illud ſolerti cogitatione expreſſurum : in
quo illuſtres cæx, æqualis nubentium ſplendor, pares
amborum virtutes, eodem annulo ligarentur. Quod ſi
pars magna felicitatis eſt, nòſſe ſe eſſe felicem , vide
PRINCEPS ILLVSTRISSIME , quantum pretij,
ſplendoriſque limatiſſimo alioqui nobilitatis Tuæ Annu-
lo accèſſerit ex gemma. Te loquimur heroicam pror-
ſus Nuptam ILLVSTRISSIMA KONIECPOLIA.
Quidni Te Ducalis Annuli Coronamentum, congruo
Tuis moribus prænomine gemmam vocemus ? quam Se-
natoriâ OPALINIORVM è domo, velut ex alto ma-
gni ſanguinis expiſcatus Polonorum Mars STANIS-
LAUS KONIECPOLIVS, ad conſignanda pectorum
votorumque arcana, iure Martialis connubij poſtularet.
Habiturus aliquando (ſi fata ſiuiſſent) quã cum dome-
ſtici molem negotij partitiſ, curas ipſe Caſtrenſes ani-
mo obiret, manu gereret, domi ſecurus, militiæ glorio-
ſus. Iam ſi experimento Plinij, inter coruſcantis cœli

tonitura gemmæ proueniunt generosiùs; omninò par e-
 tat illud nobile Margaritum, inter fulgura armorum, &
 frequentia classica, velut natali in solo, & acriùs inten-
 di, & splendescere viuaciùs, & in maritam primi Subsellij
 dignitatem grandescere. Et poteras Tu quidem planè
 maris animi Heroïna sub illo campestris tentorio fortu-
 næ, illo castrorum sub Præsïde & Parente, explicatis hic
 inde maritalibus Vexillis, Bellona iam videri aut armata
 Pallas; proque vetere Campi Domina inuocari: nisi a-
 cerba semper, & vel maturis æternitati Heroibus im-
 matura mors, erepto exercitibus Imperatore, Clauæ
 Hercule, Tibi Coniuge, triumphalia lugubribus confu-
 disse! Quem etsi omni coronarum genere ornatissi-
 mum, tamen etiam tum grande aliquid molientem, pau-
 cis à Nuptiali pompa mensibus oppressit! postquam tot
 laureas orbi dedisset, quot bellicosissimis quoque gen-
 tibus ad exemplum satis forent. Paulatim a suo decessu
 accedentibus ad Patriam fatis præmortuus, imperatoriã
 animã vitæ necisque Imperatori Deo redhibuit! Vetere
 effato: *Ducẽ belli, si bonus sit, haud posse per diu vitalem esse.*
 eatenus quoque percarum omnibus ac desiderandũ, quòd
 prospexerit ne desideraretur, relicto præliaris ingenij fi-
 lio, Regni Aquilifero, in quem Patria, inter bellorũ disci-
 mina subinde respectaret. Ita Supremus ille exercituũ Du-
 ctor, triumphali à rogo, facem Ducalibus tædis addidit,
 Tu eam reciproco omine trades hostib9, fatalẽ sibi pyrã
 his

his ipsis ab ignibus accensuro. At quorsum hæc tot nomina luminaque Principum conserimus? nimirum, vt Sagogorum & togarum ostentatione, collatis conglobatisque tot splendoribus, etiam caliganti ad alienam felicitatem inuidiæ perspicuum sit, ad quanta mutæ Serenitatis luminaria (ô vernantes flore ætatis animæ) nubatis. Vt iam Epirotarum Regi de laude nil concedas, accersitâ in Annuli ambitum vnâ è Gratiis, præ qua Musarum Numina haud optares. At nec illa sublimi Celsitudinis Tux de se iudicio pugnaciter aduersata, principem illum affectuum Amorem, victricibus Sponsi laureis inclinavit. præreptura haud dubiè palmam Liuiæ, cui præter ingenium experrectum & solers, tanta in commune consulendi felicitas, nihil vt consultissimus alioqui Octavianus Imperator vnquam suscipiendum putaret, priusquam Augustæ vxoris arbitria & sententiam explorâisset; eo boni publici, eo priuatæ securitatis exitu, qualem à solertissima iuxtà & fidissima expectari fas erat. Inuenisset sui nominis æmulam Arthemisia, à Xerxe in consortium tori & consiliorum adlecta; neque sola inter Proceres, raro Persarum exemplo, rariore faminarum priuilegio adsedisset. Ibis quin Tu etiam per sacraria Hymenæi, ad conclauiam mentis intimæ, eò dignior immitti in adyta cordium, quò illis fide melior, & vel ipso SOPHIÆ nomine sapientior, à forma pariter, & à virtute, suffragium accepisti: non

non aliud Tibi ex fortuna Mariti, quàm gaudium vendicatura. Præterquam quod omnes in Te virtutum species collegeris, vt patiuo luminum vigore prædita, nec serenam carbunculi indolem, nec cæleste Sapphiri ingenium, nec auream Chrysolitei gratiam desideres, per raris bonorum dotibus ex abdito verecundiæ collucēs! vt citra alterius inuidiam exclamandum sit:

Et hæc decora nube modestiæ,

Extinguit aurum vilius aspici,

Gemmasq; nolentes latere,

Sarbieu.

Moribus ingenioq; celat;

Aspasiæ modestiâ, Corneliæ facundia, Plotinæ tolerantia, Tanaquilis magnanimitate, longo post se interuallo relicta; vt dubitare cogamur: *Vtrum sit efficacius ad rectè viuendū, benè institui an feliciter nasci?* Sublata itaque est deliberandi necessitas, quàm potissimùm expecteres; Deo necessitudinum auspice id agente, ne tam pares animæ, dispare annulo clauderentur. Errare in persona Vir solertissime haud poteras, cui ex vsu est, vti casum in consilia non admittere, ita optimos quosque sub signa legere, ad Martis & vitæ militiam, è diuinæ mentis oraculo agendam; à Te præcipuè bellatricis familiæ morem, quàm moribus Tuis, quàm vestigijs armati Equitis continuò premente. Debese enim hanc Vir Illustrissime NARIMVNTHO GILINOVICIO, Tuos

in te.

Gemmatis

Meta-

NUPTIALES.

239

Metamorphosim: vt Centaurum, vetus Maiorum insigni-
gne, domo expediens manu-mitteret, commentitia si-
gnorum figmēta, veris nimium permutaret imaginibus,
fructu cōoptati Equitis ad posteros continenter trans-
misso. Hinc solenne est KORECIIS in hanc vitæ
ac generis lucem venire, immò inuehi armatos, vt simul
naturæ tentoriis euoluti, simul accincti militariter, famæ
hereditatem adeant, bella fortium bellaturi! Hoc sane
est, ad emerenda Martialis gloriæ stipendia, penè in cu-
narum fasciis conferibi, nec ante in vitiis censerī quàm
in armis. Nulla hñc adedò ætas non Marti idonea, vbi
controuersum esse cæperit: num optabilius sit nasci an
fieri Heroas? Nobis interea Sandomiriani montis e-
fastigio Martiales impetus incitatissimi Equitis Tui
mirari eminus liceat, non morari.

ANNVLVS MILITARIS

Bellicæ Fortitudinis,

Gemino eiusdem nominis & ominis SAMVELI

DVCIBVS in KORZEC

insignitus.



Nuptiali Annulo ad Militarem, hoc est, ab
aureo ad ferreum prouocor, Illustrissime Do-
mine. *Ferro quippè non auro miles indiget:*
Bellum ardore geritur non vitore. Quam vel-

Ff 3

let

Iet Pænus Annibal arctum (è bellicæ seueritatis præ-
 scripto) gestauiſſe annulum, qui ſoluto per laxamenta
 Campaniæ exercitu, æternitatis certiffimâ ſponſione ex-
 cidit, ad quam detractis Romanæ iuuentuti annulis, Vi-
 ctor palmarius nobile ius habebat. Quanto & mihi e-
 rat tutius, geniali dicatos lætitiæ verſare tractareq; an-
 nulos, quàm ſtriſtis micantium gladiorum fulgoribus,
 immiſtum, KORECIANI Bellatoris effuſiſſimam glo-
 riam lento paſſu vrgeret. Habe igitur Illuſtriſſime
 SAMVEL cum Victorioſo Patruo SAMVELE KO-
 RECIO, ſeparatum à Maioribus, gloriæ annulum, vt
 quanquam auita paternaq; illorum decora in commu-
 nionem à Te geſtorum admiferis, tamen in tanto ſan-
 guinis & virtutis conſinio, annis & annulis diſtinguatur.
 Et patieris Heroum glorioſiſſime, Turcarum Terror
 SAMVEL, ex immenſa Tuarum laudum ſegete, in
 faſcem æternitatis iam collectâ, vnâ à me proferri a-
 doream, offerriq; (ritu Orientalium) Tui Nominis &
 palmarum Heredi ac Nepoti SAMVELI, eâ lege,
 Connubialia Hymenæi ſacra inſtituenti, vt pacto bel-
 lorum ſacramento, ſponſum ſe Bellonæ meminerit;
 ſemel datam Marti dexteram, aperto ſemper probaturus
 in campo. Nec ſubuerendum mihi eſt, ne minùs à Te
 agnolcatur SAMVEL, cuius ipſe ſpeciem altè con-
 ceptam animo gerit, virtutem & palmas inhians medi-
 tatur. Vrget ille magnis etiamnum Patru calcaribus
 dome-

domestici Equitis bellatorem equum, ad metam æternitatis (ea enim demùm præfixa est) constitutum. Nusquam à calle ingentis propositi aberraturus, quia notis cordatissimo Patri Patruoq; itineribus, per vestigia trophæorum, iisdem propè passibus eòdem contendit; ne per speciem quidem (ut quondam versatili commento Vlysses) de laudum tramite decedens. Quantam Tu Excitatissimo Nepoti Vir Magnanime imposuisti necessitatem, ad ardua quæque Tuorum ausuum connitendi! Eo enim fastigio, deducta ad culmen Tua extulisti promerita, vnde utrique spectandus monstrandusque Orbi, quales in Asiaticū prædonem gerebas animos, testareris. Othomanica illa turris, in quam Te secundum iam amor triæ & Tuus ardor egerat (ne sic etiam satis captum) quid nisi Pharos inclyta videri debeat, ex qua Martialis animæ ignes promicant, per omnem quâ latè excurrit dispertiendi Europam. Ad Te cumprimis Illustrissime Domine, faces illæ generosi pectoris, consanguineo iure attinent, Tuis misceri tædis præoptant, Nuptialia conferre hilaria, nî abnuas, paratissimæ. Ut qui eas iam pridem ingentis virtutis immiscueris igniculis, ab iisdem (firmate iterum vota Superi) infelicem rogam feruis rebellantibus accendas. Ferunt Caligulam ex Oceani spolijs (ita conchas vocitabat) turrim altissimam, imaginariæ in signum victoriæ excitasse, de qua, velut ex Pharo noctibus ad regendos nauium cursus emicarent

rent ignes. Hoc vnum, inutilis cæteroqui Princeps, nau-
tis memorabile, maximum (vt rebatur) operum posuit
monumentū. At Tu, *Fama super æthera notus*, illa ipsa
è turre luculentissimam armorum flammam ostentas,
nauigaturis ad insulam gloriæ argonautis, quorum ipse
è collegio egregius, & quasi ductor *alii Nauita Sanguinis*
portum non soliti nominis attigisti. Nemo iam Bizantini
carceris Turrim illam, funestis multorum cædibus & mor-
tibus, atratam abhinc dixerit, cui idem ille immor-
talitatis candidatus, album pulcherrimā morte calcu-
lum adiecit; dum elisis dirè faucibus victorem spiritū
Deo exercituum celsisset: victurus! nisi Orthomanica,
ex metu trepidaret porta, ne, vt Philippo Macedonico
Periclis gladius, ita KORECIANVS Turcico fatalis
fieret dominatui. Habes tu tamen & iusti, amisso Pa-
truo, doloris, & iræ vindicis nobile irritamentum. Vnā
Tu quoq; ceruicem, sed voto dispere, Musurmanicæ
velles tyrannidi, ne illam, quot gentium tot capitum
belluam, Lernaâ fecundiozem Hydrā obtruncari toti-
es necessum sit. Hinc illa Tibi (dicamné à Scipione
Tuo transfusam) in perpetua bellorum meditatione
defixa mens! hinc expediti ad cursum Equitis elata
semper in ictum dextera; nec vnquam irritis circum-
acta momentis. Quàm optabile Tibi DVX Illustris-
sime gestienti nôsse: vbi aut quemadmodum Turcarū
illud Scytharumq; fulmen SAMVEL, secundis ho-
stem

stem prælijs fuderit, incurfantem auerterit, prædabundum contuderit, & quæ Polonicis onustum, quæ Vkrainen-
sibus auctum spoliis circumuenerit, ac velut Numen quoddam captiuis opem tulerit, abacta restituerit, vindicauerit. Quàm porro magnificum habere in numerato pugnas & victorias, Dacicis, Moldauicis, Zaporouiticis excursibus quæstas & repertas. Quid actam in castris ætatem? quid pericula vltro adita & exhausta? sudatas in galea æstates, tolerata militiæ hyberna, libatum hosti sanguinem, Tyram transmissum, Borysthenem, Danubium, strage barbaricâ cruentatos. Quàm denique iucundum Tibi, illo Duce, quo & Patruo, hodieque è castrensis disciplinæ legibus (si res ferat) ferre in ediam, ferre sitim, omniaque militaris disciplinæ modo finita, & quasi annulo coarctata habere. Nam locorum opportunitatem, itinerum interualla, oppidorum situs, pagorum positionem, fluuiorum nomina obseruare ac pænè digito monstrare vsitatum. Veniet igitur fuitque iam tempus, quum Te cupido incesset noscendi, qui sudores eius Cersoræ campus hauserit, quas cruore fossas tinxerit, quibus eruperit munimentis, & modò singulos Turcarum centuriones voce, & manu prouocauerit; modò è proximo adequitans, modò instans, ferocius, agmen hosticum turbatis Ordinibus protriuert, Chmielecio & Farensbacchio, virtutem pariter & exemplum secutis: Skinderbassio iuxta & Cantimiro admirantibus

fortitudinem, quam odissent! Nunquam sanè ille
 Cetforenses ad Cannas, tristi exemplo, cæsis captisque
 ducibus, deleto fugatoque exercitu, primæ Nobilitatis
 flore decusso, Ducis capite superbissimè ostentato, spe-
 ctasset cladem, nisi grandibus captis inimica semper
 discordia intercedens, fortunatos ad eam usque diem
 successus **ZOLKIEWII & KONIECPOLII**, rescidisset!
 Adeò longas in hostem Tuo Equiti manus natura indi-
 dit liberalior, usus gladium expoliuit in cote aduerso-
 rum. Illum, inquam, gladium, tot decorum patratore-
 rem, publicæ salutis vindicem vel auctorem, ultorem
 certè barbarorum, perdomando fastui Saracenico vnice
 factum, eminùs & cominùs formidabilem; quodque
 longè gloriosissimum *septiestriumphalem*! Itaque non
externo monitore petendus, virtutis Tibi pulcher amor,
 cum præstò domi habeas acerrimum hortatorem, in
 cuius nomen, & mores, & præliarem genium immigrâ-
 sti. Demetrium Iwanowicz, Moschorum Ducem re-
 centi victoriâ insolentiùs elatum, & arma inuictò ad id
 temporis **OLGERDO** Lithuaniae Principi superbè mi-
 nitantem, nobili facinore còercitum accepimus. Misso
 etenim per tibicinem accenso fomite, (feciali bellorum
 interprete) illud insuper monebatur Demetrius; Olger-
 dum, antequam hæc ignium fomenta deflagrauissent, af-
 futurum illicò, deque improbâ illius, & præferoci super-
 biâ positurum trophæa: nec irritas fuisse minas compro-
 bavit

bavit euentus; quum hastâ in arcis pariete defixâ præfra-
 ctâque hostem prætumidum domuisset. Ex illo tu vi-
 delicet fomite tractis in præcordia incendijs, in rebelli-
 um perniciem exarsisti, non ante desituro belli fomite,
 quàm decissent hostes. Quid hîc memorem subitarias
 excursiones Tuas, iam obsequio Principis, iam securita-
 ti Patriæ, iam Ciuium fortunis, vitæ, sanguini, officiosè
 impensas; ad pompam in publico, ad gloriam in exer-
 citu, in Curia ad patrocinium Æquitatis. Ecquis mirari
 satis nè dum effari possit, per exiguis Tuorum copijs, la-
 trocinantes rebellium centurias, immò integras fermè
 colonias ferro compressas! palantibus per agros profu-
 gorum reliquijs, facilèque in Tuam venientibus potesta-
 tem, qui præ timore exierant de sua. Neque utendum
 Tibi in sicarios clementiâ putauisti, quòd peremptos à
 se Dominos, violata Procerum sepulchra, perfossas tem-
 plorum aras, Sacra modis indignissimis proculcata fate-
 rentur. A parsimonia vilissimi sanguinis commendari
 tum Tibi præposterum videbatur; cum suas effrenata
 rusticanæ impotentiae vesania partes ageret, capace furo-
 ris in circo. Stabant igitur præclari Tuorum facinorum
 testes tumuli, & aggeres, è congestis cæforum cadaueri-
 bus assurgentes. Erunt illa nulli obnoxia inuidiæ, nullis
 demolienda seculis, & Tuæ trophæa fortitudinis, & exe-
 cranda feruilis contumaciæ monumenta! Tunc enim-
 uerò, si vnquam aliàs famâ prælentiae Tuæ latissimè cir-

cumlatâ Pacificator Volsyniæ auditus es, confluente
certatim ad Te velut ad aram salutis publicæ, exulante
& decisa Nobilitatis fortunâ; *quando tempestatem fugien-*
tibus, omnis pro portu statio habebatur. Equidem per il-
lam ciuillis procellæ tempestatem, serenius Tua enicuit
indoles; accedente hostium confessione, Te illum à
Pæruo gladium & brachium in vsum non in speciem ac-
cepisse. Magnum est ipso Tui Nominis terrore securi-
tatem vrbium fundâsse; admirabilius tamen non dubi-
tâsse, ne præstari non posset, quod incredibili celeritate
posse fieri docuisti! Quis Te autem (nisi hostiliter Tu-
am admordeat lauream) à Zborouiani Martis gloriâ, se-
cernat abstrahatue? Quo enim nec triarium parendi ne-
cessitas, nec gregarium vlla mercedis auditas impulif-
set, eò Te Tua virtus tutandæ saluti Principis deuotissi-
ma, per aperta Tui capitis discrimina, vitæ immemo-
rem, memorem Patriæ rapiebat; insonante identidem
tubâ Liuij: *Melius peribimus, quam orbari Patriâ viue-*
mus! O virum lucis æquè ac hostium contemptorem,
elato fatorum sub ictu intrepidè perstantem! Cuius id
tandem fuit animi, summam periculi in se se auertere,
vel sustinendam acriter, vel fortiter frangendam? Quod
si primâ expeditione Dux æstimatur, sola hæc (vt abes-
sent ceteræ) ad omen futuræ prosperitatis abundè suffi-
ciet. *Non magis ex inspectis cuiusq; in ortu sideribus, reno-*
tem vitæ præcinnunt coniectores, quam ex Tuo Equite pro-
deun-

deunte in aciem, reliq̃ æ cursum militiæ præsentit, experientissimus bellicarum artium & mentium IOANNES CASIMIRVS, alterum suo Exercitui SAMVELEM, & sibi gratulatus. Datum hoc erat virtuti incomparabilis Patru Tui, vt quanquam *Rectè facti, fecisse merces esset*; tamen Regale SIGISMVNDI III. (laudum parcissimi) commereretur Elogium: *Haberet plures Polonia Koreccios, profectò Scytharum irruptionibus Polonia, haud pateret.* O verè supra fortunam Achillis, fortunati ambo! eò maximè nomine, quod pro domestico laudatore, à basilicâ tubâ par præconium acceperitis! Illo Tu tamen felicior Samuele dicendus es ILLVSTRISS ME SAMVEL, cuius obsequium, fides, ardor bellicus, non auribus, sed oculis præsentissimi Principis libatus est, virtuti verò puluerulentæ & sudoribus perlitræ, eadem in acie subscriptum! Nec est quod vltra promouea n in panegyres calamum, vbi vno omnia supremæ Maiestatis elogio exhausta sunt; vt iam formandi nesciendiq̃ue mihi reliquos virtutum Tuarum, annulos vltior abrupta sit cogitatio. Posteaquam Sarmatici Traiani iudicio & oraculo laudatissimus, sparsam per contubernia militum famæ gloriam, ad nostram quoq̃ue, & futurorum conscientiam extendisti. Quocirca captos à me institui, quâ munificæ pietatis, quâ tribunalitiæ æquitatis Tuæ Annulos, facile patiar peraugusto hoc regalis encomij, annulo consignari.

cordi est, quàm suorum desiderijs, vel cum Naturæ præiudicio morem gerere. Cæcâ veriùs quàm constanti fortunæ indulgentiâ vsus Polycrates (hoc est infelicitis exemplum felicitatis) experturus an esse infelix aliquando posset, iacto in mare annulo expectauit; sed auarum alioqui elementum, gemmam respuens (ceu proiectum temerè beneficium non porrectum) restituit in pisce. Missos à Te in Mare Gratiarum Annulos, reciprocante Oceano redituros ad Te in Æternitate (quam Annulis desponsasti) præstolare. Quin & in tempore, votiuum pignus optato pignore repensura Dei & Hominum Parens illa, *simili faciet Te Prole Parentem*, has ipsas olim perrepturâ ad Aras. Ita faxit Summus fœderum Arbiter, & Sancitor Affinitatum. Ita Concordibus Amicorum, Patriæque optatis fauens, plaudensque subscribat Cælum.



MAVSOLEVM.

EQVITIS KORECIANI

Aeternis Virtutum Gloriæque Characteribus
Inscriptum à Collegio Sendomiriensi Societatis IESV.

Inter Exequias

Illustrissimi & Excellentissimi

D. SAMVELIS CAROLI

KORECKI,

DVCIS IN KORZEC,

Gubernatoris Ropczyensis, &c.

Sub Auspicijs Illustrissimi Heredis

SAMVELIS COMITIS à LESZNO

Palatinidæ Derparenſis

Anno Seculi, M. DC. LII.

IN EQVITEM KORECIANVM.

S.

D.

G.



K.

K.

R.

Parcite Curriculo, Spes & Fortuna: Supremas
Constitit ad metas KORECIANVS EQVES.

AD

EQVITIS CORECIANI
AD ILLVSTRISSIMOS
HEREDIS TVTORES COMITES
à LESZNO.

242

BOGVSLAVM LESCZYNSKI Thesaurarium Re-
gni, Maioris Poloniae Generalem, RAPHAELEM LE-
SCZYNSKI, Succamerarium Bresten.

Festinatâ SAMVELIS KORECII in morte,
fatis an hominibus irasci oporteat, ii viderint,
quibus in abdita rimari mos & fas Illustrissimi
DD, Mirari volucrum rerum humanarum cursum, non
indignari, eos convenit, qui ut ad Aeternae mentis arbi-
trio sese inflectunt, ita euentorum causas altiores habent iis
quae cernuntur, & sparguntur vulgò. Vti Secula & Ho-
mines, ita ortas ex utriusq; familias interire, fatale est.
Habet in promptu marens Patria, qui, cum illustre à
Maioribus genus non accepisset tantum, sed & fecissent,
hodie in solis Annalibus, prosapia vitam habent. Et for-
tasse non incòmodè (si Tacito assentimur) Rebus morta-
lium còsuluit natura, ut sua ora fluminib⁹, suos & cursus,
utq; originem ita fines daret. Vivit attamen, vivetq;
factorum melius quàm fastorum memoria SAMVEL suo
immortuus OLGERDO. Quanquam quid exhaustam
querimur KORECIANI venam Sanguinis, in superstiti
Fortuna Heredes ad quem paternis maternisq; auctum splen-
doribus, Martiales KORECIORVM virtutes & insi-
gnia iu-

gnia, iure hereditario transferunt. Formidabile hoc Tur-
cis nomen, quod in Te ad viriusq̃ SAMVELIS, hoc est,
ad Aui & Auunculi gloriam adolescit cum annis. Ma-
gni SAMVELIS Heroicâ planè Filiâ prognatus, quidni
Martiales viri spiritus in Te transfusos cogitemus. Equi-
dem in Vos, Illustrissimi Domini, magnis retrò subnixos
Maioribus, hac tam subita principalis fastigii incubuit
ruina. Vos velut supremas labantis Illi reliquias, aspe-
ctabili gentis Lesczintæ Palatio excepistis, Ducalibus auo-
rum Statuis & imaginibus, Vestra inter Vestrorumq̃ de-
cora collocatis. Nobis, qui è vicinia Pii Manibus benè
precaturi accurrimus, hoc in funere postremis, si non e-
mortalis straguli lacinias manu sustinere, at licebit, saltem
inter Vmbra magni corporis sequaces hic censerì.

D E O

ET MEMORIÆ POSTHVMAE
SAMVEL CAROLVS KORECKI

Hoc à Patre, illud à Patruo nomen inditum,

Vtrumque ex dignitate vtriusque gessit.

Primum id prolis Heroicæ elementum est:

Patritia virtutum vocabula reddidisse factis.

HINC

Senatoriam Aui mentem, peritiâ consulendi:

Præliarem Patruigenium, studio armorum:

Ciuilem Patris prudentiam, dexteritate agendi,

Compen-

EQVITIS CORECIANI

244

Compendio in se transtulit, & absolvit.

Nimirum

Excellentis naturæ est, rapi in similitudinem suorum.

Vitæ Annales, non tam ætatum discrimine

Quàm domesticis carorum funeribus distinxit.

Puer admodum, fatis præreptâ Matre,

Bullam pueritiæ, pullâ veste afflixit.

Adolescens Patre orbatus

Prætextam posuit paternis cum exuvijs.

Ætate vir: Togam & Sagum

Pacis & belli vsibus quoad licuit, detriuit.

Cyrum dices à puero iam inde expositum aduersis;

Quasi præbendus fortunæ fuisset,

Vt contra ipsam, ab ipsa duraretur.

Ne tamen orbitatis damna sentiret,

Parentum locò, altrices Honesti literas adamavit.

Vel ideò maternis abstractus à complexibus,

Quò maturiùs Musarum illicio caperetur.

QVIPPE

Nec simplex atas capi solet, quin spe aliquid præmorderit.

Quamquam facilè bonis artibus, optimi quiq; inescâtur.

E fidissima integerrimi Tutoris providentia

Egregios doctrinæ morumque nactus eruditores,

Metum & Cupidinem,

Duos iuventæ scopulos impunè transmisit;

Arcadijs & Theodosijs hoc laudabilior,

H h 2

Quòd

Quòd terrorem non incusserit Arsenio,
 * Ducali in Collegio, principem sui partem excolere aggressus,
 Ad sublimia operum, cæptis grandibus prolusit;
 Ut iam tum dignaliteris videretur gesturus,
 Quòd sic literas deperiret.
 Nunquam non propitiam expertus Palladem,
 Quiduis ab ingenio impetrabat suo.

SED HEV!

Literario in ludo prima ludentem O'lympia,
 Obiecto Patristumulo, mors pedisequa tardauit:
 Hæc Terminalia, ludosei clausêre Prætextatos!

AT ILLE

Quam studia præcipiunt pietatem
 Aliàs in cultu & obsequijs,
 Hîc in luctu & Exequijs, executus,
 PARENTEM PARENTALIBVS complorauit.
 Nemini æquius immortalem precatus lucem,
 Quàm à quo ipse accepisset mortalem;
 Nec vlli iusta iustius exsoluit, quàm Iuris vindici
 Tribunalitiâ ex vrbe ad Diuinum euocato Tribunal.
 Et en consimilem sortis ordinem ac euenta!

Paternum e viuis discessum,
 Suâ ad Exteros profectione excepit.
 Ita diuersis ambo, viæ vitæq; itineribus, Patriâ excessêre;
 Laudatissimæ in longinqua excursionis,
 Præter fortunam comitem, & famam prodromam

* Ostrogij,

Colle-

EQVITIS KORECIANI

Collegas (iure sanguinis) adlegit Principes:
 CASIMIRVM & MICHAELEM CZARTORISCIOS,
 Stirpe Regiâ, ingenio eminenti germanos;
 Libenter illic studiorum stadia decursurus,
 Vbi genere, annis, & animis concurrerent Æquales.
 Et appositè, Trium Principum ingenijs
 Principes in Stiria, Austria, Belgio, Academia quæsitæ:
 Vt qui iam spe ingenti Patriam implèssent,
 Nationum gymnasia sui admiratione erigerent.
 Mitioribus primò, dein seueris instructi disciplinis,
 Vtrasque Humanitatis in vsu, & officijs expressere.
 Martius alioqui Olgerdi & Vitoldi sanguis
 Pacatum doctioris Mineræ in amorem caluit!
 Tullij & Aristotelis eò studiosior,
Quòd Orationem alter, alter excoleret Rationem.
 Octo Physicorum libros,
 (Quos orbi inuiderat Macedonicus.)
 Intelligendi possessione suos fecit.
 Apud Belgas Philosophatus Princeps, *In Coll. Soc IESV*
 Peripatetici Principis, acri defensione, Patronum egit.
 Ethicæ, Politicæ, Mathematicæ percupidus:
 Quòd prima Hominem, altera Ciuem Patriæ,
 Tertia Bellatorem imbuat.
 Pacis tamen artibus Equestrem libens adiecit,
 Vt pote suo EQVITI consecretaneam.
 Septennio externis immoratus Nationibus.

Temporis impendia, experientiae lucris redemit.

ID PLANE EST

Ætatis florem foris non exterere,

Vt fructum domi legas.

Libertatis prærogatiuam

In licentiae titulum nè transferret,

Sui ipsius imperio, non Parentum supercilio effecit.

Italiae vrbinitatē, Germaniae candorē, Galliae comitatē,

Ad Lydium moris patrij explorans,

Nil in moribus absonum,

Nil in cultu arrogans admisit;

Vellicante aurem Curtio:

Generosius quidlibet suo nasci in solo.

Trans Alpes EQVITI suo peruias,

Ingens Mediolanum capaci indole impleuit.

Inde in publicum Orbis hospitium diuertens,

Romanam pietatem cum sermonis puritate hausit.

Armorū tractationē in Schola Martis Belgici edoctus

Militiae tirocinia, exemplis fortibus terminauit;

Cum paullò post

Patruī speciem altè animo conceptam

Cruentis ad Zborouiam impressionibus expressisset.

Vnâ illâ Expeditione testatus:

Quid in Patriā amoris, quid animi in Rebelles haberet.

Equo glande plumbeā traiecto & lapsante,

Propè ad metas vltimi discriminis accesserat,

Nisi

EQVITIS CORECIANI

240

Nisi confidentiæ suæ causam
In Matre exercituum, reperisset;
Cui sponsalitijs olim subarrhatæ Annulis,
Gladium & Brachiû votivâ sponsione dicauerat ad Aras.
Regni ad Tribunalia Deputato persapè Iudici
Non aliud Sententiæ pretium, quàm rectè iudicâsse.
Nempè, in fastigio Principalis Fortunæ positum
Omni affectione superiorem aut intactum fuisse par erat.

A natura præstanti

Dignum Heroico spiritu domicilium sortitus,
Decorâ proceritate oris ac vultûs maiestatem auxit.

Quo tempore,

Nouo propagandæ gloriæ vsus artificio,
Tot nominibus suorum Ciuium Pater exstitit,
Quot (amoro seruitutis iugo) liberos esse iussit.
Optimè cætera meritis de Repub.

Vni in se querimoniæ locum fecit:

Quòd ruente in se KORECIORVM Domo,

Suæ Posteritatis generi non prospexerit;

Cuius negotium acturus improspere,

(Præposteris fatorum itineribus)

Non tam ad Nuptias perrexerat, quàm ad Næcias.

Verè inequitas omni gaudio suus Dolor!

EHEU!

Momento variabilem persouatæ Prosperitatis Comœdiam!
Tragœdiam veriùs dixeris.

Ad

MAVSOLEVM

Ad cereos mortuales actam!
Medeæ geminam, nî extra fabulas gesta esset.

Et hîc videlicet,

Nuptialium ignium festiua lux

In ferales abiuit lychnos:

Thalamus Tumulo commutatus!

Ita, Connubialis Fidei rata primùm foedera

Tristi diuortio, festinata mors rescindens,

Maritali è tæda rogum accendit sepulchralem!

Non facile crederent Posterî,

Trium non nisi Parcarum ministerio

Abrupta in vno tot Heroûm stamina;

Nisi auxiliares plurium operæ accessissent.

Nihil attamen molita est sæua Atropos,

KORECIANO EQVITI laqueis extricato

Expeditor ad immortalitatem cursus patuit.

Facebant vmbraë Stygiæ,

Veris hic assuetus periculis,

Vmbra non persequitur, nec timet.

Hippocentaurum ne credite monstra Tartari, Bellator est:

Liuonicis, Moschouiticis, Theutonicis,

Turcicis, Tartaricis,

Prælijs, victorijs, foederibus, tã metuendus, quàm mitis.

Quin Tu ei da viam Æternitas

Aliam alibi felicitatis orbitam inituro.

EQITIS CORECIANI

260

Anno Currentis Seculi, M. DC. LI.

Vitæ cursum gloriæque, cæpit verid's quàm exegit.

Inter ludicra Saturnalium hilaria,

Saltatorium cæteris orbem versantibus

Hic ad momenta æternitatis, vel toro fixus, circuegit sese!

TANDEM

Sacro Cinerum dic (mortis attende religionem)

Commune spoliū naturæ,

Cælo animam vestigalem

Morbis exactoribus redhibuit.

Enimuerò & his Defuncti Cineribus

Magnorum capitum vertices salubriter adpersi sunt.

Hic demùm

SAMVEL CAROLVS KORECKI

Per Regia Iagellonicæ propinquitatis confinia

Deriuati ab OLGERDO sanguinis riuos clausit.

ELATÆ SECVM FAMILIÆ

SVMMVM FVNVS!

Age si sapi's, ô Hospes:

E fatali, Magnorum siderum occasu,

Et tuam ipse vesperam ominare.

ROSA HYBERNA

In Divo Martyre

STANISLAO,

Antistite Cracouiensi, & Poloniae Tutelari efflorescens.

ILLVSTRISSIMO DOMINO,

D. STANISLAO à SKARSZEW,

SKARSZEWSKI, Castellano Woynicensi, Sam-
boriensi & Drohobicensi Gubernatori,

Mæcenati suo fauentissimo.

Religiosi Xenij nomine oblata ab Auctore.

Rara placent. Primis sic maior gratia pomis.

HYBERNÆ pretium sic meruere ROSÆ.

*Martial. l. 4.
epigr. 22.*

IN GENTILITIVM INSIGNE EIVSDEM.

S.

S.

C.

W.

G.

S.



I.

Nunc vacuus frugum est, quia dando seminat. olim
Messis erit: frugum plenus Aceruus erit.

II.

Condere debet opes: hic opes exprompsit Aceruus.
Scilicet, ut promat, condit Aceruus opes.

Ad

ROSA HYBERNA.

262

ILLVSTRISSIMI DOMINI

D. STANISLAI à SKARSZEW,
SKARSZEWSKI, Castellani Woynicens.
PANEGYRIS ALLEGORICA.



*Florescentem exhiberi hyemem sicuiquam videri
possit nouum atq; insolens, Tibi minimè nouum,
qui ad lucem eximie, quâ polles eruditionis, iam
antea videris, simul rigentem, simul ridentem
floribus brumam, sapissimè Romanis olim fuisse in delicijs.
Eo enim loco mensarum voluptas fuit, ut pretia lautitia-
rum, minora duceret Romanâ dignitate, nisi conuiuiorum
exquisitos apparatus, quesitis peregrè, alieni temporis flori-
bus coronaret, & palati ac cœnarum illecebras, videndi atq;
odorandi illecebris augetet, inuersoq; temporum ac rerum
ordine, astates hyemare, hyemes vernare, æquè importunè,
ac iucundè cogeret humani luxûs ingenium, legumq; naturæ
impatiens opulentia Romana. Mibi verò meæ in Te obser-
uantia Tibi tot nominibus debita causa est, ut noui ac floren-
tis anni auspicio, votoq; feram ad Te florentem, & Rosæ
purpurascentem hyemem, quæ ut semel parientis Virgi-
nis, Deiq; vagientis prodigia conspexit & ipsa subi-
tò ad secundam prodigiorum indolem, asperitatis obli-
ta & algoris, in florem roseum, an igneum? exarsit. Neq;
illa amplius admiranda inter ostenta numerat, alienissimo
tempore efflorescere vineas Engaddi, exorto in terra Vir-*

gine, fragrantissimo CAMPI FLORE. Neq̃ ego alio certius, quam florentis brumæ argumento testari possim viuam in me, ac florentem vernare Tui, Tuorumq̃ erga me meritorum, ac beneficiorum memoriam, quam Tu letissima benignitatis Tuæ aurâ recreare solitus, effecisti, ne hyberno etiam in Sole obrigescat. Illa est, quæ Fauonijs Tuæ gratiæ animata, etiam inter hyemis rigores incalescit in flores, quasq̃ è terra elicere non possit Rosas, vel è calo deuocat, aut cultura sua operâ, partuq̃ animi tum producit in lucem, cum Flos è radice lætæ in terris ortus, hyemē rigentissimam animorum potius quàm terrarum, æterno mutaturus vere, spem ac desideria seculorum recreauit. Quæ cælestibus tam diu rosariis efflorescit Rosa, cum Tibi nouis pictam coloribus domi Tuæ exhibet, eò dulcius spectandam, quòd, vt cælestis sit, etiam Tua sit. Tuum loquor STANISLAVM, quem non eò duntaxat nomine Tuum habes, quòd præcællustum Parentum pietas, vt æternum daret Tutelarem, cognominem Tibi fecerit: sed etiam impensius, quòd Tu clientela Tui Præsitem fidiissimum, & sponte adlegeris, & venereris semper religiosissimâ voluntate. ROSA est Illustri Maiorum primum, demùm suo sanguine purpurata ad aras, quum publico vitiorum dedecore, nolens erubescere servus idem libidinum, ac gentium regnator, non tam terris demessuit, quàm celorranstulit, sibi imprimis amicum ad aras, tot vulneribus rubescentem! Non dedignaberis aditu, conspectuq̃ florem, quem perenni cultu, ac studio, Tuâ inquam religione velis, quam

quàm cultissimum, atq; ornatissimum. Admitteres, quem complecteris pietate, atq; ad Te festinanti promptam voles, obviamq; Tuam illam indulgentiam, Divis aequè ac mortalibus cognitam, spectatamq;, quâ ut Caelites non admittis tantum, sed cogis etiam! ea est vis laudatissima Tuae pietatis: ita miseris, & egentibus apertam semper exhibes, & paratam! Nam, quem alium egestatis alienae sitis fontem, aut fames agrum peruium magis & apertum habet? Inuitas ad usum beneficentiae Tuae, cum Te nulli indigentiae inaccessum reddis eò subleuanda promptior, quò facundius apud Te & ipsa pro se perorat. Coelestem calamitati alienae, domi Tuae fortunam facis, dum abstergis omnem lachrymâ, quae lugubri liberalitate profusè impenditur infelicitati. Antiqua nomina Maecenatum nostro seculo reddere videris, adeoq; nouum restituere Titum nolentem dies perdere, quos tu non tam momentis, quàm beneficijs distinguere solitus, nouam plerisq; cum Sole oriri fortunam, occidere calamitatem iubes. Et quamquam, in Solis morem, communem facis omnibus benignitatis Tuae lucem: præcipuum tamen illius usum semper esse voluisti Religiosis familijs, quae Tuae beneficentiae impendijs obarata, caelestibus tabulis certam Tibi nominum cautionem inscribunt. Tu cum facias Tibi creditores, ita auges in alijs debita, ut simul aboleas; quòd beneficia beneficijs cumules; veluti priora è vestigio succedentibus deleturus. Atque ut praeteream alia, quae Tu in egentium animis, ac caelo moliris munificentiae Tuae monumenta; quantum est Sarn-

boria theatrum benignitatis Tuae! videri & ipsa possit felix;
 ut olim Arabia, quia vicina Soli: quod illi vicinus afful-
 geas. Transiit illa iam, in amplissimum Tuae opulentiae cam-
 pum, in quem se uberiùs beneficentiae alueis effundit, quàm
 Nilus in Aegyptum, aut facunda nubes imbrium in arentes
 agros. Cetus militantium sub virtutum signis, auctorati,
 Sacramento Christianae paupertatis, quantum se angustijs
 professae egestatis coarctant, tantum Tu, ne angustijs pre-
 mantur, parcissimâ liberalitate occurras. Adeo virtute præ-
 stas, quod gentilitio magni Sanguinis insigni exhibes, ut hor-
 reum aditu peruium, Aceruumq; frugum nulli inaccessum,
 promere subleuandae calamitati alienae, quàm propriae utili-
 tati condere promptior videaris. Hoc Tibi ornamentum &
 illustre à Maioribus genus, & amica virtuti Tuae fortuna,
 consignauit, quod nō inane feres: feres ideo, quod talis esses, qua-
 lem Te & usu agnoscimus, & in gentilitij Sanguinis eximio
 schemate, velut propriâ formâ, figurâq; expressum legimus.
 Alijs illud fuerit auitarum laudum vacua ostentationis
 causa, Tu promptitudine largitionis, supra tot illustria
 aliarum laudum decora, illud meruisses, nisi reperisses do-
 mi, quod propriâ refingeres imitatione. In Te Tuâq; admis-
 sionis facilitate video, quod Tuo in Aceruo lego; quem nullo
 clausura sepimento spectantium offers oculis, quod & Tu dif-
 ficultate aditus & gratia, sepius Tuae affluentiae fortunae nolis,
 peruius calamitati alienae, miserentis ac donantis animi affe-
 ctu, quem perinde atq; horrea aperta egentibus patere sem-
 per

per t. obisti. In ipsis salium fodinis quam Tu aliam profundius rimaris fortunam, quam quæ in vberissimam excrescat beneficentia sementem? ut non aliam in Te salille accendat sitim, quam benè de omnibus merendi, nec plus commodi ex illo natura scaturientis puteo velis educere, quam facilem Christianæ liberalitatis fontem. Dat ille Tibi felice proventu, unde aliorum vel aduersam fortunam temperare in spersis largè salibus, vel lacrymas condire possis; in hoc ultra morem liberalium Munifico, quòd quibus nec aquam gratis dedisset Antigonus, Tu salem aequè ac panem liberaliter elargiris. His exporrecti in dona animi, & animo respondentis dexterae argumentis, an non facile in Tua tela suo purpuratum sanguine STANISLAVM traxisses? An illa non implèsset magnus ille Hospes, in cuius non modò nomen, sed ingenium, virtutemq; transieris? dum vix ille ab inopia alios, alios ab iniuria vindicabat, Tu non solum nominis sed etiam virtutis heres, eadem in Te decora, verissimâ similitudine translatisti. Hic Tibi aditus primarum laudum, hac iustissima ratio consequenda gloria, cuius Tu possessionem eò certiore adiisti, quòd suffragiis omnium, Viri optimi ac integerrimi nomen consecutus, (elogium maius omni Oratorum assentatione, & Historicorum gratiâ) regio insuper oraculo talis dici, & haberi merueris. Quid de Te VLADISLAVS antea, quid nunc IOANNES CASIMIRVS Inuictissimi Reges Polonia senserint, sentiantque, quàm aliè in pectus utriusq; descenderis, ille ignoueris

ignorauerit, cui VLADISLAVS, atq; ipse CASIMIRVS
 tanta nomina! ignoti sint. Ille Te non tam aulae, quam animo
 adnotum, nunquam à se abesse voluit, ac ne abesse posses, de-
 uinctum tenuit singulari beneuolentiae regiae complexu: aut
 si Te grauiora Principis, ac Reipublicae negotia abesse coge-
 rent, ita tantum abesses, ut Principem in Te ferres; adeo ne
 tunc quidem absens, cum abesses, Principis personam Prin-
 cipis Orator ferres. Nam pro Rege VLADISLAVO & Fer-
 dinandum III. Romanum Imperatorem, & Transyluaniae
 Principem adiisti, utrobiq; negotio publico perfundus ma-
 gno gloriae prouentu, quem inde eò uberiores collegisti, quod
 iustissimis plurimum de Te, Tuâq; dignitate Principum senten-
 tijs collegeris. Auxit in animis omnium astimationem Tui
 VLADISLAVS, cum Te geminâ ornatum praefecturâ ma-
 gnis deinde Reipubl. munijis destinaret, adnoturus omnino,
 nisi mors immatura reliquisset alteri officia paratissimae vo-
 luntatis. Neq; alium nactus es in Regio CASIMIRI affe-
 ctu locum, quam quem cognosceres à Fratre relictum Fratri
 Serenissimo, ideo etiam heredi, quod pariter cum Sceptro, be-
 neuolentia ergâ Te Regiae successionem adierit. Creuit illi in
 segetem beneficentiae, cum nouâ iterum auctus Praefecturâ, ac
 Drohobiciae impositus Gubernator; insuper Samboriam, to-
 tamq; eius, quae amplissima est, ditionem regendam, & admi-
 strandam Regiae voluntatis arbitrio suscepisti.
 Neq; admirationi Te Principibus cordi esse, ut mirum
 videretur, nisi esset. Tantum Tua meretur dignitas, ac vir-

tui, ut benevolentiam omnium sui pretio non tam Tibi colligat, quam cogat. Nam cui non imperat eximium amorem Tui, illa tum ex consuetudine aulae diuturna, tum ex indole ac ingenio, ad politioris seculi venustatem nata, factaq; urbana-
 mitas? illa constans, & grauis, atq; inter maximas rerum, ac negotiorum veluti tempestates, quae Te undiq; ambiunt, comitas inconcussa: illa eloquentiae civilis ad extemporalem dicendi usum prompta, parataq; facilitas ac felicitas: illa elegantia leporum, ac modestiae legibus temperata orationis gratia, Atticis leporibus praehabenda: illa nullo inani vacuae ostentationis obtenta fucō, ditissime eruditionis affluentia, scientiarum apparatu collecta: illa potissimum Christianae probitatis, & civilis elegantiae suā raritate carior societas. Ita enim eximium Te Ciuem praestas, ut ne minor sis Christianae pietatis laude; nisi quod potiorē hanc Tibi esse velis, quae cultum civilis vitae ad aeternitatis rationes componat. Ita omnem erudiisti aetatem, ut cum scientiarum opes domi forisq; colligeres, virtutis obsequio mancipares curas, & hanc artem impensē disceres, ut discendi videndiq; studia, posses in curriculo publicae ac privatae vitae, exigere ad normam certissimam virtutis. Cum ad omnium consuetudinem ac usum ita Te exhibeas varium, ut ad legum aulicarum leges familiaribus aulae factus, ijs, quibus affluit arguta facundiae suauitas, argutissimus, inter doctos, atq; eruditos videaris par utrisq;: Tu nihilominus Tui semper nō absimilis, atq; is videris, quem una, eademq; virtus eundem ubiq; praestat, eoque

maiozem facit, quod nexu admirabili complecti didiceris Christianæ, ac ciuili vitæ commendationem. Impegere, nonnulli in scopulos probitatis, cum lustrarent Orbem, ac veluti in vada, ac syrtes abrepti, non aliam peregrè fortunam retulere, quàm quæ infelices faceret. Adeò mercurium animi inanes in Patriam reduces, ut domestico otio melioribus satis marcuissent: Tu cultissimas terrarum Prouincias non alio fructu, euentuq; adiisti, quàm ut cultissimus in Patriam, omniumq; complexum postliminio redires. Quod eos Tibi deuinctos habeas, quos politioris literaturæ dignitas commendat. Tua illa literatura, eximio eruditionis instructa apparatu facit, quæ cum ipsâ similitudine amorem in Te literatorum trahat, rarâ sui excellentiâ obseruantiam excitat, paritq; admirationem. Quæ Tibi cum Musis ac literis eadem consuetudo cum literatis intercedit, quorum obseruantia singulari eò ipse maiorem colligis Tui venerationem, quod literatior ipse, etiam literatissimis appares. Quàm se Tibi olim Sarrbieuius, quàm Tu familiarem Te illi esse voluisti? quod scilicet se ipsum alter in altero amaret, dum, seu ingenij, seu doctrinæ cultioris similitudine aut luderetur in altero, aut alteri alter colluderet. Et quanquam fatorum inuidia Virum illum sæculis dignissimum, Tuis ereptum oculis subduxit: subducere equidem nunquam possit animo, constanti beneuolentiâ memoriam illius perennem apud Te animante. At neque oculis abductum omnino Tuis dicam Sarrbieuium, quod eum adhuc intueri, adhuc videaris alloqui & audire, dum
suauissi-

suauissimam illius Musam sapissimè regustas ac relegis, eo
 sensu animi, ut viuere Tecum ille, in te equidem censeripos-
 sit, quòd eundem inspiret Tibi, quem magnus ille animus spi-
 ritum suis monumentis infudit. Ac ne in ipso tantum Sar-
 bieuiò suis laboribus expresso Sarbieuium spectares; quæ ille
 à celestium rerum usu dulcissima imprimis habuit, Horatij
 inquam, ac Senecæ opera, Tua esse voluit moriturus, eo su-
 premi muneris argumento testatus, carissimum fuisse sibi, cui
 traderet è religioso paupertatis penu, quæ omnibus mortaliū
 fortunis præhabebat. Atq; hic tu in literatos amor familiaris
 ad Te facile aduocat literatos, ut nullū libentiùs limē adeant,
 quàm Tuū, hīc leti, hīc securi suū apud Te literas pretium ha-
 bituras. Hīc, si usquā alibi, ingenia in tantū recalescāt, ut vel
 iacentia erigi, vel languentia excitari possint. Mihi certè, ut
 præteream alios, ex diuturno cum ægritudine luctanti, ve-
 lut spiritum indidisse, vitamq; videris afflauisse, ut La-
 tinam, si Musis placet, ad lyram, diuos magni Præsulis
 STANISLAI Manes, carmine (quod vatibus ceu quod-
 dam Magiæ genus est) euocare, sacrosq; quodammodo ci-
 neres animare attentauerim, & solenniore paulò chlamyde
 conuestire. Atq; utinam ea carminis maiestas, & gratia hīc
 mihi obtigisset, quam vel Tu sperare visus es, vel tanta Cæ-
 litis amplitudo virtusq; postulauit: sed utrumq; æquare
 velle, nescio an non arrogantis, ac sibi plusculum tribuentis
 foret ingenii, ultra vires etiam (quæ scio quàm sint me-
 diocres) enitentis. Non ita tamen omnia, in perexiguo

munere aspernaberis Macenatum Optime, ut vel unicum
 tuis obsequendi votis conatum non approbes, ne dicam scri-
 ptionis argumentum. Equidem genus carminis, non aliud
 prælegi, quàm quod ipsemet imperasse visus es, dum ele-
 geras; quum peruetustam illam de Beatissimo Poloniarum
 Tutelari Stanislao Oden, ad seueriores Lyricorum nume-
 ros, paraphrasticâ utiq; parodiâ conformaui. Certè ut nen-
 nemini, minus fortassis prospero Apolline carmen istud fe-
 cisse videar,: Tibi attamen, uti pro ANTONIO metris
 à me, Aris à Te donato Samboria; ita pro STANISLAO,
 ad Romanam decantato lyram, Cracouia debebit non ni-
 hil; ut qui Tuo consilio, Tuo ductu, Tuo ipsius ære, pleetra
 alioqui iam desueta, sonoro Tuæ humanitatis classico exci-
 taueris. Vale Vir à virtute, prosapiæq; excellentiâ Peril-
 lustris, & Rosam Missilem sed & Mittentem, longo à T.
 disiunctum spatio, præsentem officio, vel in distans agente
 patrocinio prosequere.

P A R O D I A
 A D O D E N P O P V L A R E M,
 Gaude Mater Polonia. &c.

NE sola fortes progeneret viros
 Lacæna, felix prole Polonia
 Contendit, & Spartæ maritas
 Anteuenit meliore partu;

Gaude Mater Polonia

Prole secunda nobili,

Natale

Natale cuius robur, & ardua
 Septemtrionis durat in algido
 Calerque virtus, bellicorum
 Feta operum, solidique Martis.
 Assurge toto Lèchia vertice
 Lætis remiscens gaudia plausibus,
 Regumque Supremi, frequenta
 Peruigili statione laudes
 Laudumq; causas: Quo duce Pontifex
 Mercatus alto sanguine lauream,
 Latè STANISLAUS per orbem
 Explicuit noua signa Victor.
 Hic Fas: & Æqui castra, fidelibus
 Tutatus armis Iustitiæ pugil,
 Vindex Honesti, fulminantem
 Impauido subit ore Regem
 Mox parricidam. Quò raperis, tui
 Oblite Sceptri? nec decorum memor,
 Quò te, per abruptum pudoris
 Denia præcipitat libido?
 Quæ monstra culpæ? quæ prius execrer
 Lasciuientis crimina Regiæ,
 Cœnasque, subductasq; stratis
 Teste polo, populoque Nuptas
 (Non fabulosæ more Proserpinæ?)
 Quid secta diro pectora vulnere
 Lamentem? admotosque Matrum
 (Pro dolor!) vberibus catellos:
 An decolores cæde Quiritium
 Querar Secures? aut Procerum Nurus
 Impunè raptas, Ciuiumné
 Funera, flagitijque pompas?

Summi Regis magna.
liæ

Laude frequenta vigili;
 Cuius benignâ gratiâ
 Stanislai Pontificis
 Passionis insignia
 Signis fulgènt minis

Hic certans pro Iustitia

Regis non cedit furæ,

Stat pro plebis iniuria
 Christi miles in acie,

Calcata spretis Relligio Sacris,

Conuulsa casti fœdera connubî;

Regina Libertas, agresti

Pressa iugo, sua iura plangit.

Nuper subactæ Gloria Roxiæ,

Nunc impudici præda Cupidinis,

Nec tela declinans, nec arcum,

Duceris in scelereum triumpho!

Tamennè turpi mollis in otio,

Iniuriosis merfus amoribus,

Palmasquè laurosque, & Poloni

Dedecoras Clypeum Gradiui?

Frustra profundis conscia noctibus

Secretioris recta licentiæ

Irrumpis, occultasque labem;

„ Per latebras, per opaca Lunæ

„ Spectatur intrò Regificum nefas:

„ Claris Olympi solibus, haud minùs

„ Latere, quàm contingit Orbis

„ Principibus. Patet illud omni

„ Conclaue mûndo. Scilicet abditæ

„ Quæsitæ noxæ tegmina, purpuræ

„ Lux ipsa prodit. Altus imò

„ Exstat & in puteo Colossus.

„ Peruadit arces Rumor, & intimos

„ Intrat recessus. Hinc, tacitum modò

„ Fit fama crimen: serpit atrox

„ Fabula per popnlare limen.

„ Illustre regnum, vitaque Principis

„ Censura morum est. Astra regat licet

„ Cum sole Princeps, ius latendi

„ Solibus & Solijs negatum.

*Kironiam Russia prope
gnaculum subegit Bolesl.
Audax*

*Paranetica Stanislay
ad Boleslaum Oratio.*

Sic

HYBERNA

274

Sic Præsul itælenior, attonat
(Qualis furentem Theseus Herculem)

Flectique nolentem proteruè,
Imperijs monituque frangit.

At ille, moto sæuior Adriâ,
Iam probra verbis, iam precibus minas,

Suadæque Terrorem reponens

Igne micat, velut icta serpens,

Deliberatum liuida conuocat

In colla virus. Tunc etiam sacro

Hortantis, immersurus altè

Vulnificum capiti mucronem

Tyrannus exlex: nî semel impius

Nollet videri. Distulit hætenus

Iras ad aram, mox daturus

Heu! tragicæ feritatis actus

AVDACE dignos! Iamque dedit; prior

Anteoccupato vulnere Præsulis,

Dum Numen arcano precatu

Sub modicam facit ire frugem.

Ter arma iussus ferre, ter irritos

Referre gressus miles, inutilem

Damnauit ausum. Cæca merfit

Nox oculos, adytisque Templi

Repulsa vis vi! quâ Michael sacrâ

Se Rupe tollens, turrigeram Craci

Adspectat arcem, cui † Vauellus

Supposuit sua colla vertex.

Regis Boleslai eiusq; Satellitum, atrox & barbarum faci-
nus, in Diui Martyris Corpore minutatim conciso disse-
ctog, inauditâ immanitate perpetratum.

*Irrita Diui peroratio
apud iratum Principem*

*Boleslaus, cognomento
Audax,*

Ex fide Histor: Polonica

*Mont in quo ara Craci-
uia sita.*

HYPO

HYPOTYPOSIS LYRICA

Ex Annalium Polonicorum fastis deprompta.

TVM Rex inulti pectoris impotens,
Infecta rerum segnibus exprobrans

Aulæ ministris, cordis excors

Sacrilego violentus ense

Vittata Mystæ tempora diuidit

De Rege sector! Principis ilicet

Exempla certatim secutus

Continuat malè cœpta peior

Ad iussa Miles. Tunc sceleri scelus

Consensit. Vnum Tot Furijs caput

Patescit in cœdes! & inter

Tot gladios perit vna cœlo

Dilecta Cernix! moris Achaici

Discerpta ritu victima: cui sacer,

Per damna, per mortes, ab ipso

Creuit honos pretiumque ferro.

Ehêu dolendum! præda fit aulicis

Pastor Molossis! Degeneres lupi,

Feræque de vulgo minores

Exanimum lacerant Leonem!

Pars ora stricto figit acinace,

Pars indecoro verberare liquidos

Detruncat artus: ille dextram,

Hic iugulum ferit; hic lacertos

Connisus iræ viribus amputat

Vlterice sicâ. Traiecit hic latus,

Jmasque rimatus medullas,

In medijs ferus augur extis

Tyranni truculentiam
Qui dum constanter
arguit

Martyrj victoriam;
Membratim casus
meruit.

(Inomi-

(Inominatâ scilicet alite)

Portenta diriquaritat exitûs;

Ipsasque scrutatore ferro

Relliquias animæ perurget !

Hiânt reclusi pectoris abdita,

Spirat calenti morte fluens iecur,

Exsecta nativis rigescit

Lingua fibris, & adhuc perorat

Non ind. ferro muta silentio !

Notâque Regem voce redarguens

(Ceu nube fatali tonitru)

Sic etiam metuenda terret !

Squalent recisis lumina palpebris,

Nec tam illa, lethi summa Necessitas

Quâm clausit insolentis horror

Luxuriæ, vetitiq; raptus,

Et execrandæ scena Tragoediæ !

Perfossa cordis regia, nobile

Augustal & Sedes Amoris

Concutitur chalybum tumultu !

An & Tiaris emeritum Caput,

Arx illa magnæ Mentis & intimum

Conclauē, sanctioris otî

Cuspidibus, capulisq; tunsū

Sicariorum panditur ictibus ?

Bis tenuē tinctâ sanguine purpurâ,

Debere ne posset colorem

Sidonio Tyrioné fuco.

Sed quid scelestæ turba ferociæ,

Quid Rex atroci concolor Atreo,

Quid lictor, & lymphata pubes,

Aut comites furialis œstri

*Simile D. Ambr. de
Ioan. Bapt. & Herode.*

L1 Iner-

Inermē contra Pontificis Pedum
 Fascesque possent? Sparsa per inuios
 Quamquam platearum recessus
 Membra iacent, & egena busti
 Cœlo reguntur; sed Iouis Alites
 Non vſitato funeris ambitu, *Sacri Corporis custodes*
 Et lege, Sacrorum Parenti *Aquila.*
 Tristibus excubijs parentant!
 Lugente Craco, congeminantibus
 Alterna ripis. Fit gemitus? Patrem
 Quā voce, quā planctu requirunt,
 Dum caua per, per acuta † Rupis *Lacus parata cadit: Ru-*
 Disiecta passim frustra legunt, sacris *pella Sulgo dicitur*
 Aptantque frustis. Nec mora, cū suæ
 Et dextra respondit sinistra,
 Pesque pedi, capiti que ceruix
 Accommodatis reddita nexibus!
 Collecta sparsis casaries comis,
 Frontique maiestas reducta, &
 Mite supercilio serenum!
 Arguta rursū lux oculis redit!
 Certare credas labra Corallijs;
 Et pallor, & frigus genarum
 Pleno animæ caluere succo!
 Redintegrati sic noua Corporis
 Compago neruis constitit; extimā
 Vibice plagarum rubescens,
 Schema truciſ breue parricidij
 Seris dolendum schema Nepotibus!
 Hæc inter: absens proditur indice
 Pollex lucernā, quem propinquo
 Piscis edax tumulātat amni. *Nouum pandit mira-*
culum
Splendor in Sancto cz-
licus.

Occulta quantum vis medicæ manûs
Et Fata possint! Prodigialibus

Constare momentis necesse est

Quæ Superûm labor, architecto
Molitur intus Numine! Qui modò
Truncum cadaver delituit solo,

(Grassante membratim Furore)

Tot necibus lacer, immò nullus,
Repentè plenis cernitur artubus

Suo superstes viuere funeri;

Visus redordiri subinde

Fila suæ malè raptâ vitæ.

Sic vîta multo sôle Rosaria,

Sic lassâ nimbis coila papauerum,

Sic Ales Eöis reuixit

E cinerum renouata bustis.

Redintegrat corpuscu-
lum

Sparsum, celestis me-
dicus.

*Pompa Funebris, apparitissima Humationis, ac potius Tri-
umphi, quo solenni ritu, sacra eiusdem exuuiâ in primariû
Vrbis & Arcis Cracouia Templum translata sunt,*

AT verò mæstam Fama perambulans
Exciuit urbem. Visitur vndique

Inter cicatricum recentes

Ille notas, gregis ille Ductor

Vindexque Pastor, dira frementium

Sæuis luporum immortalis vnguibus;

Æterna SCZEPANOVIANÆ

Morte locans monumenta Laudis!

Gemilizia familia.

Adest reclini poplite Ciuitas,
 Ac immerentis multa super nece,
 Et multa (nequidquam timendi)
 Quæsta super folio Tyranni,
 Toro repositi Corporis inclytam
 Affatur vmbra supplice de genu,
 Crudele de restata litus
 Et memori lita cæde saxa:
 Quæcunque mæstis Cracigenæ sonis
 Dixere coram, mox vice lugubri,
 Ferale respondere cautes,
 Et queruli gemuere fluctus!
 Impendiosi non ego funeris
 Cantu Latinæ transierim lyrae
 Pompam, tryumphaleq; flammæ
 Et Phrygio variata textu
 Aulæ: vel quæ Solibus æmula
 Conchylia serica muricis
 Fulgore certant; grande Diuis
 Manibus, Exuuijsq; tegmen!
 Quidquid beati veris odoribus
 Inhalat Orbi Pæstus amænior;
 Quidquid venustatum recondit
 Flora, dedit: Tumuloque plenos
 Florum quas fillos floribus aggerans,
 Insperfit albis Lilia cum Rosis,
 Mistosq; Narcissis acanthos,
 Et violas, viridemque Maium.
 Nec terra succos, aut opobalsama
 Functi supremis inuidet vsibus,
 Nardosq; lachrymasq; Myrrhæ, &
 Thura Arabum, Cilicumque menses.

Perun-

HYBERNA

289

Peruncta Medis vna liquoribus,
 Fragrante venâ per populos fluit.
 Grato Sabæorum vapore
 Fumat iter, via vernal herbis,
 Rident plateæ, cantibus assonant
 Delubra latis non sine compitis,
 Errante viciatim Thaliâ
 Et socios acuente plausus.
 Inauguratis proxima cætibus,
 Vndantis ibat turba frequentia,
 Festisque gratulata circum
 Atria perstrepuere plectris;
 Respondet omnis carmine porticus,
 Crebrisque ceræ virginis ignibus
 Theatra collucet, & auctam
 Luce diem geminare gaudent.
 Iam tunc abaltâ turre tonantibus
 Expergefactus Vistula machinis,
 Transmisit ad Balthim, per vndas
 Præfulei sonitum Triumphi.
 Absterfa demùm Relligio genas,
 Nil triste vultu, nil animis gerens,
 Hinc inde se stipante, maior
 Ingreditur Procerum Senatu
 Discriminati murice pallij
 Latè coruscans! Posthumus interim
 Submittit & moles, & arcus
 Et Cathedras, Honor, & Trophæa
 Equanda priscis Pyramidum iugis.
 Virtus Colossis attamen altior,
 Non mole turritâ, aut columnis
 Nititur: ipsa sibi Trophæum,

L13

Sic

Sic restituto Præsule, redditur
 Antistes Aris: Pastor Ovilibus,
 Tutorq; Sponsæ, quam subarrhat
 Casta Fides, vigilesquæ curæ.

*Prodigia ad Diui STANISLAI Mausole-
 um ope eiusdem Tutelaræ edita.*

Quisquis patronos illius, aut prece
 Votisquæ Manes conciliat Cliens
 Auditur, & certo Salutis
 Instituit sua vela cursu. Solcentes eius merita
 Salutis dona referunt
 Plerosquæ Fati fors violentior
 Ad terminales impulerat viæ Morte Praeuenti subitâ
 Ad vitæ protum rede-
 unt portum,
 Vitæquæ currentis columnas;
 Quùm subitò melior regressu
 Fortuna Diui, protulit aureæ
 Et plus & vltra lucis Olympia.
 Mox parca dispensans Sororum
 Pensa Trium, tenuesquæ lanas,
 Diduxit aucto stamina vellere,
 Complens trecentis Lustra decempedis:
 Ausus relaxare, & citâtos
 Terrigenûm cohibere soles,
 Horas, & annos tendere lætior
 Mortalis avi; pestifero licet
 Latona circumuecta curru
 Terreat obsidione vicos,
 Polycrateum Fama quid Annulum
 Pyrrhique gemmam proferat? artifex Pausanias
 Natura cui miro paratu
 Viva sui simulacra vultus

Re-

HIBERNA

282

Rerumque formas, & decus indidit;

Queis eruditâ inscripsit imagine

Phœbum, relucentesq; Musas;

Prata, lacus, nemorumq; sylvas.

Æternitatis Sponsor & æmulus,

STANESILAI plus capit Annulus,

Plus gemma, vorivis Clientum

Sculpta notis, tabulisq; vitæ;

Tangi salubris: nam simul osculis

Libare fas est depositum, simul

Tabesque, pallentesque curæ, &

Putris hydrops, & anhela tussis,

Et æstuantum examina Febrium,

Trans usque Thulen lethiferis meant

Aucta nimbis. Cedit omnis

Acta retro series malorum.

Inducta siccis alma Ceres agris,

Solumque vertit dira lues; Fame,

Longaque morborum caterua

Ad Gethicos remigrante fines.

Quicumque caprus luminibus, diem

Solemque ploras, quin oculi cauos

Huc tendis orbes, quâ sereno

Indigetis micat igne Bustum.

Hic & soluti vecte repaguli

Erepta mutis redditur, aut datur

Fandi potestas, Creber aurem

Hic repetit, reperitue surdus,

Claudusque gressus officium. Tui

Tremende victor, vis Acherontica

Offendit ad marmor Sepulchri,

Et posito cecidere fastu

Quis al tactu n

Annuli.

Morbi fugantur tur-
gidi.

Ad locum Sancti ti-
moli.

Multi curantur langu-
di.

Cæci visum recipiunt.

Mutorum lingua solui-
tur.

Surdus auditus redditur

Claudis gressus offi-
cium,

Ca'o

Cælo rebelles ac Styge Spiritus Et fugatur De nonis.

Tortoris Orci: cùm malè perti nax

Auernus, indignansq; pelli

Frenderet in vetitum Tyrannis.

O ergo felix iure Cracouia,

Dotata sacri pignore Corporis,

Tenoris: Audtoremq; rerum

Non humili fer ad astra cantu,

Ergo felix Cracouia
Sacro dotata Corpore,
Deum qui fecit omnia.
Benedic omni tempore

Diui STANISLAI intersector Boleslaus Audax, parricidij conscientia exagitatus, cùm erraticam obscuramq; per diu egisset vitam, tristi exitu obiisse fertur.

Sic dum cruento naufragus æquore

Beatioris limina Curia

Subit STANISLAUS, Polonæ

Gentis Amor, Columenq; Regni,

Irata sistens Numina, Lechici

Orator Orbis iam propior DEO;

Contra, BOLES LAO fugaces

Ponè sequax Timor addit alas:

Extorris, execrabilis, vltimas

Errat per Vrbes. It Nemesis comes,

Sontemq; propellens flagello

Insequitur scelerum per vmbas-

Quacumq; gressum corripit, hanc suos

Obiectat angues Ty siphone, Canes

Titans; Aæton vt alter

In tenues lanietur artus.

Sic Stanislaus Pontifex

Transit ad Cæli Curia

Vt apud Deum opifex
Nobis imploret venia

*Ex opinione quorund.
Historic.*

MARTINVS LATERNA

E Soc. Iesu Sacerdos, olim pro Fide Orthodoxa
Nauali illustris certaminine

Ex caligine Maris Balthici emergens,

Bono in lumine collocatur, Auspice & Munificâ manu

Illustrissimi Domini,

D. STANISLAI à Skarzew, SKARSZEWSKI,
Castellani Woyniceñs. Gubernatoris Samborieñs.
& Drohobiceñs.


*Nouam sibi Tutelarîs patrociniÿ Coloniam, Drohobyciâ
molientis, Anno Domini 1661.*

ILLVSTRISIME DOMINE.

Nobile sanè tum ex argumenti materiâ tum ex Tuo in calissem illum animum studio, adieci appendicem Operis MARTINUM LATERNAM; ne suum quoq; exili huic lucubrationi deesset lumen; quod non Nostram minus Societatem illustribus meritorum radijs, quâ terram illam Samboria finitimam, suis Natalibus; & Heroicâ facti magnitudine illustrauit: At non ita Sol hic (quando splendidior titulo tantam virtutem etiam aquis superiorem, nec Dei minus, quàm maris capacem animum appellare nequeo) in Balthicam profunditatem; extra Poetarum fabulas, Solem Oceano mergi commiscentium, præcipitatus est, ut vel ardere desierit, vel lucere. Erraticorum id siderum, ac fatui potissimum ignis esto dedecus, flammam concipere illico perituram. Atq; hanc ego HYBERNÆ ROSÆ Facem addidi (inter

*ter reciproca veterum Missilia ritè numerari solitam) non ut, STANIS-
LAI, de suo Illustrissimè, lucem, hac augeat Lucerna, sed ut Tibi hic
etiam morem gererem, qui ut in MARTINO LATERNA eminentem
pectoris excellentiam, demiratus & amplexus es, ita noluisti eam absq̃
Elogio esse: credo ne in viciniam quoquo modo iniurius, aut vicini Dro-
bocyensis oblitus viderere; de maximis & optimis vita Ducibus, Tibi
iam indè prospecturus. Vale Macenas Inclyte, & ut Nobilem illum
Naufragum hospita/i tabulà collegisti, ita paucis hisce lineis, manum
quâ soles, patronam commoda.*

E L O G I V M.



MATER Martinus Laterna, in Balthico ab
Hæreticis demersus, ut placaret iratum suis
hostibus Numen, vestigalem animam, maris
Domino, in victimam, ritu fortium deuouit.
Hoc demum erat: Romano-Catholicæ Religioni, li-
quidum scribere testimonium, & sanguine & aquâ! Lu-
brico aliàs infidoque elemento, pro fidei asserendæ in-
strumento vsus, terrâ & mari perfidiam oppugnauit.
Sed Veri impatiens hostilitas, ex diuino quem oderat
Oratore, illultriores Tyberino illo natatorem effecit.
Nec tamen poenitendo fatorum exitu. Præcipitatus de
naui hostica in altum, profundioris gloriæ eluctatus in
portum est! nisi perreptâsse, truncatis dirè manibus di-
cendus sit? Lucis ac vitæ naufragium libens pertulit,
vniûs dispendio, geminam lucraturus. Comuni mor-
talibus lege etsi viueret, communi mortalibus conditio-
ne de-

ne dedignatus mori, quæsito peregrè lethi genere est perfunctus. Defunctum aut extinctum caue dixeris *Laternam*, illustre sequacibus iter, & sub fluctibus hodieque præmonstrat. Ignotam hæctenus Argonautis viam, per immensa famæ spatia emensus, prodromâ sui nominis pharo illuc appulit, quò auara pectora non impulit auri fames. E Regio Sigismundi III. comitatu, heroicâ tolerantia laureatus Comes, squalorem atratæ chlamydis, oblato diuinitus commutauit paludamento; dum ex Magnarum mentium vsu, *quidlibet in suum trahens colorem*, solus in suæ tincturam purpuræ laborauit: sudorem, sanguinemque immiscens, quem nobile eliquarat tormentum. Religioso Principem obsequio secutus in Sueciam, dum æquè Deo ac Regi fidus, vtriusque hostem hæresim, sacrâ eneruat eloquentiâ, è prætoriâ in fretum trusus, ne tum quidem destitit insectari sectarios. Dices, diuisum illi suo cum Principe consilium nauigandi fuisse, sub dispare votorum euentu. *Sigismundo*: vt hereditarium à Gothis vindicaret regnum. *Laternæ*: vt cruoris impendio mercaretur coronam, *Palmarijs Concertatoribus*, ex legitimo appensam.

At enim latere sub vndis *Laterna* cùm nequiret, eâ quâ mergi haud potuit sui parte, è salo barbari æquoris, in solum patrij littoris emerfit. Non insulsâ appellatione, nouum Drohobiciæ *Salisburgum* nactus. Hic natale magni nominis emporium aperiens, vbi primam genitus

M m 2

lucem

lucem hausit, natiuo *Laterne* splendore offulsurus orbi terrarum. Factus purpuratæ legionis, non ante candidatus, quàm pretiosæ fuisset competitor necis. Incomparabilis athleta, piraticis luctatus cum gurgitibus, in campo cruentati à se æquoris palmas mersit, cùm manum non mouisset. Et verò, non incommodè naualis è clade Martyrij adeptus lauream, vt Nauali Ciuicam superadderet, patriciæ Ciuitatis defensionem suscepit.

Age sis *Drohobicia*. Tuo Illustris, Tuo beata, suam Dantisco non inuideas *Laternam*. Habes in Ciue Martyrem, in tribuli Tutelarem: à quorum altero decus, ab altero patrocinium sperare, tuo iure possis.

M A R T I N I L A T E R N Æ

Studio & procuratione, instituta Drohobycia Ciuica Sodalitas, sub titulo Sacratissimi Corporis Domini nostri, quam in rem exstat authentica eiusdem ad Magistratum Drohobyensem Epistola, qua sacri instar depositi ibidè per honorificè asseruatur.

M A R T I N O L A T E R N Æ

SVam post fata remeanti in Patriam, Tuo vel Ciui, vel Heroi occurre Drohobycia. Olim, salis tantùm, nunc & panis Ciuitas, panem & salem (more veterum) proferens, vtroque magnum Hospitem dignare honorario. Hospitalem quidni mensam instruas? cùm sic abundes *Celi Pane*. Appone, iplis Bonæ Gratiæ manibus laboratas

tas dapes, quarum tibi & pretium ipsemet & famem fecit. Adeste fortunati Incolæ, quotquot hîc Eucharistici nexu fæderis, Sodalis mentium Pietas colligauit, illigandos quondam *Fasciculo viuentium*, qui sic colitis *Fru mentum Electorum*, citò, ad agenda quæque fortia, *Cibo Fortium* profecturi. Agite si Viri estis, antesignano præliaris Martini ductu, sub Manipulo frugis calicæ, æternitatis commeatum parate Commitiones, nullâ melius pugnaturi sub vmbra, aut victuri.

Inimicam vrbibus ne timete famem, quia æternæ militatis annonæ *Sub Signo Panis*.

Nemo non huic nomen dederit militiæ, in qua pro stipendio *Vita* datur viritim. *Martinus Laterna*, vestro præluens ardori, his vos moribus, his legibus institutos, maioris auctoramenti initiauit Sacramento. Immortali mortales admoti symposio, vitalis alimonix vsu, vitam viuitis, morti & forti inaccessam.


Procul hinc, quæ duas, ex vna effecit Ciuitate, discordia : vnica ter Sacri CORPORA Respublica, vnâ mente animari, vno spiritu regi amat. Stare mutuis animorum in excubijs, Senatus Populusque Drohobyxiæ : Stationariæ vt absint custodiæ, in Angelico vtique alimēto, præsentissimum latitat periclitantibus munimentum.

Felix Vrbium conditio, pro quibus iure Ciuicæ Sodalitatis, tremenda sub hostia, in hostes excubat *Ciuis Deus*.

Cæterum, vt partem pallij, tuo non præcideris *Martino*, eius tamen felicitatis particulam obtines, in suarum *Chirographo Literarum*; quibus à manu & Stylo Martyris pretium accessit, & pondus. Quot isthic apices verborum, tot faces præmicant ad virtutem. Pressis tenere manibus, ô Ciues, paræneticam LATERNÆ epistolam, Vestræ seu Priuilegium gloriæ, seu prosperitatis vadimonium.

¶ nunc

Et infecundam Heroum, appella Drohobyciam.



DIVA LAVRETANA

Ad Lyram decantata.

Cum eius nomini dicatum ANDREAS CZARNECKI

Burgrauus Cracō. exornaret Sacellum, in Basilica SS. Petri & Pauli Apostolorum, ad Collegium Cracō. Soc. IESU.

Pro felici ac incolumi suo ex Italia reditu.

Anno Dñi: 1642.

In gratiam Nationis Italicæ.



Vis te mariti Numinis arbitram
Ædem, curuli nube super, Lecho
Inuexit orbi? quis volentem
Sarmaticas habitare terras

DIVA LAVRETANA.

290

Ab usque Thuscis finibus aduenam,

Per Adriani carula Nerei

Transmisit? & latè videndam

Vistulcas propè fixit vndas!

O tecta Diuis hospita! peruium

Diuinitati limen! & ô Laris

Arcana Maiestas, recepti

Connubijs celebrata VERBI

O elocuti prodigialiter

Cortina Veri! triste labantium,

Tutela terrarum, & Reorum

Ara, salutiferumque Numen.

Hic ille Suadâ blandior Atticâ,

Edicta miris explicuit modis

Orator Ales: Virginiq̃ue

Sidereo tulit ore pacem.

Non peierantis Nuncius eloquâ

Cæli futuram pollicitus Nurus.

Hic CONCATENATVM MARIÆ

MANCIPIVM fore dixit ORBEM,

Lectus Tenantis consilio Puer,

Iam non inani nomine GABRIEL,

Terrisq̃ue, gratatisq̃ue pactum

Concilians Hymenæon astris.

O Arca Sacri conscia fœderis!

Possessa multo Regia Numine!

Dotale Culmen; & pudicum

Virginei penetrare Tecti!

Quocunq̃ue temet Spiritus impulit,

Tecum sequacis Relligio Casæ,

Cariq̃ue demigrant Penates,

Et volucris iuga parua Sedis;

DIVA

Pauperque rerum Cultus, & abdita
 Mensæ supellex: fistilium rudis
 Fortuna, submotoque felix
 Pauperies comitatur auro.
 Latè patentis te Syriæ, frequens
 Primis honorum ditat adoreis,
 Cuius, Galilæiq; circum
 Indigetem coluere tractus.
 Te Nazareno pacis in otio,
 Clausam latentis veste modestiæ
 Retexit, illustremq; nosci
 Attalici Helene metallis,
 Et fulgurantùm luce monilium,
 Fusiq; Regum diuitiis grauem
 Stipauit: inclusitq; ductis
 Cara Deæ simulacra templis.
 Hæc & beati Claustra Palatii
 In se reducto sepiit ardui
 Errore muri. Ni profano
 Pulsa Fides Oriente, Sacris
 Nudaret Aras, fanaq; cultibus:
 Mox & Paternis præses ab urbibus
 Cessit, Palestinosq; colles
 Et Solymi iuga liquit orbis.
 Iam tunc migrantem te Patriæ plagis,
 Fleuere magna rura Capharnæ,
 Fleuere Iordanis fluentia,
 Et Libani genuere saltus.
 Donec repentes inter Etesias,
 Post æstuosa marmora Theridis,
 Portus requirenti secundos
 Illyrici placuere Soles,

LAVRETANA


292

Ergo virentum terga cacuminum
 Hinc inde motis insidet oppidis;
 Quà ponè Tersactum, refusa
 Adriaci tumet ira Ponti.
 Iam capta gazis: iam viridantibus
 Cingi Smaragdis; cùm malè tristibus
 Bellis inhorrescente regno,
 Dalmaticis abit exul aruis.
 Quis tunc pauentes Illyrici dolor
 Exciuit vrbes? Diua Reuertere:
 Dum voce, dum questu, frequentant,
 Solliciti reuocare Ciues.
 Tum Recinetz, pussa ter, occupat
 Dumeta syluz. Sic Honor inuis
 Latere dum cerrat, per ipsos
 Emicuit nemorum recessus!
 Vidère stratis, Te Domus arbores
 Vidère ramis: & viridem Tibi,
 Flexère ceruicem, & supinâ
 Procubuit nemus omne pinu!
 Frustra citato nam LARE, protinus
 Insons auaris Munus ab accolis
 Profugit; & contaminatos
 Deseruit noua Nympha lucos.
 Tandemq; Fratrum cade calentium
 Discorde cliuo sedit. at improbi
 Pertæsa lucri, sanctiores
 Italiæ subit hospes oras:
 Quoscunq; terris dulcius incolis
 Regina Soles; vindice seu manu
 Thracas remoliris, clienti
 Arce procul, iaculata sauas

Ab axe flammæ: & Marcoticam
 Classẽ profundo mergis in æquore;
 Arces vel instantis Tyranni
 Fulminibusq; lupisq; Castra.
 Scû Exquilino MATER in agmine
 Caris Tuorum cœtibus interes:
 Aut colle CZEſTOCHOVIANO
 Supplicibus Lechiæ querelis.
 Gaudes rogari: siue iuvat leues
 Tranare nubes, aut Zephyris super
 Te ponẽ stipantũ reclini
 Turba vehit, reuehitq; collo:
 Reuise Craci mania latior
 Tibi dicati prouida liminis;
 Cerisq; donisq; & metallis,
 Et trabeis radians & ostro.
 Descende, quò te Regificis PETRUS
 Inuitat Aris: Collis ô Itali
 Augustal æternum! Latinæ
 Depositum, columenq; gentis.
 CZARNECIANÆ, quã benè prodigo
 Exundat amni fons Opulentiz.
 Per Sacra LAVREÆ refusus
 Atria, Virgineosq; postes.
 Votiuã iam nunc flamma recentibus
 Crebrescet Aris. iam pia pensilis
 Querela voti. iam fragranti
 Thure calent animisq; templa.
 Tui, excubantem Limen ad OSTIÆ,
 Ne Mancipatis deme Clientibus.
 O Virgo: Si Tibi Decembres
 Accumulat, tua festa, pompas.

EXPEDITIO
LEGATORVM
IN GALLIAS,
 Ad Desponsandam Deducendamque
LVDOVICAM MARIAM
GONZAGAM CLIVIAM,
 Mantuæ & Niuerfi Principem,
VLADISLAO IV.
POLONIÆ ET SVECIAE
REGI INVICTISSIMO.
TRANSACTA
Per Senatorij Ordinis Viros:
VENCESLAVM
 Comitem à Leszno,
LESZCZYNSKI,
 Episcopum tunc Varmientem, dein Primate[m] Regni,
ET
CHRISTOPHORVM
 Comitem de Bnin,
OPALINSKI,
 Palatinum Posnaniensem, &c.

Illustrissimo Domino,
 D. L V C Æ D E B N I N
 O P A L I N S K I,
 COMITI IN T E C Z Y N
 Auctor Felicitatem.

 *Va obiter de Expeditione Legatorum in Gallias accepi, an eadem fide orbi reddiderim, Te arbitrum requisivi Illustrissime Domine. Apud quem studia partium cum langueant, verè mihi es metator æquitatis. Indignabar videlicet, populari idiomate, non popularia celebrari, nec perinde ac mereretur tractari gloriam. Præterea, non ferebam ea punctim expendi, quæ palmaribus du-cenda lineis ad posthumæ ætatis conscientiam transmitti, par esset. Et præstitere id quidem humanissimæ Academiæ, præstitit Vates Gallicus; non ita tamen ut postremo famæ internuntio, viâ publicâ interdicerent. Commune ad immortalitatem iter est mundi Ciuibus Poëtis. Eodem & mihi pergendum est, sed per atria Domus Tuæ, in quam non minùs gloriæ, quàm Fraternalis sanguinis derivasti: ratus ea quoq; Tui iuris esse, quæ ille foris te absente gessisset gloriosè. Quanquam nec Tu omninò aberas, coniunctissimâ voluntate germanum secutus. Ut mihi in raram hanc Fratrum imaginem intuenti, erudita prisca concordia nomina videantur redisse. Sanè consultius Romani Navim hanc Vestram pro Æde Concordiæ coluissent. Ac ut aliquid in rem meam apud Te semel loquar: Habes hic paucas quidem sed magnis inscriptas nominibus paginas. Parum interest quò*

quâ manu eternitati porrigantur. Utinam viro mentis
 compositissima, & carmen compositum afferre potuissem!
 cui vix à celeritate gratiam polliceri possim, fide integrâ
 melius quàm numeris instructo. Historici quippè similior,
 quàm Poëta, Hyperbolas ab hac Expeditione ablegavi.
 Non egent ingenioso fictionis genere, qui factis ultra fidem
 humanam, non supra suam indolem progressi sunt. Et com-
 mentariolos famæ publicæ attexui, ne quis vlla hîc suspi-
 cetur commenta. Solem vestire contenderem, si lucem splen-
 didissima Legationi aliundè mutarer. Certè si vel Herôi-
 co Maronis cothurno attollar, ad pompâ illius magnificenti-
 am non assurgam; ut vel ideò tenuitati meæ grandia de-
 primenti succensere vix possis. Vale Vir Illustrissime, &
 hanc Tuam ARGŌ eruditione leuigatam, fortunâ velifi-
 cante, ad Perennitatis Floridam, sed lentè, promoue. Et me,
 meamq; Societatem, quâ soles beneuolentiâ inuolue.

E X P E D I T I O G A L L I C A N A.

- „ Imperijs quicunq; vetat Connubia, nescit
 „ Regnorum Regumq; vices. Viduata Potestas
 „ Tuta parum: quâ parte sui cadit, occidit illâ
 „ Dimidium Solij. Thronus & Torus otia Pacis
 „ Parturit. Æternus socio stat robore nexus.
 „ Ardua res Honor est. Operum superincubat ingens
 „ Augusto moles humero: Bellique Togæque

Ex Politi-
 corum sen-
 tentia:

- „ Idem iura tenet; rerum sed pondera Consors
 „ Allevat, & mediam cum Principe sustinet aulam;
 „ Securumque domi, permittit in extera tuto
 „ Munera conari. quò, si cadat alea Fati
 „ Durior, in commune suo benè consulat Orbi.
 „ Mitescit per plura Labor iuga scissus. Vtrinque
 „ Cura bipartiti leuior solet esse negoti.

Tacitus
 XII. An-
 naliū.

VLADISLAE Salus hominum. Tibi prospera vultū
 Pandit Eòs, tensisque rubro super Æthere flammis
 Illustrem roseo prætendit lampada Soli,
 Austriacam referens tumuli de nube RENATAM.
 Diligitis Lechiā Superi! nēu irrita mundi
 Omina successu nouiter firmatis aperto.
 Altera Sarmanico dabitur Lauinia Patri,
 Cui Sacrae decora alta domūs, animæque latentis
 Arbitria, & paruum committere possit Iulū.

Iter anspi-
 catur CHRIS-
 TOPHOR⁹
 Opalinski
 Palat. Po-
 snan. Le-
 gatus in
 Gallias.

Imus? an Æstiu frustra de parte Sereni
 Flaua Ceres, culmisque vocat redimita Virago.
 Imus? ab Augusto qui Casare nomen herile
 Mensis habet, decimam niueo signare lapillo
 Contendit cum Sole diem. Siracouia nunquam.
 Indulsi sibi terra magis; dum patria propter
 Limina, magnificæ primordia cernere pompæ
 Fas erat. Eia nouis lectissima corpora cœptis
 Alipedes frenate, leues insternite rhedas,
 Attalicæ comitentur opes; ruat incita Pubes,
 Ponē Equites, peditesq; retrò. Voleat oppida præter
 Rumor, anhelantū cursus præuectus equorum.

10. August.
 mouit Sira-
 couia in
 Pomeran.

Præcipui ē
 nobilitate
 comitatus
 Palatinum

- Claraque mobilibus tempestas fluctuet agris,
 „ Protinus in laurum, quidquid rota prefferit, ibit.

Vencesla⁹
 Leszczyn-
 ski Episco-
 pus Varmi-
 en: Legat⁹

Vos quoque nauigio, sed non & mente dirempti
 Scandite transtra viri, date vela, capeßite remos.

„ Mili- in Gallias.

„ Militiæ formas Amor induat. Ite sequaces
 Quâ ducit Paranympus Honor, Lutetia portum,
 Lata dabit, portuque aliquid spectatius illo,
 Sudat vbi rigui longè celeberrima Nerèi
 Gloria, natiuo qui torrentissimus auro
 Sequana, Parisiam liquidis erroribus urbem,
 Præterabit, famuloque lauat sua mœnia censu,
 Ostentans procul amne Deam; cui Mantua Ceras
 Et Titulos, & auita Ducum diademata, Mitras
 Fatidicæ gaudet transmittere flumine Mantûs.

Separatam
 ducit clas-
 sem mari
 Balthico,

Sequana
 alluit Pa-
 risios.

Origo
 Mantuæ.
 Virg. l. 10.

Soluit OPALINIAM patrio de littore NAVIM
 Sarmatiæ pacata Quies, cessantibus altè
 Bellorum Ferrique Notis; Mareotica quales
 LVNA mouet, Scythicum quoties agit æstibus æquor
 Bosphorio tumefacta Salo, populatibus audax.
 Quæ fuerat tunc illa dies! Cùm Phœbus ituris
 Distinxit meliore comâ Primoribus Horas,
 Non solito iuuenum cultus de more serenans.

Insigne
 Opalinæ
 Domus,

„ Magnis magna decet constare paratibus. Ergo
 Pars pelago maturat iter, pars Balthidos arua
 Nauigat, & siceas equiratus inundat arenas
 Xerxis ad inuidiam. Regum placidissime: Tædas
 Distribuant Elementa tuas, Terrisque marique
 Grande sonans auditur Hymē. Thalamique resultant,

Xerxes
 maria am-
 bulat, ter-
 ras nauigat. Cic.
 de Finib.

Quis Procerū fremit ille globus? quæ Castra Quiritū
 Instructis glomerantur equis? Naualia credas
 Prælia misceri. Conchas legat æquore victo
 Cæsar, & ignauæ leuis oppugnator arenæ
 Oceani spolia ampla ferat, conchylia, cassas
 Ridiculi Mauortis opes, & inania lucra.
 Vos aliò spes pulchra citat, repetitaque Diuūm

Caligula
 apud Sue-
 tonium.

Signa

Signa mouent, viduo Lechiæ succurrere Sceptro:

Ite graues meritis Animæ, paribusque secutas

Auspicijs apimate Rates, ô bina Togati

Nûmina consilij. Ne Castora defere Pollux

Sepositas initure vias. Ne separet Æquor,

Quos genus & genius, maiestatisque maritæ

„ Causa ligat. Melius gemino micat ignis ab igne:

„ Iactatamque docent duo certiùs astra Carinam.

Dic age Varmiacæ decus immortale Tiaræ,

Tantane te dubij cepit fiducia Ponti

Naufragij intrepidum? Velisne capacibus, omnem

Accipies Borean? alibi securius acta

In laudes cadet vnda tuas: Crystallina Tethys

Depositum tam grande vehat? cûi vitrea frangi

Colla, genæque leues, & lubrica fallere ceruix.

Periuero ne crede mari. Tritonibus vllam

„ Reris inesse fidem? Nihil est quod in æquore tuto

„ Spreueris. Insidias Maleæ, Syrtesque dolosas

Vt taceam, volat ante Pauor, manifesta que lethi

Effigies oculos euerberat. Africus inde

Inde minax Aquilonis hyems; hinc Balthica terret

Cærulei caligo freti. Quò tanta volentem

„ Regum iussa vocant? An & ipsa pericula mundi

„ Discere pro tanto, vel temnere Principe, dulce est?

„ Adde, quòd Heròum puppes, maiora que claustra

„ Oppugnat maiore globo Neptunus, aquosa

„ Rex patriæ. Decimo quatitur Prætoria fluctu.

Scilicet infesto propè gurgite vidimus haustos

„ Exulis Æncæ socios. Benè, parus Phalesus

„ Labitur, Adriacæ quamuis ruat æstus habenæ.

I tamen & tumidas animis euince procellas,

Frangere

Legati, Senatus auctoritate & sanguine sibi coniunctissimi

Ad Antistitem Varmien dum nauim cõscenderet.

Mare Balthicum.

Decuma. n° fluctus.

Magnanimitas Læ

- Frangere Euros, moderare Austrum, sæuſq; coërce.
 Æoliæ famulos: ignobile vulgus aquarum
 Hellespontiacæ captiuans veſte catenæ.
 Fors & Agenoreo multum generoſior auſu
 Æquoreum tibi Taurus iter ſignabit, & Aſtrum
 Sufficiet, Cynofura tuis vt noctibus abſit.
 Vna VLADISLAI fortuna ſequetur viroſq;,
 Alterutrum fors æqua loci ſi deferat. Omnes
 Expediet LVDOVICA vices. Dabit omnia virtus,
 Si Nemefis Parcæque negent. Hic alite dextrâ
 Remigat, à tergo quem Fas & Numen adurgent;
 Quantumcunque moras laterum, tabulataq; circum
 Seditio ventroſa fremit, maria omnia torquens
 In caput vniûs. Non exſuperabile Fatris
 Eſt iugulum quod Balchi petis. Scyllæa Charybdis
 Peſtoris infracti ſolidam non ſubruet arcem.
 Nouerit Oceanus Domino cui pareat. Iô
 Præſuleâ prece detumuit Neptunia nubes,
 Nereidum plauſere chori, Delphines euntem
 Terga ſuper veſtare ſcapham, viſique iocoſis
 Flexibus, inuitare retro ludentia Cete.
 Quæ rapidum docuit miſceſcere dextra Biſontem,
 Hæc eadem digreſſa fretis portenta domabit.
 Prô Superi! quantis Regum ventura parantur
 Fœdera diſſidijs! Terror præluſit Amori!
 O Lechiæ tutela tuæ Rex maxime, totâ
 Miſcet humo pelagoq; tuum Dea Pronuba nomen
 Miſcet, Amazoniæ cultus imitata Camillæ,
 Sidereos acciacta ſinus, propiorque ſeuera
 Palladis ingenio, formoſius ardet ab armis.
 Nobilibus nec obeſt gemmis conchyle, nec auro

LASCZYſſIA
Catenas

Helleſ-

ponto in-

iecit Xer-

xes. Biſon

alius Tau-

rus ſylue-

ſtris LE-

SCZYſſIO-

rum inſi-

gne.

Taurus cæ-

leſte ſignû.

Periclitantur naues

Leſczyſſij.

Vis Ponti-

ficiæ pre-

cationis.

Stemmatis

Leſczyſſia-

ni occaſio.

Maris Bal-

thici oram

præterue-

cti ſunt Le-

gati.

„ Glarea, nec Tyrio temeratur purpura tabo.

Quid, quòd inaurato circumsonat aureus arcu
Nec temerè vacuum iaculatur in æthera telum
Flexaminâ puer ille manu; neque cæcus vt olim
Impetus, Hinnuleas docilis configere damas:
Nil oculis vulgare legit, sed arundine certâ
Imminet, & prædas magnæ cervicis anhelat;
Mantua Regifico quales alit ardua saltu.

Digressis at enim patrio de limite, fidâ
Teutonicæ ditione soli, dedit hospita primos
Drezna Lares, parili vice, Volemburgica certant
Moenia. Plus vltra contendit honore Sthetini
Nobilitas, referatque domos, & fana recludit.
Nam quis Rostochiam generosa examina Pubem
Transferit? motis Academia tota Lyceis
Tendit in occursum. Certat cum Pallade Mauors
Hospitij pro laude: Tubis hic, ille Camænis.
Pars gentilitiæ sublimia Carbasa Cymbæ
Colligit in nodos, pars explicat amne diserto.
Ille canit Socios, Typhiniq; volatilis alni, &
Orpheæ non scopulos Thracû, sed corda trahentem
Eloquijs. Pars Pegaseo temone, vibrantes
Debita L E S C Z Y N I I vehit inter sidera, Vittas.
Pars, veteris prælustre Fere caput inserit astris,
Virginis Europæ misso vectore subvndas.

Taliter antithetis ludentem sæpè Thaliâ
Audijt, inque vicem pro se pugnantibus hospes
Adstitit ingenijs OPALINIVS, auctor Honoris
Ipse sui: placidum formosa modestia vultum
Purpurat. Incertus, laudernè locuta diserrè
Rostra perorantùm: sed se laudauerit, ampli

Cupido
Phætratus

Prima Sta-
tio Palatini
Drezna
Sueciæ pro
pugnaculû
Voleburgi
Sthetini.
Rostochiû
vbi officio-
sè a Senatu
& Acade-
mia acce-
ptus
Lusus Ora-
torum ac
Poetarum
in stemma
râ Legato-
rum.
Caput Bi-
sontis Tau-
ro Ageno-
reo præfer-
tur.

Rostochia:
na Acade-
mia.

Mate.

Materies opulenta metri. Certamina Vatum
 Approbet? argumenta quibus dedit ipsemet. Ille
 Carmen habet plerumque, gerit qui carmine digna
 Sufficiens animam fidibus, flamenque Poëtis.

Sic demum Batauas Comes interfatus Athenas
 Comiter argutâ pressit breuitatē Laconem:

Respondet
 OPALIN⁹
 tantæ hospi-
 talitati.

- „ Natales ô ergo foris Honor aduena terras
 „ Inuenit, & Patriam patrio dimotus ab axe?
 „ Dilectæ Musis animæ! quibus Attica Suadæ
 „ Temperies & Sparta domi, communibus æquæ
 „ Militat obsequijs, & moenia duplice vallo
 „ Consilij Martisque tegit: ne robur eadem,
 „ Debuerat quâ stare diu, sub mole fatiscat.
 „ Roma suis veluti perijt malè viribus vsa.
 „ Forsan & Italiæ domitrix Carthago stetitset,
 „ Nî foret ingenuæ studijs inimica Mineræ,
 „ Heu nimis armorum sitiens! Hic Laureæ Linguae
 „ Annuit: arma Togæ pulchros famulantur in vsus,
 „ Et famulentur adhuc; roties nec in horrida belli
 „ Cœpta Duces populosq; trahât. Quid multama? nebit
 „ Fixus amor, socijsque fides inscripta medullis.
 „ Dixit: in hanc subito ceciderunt barbita vocem.

Laus Ro-
 stochij non
 litterati mi-
 nus quam
 armati

Romæ &
 Carthagi-
 nis occasus
 & causa.

Mensa nihil populare sapit; simul erudit aures
 Docta fames. Lecto stat Apollinis ordine, pulchra
 Lege satellitium. Citharæ pater Orpheus adstat,
 Gratia prælibat calices, tenet altera nectar:
 Delicias Helicon, mittit bellaria Cynthus,
 Delphica mala Deæ, quarum quæ proxima Phæbo
 Maicstate, refert, absentis imagine multum
 Capra VLADISLAI, fecere silentia Musæ:

Senatus &
 Academia
 apparatissi-
 mo conui-
 uio excipi-
 untur à Pa-
 latino.

Diue Iagelonides quo præside perfida fractam

Certamen
 Poëtarum,

Plorauit fortuna rotam, didicere Tyranni,
 Odyssæ sensistis aues, infauista rapinæ
 Pabula, nec Schytiâ missos impunè latrones.
 Exue belligeram tantisper fulmine dextram,
 Herculeos age monstra sinant cessare lacertos.
 Quis pudor Alcidae, spoliū prægrande leonis
 Ponere? & assuetam necibus suspendere clauam.
 Sic etiam vigilem sauiamq; nec Annibal excors
 Obsiterit, Pœni qui robora militis, & se
 Perdidit hyberni Campana per otia luxus.
 Non ita Te Genitor gelidâ durare sub Arcto
 Acribus erudiit monitis, vt fracta videres
 „ Corda dolens animosq; virum. Stat inertia contra
 „ Laxamenta, Lechi facies intenta Gradiui.
 „ Et legum licet timor excubat, ordine mortis
 „ Omnia complexo, ductisq; ter vndique fossis:
 „ Ne qua patrociniū scelerei manus addat, auaram,
 „ Aut grauis argento pertingat Asellus in urbem,
 „ Arietet inque seras, non Pelias hasta, sed aurum.
 Vix ea finierat, cū subiicit altera, tristes
 Deproperans Elegos, functam sic quæstæ RENATAM
 Denia prò rerum series! etiamne sereno
 Inuidit Lucina toro? illisitq; nefastus
 „ Augusto Tumulus Thalamo? nec dispare lauro
 „ Seposuit, mutilas Nemesis violenta Cupressos?
 „ Illidens taxos hederis, & Solibus Vmbas.
 Pluraque tentasset, nisi plangere plura paranti
 Argentum vocale chelys rupisset Apollo.
 „ Quid malè compositam rursus linescere cogis.
 „ Musa cicatricem? Non his geniale querelis.
 Tempus eget: tetricæ procul hinc exeste Camæna.

Vtadis
 Earlv Re-
 gis inuicti
 fini Pan-
 gyris.

CÆCILIA
 RENATA
 occasus.

Red.

„ Redditur *Æneæ* fatis erepta *Creusa*:
 Ipsa fatigati post mutua prælia mundi
 Componit *Cytheræa* minas, Bellique-Potentem
 Exarmat, sed adultus Amor. nec lege sub vna
 Fingit *Hymen Præana*, tubas & tympana plectrum,
 Flamea vexillum, supplet *Caducifer* Hastas.
 Occurrit vinctique negat *Lubecca*, Senatûs,
 Et *Procerum* torrente fluens. *Arx* igne remugit:
 Ambulat omnis ager cumulis, & iugera mustant.
 Singula mirantes populos bonus erigit error.
 Tanta vel absentium rapir expectatio Regum
 Alterno clamore sonat per mutua centum
 Ora *VLADISLAVS*, bipotentibus obuia portis
 Turba meat, subeunt Equites, & campus adhinnit,
 Æra crepant, populis feruent pomæria, Ciues
 Dant aditus; fluit vnda foro refluitque iuuentas
 Multa salutantis. Teneris non blandius vlla
 Cantibus, herodam *Sirenula* distulit *Argo*,
 Aut refugum docto modulamine flexit *Vlyssæm*.

Ludor? an *Hamburgi* se propugnacula tollunt:
 Mercibus & belli studiis *Carthago* secunda,
 „ Digna loci genio, rectisque inducere Reges.
 „ Omnibus omne solum domus est Heroibus vna.
 Magnarum satur hæc rerum Legatus, amico
 Vincula supercilio, poenasque relaxat in vrbe
 Supplicibus, veniamque orat, remouetque secures.
 „ Quos miseris adimi prohibes Orator, eosdem
 „ Addis *OPALINE* soles tibi. *Brema* secundis
 Condita Cælitibus, quo te satis ore Tuosque
 Prosequar indigenas? æquataque culmina cælo?
 Ingenium quam mite tibi! quam pectora nudus

LUBECCA
 humanita-
 tis officio
 par cæteris
 Pomeraniæ
 Ciuitatibz.

Hamburgi
 Germaniæ
 opulentissi-
 mum em-
 porium.
 Hic *Opalini* non-
 nullis poe-
 nâ capitis
 deprecatur
Brema ho-
 spitalitatis
 laude vix
 non prima.

Candor inest; quæ forma loci! qui vultus Honesti,
 Qui modus armorum! quàm custodita Seueri
 Religio, quàm docta suis munimina claustris,
 Aptaque puluereo moles digesta fragori.

Munitio
 Bremana.

Oldemburgiæ quis munera nesciat oræ?
 Muneribusque pares animos? etiamne recursat
 Gentis honor? dulcesque situs, viridaria, saltus,
 Lustraque venantium lepido clamata tumultu.
 Innocuis festiua sonis tormenta superbas
 Hic feriunt impune dapes: hic cervus heriles
 Figitur ante oculos. per tot discrimina laudum
 Tendimus in Latium famæ, gens extera. Tandem
 Hospita patricias remoue Pomerania mensas;
 Quò Regum studiosa vrgent mandata, sequamur;
 Increpat Autumnus, matura flagrantibus vuis
 Tempora præcinctus, frontem liuente racemo.

Oldembur-
 gium. hic
 plusculum
 commora-
 tus, eximi-
 is cultus of-
 ficijs & do-
 narijs Le-
 gatus.
 venationi
 interest.
 16. Septe-
 bris venit
 ad Frisiæ
 confinia.

„ Omnia sunt magnis æqualia mentibus, impar
 „ Coniugium non esse potest, quod audentibus astris
 „ Iustior æquali dispensat Libra bilance,
 „ Raraque (cen fuerat Geminis) concordia Fratrum
 Conciliat. Tam longa viæ fastidia, sæpè
 Tincta verecundo sale fabula temperat, ægras
 Permulcente moras ac tædia, gentis amore.

Sole in Li-
 bra tunc di-
 versante.

Antistes &
 Palatinus
 Legati Fra-
 tres conso-
 brini.

Iam quoq; Varmiæ longo procul ordine currus
 Terrarum per aperta ibant; cum fama per Vrbes
 Per sola grarantis Frisiæ, dominataque latè
 Regna Batauorum volitans, cupida agmina tecis
 Elicuit; simul indigenas exciuit ad arma
 Arma sed officij. Riserunt oppida faustis
 Plausibus, ad positos vt lata celeusmata remos
 Margine responsant, Placitis Hollandia nostris

Fama nup-
 tiarum, im-
 plet Frisiæ.
 Hollandiæ.

Conso-

Consonat, Arctōumque refert per cæcula Sponsum
 Veliuolis inuecta rotis; vbi decolor Indus,
 Diues Oromusij; vbi grandinat insula gemmis.

Interea iunctis equitum peditumque cæteruis

Immigrat actutum Bataue Lesczynius Vrbi

Et Roterodamios implet sacer aduena muros,

Extremum positurus iter cum Fratre Duumuir.

Ac veluti pluuiæ satur Istula, Vere repenti

Cum socias accepit aquas, aut quando solutas

Immodico bibit ore niues, & iunxit vtrumque

Robur, inexhausto rapitur per plana tumultu, &

Frugiferas vehit amne rates, gaudetque tricena

Classe coronari, comitantibus vndique cymbis:

Taliter egregiæ iam tum præludia scenæ

Accessu creuere pari. Vix machina paucas

Impulerat stellata rotas Hyperionis, & iam

Belgiaci nitidus micat, Orbis & Urbis Ocellus,

Musarum bellicque capax Antuerpia. Phæbi

Prima domus: Lareloquij, docta atria Mentis.

Inde Brabantini non vltima gloria cali

Bruxellæ sublime caput, conantur in astra

Et Galli spatiosa procul confinia cernunt.

Vix bene Lutetiæ turres ac recta patebant,

Cum subitus Comitū conclamat ab agmine Kostka:

(Diutorum genus ille sacro de sanguine sanguis)

O regio dilecta Lechis! ô sera voluptas!

Te decorum Matrem de tot magis vrbibus vnam

Flagitat Europæ domitor. Da iungere dextram

Quâ Reges & regna trahis. Tua Lilia noster

Campus auet, quanquam facundior ille Rosarum

Quas eror Edonius, non pictus Adonidis hortus

Connēni
unt Legati

Antuerpia
Lipſio Vr-
biū oculus.

Bruxellæ

Lutetia.

Comes à
Sternberg
ex profapia
B. Kostka.

Lilia Gal-
licana.

,, Con-

„ Conserit, hostili generosa Rosaria tabo
 „ Dulcè rubent. Messè proprij cur Mantua Veris
 „ Inuideas? non semper hyems Arctòæ Bòotæ
 „ Stringit humum; Lechicis etiam nascuntur in oris
 „ Perpetui flores, inscripti nomen Achillis,
 „ Non vultus Narcissè tuos: Mauortia crescunt
 Gramina Cadmæi deducta noualibus agri.

Ecce autem proprio micant fastigia cliuo,
 Murorum patèt omne latus, patet ardua visu
 Regia, lata situ, nec marmoris indiga, cœli
 Æmula, contiguo quam ducta palatia flexu
 Obsidionalis cinxerunt more Coronæ.

Regiæ magnificèntia

Substitimus. Pars comit equos, circumq; sonātes
 Cornipedi phaleras accommodat: ille Smaragdis
 Turgida, multiplici distinguit ephippia, necto, ac
 Mygdoniæ affingit speciosa choragia plumæ,
 Pegason assimilans lenibus qui remiget alis.
 Hūic Phrygio chlamydem discreuit Hethruria fūco
 Insuper hinc inde notis. Hūic gemmea strinxit
 Fibula Achæmenios cinctus, vestemq; Lacænam.
 Ille catenarum grato non absq; tumultu
 Mobilibus Latiale iubis interplicat aurum
 Solis ad inuidiam! Patrij sua gloria moris
 Quemq; rapit. Non laurigerum si Mantua bustis
 Eliciat vatem, celebris proscenia pompæ
 Expediet. Non tot fremuere Corinthia Graiis
 Lustra choris, dum sacra Dijs decurreret Isthmos;
 Nectot Olympiacis plausere theatra cateruis:
 Quantus equis, quantusque viris refluentibus ardor
 Parisiam Lechicis vrit splendoribus urbem!
 Primus ut instructos Paranymphe Marte Quirites
 Vidit

Apparatus
Legationis

Vestium
exquisite
elegancia.

Virgilium
Mantuanū.

GALLICANA.

308

Vidit OPALINIUS, partitus & ipse vicissim
Vittato cum Fratre vices, vocemque, profatur:

Blogium
Galliarum.

„ GALLIA Nobilium genitrix foecunda Dearum
Hospitio dignata Deos, mare Sanguinis alti
Pande sinus. Genusecce genus Mauortis & insons
Annibal ad portas, ramum prætendit Oliuæ.

Tullius 2.
Philip.

Quis labor ô Ciues? Laribus quæ causa frequêtes
Elicit? Vndantes Euripi more plateas
Non benè submotum vulgus bibit ore, bibitque
Sequana, concitis ad tinnula sinistra Napæis.

Spectantiâ
multitudo
incredibili

Quin & quadrupedes (fuerit,) cœu spiritus idem
Qui dominis) patulis generosos naribus ignes
Atque oculis habituq; vibrant, equitemq; supinant
Leniter, & versis faciles dant ora lupatis.

Equorum
generosi
tas,

Curritur, innumeris feruet discursibus omnis
Porticus: hi redeunt, illi venientibus obstant.
Vix pudor innuptas prohibet: vix grandior ætas
Caniciem tardat. Dictæ data copia lucis.

Tota ciui-
tas Luteti-
arum effu-
sa.

Expectant auidæ Matres, & lumina centum
Centenas optantque acies. Per compita sermo
Vnus: adesse viros, Latij qui prisca Triumphi
Secula, Romanæ qui maiestatis auitos

29 Octobr
solemni
pompa Vr-
bem iuue-
huntur.
Publicus

Restituant animis, opibus, cultuq; decores.
Flaminias iterumq; vias, iterumq; PHILIPPI
Legatos, pariter promptos linguâque manuq;.
Libera mens & Suada Lechis, & dextra; Senatu,
Campo, consilijs, & legum vindice ferro.

Galliarum
sensus de
hac Lega-
tionis ma-
state, .

Ergo aliquis, Magni cui non duntaxat inane
Nomen ALEXANDRI, dictis ita lustrat acutis:
Desine Sarmatici miratrix turba Triumphi
Assyrios reputare viros, mollesue superbi

ALEXAN-
DER OPA-
LINIUS

Pp

Muri-

Muricis heredes. Non Serica regna venimus:
 Perfidis aut pugiles, arcu, phatetrisq; videndi.
 Namq; paludatos quæ nunc indulget amictus
 Hora, secuturus belli mox detrahet usus.
 Quem Tyrio fulgere vides in tegmine; toruæ
 Tygridis hic idem spoliū, vultusq; Chimæræ
 Induet. Hos humeros Pardi Gryphesq; decebunt.
 Quæ modò suffixum grauis vngula succutit aurum,
 Post chalybum nodos & ahenea frustra repostet.
 Ferrea gemmiferis inducet flumina venis
 „ Mars Lecheus. Inest etiam sua gratia ferro.
 Threijciæ sonipes qui nunc niue purior, altum
 Gyrat herum, gemmis & lacti concolor, idem
 Decolor hostili pinget de strage capillum,
 Gaudentemq; iubam posito iactantior ostro
 Soluet in arma ferox. Phaleras confundere tabo
 Hic mallet quem cernis equus; licet æqua venustas
 Certatim maculis internigrantibus, albam
 Assimilet cum nocte diem. Qui poplite flexo
 Cum Domino procumbit humi Regemq; salutat
 Confessus quadrupes, animosus ad horrida surget
 Classica: bellator pugnace monilia collo
 Excutiens. allos posthac ediscere saltus
 Incipiet clangente tubâ, gressusq; citabit
 Doctior alteriûs choreæ. Iam porticus ingens
 Ceperat, ingressos læuâ dextrâq; Polonos,
 Hæc ubi panduntur magnorum oracula Regum.
 Cum prior eloqui; referat LESZYNIVS amnem
 Affatuq; sacer Regalibus influit Hospes
 Auribus, & tenerum delenit Nestor Achillem.
 Altera victuri post fata Parentis imago

Parodia ad
 Heroicam
 A. Remy
 Oratoris &
 Poetæ Gal-
 lici Musæ.

Solez au-
 ro elabo-
 rat.

Equus O-
 PALINSKI
 Legatio.

Discolores
 aliquorum
 equi.

Ioan.
 Trach
 Gniński.

Aula Re-
 gia, ibi-
 demq; au-
 dientia.

Episcopus
 Varmiens,
 primò pe-
 rorat.

Et

Et Sceptri spes nata tui DELPHINE, sagaci
 Ingenio prægressæ moras ætatis, & altâ
 Indole restituens LVDOVICI nomen & omen;
 Qui Tibi cum patrio patrium dedit ense lacertum,
 Quo pugil obrunces hydras & monstra Lemani
 GALLICVS Alcides. Lechici consulta Senatûs
 Ritè probes; Europa diu quod tota poposcit,
 Mantua promisit, genialibus annue Regnis
 Adjiciens Aquilis Aquilas, & LILIA SCIRO.
 Cernis? vt ad Thalami Sacraria constitit auspex
 Terrarum procus orbis; adest Mars Belgicus iræ
 Parcior, & purâ solitò clementior Hastâ
 Alternæ dirimit ciuilia damna ruinæ.
 Terribiles tacuere rubæ: fragor occidit, algent
 Fulmina, telorumque seges decrescit in almæ
 Messis Hyperboreas, at non siné sanguine Lauros!
 Tanta IAGELLONII subiit reuerentia Sceptri
 Damnatas ad bella animas! & tanta verendi
 Cura tori! Puduit cupidum sua serò Graduum
 Cœpta retractari; nec adhuc feralia pugnæ
 Semina, Lethiferis Erebi defossa cauernis
 Mutua sacrilegum per viscera ducere ferrum.
 Inuida quia etiam geniali turre micantes
 Erubuit Bellona faces, Tædamque iugali
 Accensam de luce, suis non feruere rixis,
 Classica misceri Citharis, Thalamisq; Trophæa,
 Et lituos calamis consuescere, Lætæ seueris,
 Nil & Amazoniæ Musas debere Camillæ
 Indignata, hederam Domino porrexit Amori,
 Se vinci gauisa palàm, frenosque momordit.
 Hæc satis absenti pro Principe. Cætera, mentis

DELPHINE
 NVS LVD-
 VICI XIII.
 Filius Gal-
 liæ Rex.

Summa Le-
 gationis.

Poloni Re-
 gis & Re-
 gni Stepha-
 Scirpus, &
 Aquila.

Faces bel-
 licæ in Tæ-
 das transe-
 unt nuptia-
 les.

Fida, reuelato narrabit Epistola vultu
 Arcanos patefacta sinus, custode Sigillo.
 Dixit: Hydaspæis vterat variata lapillis
 Tænia, centenos replicato fulgure Soles
 Conficit, & dulci peragrat conclaue Sereno,
 Mens tamen, & Suadæ facies pretiosior auro est!
 Pònè subit Fratrisque premit vestigia, culti
 Oris OPALINEVS: (propior tunc fortè sedebat
 Ascanio Genitrix, effulta curulibus altis)
 Nî tibi scandentem Superi Capitolia Regni
 Præriperet Libitina Patrem Rex vnice, staret
 Gallorum fortuna triplex, & maior inesset
 Lux Solio, tripliei de Sidere nata, serenans
 Externos etiam Thalamos. Nunc Sole fugato
 Quod superest vnum te Cynthia spectat Eöum.
 At nos vnde domo? quibus huc properam? ab oris?
 Quod genus? Argolicas tantum ne credite puppes,
 Quas auri peregrina fames, aut Colchicæ Phryxi
 Vellera, famoso vel custodita Dracone
 Poma iuuant. Alias alio sub Iasone merces
 Vestigare, nouus pepulit calor. Omnibus vnâ
 Classibus & studijs inquirimus Heröinam.
 Nec mala Dardaniæ, vetiti neq; Graia moramur
 Furta tori. Capta celebrata decennia Troiæ,
 Scimus, & inuisâ Paridem exsecramur in vrnâ
 Dignum odijs iraque Deæ: nil iura fidemq;
 Hospitij, nil bella breui ventura pauentem.
 Parcite regna metu, Superûm concordibus orsa
 Res agitur placitis. Helenam consensit in istam
 Orbis, eunt tutis terrarum fœdera velis.
 Quis vetet? impavidum pharetrati numen Amoris.

Literas
 Rege fu
 exhibit
 sczyniv

Oratio O
 PALINII
 ad Regem
 Galliarum

Argonautæ

Paris re
 ptor Hele
 næ.

Pez

Per medias acies, cataphracta per agmina cursu
 Fertur ouans: hilaresq; ciet per castra choreas,
 Lorica præfertq; Togam. Delubra Pauori
 Belligerans voueat Tullus, nos Pacis amica
 Tempa decent, decet Ara Sacra deuota Quieti.
 Laxari post multa solet conamina virtus.

Tollus Ho-
 stilius a-
 pud Liviū.

Rēspiret bellator equus; dum serra decoris
 Annumerat Bellona lucris, myrtoque potitur
 Infringens hederas digitis. Communibus adde
 Et Tua consilijs: Sociam Sceptriq; Torique
 Tende VLADISLAO. Post prælia dulce remitti.
 Grator est rigida veniens ē casside Virtus,
 Bellorum cupido quæ nupserat ante Gradiuo.
 Sic ait. ingenuo dependet ab ore loquentis
 Curia, subscribitq; suæ facundia formæ.

Nec mora, Primores Comitum, Narusq; Parentq;
 Percontata SIGISMUNDI super indole multa,
 Multa super Lechici rogitat molimine regni:
 Accipiunt redduntq; sonos interprete nullo,
 Tanta peregrinæ sedet experientia linguæ!

Colloquia
 Regiæ Ma-
 jestatis cū
 Legatis Po-
 lon,
 Quorum
 vtriq; sum-
 ma linguæ
 Gallicæ
 notitia.
 Palatium
 Ducum
 Niuernē.
 LVDOVICA
 MARIA.

Ergo salutati reduces à limine Regis
 Celsa Niuernani petiēre Palatia Tecti.
 O decus antiquum! lucrosi ò meta laboris!
 Quis tibi tūc LVDOVICA animus, cum propter eūtes
 Prospiceres de turre Lechos tibi dona ferentes
 Dona VLADISLAVM, & medii suffragia Regni?
 Non fasces Rex ille tibi GONZAGA, sed ultro
 Pectoris Herōi facilem submittit Amorem.

„ Et regno, & totā dotabere LIBERTATE.

„ Præsul vī vnanimi stipatus Achate, profundum

„ Augustale subit, sic temperat orsa duorum:

Vltima curarum ratio, supremaq; merces
 Et Nurus & Regina Lechi: de stirpe Dearum
 Descendens veterum salue Dea. moribus aurum
 Ingenio gemmas extinguere nata, pudicam
 Huc attolle aciem, taciti quid conscia signet
 Baiula sermonis, quid litera fida loquatur.
 Sic equidem spondente polo LVDOVICA futurum.
 Ducebas animo: nec te spes irrita ludit.
 Transcendunt Tua vota modū. Si serò merentem
 Te comitatur Honor, fortunæ culpa morantis
 Illa fuit; sed præpes Amor castigat vtrumque
 Crimen. habet Regnum non ambiosa cupido.
 Hæc Lechici virtute Patres, his moribus optant
 Viuere, nutriti sub LIBERTATE Quirites.
 Hæc ait: & medijs adamantina munera dictis
 Ter sacra simulachra Crucis dotalia miscet;
 Qualia non Pyrrhi calauerat Annulus, ausi
 Nestere cum Musis & Apolline, grande Trophæum
 Regnantis post busta Dei de vindice ligno.
 Haud aliter spectante rubet Lavinia Turno,
 Natiuo Regina recens quam purpurat igni,
 Vicinas prægressa genis & vertice Nymphas.
 Iamq; recedebat thalamis, tamen usq; tuentū.
 Se signari oculis, & ad extera sceptrā vocari
 Gaudebat maturus Honor: nec enim altior vllis
 Maiestas humeris insederat, ore venustas.
 Tunc Symphoniacæ discors concordia rixæ
 Mollibus incubuit neruis: tunc nubis ahenæ
 Sulphurei tonitrus, & fulmina turribus altis
 Ad numerum tonuere. Stupet Vulcanus & antra
 Arrigit. Interea argutis insibilat aër

LESZYŃSKI
 Oratio ad
 LVDOVICUM
 CAM

Cui offert
 Epistolā a
 Rege Pol.

sponsalicia
 donaria eo-
 rumq; for-
 ma & pre-
 mium.

Verecun-
 dia LVDO-
 VICÆ

Musica è-
 ruſita
 Tormeto-
 rum exple-
 siones.

Inni-

Ignibus, & fausti volitant per inane Cometæ,
Ac vinci dubiam superant funalia noctem.

Artificios
ignes.

Regales tum verò focos & diuite luxu
Inflaurare dapes Bacchusque Ceresq; laborant
Obsequiis feruente domo. Stant vasa Corinthiis
Cæsa notis; aulae virent: operosa supellex
Fulgurat. hinc Proauum numerosa per atria pendet
Effigies; hinc penè loquax spirantia marmor
Prælia mentitur. Trabeis & murice flagrat
Regia, vix fidei spatium, vix lumina rebus
Sufficiunt; sed plura latent penetralibus imis.

Nocturna
spectacula.

Apparatus
conuiuij æ-
galis.

Prodiga Sidoniam ne fama loquatur Elisam
Fluctibus enantes, laceræ post Pergamæ Troiæ
Dignatam tecto profugos, Regemque per ignes,
Tela per, & strictos abeuntem cominus enses.
Dicam torua licet Dido audiat, audiat Annæ
Lutetiam Pater Æneas, & fidus Achates
Et puer Aescanius, medioq; reuersa iuuentus
Gurgite, posthabitâ maller Carthaginis arce.

Nec gemmis violant epulas atroque, fideles
Immiscent pateris animos & vota propinant:
Connubij per sacra, per augustos Hymenæos
Spumanti liquidas Ducunt cratere salutes.
Regna bibat cyathis Antonius integra, totas
Eliquet in pretium gemmas miracula Gangis.
Si mentum mentemq; mero confundit eodem,
Ne sibi tam caro placeat Cleopatra Falerno.

Regnum
bibisti An-
toni. Vox
Cleopatrar
Gemâ ace-
to eliquan-
tis.

Arboreas tondente comas & praræ Nouembris
Ibat equo, cum peruigilans OPALINVS inquit:
Surgamus, monet Hora, monent præsagia mentem.

Nouēber.

Anxia

Anxia solliciti mihi REGIS oberrat imago
 Per noctem, tardum damnantis Oriona, Semper
 O dubias in Amore moras momentaq; ! Tellus
 Gallica serò vale: dotalia regna valete
 Vel Genero, tantaq; Nuru, vel vtroq; beata.
 Nam quid ego votis Lechia iam plura paciscar,
 Præterea. nil maius habet quod Gallia nobis
 Proferat, aut si fors habeat, cepisse velimus
 Donati potiore Helenâ. spes certa sedebit
 Post Equitem, Lechicas Dominâ veniente sub oras.
 Maeste ingens animi Princeps, quo numine, quoue
 Ordine fatorum, in Patristibi nomen eunti
 Molle geri placuit rigidis Hymenæon in armis?
 Qui gurgēs tam surdus aquæ? quæ regna remotis
 Belgarum diuisa plagis, quod litus Hetrusci
 Tybris, & occidui deuexa cubilia solis,
 Aut Tagus & Ganges aut Scaldis, & Ister, & Albis,
 auritus Rhodaniq; latex, argutaq; Rheni
 Marmora, partitis non detonuere triumphis
 Pacifici Tua Festa Tori? Vocale maritis
 Regibus est nomen, vocalia gaudia. Nubunt
 Omnia felici sub Principe regna, Fidesque,
 Et pax alma iugo manibusq; cohæret iisdem.
 Ultimus infidi restat labor ire per æstum
 Balthidis. Ergo illum Regina seuerior oris
 Increpat, & primæ reminiscitur aula rapinæ:
 (Mitis & hîc etiam) Non hos, ait, improbe mores
 Præsuleæ meruere Rates, meruereq; magni
 Sceptra VLADISLAI, prædator vt æquoris audax
 Nauibus obstreperes Lechicis, vbi iura, Fidesque?
 Accipit ille minas, pudibundaq; gurgitis aluêo

Anxia VLA
 DISLAI EX-
 pectatio.

Amor, so-
 liciti resi-
 moris.
 Vale dici-
 tur Galliz,

Reditus Le-
 gatorum
 fortunatus,

Faustæ ac-
 clamatio-
 nes V L A-
 DISLAI IV.

Celeberrimi
 fluij
 Germaniæ
 Belgij &c.

Regū nu-
 ptiz quam
 late pateat

Balthicum

Tepestati-
 bns iacta-
 tz naues
 LESOZY-
 NIA

Ora

Ora regens, famulâ gestat ceruice Carinas,
Spectat vbi Septem-celsâ de turre. Triones
Dantiscus, duplici latè circumflua portu.

Dantiscus

Non mihi si totidè linguis, quot compita rhedis
Verba sonent; sperem innumeros euoluere rerum
Tantarum cumulos. Vchitur non lege sub vna
Per fora perq; domos, pompæ variantis imago,
Molliter hexaphoris, fluctuque impulsa rotarum.

Eiusq; in
Reginæ in
gressu tri-
umphus

Versicolor chlamydam reregit discrimina fucus.
Hic albet, viret hic, hic subrubet, ille nigrescit.
Haud secus ac picto crispata papauera vultu
Multiplices referunt habitus. Hyacinthina stare
Colla, putescue crocos, aut Lilia mista rosetis,
Vdaque cæruleum Violaria ferre capillum-

Gedanea-
sum disco:
lor equita-
tus.

Pande fores vrbs alta, subit noua mænia primûm
Et ciues Regina suos; Quam tempora Veris
Et Natalitio stipârunt LILIA vallo.

A Magistra
tu mo re
Regio in-
troducitur.
Laterna,
Pharus,
Balthica.

Tolle tuam, potior PHAROS en attollitur, astris
Finitimum sortita caput, natalibus ortæ
Lucis, Hyperboreos illustratura Triones.

Protinus i centum pedicis, centumque gementes
Obiicibus gazas, & gemmea prome Tributa
Vistulei referans æraria prodiga censûs.

Donaria
Civitatis
nomineo-
blata Se e-
missima
Sigismûd

Cernis vt adscitæ festinat ad oscula Matris
Ascanius, breuibuscque humeros amplectitur vlnis.
Nil agit Astyages Cyro. Fortuna pepercit

Casimirus
non senn
orbitatem
Dum Ma-
gis loco
accipit Lu-
douicam;

„ Expositum quem mallet auus. Nec iule Nouercam
„ Tu colis, in MARIA tibi fas reperisse RENATAM
„ Quæ SISMUNDE suos in Te transfundat amores,
Odecus, & lauros conseruature paternas!

Fallor? an hæc illa est Regum Varsavia nutrix

Q 9

(Cui

(Cui cedit clamata Iouis Vagitibus Ida)
 Principis opperiens aditus? Matresque videndi
 Effusæ studio? Lechici stant prima Senatûs
 Lumina: crebrescunt populi, Mauortia Pubes
 Ardet in occursum. Micuerunt aduena passim
 LILIA, Gallorumque retrò genialis inerrat
 Tempestas Equitum. Indigetes occurrere Diuos
 Crediderim! sic templa calent, sic Ara peractum
 Firmat opus præsentē fide! sic Annulus auro
 Cognatas Heroum animas felices in orbem
 Nectit amicitia. Regum sacra foedera, regni
 Fœnora sunt. Clausit reliquos OSOLINIA Suadæ
 (Lipsiacis tornata modis) opulentiæ plausus:

Hoc demum LUDOVICA tuo restabat agendum
 Delicio, gelidum trans-vt-plantaret in orbem
 LILIA, Sarmaticæ radio inscribenda coronæ.
 Arctoæ procul ite niues, procul hispida brumæ
 Regna, Terapneis ver halat odoribus, ex quo
 Reginas Aquilas, & Gallica LILIA Reges
 Accepit natale solum, Fortunaque Lechi.
 O benè quòd trifidi qui fulminis ante minister
 Sarmatico sua tela Ioui referebat & ignes,
 In placidi conclaue tori, iam pacis Oliuam
 Inuehit, & solito bipatentibus amplior alis
 Insternit patrium Rethelano Stemmata nidum.
 Dotalis GONZAGÆ Aquilas nostratibus augens.

Consimiles animæ norint vos Fata: Sororum
 Attonitas terrete colos, & serò Deorum
 Cætibus asserti Superis accumbite mensis.
 Musa Genethliaco redeat mihi sæpè corthurno
 Veridicas afflante lyras & barbita cœlo.

Varsovia
 Regū Pol.
 residentia.
 10 Martij
 lectissimo
 comitatu
 Varsouiam
 inuecta est
 Ludonica.

Georgius
 Ossolinus
 Cancellarius
 Regni
 salutatur
 Ludovicam.

Aquila Sarmatica.

Retheloni
 Princeps.

Aquila G.
 zagarum.
 Setenisk-
 mis Maie-
 statibus be-
 nè precatur

Augu-

Augurium non astra dabunt sed Numina Regum
In consanguineæ venientia Stirpis Honores.

Rex Patriæ commune bonū, quo Sospite vernat
Florida Libertas Lechiæ; cum Sceptra nec ambit
Extera, nec metuit, proprioque beata, refellit
Instabilis promissa Dæ. Magis illa virescit
Laurea, sanguineæ quam prolicit humor arenæ.
Quod venit è facili vile est. Plerumque Trophæa
Plus ferro contacta nitent. Sed tristibus ohe
Iam satis indultum, rigidis tua nomina castris
Transfer, & emerito pectus dimitte Gradiuo.

Libertas
Polon. vi-
res agnoui
tuas sub
VLADIS-
SLAO.

Ad VLADIS-
SLAUM

Ac licet Austriæ tibi dulcis imago RENATÆ
Et mentem rapit orbis amor, veterisque recurvat
Incorrupta fides animi; tamen hospita Regum
Natio, ne steriles numeret sine pignore Fastos,
Publica SARMATIGI repara dispendia SCRIPTI,
Et Patriæ Pater esse veta, sine Compare Matre.

ex publico
Europæ
voto.

APOSTROPHÉ

AD

VLADISLAVM IV.

IAm Scepbris Auguste tuis age pelle COLUMBAS,
Nidificant AQUILÆ melius, quibus augure calo
GALLICA Paciferum posuerunt LILIA nidum.
„ VLADISLAV fragor Schytæ! Non milite fasces
„ Nec solo chalybum sese fulgore tuentur.
Sola fides, & sola Tuæ præsentia famæ
Barbaricum patrijs prohibebit finibus hostem.

Qq 2

Conf.

Consilij celerique manu Solertia pugnat
 Cunctetur quanquam Fabius, neque nodis opertas
 Munere, felicius morâ, neque vincimus astu,
 Campestris manifesta patent ad bella Poloni
 Te Duce: Castrorum qui sic latus omne coronas
 Vt Tibi Dictator, Tibi miles, & ipse Senatus
 Ter geminis videre modis & imagine formæ.

Ducimur exemplis & ducimus. Ire per omnem
 Seu calor est, ASIAM, per & ultima Solis Eoi
 Regna, vel Aurora populos invadere promptum est
 Pectoribus, durare acri sub Principe natis.
 Militat omne tibi tempus: Tibi diuidit Horas
 Armipotens maiore stylo, non clepsydra lapsu
 Præcipitem confessa fugam. Capis omina pugna
 De Iouis armigero. Neq; consulis exta, sed ense,
 At non Tarquinij, qui summa papauera ferro
 Decutiens, Natum patrij documenta furoris
 Edocuit. Fronis nube carens, & parca cruoris
 Dextera componit faciles in pace Quirites,
 Et Sobolem regnare docet Virtute magistrâ;

Quam Tuus augustâ qui nunc tibi ludit in aula
 Combibit *Afranius*, tarda que crepundia velox
 Increpat ætatis, nec ab indole sistitur, qui
 Nondum plenus Honor. Magnæ Capitolia Mentis
 Ingreditur, clypeumq; Patris tener ambit Alumnus
 Pugnaces ulturus Auos, nomenque Parentis
 Threycio fatale solo; ne turgidus vsque
 Eiser Amurates, Varnâ & se iactet inultâ.

Et pacem Bellona Tibi dispensat, & arma;

Quæ fuerant ludus puero, cum tristè rubentem

Aptares capitigaleam, bullasque iocanti

Stotemur
 DUS CASE-
 mirus Prin-
 cept.

Eius Regi
 a
 indoles, &
 propensio
 ad arma.

Pueritia
 VLADI-
 SLAV

Scuta.

Scutaque, loricaeque manu tractasse iuaret.
 Iam tunc artifices operum narraris ad ungues
 Respexisse Leo, viridi cum Veris in ortu
 Immaturus adhuc, externa per arua, minores
 Terrueras ceruice feras. Nec vana Trophæo
 Miltiadis fuit illa fides, quæ gesta parentis
 Emula, sollicitos poterant tibi rumpere somnos.
 Alter hic est Marathonis ager, sunt altera Daci
 Arua, Seguntinis veterum potiora Triumphis.
 Decolor hinc pariter Simois, Xantusque superbit
 Magnarum exutis animarum, trunca Gelonum
 Corpora transmittens Minõis ad usq. Tribunal.

Sic dubijs fidei quaritur dum fessa tot annos
 Moribus Europe, mires Tibi tempus in usus
 Labitur, & placidam præbent rata fœdera pompam.

F L N I S.

Errata sic corriges.

Folio 24. versu 2. liquiliorem, lege liquidiorum. fol. 56. V. 5. animæ lege animi.
 fol. 94. V. 17. nec, lege ne. fol. 98. V. 25. pretiū, leg. pretium. fol. 99. V. 26. iu-
 cunda, lege iucunda. fol. 100. V. 11. angustiores, lege augustiores. fol. 110. V. 21. da,
 lege ad. Ibid. V. 26. adesto, lege ad esse. fol. 112. V. 2. ipsa, lege ipse, fol. 115. V. 8.
 propoposita lege proposita. fol. 118. V. 3. excussisset lege excussisset. fol. 123. V. 3.
 commitem lege comitem. fol. 129. V. 8. feni lege feni. fol. 136. V. 17. Virida-
 rum, lege viridarum. fol. 138. V. 1. pstronanz, lege Pstronanz. fol. 144. V. 4.
 remidia, lege remedia. fol. 149. V. 13. NARIA, lege MARIA. fol. 166. V. 8. attoli,
 lege attolli. Ibid. V. 14. gloria, lege gloriæ. fol. 168. V. 8. colem, lege cotem. Ibid.
 V. 23. pattiz, lege Patriz. fol. 174. V. 15. infula, lege infulæ. fol. 176. V. 5. non
 dele. Ibid. V. 12. præstitiz, lege præstite. fol. 183. V. 25. annulum lege annu-
 lum, fol. 184. V. 15. amphitheatro, lege amphitheatro. Ibid. V. 25. opportuerit,
 lege

lege oportuerit. fol. 188. V. 21. euolante, lege euolante. fol. 193. V. 1. exstren-
 sis, lege castrensis. fol. 205. V. 17. Ecclesiam lege Ecclesiarum. fol. 219. V. 11.
 prouinciis, lege prouinciis. fol. 220. V. 2. gleria, lege gloria. Ibid. V. 25. iu, lege in.
 fol. 222. V. 19. depressoquo, lege depressoque. fol. 226. V. 1. tenentis, lege tenentes.
 fol. 229. V. 14. ad, dele. fol. 242. V. 16. fecissent, lege fecisset. fol. 243. V. 25.
 personatæ, lege personatæ. fol. 261. V. 22. Oblita, lege oblita. fol. 271. V. agent, le-
 ge agente. fol. 278. V. 17. apparitissimæ, lege apparitissimæ. fol. 284. V. 21. com-
 munescentium. lege Communescentium. fol. 302. V. 20. multa ma? nebit, lege multa?
 manebit, fol. 303. V. 25. Nemesis, lege Nemesis. fol. 304. V. iu, lege in
 fol. 307. V. 8. propiore, lege propiore.



en-
r.
in.
es.
sf.
le-
m-
?

G

Galana probato

End of the world

